



Č. S. BIBLIOTÉKA  
NÁRODNÍ A J. S. M. L. S.  
PRAHA

Kat. Komp  
11164

!

Mag. St. Dr.

P



XIV. 2. 66.

Donavit Cajetanus Kowalski  
Prof. Emeritus Lycei Acad.

$\frac{19}{7}$  1856

~~putative~~

Klassyey

M. TULLII  
CICERONIS

XII.

ORATIONES

OMNES CUM SUIS ARGUMENTIS,  
DISPOSITIONE, AC EXPLICATIONE RERUM  
DIFFICILIORUM.

PRO USU  
STUDIOSÆ JUVENTUTIS  
SCHOLARUM PIARUM



VARSAVIÆ

Typis S. R. M. & Reipublicæ in Collegio Scholarum  
Piarum Anno 1756.

*Kajitana Kowalskiego  
Najsz. dyceum kraj.*

AD LECTOREM.

Cùm Orationis cujusvis intelligendæ ratio sit potissima, noscere quam-primùm Argumenta, partes, ac dispositionem ejusdem; proinde Juvenum utilitati, tàm quò ad intelligentiam, quàm quò ad imitationem Ciceronis, per accommodum fore censuimus, ut & summa rei breviter comprehensa cuilibet Orationi præponeretur, & ars à Cicerone servata clarior fieret, & res difficiliores in iisdem Orationibus explicarentur: quò, Lector amice, nedum fructum, sed & voluptatem plurimam legendo capias. *Vale.*

11.164E





M. TULLIJ CICERONIS  
ORATIONUM.  
SELECTARUM  
LIBER.  
ORATIO. I.  
quæ est pro  
AULO LICINIO ARCHIA  
POETA.

Argumentum Orationis pro Archia:

*Syllani & Carbonis lege cives Romani habebantur, qui adscripti essent federatis civitatibus; Si tum, cum lex ferebatur, domicilium habuissent in Italia, ac intra LX. dies apud Prætozem professi essent.*

*Aulus Licinius Archias, Pœta & homo eruditus, cum ob ingenium & doctrinam multis præclaris viris charus esset, versareturq; in domo & familia Lucullorum, auctoritate & gratia L. Luculli, cum quo ex Cilicia decedens, Heracleam, federatam Romanis civitatem venerat, impetravit, ut in eam civitatem adscriberetur, & presente Lucullo adscriptus est.*

*Sed quia cum eodem aliquamdiu Româ absuisset, nec*

#### 4 ARGUMENT. ORATION PRO ARCHIA.

*ejus nomen inveniretur in Tabulis Censorum, nec Heracleensium, delatus est à Graccho; quasi se falsò pro cive gereret.*

*Cicero hunc Archiam, olim præceptorem suum defendit, in magno doctorum, studiisque faventium concursu, apud Prætozem, & dum hoc agit, pereleganter laudat studia literarum.*

*Rationes, quibus eum defendit; sunt quod sit adscriptus; quod Lucullus, & Legati Heracleenses id confirmant; quod tabula Heracleensium, unde id constaret, Bello Italico exusta, quod professus sit apud Prætozem Metellum; denique eum purgat, quod à Censoribus non sit census.*

*Stylus, seu dicendi character multum ad sublimitatem accedit, quia in laude studiorum multum versatur.*

*Genus tamen totum est Judiciale, etsi multum etiam habeat à demonstrativo. Est enim accusator, Gracchus; est reus, Archias; est patronus, Cicero; est Judex.*

*Oratio habita est annò V. C. DCXII. M. Pupio Pisone & M. Valerio Messala Coss. annum agente Cicerone XLVI. & Archia LVIII.*

*Eventus sine ulla dubitatione fuit felix, & Archias pro Cive habitus.*

---

### DISPOSITIO

#### Orationis pro Archia Poëta.

*Partes orationis sunt: Exordium, Propositio, Narratio, Confirmatio cum admixta sibi consutatione, & Peroratio.*

*In Exordio Cap. I. & II. testatur Orator gratum in Præceptorem suum animum, tum etiam deprecatur Judices, quod velit uti novo genere dicendi in Judicio, in laudem scilicet literarum excurrando,*

Propositionis partes sunt duæ. Cap. II. ad finem: uno contendit Cicero, quod Archias sit Civis Romanus. 2do etiamsi non esset Civis Romanus, tamen adsciscendus fuit.


Narratio Cap. III. complectitur rationem vite Licinii, & amplitudinem fama ipsius, ac veluti per gradus accedit ad confirmationem.

Confirmatio Partis 1mæ ( Archias est Civis Romanus ) tractatur per Enthymema: Prop: Antecedens: Cap. IV. Archias adscriptus est Heraclea Civitati faderate; Domicilium Romæ habuit; & apud Prætores professus est juxta legem. Quorum primum probatur ( per Confutationem Gracchi ) testimonio Luculli & Heraciensium. Secundum & Tertium tabulis Metelli. Deinde Cap. V. Prop. Consequens. infertur Comparatione quatuor Gracarum Civitatum; ubi etiam Cicero ostendit Archiam gessisse se pro Cive, cum & testamenta fecerit, & hæreditates adiverit &c.

Confirmatio Partis 2dæ ( si Archias Civis Romanus non esset, adsciscendus esset ) In qua parte talis syllogismus detegitur: Poeta, qui maximam voluptatem, utilitatem, atque laudem Civibus & Civitatibus afferunt ( quod suo, aliorumque exemplis probat ) digni sunt Civitate, at Archias Poeta idem nobis præstat ( quod probat, diversis eum locis laudando ) ergo &c. Et quidē quo ad Prop. Majorē Cap. VI. per Apostrophen ad Gracchum Cicero fatetur maximum fructum ac delectationem se ex studio literarum hausisse. Cap. VII. Confirmat Poetas esse utiles ex monumentis librorum, ac etiam quod doctrina omnis

naturã perficiat & ad res maximas gerendas excitez. Quo ad Propos: Minorem: (Archias Poeta doctus idem nobis prestat) id deducit Cap: VIII. ex versibus, quos vel ex tempore, vel meditate protulit Archias. Contendit itidem Cicero Archiam Civem debere esse Romanum; ac imprimis excurrit in Poëtarum laudes, quod sint quodam munere Deorum, quod sint sancti, quod saxa & bestia cantu Poëtarum flebantur. Tum demum Cap. IX. Archiam Civitate donandum probat exemplo eorum, qui Homerum post mortem expetierunt esse Civem suum. Cap. X. idem continuat exemplo multorum Imperatorum, qui tum alios Poetas alii, tum Archiam plures adamarunt, quod res eorum scripserint. Tum ex eo etiam, quod Græcus sit Poeta, ac proinde clarior, & quod habuerit Imperatores sibi faventes, à quibus, si non esset Civis Romanus Archias, Civitate facile donaretur. Denique Cap. XI. & XII. Cohortatur Cicero ad fovendum Archiam à studio cujusvis gloria perennis.

In Peroratione Cap. XII. Cicero breviter admonet Judices argumentorum, ac deprecatur, quod tali genere dicendi usus fuerit.



M. TULLII CICERONIS  
ORATIO I.  
PRO A. LICINIO  
ARCHIA POETA.

I. **S**I quid est in me ingenii, Judices, quod sentio quàm sit exiguum, aut si qua exercitatio dicendi, in qua me non inficior mediocriter esse versatum, aut si hujus. (1) rei ratio aliqua ab optimarum artium studiis & disciplina profecta, à qua ego nullum confiteor aetatis meæ tempus abhorruisse, earum rerum omnium vel imprimis hic Aulus Licinius fructum à me repetere prope suo jure debet. Nam quo ad longissime potest mens mea respicere spatium præteriti temporis, & pueritiæ memoriam recordari ultimam, inde usque repetens, hunc (2) video principem & ad suscipiendam, & ad ingrediendam rationem horum studiorum exstitisse. Quod si hæc vox hujus hortatu præceptisque conformata nonnullis aliis quando saluti fuit; à quo id accepimus, quo cæteris opitulari, & alios servare possemus, huic profecto ipsi, quantum est situm in nobis, & opem & salutem ferre debemus. Ac ne quis à nobis hoc  
ita

(1) *hujus rei ratio &c.* id est: facilitatis meæ in dicendo.

(2) *Hunc video mihi Principem &c.* quod Archias induxisset, incitassetque Ciceronem ad studia literarum.

ita dici forte miretur, quod alia (3) quædam in hoc facultas sit ingenii, neque hæc dicendi ratio, aut disciplina; (4) ne nos quidem huic cuncti studio penitus unquam dediti fuimus. Etenim omnes artes, quæ ad humanitatē pertinent, habent quoddam cōmune vinculum, & quasi cognatione quædam inter se continentur.

II. SED ne cui vestrum mirum esse videatur, me in quæstione legitima & in publico, cum res agatur apud Prætorem populi Romani, leuissimum virum, & apud severissimos Judices, tanto conventu hominum, ac frequentia, hoc uti (5) genere dicendi, quod non modo à consuetudine iudiciorum, verum etiam à forensi sermone abhorreat; quæso à vobis, ut in hac causa mihi detis hanc veniam accōmodatam huic reo, vobis, quemadmodum spero, non molestam, ut me pro summo Pœta, atque eruditissimo homine dicentem, hoc concursu hominum litteratissimorum, hac vestra humanitate, hoc denique Prætore exercente iudicium, patiamini, destudiis humanitatis

&

---

(3) *Quod alia quædam in hoc &c.* quia Achias fuerat Pœta dramaticus, Cicero vero Orator.

(4) *ne nos quidem &c.* quod non uni solum arti oratoricæ addictus Cicero, sed etiam in Poesi, ac aliis versatus fuerit.

(5) *hoc uti genere dicendi &c.* petit sc. Cicero, ut excurrat liberè in laudem literarum, quod non erat conveniens loco & causæ, cum in Iudiciis accusandi tantum, aut defendendi mos fuerit, nec aliud dicere severi Iudices permittebant.

6.

& literarum paulo loqui liberius & in ejusmodi persona (6) quæ propter otium ac studium minime in judiciis periculisque tractata est, uti prope nove quodam & inusitato genere dicendi. Quod si mihi à vobis tribui concedique sentiam, perficiam profecto, ut hunc A. Licinium non modo segregandum, cum sit civis, à numero civium, verum etiam, si non esset, putetis asciscendum fuisse

III. NAM ut primum ex pueris excessit Archias, atque ab iis artibus, quibus ætas puerilis ad humanitatem informari solet, se ad scribendi studium contulit primum Antiochiæ (nam ibi natus est, loco nobili, celebri quondam urbe, & copiosâ atque eruditissimis hominibus liberalissimisque studiis adfluente) celeriter antecellere omnibus ingenii gloria contigit. Post in cæteris Asiæ partibus, cunctâque Græciâ sic ejus adventus celebrabatur, ut famam ingenii expectatio hominis, expectationem ipsius adventus admiratioque superaret. Erat Italia tunc plena Græcarum artium ac disciplinarum, studiaque hæc & in Latio vehementius tum celebrabantur, quam nunc iisdem in oppidis, & hic Romæ propter tranquillitatem rei publicæ non negligebantur. Itaque hunc & Tarentini, & Rhegini, & Neapolitani civitate cæterisque præmiis donarunt, & omnes, qui aliquid de ingeniis poterant judicare, cognitione, atque

---

(6) & in ejusmodi persona &c. scil: præsentè Archia, qui studiis literarum intentus, causis dicendis nunquam affuit.

atque hospitio dignum existimarunt. Hâc tantâ celebritate famæ cum esset jam absentibus notus, Româ venit Mario consule & Catulo. Natus est primum consules eos, quorum alter res ad scribendum maximas, alter cum res gestas, tum etiam studium atque aures adhibere posset. Statim Luculli, cum prætextatus etiam tum Archias esset, eum domum suam receperunt. Sed etiam hoc (7) non solum ingenii ac literarum, verum etiam naturæ atque virtutis fuit, ut domus, quæ hujus adolescentiæ prima fuerit, eadem esset familiarissima senectuti. Erat temporibus illis jucundus Q. Metello illi Numidico, & ejus Pio filio: audiebatur à M. Aemilio: vivebat cum Q. Catulo, & patre & filio: à L. Crasso colebatur: Lucullos vero, & Drusum, & Octavios, & Catonem, & totam Hortensiorum domum devinctam consuetudine cum teneret, adiciebatur summo honore, quod cum non solum colebant, qui aliquid percipere, atque audire studebant, verum (8) etiam, si qui forte simulabant.

IV. INTERIM satis longò intervallò cum esset cum L. Lucullo in Ciliciam profectus, dum ex  
ea

(7) *Sed etiam hoc non solum ingenii &c.* id est: non solum propter ingenium & eruditionem, sed etiam quod probis moribus fuerit, Archias à Lucullis tam in Juventute, quæ per prætextatum intelligitur, quam in senecta æstimabatur.

(8) *verum etiam si qui &c.* hoc est: qui etiam curiositate ducti veniebant ad Archiam, eundem postea verè admirant.

ea provincia cum eodem Lucullo decederet, venit Heracleam. Quæ cum esset civitas (9) æquissimo jure ac fædere, adscribi se in eam civitatem voluit, idque cum ipse per se dignus putaretur, tum auctoritate & gratia Luculli ab Heracleensibus impetravit. Data est civitas Syllani lege & Carbonis. Si QUI (10) FOEDERATIS CIVITATIBUS ADSCRIPTI FUISSENT. Si TUM; CUM LEX FEREBATUR, IN ITALIA DOMICILIUM HABUISSENT, ET SI SEXAGINTA DIEBUS APUD PRÆTOREM ESSENT PROFESSI. Cum hic domicilium Romæ multos jam annos haberet, professus est (11) apud Prætores Q. Metellum familiarissimum suum. Si nihil aliud, nisi de civitate ac lege dicimus, nihil dico amplius: causa dicta est. Quid enim horum infirmari Gracæ potest? Heracleane esse eum adscriptum negabis? adest vir summa auctoritate, religione & fide L. Lucullus, qui se non opinari sed scire: non audivisse, sed vidisse: non interfuisse, sed egisse dicit. Adfunt Heracleenses legati, nobilissimi homines, qui hujus judicii causa cū mandatis & cū publico testimonio venerunt, hunc adscriptum Heracleensem dicunt. Hic tu tabulas desideras Heracleensem

(9) *æquissimo jure &c.* id est: iisdem legibus uterentur, quibus Roma.

(10) *si qui &c.* est lex lata à Syllano & Carbone Tribunis, quæ lege declaratur, qui sunt habendi pro Civibus Romanis.

(11) *Professus est &c.* quia Archias obtulerat se Prætori, ac tabulis, seu registro se inscribi procuravit.

sum publicas, quas Italico bello, incenso tabulario (12) interiisse scimus omnes. Est ridiculum ad ea, quæ habemus, nihil dicere; quærere, quæ habere non possumus: & de hominũ memoria tacere, (13) literarum memoriam flagitare: & cum habeas amplissimi viri religionem, integerrimi municipiũ iusjurandum fidemque: ea quæ depravari nullo modo possunt, repudiare, tabulas, quas idem dicis solere corrumpi, desiderare. At domicilium Romæ non habuit: is, qui tot annis ante civitatem datam sedem omnium rerum ac fortunarum suarum Romæ collocavit? At non est professus: Imo verò (14) iis tabulis professus, quæ solæ ex illa professione, collegioque prætorum, obtinent publicarum tabularum auctoritatem. Nam cum Appii tabulæ negligentius asservari dicerentur: Gabinii quamdiu incolumis fuit, levitas, post damnationem calamitas, omnem tabularum fidem resignasset; Metellus homo sanctissimus modestissimusque omnium, tanta diligentia fuit, ut ad L. Lentulum Prætorem, & ad Iudices venerit, &

unius

(12) *tabulario* id est, loco, ubi tabulæ publicæ asservabantur, seu Archivo.

(13) *de hominum memoria &c.* infertur, quod habenda sit magis fides hominibus, qui memoriã tenent Archiam fuisse in tabulas relatum, quam ipsi tabulis, quæ incendio perierunt.

(14) *Imo vero iis tabulis &c.* intelligit libros falsitati minime obnoxios.

unius nominis liturâ (15) se commotum esse dixerit. His igitur tabulis nullam lituram in nomine A. Licinii videtis.

V. QUÆ cum ita sint, quid est quod de ejus civitate dubitetis? præsertim cum aliis quoque in civitatibus fuerit adscriptus. Etenim cum mediocribus multis, & aut nulla, aut humili aliqua arte præditis gratuitò civitatem in Græcia homines impertebantur, Rheginos, credo, aut Locrenses, aut Neapolitanos, aut Tarentinos, quod scenicis artificibus largiri solebant, id huic summâ ingenii prædito gloriâ noluisse? Quid cum cæteri non modo post civitatem datam, sed etiam post legem Papiam aliquo modo in eorum municipiorum tabulas irreperint, (16) hic, qui nec utitur quidem illis, in quibus est scriptus, quod semper se Heracleensem esse voluit, rejicietur? Census nostros requiris scilicet. Est enim obscurum (17) proximis censoribus, hunc cum clarissimo impe-

(15) *unius nominis litura &c.* quod Metellus Lentulo detulerit nomen quoddam deletum, seu rasum in tabulis fuisse, & male de fide harum tabularum suspicatus est.

(16) *in eorum municipiorum &c.* hoc est: in numerum eorum, qui jure Romanorum gaudebant subreptitiè inscripti sunt, post legem Papiam, quæ fuerat de peregrinis urbe pellendis.

(17) *Est enim obscurum &c.* dicitur per Ironiam, ac si omnibus notum, non fuisse, scilicet iis temporibus census, qui tamen census non firmat jus civitatis, cum etiam peregrini cenferi possint, ut tributa solvant.

imperatore L. Lucullo apud exercitum fuisse; superioribus cum eodem quaestore fuisse in Asia; primis Julio & Crasso, nullam populi partem esse censam. Sed quoniam census non jus civitatis confirmat, ac tantummodo indicat, eum qui sit census, ita se jam tum gessisse pro cive iis temporibus, quæ tu criminaris, ne ipsius quidem iudicio eum in civium Romanorum jure esse versatum; & testamentum sæpe fecit nostris legibus, & adiit hæreditates civium Romanorum, & (18) in beneficiis ad ærarium delatus est L. Lucullo prætor, & consule.

VI. QUÆRE argumenta, si qua potes, nunquam enim hic neque suo, neque amicorum iudicio revincetur. Quæres à nobis, Gracche, cur tantopere hoc homine delectemur? quia suppeditat nobis, ubi & animus ex hoc forensi strepitu reficiatur & aures convicio defessæ conquiescant. An tu existimas, aut suppetere nobis posse, quod quotidie dicamus in tanta varietate rerum, nisi animos nostros doctrina excolamus, aut ferre animos tantam posse contentionem, nisi eos doctrinâ eadem relaxemus? Ego vero fateor, me his studiis esse deditum: cæteros pudeat, si qui ita se literis abdiderunt, ut nihil possint ex his, neque ad communem afferre fructum, neque in adspæctum lucemque proferre. Me autem quid pudeat? qui tot annos ita vivo, iudices, ut ab nullius me unquam tempore  
aut

(18) & in beneficiis &c: hoc est, quod ex ærario publico præmium Archiæ dabatur.

aut commodo aut otium meum abstraxerit, aut voluptas avocarit, aut denique somnus retardarit. Quare quis tandem me reprehendat, aut quis mihi jure succenseat, si quantum cæteris ad suas res obeundas, quantum ad festos dies ludorum celebrandos, quantum ad alias voluptates, & ad ipsam requiem animi & corporis, conceditur temporum, quantum alii tribuunt tempestivis conviviis, quantum denique alexæ, quantum pilæ, tantum mihi egomet ad hæc studia recolenda sumpsero? Atque hoc adeo mihi concedendum est magis, quod ex his studiis, hæc quoque censetur oratio & facultas, quæ quantacunque in me est, nunquam amicorum periculis defuit. Quæ si cui levior videtur, illa quidem certè, quæ summa sunt, ex quo fonte hauriam, sentio. Nam nisi multorum præceptis multisque literis mihi ab adolescentia svâssem nihil esse in vita magnopere expetendum, nisi laudem atque honestatem, in ea autem persequendâ omnes cruciatus corporis, omnia pericula mortis, atque exilii, parvi esse ducenda: nunquam me pro salute vestra in tot, ac tantas dimicationes, atque in hos profligatorum hominum quotidianos impetus obiecisssem. Sed pleni omnes sunt libri plenæ sapientum voces, plena exemplorum vetustas, quæ jacerent in tenebris omnia, nisi literarum lumen accederet. Quam multas nobis imagines non solum ad intuendum, verum etiam ad imitandû, fortissimorum virorum expressas, scriptores & Græci & Latini reliquerunt? quas ego mihi semper in administranda re-  
publi.

publica proponens, animum & mentem meam ipsa cogitatione hominū excellentium conformabam.

VII. QUÆRET quispiam, quid? illi ipsi summi viri, quorum virtutes literis proditæ sunt istanè doctrina, quam tu laudibus effers, eruditi fuerunt? difficile est hoc de omnibus confirmare, sed tamen est certum, quid respondeam. Ego multos homines excellenti animo ac virtute fuisse, & sine doctrina, naturæ ipsius habitu prope divino, per se ipsos & moderatos & graves exstitisse fateor: etiam illud adjungo, sæpius ad laudē atque virtutem naturam sine doctrina, quam sine natura valuisse doctrinam. Atque idem ego contendo cum ad naturam eximiam, atque illustrem accesserit ratio quædam conformatioque doctrinæ, tum illud, nescio quid, præclarum ac singulare solere existere. Ex hoc esse hunc numero, quem patres nostri viderunt, divinum hominem Africanum, ex hoc. C. Lælium, L. Furium, moderatissimos homines & continentissimos, ex hoc fortissimum virum, & illis tēporibus doctissimum, M. Catonem illum senem: qui profecto, si nihil ad percipiendam colendamque virtutem literis adjuvarentur nunquam se ad earum studium contulissent, quod si non hic tantus fructus ostenderetur, & si ex his studiis delectatio sola pereretur, tamen, ut opinor, hanc animi remissionem humanissimam, ac liberalissimam judicaretis. Nam ceteræ (19) neque temporum

---

(19) nam cetera Græcè. quod aliæ res, ac artes etiam usui nobis esse non possint semper & ubique, doctrina vero. & maxime Poësis è contra.

porum sunt, neque ætatum omnium, neque locorum: hæc studia adolescentiam alunt, senectutem oblectant, secundas res ornant, adversis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur (20) Quid si ipsi hæc neque attingere, neque sensu nostro gustare possemus, tamen ea mirari deberemus, etiam cum in aliis videremus.

VIII. QUIS nostrum tam animo agresti ac duro fuit, qui Roscii morte nuper non commoveretur? qui cum esset senex mortuus, tamen propter excellentem artem (21) ac venustatem videbatur omnino mori non debuisse. Ergo ille corporis motu tantum amorem sibi conciliarat à nobis omnibus: nos animorum incredibiles motus, celeritatemque ingeniorum negligemus? Quoties ego hunc Archiam vidi, iudices, ( utar enim vestra benignitate, quoniam me in hoc novo genere dicendi tam diligenter attenditis; ) quoties ego hunc vidi, cum literam scripisset nullam, magnum numerum optimorum versuum de his ipsis rebus, quæ tum agerentur, dicere ex tempore? quoties revocatum (22) eandem rem dicere commutatis verbis atque sententiis? quæ verò accuratè, co-

B

girate-

(20) *rusticantur.* sc. studia sunt nobiscum tum etiam, cum Ruri degimus, agimusve.

(21) *propter excellentem artem &c.* ideo, quia Roscius fuerat Pœta comicus.

(22) *quoties revocatum &c.* id est: cum iterum esset rogatus.

gitatèque scripſiſſet, ea ſic vidi probari, ut ad veterum ſcriptorum laudem pervenirent. Hunc non ego diligam? non admirer? non omni ratione defendendum putem? Atque ſic à ſummis hominibus, eruditiffimisque accepimus: cæterarum rerum ſtudia & doctrina, & præceptis, & arte conſtare, Pœtam natura ipſa valere & mentis viribus excitari, & quaſi divino quodam ſpiritu inflari. Quare ſuo jure ille Ennius ſanctos apellat Pœtas, quod quaſi deorum aliquo dono atque munere commendati nobis eſſe videantur. Sit igitur, judices, ſanctum apud vos humaniſſimos homines hæc Pœtæ nomen, quod nulla unquam barbaria violavit. Saxa & ſolitudo voci reſpondent, (23) beſtiæ sæpe immanes cantu ſeſtantur atque conſiſtunt: nos inſtituti rebus optimis non Pœtarum voce moveamur?

IX. HOMERUM Colophonii civem eſſe dicunt ſuum, Chii ſuum vendicant, Salamini repetunt, Smirnæi verò ſuum eſſe confirmant: itaque etiam delubrum ejus in oppido dedicaverunt; permulti alii præterea pugnant inter ſe, atque contendunt. Ergo illi alienum quia Pœta fuit, poſt mortē etiã expetunt, nos hunc vivum, qui & voluntate & legibus noſter eſt, repudiabimus? præfertim, cum omne olim ſtadium, atque omne ingenium contulerit Archias ad populi Romani gloriam, laudemque celebrandam, Nam & Cimbrias res adoleſcens attigit & ipſi illi C. Mario qui durior

---

*reſpondent.* id eſt: Echo reddunt.

durior ad hæc studia videbatur, jucundus fuit. Neque enim quisquam est tam averſus à Muſis, qui non mandari verſibus æternum ſuorum laborum facile præconium patiatur. Themiftoclem illum ſummum Athenis virum dixiſſe ajunt, cum ex eo quæreretur, quod acroſama, aut cujus vocem libentiſſime audiret. Ejus à quo ſua virtus optime prædicaretur. Itaque ille Marius item (24) eximie L. Plotium dilexit, cujus ingenio putabat ea, quæ geſſerat, poſſe celebrari. Mithridaticum vero bellum magnum atque difficile, & in multa varietate terrâ marique verſatum, totum ab hoc expreſſum eſt, qui libri non modo L. Lucullum, fortiſſimum & clariſſimum virum, verum etiam populi Romani nomen illuſtrant. Populus enim Romanns aperuit Lucullo imperante, Pontum (25) & regis quondam opibus, & ipſa natura regionis vallatū; populi Romani exercitus eodem duce, non maxima manu innumera- biles Armeniorum copias fudit; populi Romani laus eſt, urbem amiciſſimam Cyzicenorum ejuſdem conſilio ex omni impetu regio, ac totius belli ore ac faucibus ereptam eſſe, atque ſervatam: noſtra ſemper feretur & prædicabitur, L. Lucullo dimicante, cum interfectis ducibus depreſſa hoſti- um classiſ & incredibilis apud Tenedum pugna i-

B 2

la n

(24) *Itaque ille Marius. Græ.* qui, ſcilicet, inſenſus qui- dem fuerat Pœtis, tamen & Archiam prius, & poſtea Plotium pariter Pœtam dilexit.

(25) *Pontum in Regnum, nempe, Mithridatis præſi- ditus Romanis.*

la navalis: nostra sunt trophæa, nostra monumeta, nostri triumphi. Quare quorum ingeniis hæc feruntur, ab iis populi Romani fama celebratur. Carus fuit Africano superiori noster Ennius; itaque etiam in sepulchro Scipionum putatur is esse constitutus è marmore. At iis laudibus certè non solum ipsi, qui laudantur, sed etiam populi Romani nomen ornatùr. In cælum hujus (26) proavus Cato tollitur, magnus honos populi Romani rebus adjungitur, omnes denique illi Maximi, Marcelli, Fulvii non sine communi omnium nostrum laude decorantur. Ergo illum, qui hæc fecerat Rudium (27) hominem majores nostri in civitatem receperunt: nos hunc Heracleensem, multis civitatibus expetitum, in hac autem legibus constitutum, de nostra civitate ejiciemus? Nam si quis minorem gloriæ fructum putat ex Græcis versibus, quam ex Latinis, vehementer errat: propterea quod Græca leguntur in omnibus ferè gentibus, Latina suis finibus, exiguis sane, continetur.

X. QUARE si res hæc, quas gessimus, orbis terræ regionibus definiuntur, cupere debemus, quò minus manuum nostratum tela pervenerint, eodem gloriam famamque penetrare; quod cum ipsis populis, de quorum rebus scribitur, hæc ampla sunt;

tum

(26) In Cælum hujus &c. hic Cicero quendam Pronepotem Catonis indigitat præsentem in Judicio.

(27) Rudium seu Rudinum. id est Ennium in Oppido Calabriæ Rudiz dicto, natum:

tum iis certe, qui de vita gloriæ causa dimicant, hoc maximum & periculorum incitamentum est, & laborum. Quam multos, scriptores rerum suarum magnus ille Alexander secum habuisse dicitur? Atque is tamen, cum in Sigæo ad Achillis tumulū adstitisset: O! fortunate, inquit, adolescens, qui tuæ virtutis Homerum præconem inveneris! & vere. Nam nisi Ilias illa exstitisset, idem tumulus, qui corpus ejus contexerat, nomen etiam obruisset. Quid (28) noster hic Magnus, qui cum virtute fortunam adæquavit nonne Theophanem Mitylenæum, scriptorem rerum suarum, in concione militum civitate donavit, & nostri illi fortes viri, & rustici, & milites, dulcedine quadam gloriæ commoti, quasi participes ejusdem laudis, magno illud clamore approbaverunt? Itaque, credo si civis Romanus Archias legibus non esset, ut ab aliquo imperatore civitate donaretur, perficere non potuit? Sylla cum Hispanos & Gallos donaret, credo hunc petentem repudiasset? quem nos in concione vidimus, cum ei libellum malus Pœta de pœpulo subiecisset, quod epigramma in eum fecisset tantummodo alternis versibus longiusculis, statim ex iis rebus, quas tunc vendebat, jubere ei præmium tribui sub ea conditione, ne quid postea scriberet? Qui sedulitatem mali Pœtæ duxerit aliquo tamen præmio dignam, hujus ingenium, & virtutem in scribendo & copiam non experisset? Quid à Q. Metello Pio, familia-

---

(28) quid noster hic magnus. id est, Pompejus.

miliarissimo suo, qui civitate multos donavit, neque per se, neque per Lucullos impetravisset, qui præsertim usque eo de suis rebus scribi cuperet, ut etiam Cordubæ natis Pœtis, pingve quiddam sonantibus (29) atque peregrinum, tamen aures suas dederet.

XI. NEQUE enim est hoc dissimulandum, quod obscurari non potest, sed præ nobis ferendum, trahimur omnes laudis studio, & optimus quisque maximè gloriâ ducitur; illi ipsi Philosophi, etiam in illis libellis, quos de contemnenda gloria scribunt, nomen suum inscribunt: in eo ipso, in quo prædicationem nobilitatemque despiciunt, prædicari de se, ac nominari volunt. Decimus quidem Brutus, summus ille vir & imperator Attii amicissimi sui, carminibus templorum, ac monumentorum aditus exornavit suorum. Jam vero ille, qui cum Aetolis, Ennio comite, bellavit Fulvius, non dubitavit Martis manubias Musis consecrare. Quare, in qua urbe imperatores prope armati Pœtarum nomen, & Musarum delubra coluerunt, in ea non debent togati iudices à Musarum honore, & à Pœtarum salute abhorrere. Atque ut id libentius faciatis, jam me vobis, iudices, indicabo (30) & de meo quodam amore gloriæ nimis acri fortasse, verumtamen honesto, vobis confitebor. Nam quas res nos in consulatu nostro vobiscum simul

(29) pingve quiddam sonantibus &c. id est Pœtarum Cordubensium versus rudes ac aggresses audivit.

(30) indicabo sc. in exemplum proponam.

simul pro salute huius urbis atque imperii, & pro  
vita civium, proque universa republica gessimus,  
attigit hic versibus, atque inchoavit. Quibus au-  
ditis, quod mihi magna res & iucunda visa est,  
hunc ad perficiendum hortatus sum. Nullam enim  
virtus aliam mercedem laborum periculorumque  
desiderat, præter hanc laudis & gloriæ: qua qui-  
dem detractâ, iudices, quid est, quod in hoc tam  
exiguo vitæ curriculo, & tam brevi, tantis nos  
in laboribus exerceamus? certè si nihil animus  
præsentiret in posterum, & si quibus regionibus  
vitæ spatium circumscriptum est, eisdem omnes  
cogitationes terminaret suas, nec tantis se labori-  
bus frangeret, neque tot curis, vigiliisque angere-  
tur, neque toties de vita ipsa dimicaret. Nunc  
insidet quædam optimo quoque virtus, quæ no-  
ctes & dies animum gloriæ stimulis concitat, at-  
que admonet, non cum vitæ tempore esse dimit-  
tendam commemorationem nominis nostri, sed  
cum omni posteritate adæquandam.

XII. AN vero tam parvi animi videamur esse  
omnes, qui in republica atque in his vitæ pericu-  
lis laboribusque versamur, ut cum usque ad extre-  
mum spatium, nullum tranquillum atque otiosum  
spiritum duxerimus, nobiscum simul moritura  
omnia arbitremur? An cum statuas & imagines,  
non animorum simulacra, sed corporum studiosi  
multi summi homines reliquerunt; consiliorum  
relinquere ac virtutum nostrarum effigiem  
nonne multo malle debemus, summis ingeniis  
expressam & politam? Ego vero omnia, quæ ge-  
rebam.

rebam, jam tum in gerendo spargere me, ac disseminare arbitrabar in orbis terræ memoriam sempiternam. Hæc (31) vero sive à meo sensu post mortem abfutura est, sive, ut sapientissimi homines putaverunt, ad aliquam animi mei partem pertinebit: nunc quidem certe cogitatione quadam speque delector. Quare, conservate, iudices, hominem pudore eo quæ amicorum studiis videtis comprobari, tum dignitate, tum etiam venustate, ingenio autem tanto, quantum id convenit existimari, quod summorum hominum ingenii expetitur esse videatis: causa vero ejusmodi quæ beneficio legis, auctoritate municipii, testimonio Luculli, Metelli tabulis comprobetur. Quæ cum ita sint, petimus à vobis, iudices, si qua non modo humana, verum etiam divina in tantis negotiis commendatio debet esse, ut eum, qui vos, qui vestros imperatores, qui populi Romani res gestas semper ornavit, qui etiam his recentibus nostris vestrisque domesticis periculis æternum se testimonium laudum daturum esse profitetur, quique est eo numero, qui semper apud omnes sancti sunt habiti, atque dicti; sic in vestram accipiatis fidem, ut humanitate vestra levatus potius, quam acerbitate violatus esse videatur. Qua de causa, quæ pro mea consuetudine breviter simpliciterque dixi, iudices, ea confido probata esse omnibus: quæ non fori, neque judiciali  
 confve-

(31) *Hæc vero &c.* Fama scilicet & gloria recte gestis comparata, sive simul cum anima post mortem duratura sit, sive non, in presenti tamen delectant.

consuetudine & de hominis ingenio, & cōmuniter de ipsius studio locutus sum, ea, iudices, à vobis spero esse in bonam partem accepta: ab eo, qui iudicium exercet, certè scio.

## SENTENTIÆ

*AB optimaram artium studiis & disciplinis nullo ætatis tempore abhorrescendum.*

*Omnium studiorum fructum prope suo jure repetere potest, qui ad suscipiendum & ad ingrediendum rationem eorum princeps fuit. Et à quo accepimus, quo ceteris opitulari, & alios servare possemus, huic profectò ipsi, quantum est situm in nobis, & opem & salutem ferre æbemus.*

*Omnes artes, quæ ad humanitatem pertinent, habent quoddam commune vinculum, & quasi cognatione quadam inter se continentur.*

*Pulchrum est, cum famam ingenii expectatio, & expectationem adventus, admiratioque superat.*

*Doctos literatosque non solum colunt, qui aliquid percipere, atque audire student; verum etiam, si qui forte simulant.*

*Delectari oportet iis, qui suppeditant nobis, ut animus ex forensi strepitu reficiatur, & aures convitio defessa conquiescant.*

*Patrono causarum sive Oratori suppetere non potest, quod quotidie dicat in tanta varietate rerum, nisi animum doctrina excolat; nec ferre posset tantam contentionem; nisi eum doctrina relaxet.*

*Illos*

illos pudeat, qui se ita literis abdiderunt, ut nihil possint ex iis, neque ad communem afferre fructum, neque in aspectum lucemque proferre.

Quis eum reprehendat, aut quis ei jure succenseat, qui quantum ceteris ad res suas obeundas, quantum ad festos dies ludorum celebrandos, quantum ad alias voluptates, & ad ipsam requiem animi conceditur temporis, tantum sibi ad literarum studia recolenda sumpserit.

Nihil est in vita magnopere expetendum, nisi laus & honestas, in ea autem persequenda omnes cruciatus corporis, omnia pericula mortis, atque exilii parvâ ducenda sunt.

Animum & mentem ipsa cogitatione hominum excellentium oportet confirmare.

Sapias ad laudem atque virtutem natura sine doctrina, quam sine natura valuit doctrina,

Cum ad naturam eximiam, atque illustrem accesserit ratio quadam, confirmatioque doctrine, tum illud nescio quid præclarum, ac singulare solet existere.

Si viri præstantissimi nihil ad percipiendam colendamque virtutem literis adjuvantur, nunquam se ad earum studium contulissent.

Studia literarum adolescentiam acuunt, senectutem oblectant, secundas res ornant, adversis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur,

Cæterarum rerû studia & doctrinâ, & præceptis & arte constant; Pœta natura ipsa valet & mentis viribus excitatur, & quasi divino quodâ spiritu afflatur.

Nemo

Nemo est tam aversus à Musis, qui non mandari  
versibus aeternum suorum laborum facile præconium  
patiatur.

Cupere debemus, quò manuum nostrarum tela per-  
venerint, eodem gloriam famamque penetrare: iis  
certe, qui de vita gloriæ causa, dimicant, hoc maxi-  
mum & periculorum incitamentum est & laborum.

Trahimur omnes laudis studio, & optimus quis-  
que maxime gloria ducitur.

Ipsi illi Philosophi, etiam in illis libellis, quos de  
contemnda gloria scribunt, nomen suum inscribunt:  
in eo ipso, in quo prædicationem nobilitatemque de-  
spiciunt, prædicari se ac notari volunt.

Virtus nullam aliam mercedem laborum periculo-  
rumque desiderat, præter hanc laudis & gloria.

Si nihil animus præsentiret in posterum, & si, quibus  
regionibus vita spatium circumscriptum est, eisdem  
omnes cogitationes terminaret suas; nec tantis labo-  
ribus se frangeret, neque tot curis vigiliisque ange-  
retur, neque toties de vita ipsa dimicaret.

Insidet quædam in optimo quoque virtus, quæ no-  
les & dies animum gloria stimulis concitat, atque  
movet: non cum vita tempore esse dimittendam com-  
memorationem nominis nostri, sed cum omni posterita-  
te adæquandam.

Cum statuas, atque imagines, non animorum simu-  
lacra, sed corporum, studiosi multi summi homines re-  
liquerunt, consiliorum relinquere ac virtutum nostra-  
rum effigiem nonne multo malle debemus, summis in-  
geniis expressam & politam?

ORA-

## ORATIO. II.

quæ est pro

## M. MARCELLO.

Argumentum Orationis pro M. Marcello.

**M** Cl. Marcellus Consul nomine Cæsaris potentia resisterat, & de abrogando Cæsaris in Galliis ad quinquennium dato imperio egerat, eoque devenerat acerbitatis, ut Novocomensem jure Latii ( quod est, ut Magistratus, quique Magistratum gesserant Novocomi, cives Romani ex Cæsaris beneficio haberentur ) gaudentem, levi de causa virgis casum dimitteret cum contumelia, ut hæc peregrinitatis notas domum referret, Cæsariq; plagas ostenderet. Marcellus post aciem Pharsalicam Mitylenas se contulit, illic reliquum vite dulci otio quieturus.

Cæsar autem mox post Africam triumphatam dixerat C. Marcello, Marci nostri fratri. ad Cæsaris pedes procumbenti: ( nam & is Cæsarem deprimere studuerat, ideoque veniam petere cogebatur ) se Marco quoque ad Senatus petitionem ignoscere velle; addita tamen commemoratione offensarum. Dolor exinde Marci animo insidebat, & suspicio de majori acerbitate. Sed tamen auctoritatem ordinis Senatorii, dignitatemque reipublicæ suis doloribus vel suspicionibus maluit anteferre.

Orationis igitur Capita duo sunt: 1. dolor Cæsaris ex acerbitate Marcelli; 2. insidiarum suspicio: Ad 1. gratias agit Cicero, quod Cæsar auctoritatem Senatus & rempublicam preposuerit suis doloribus. Ad 2. diluit suspicionem de insidiis.

Status

*Status questionis ( ita ob faciliorem intellectum fingamus ) est duplex: 1. Comparativus: an Cæsar major victoriis, an hac clementia; Et hic ( quia in laude Cæsaris versatur ) Demonstrativum dicendi genus est. 2. deliberat: an adhuc Cæsar insidias timere debeat sibi que cavere; Et hic deliberativum genus est.*

*Stylus seu dicendi Character hujus Orationis mediocris, seu mixtus est ex sublimi Et subtili, magis tamen accedit ad sublimem.*

*Habita est hæc Oratio, cum Cæsar ex Africa victor rediret, anno V. C. DCCXII. C. Julio Cæsare Et M. Aemilio Lepido Coss: cum Cicero LXI. annum ætatis ageret,*

*Eventus fuit hic: Marcellus Romam tendens à P. Magio Chilona familiari suo occisus est, in Cæsarem vero nulla suspicio cadis fuit. Cicero Epist: ad famil. IV. 12. Et ad Atticum XIII. 10.*

## DISPOSITIO.

### Orationis pro M. Marcello.

*Partes orationis sunt: Exordium, Propositio, Confirmatio, Confutatio Et Conclusio.*

*In Exordio Cap. I. Cicero reddit causam, cur ad hunc diem siluerit, Et quare nunc tacere non possit, ubi Clementiam Cæsaris maximè in causa esse ostendit, qui restituto Marcello, restituit senatum pristinum, Reipublica auctoritatem reddidit &c*

*Propositio continetur duabus partibus, imò. Gloria Cæsaris maxima est ob restitutum senatui Marcello*

lum. 2da. consistit in Confutatione suspicionis & querelæ à Cesare de Marcello habitæ.

Confirmatio Partis 1mæ tractatur hoc Enthymemate: *Cæsar majorem laudem consecutus est ex restituito Marcello, quam ex omnibus victoriis, ergo maxima est illi gloria.* Prop: Antecedens amplificatur imo Cap. II. quia victoriæ non sunt propriæ Cæsaris, aut clementia est propria. 2do Cap. III. quia iram moderari est laudabilius, quam gentes barbaras domare ( ubi etiam Cap. IV. Cæsaris clementiam maximis effert laudibus, atque has laudes auget Cicero à Familia Marcellorum ab interitu revocata, qui semper Cæsarem sunt depradicaturi ) 3tio Cap. IV. quia Cæsar hactenus Victores vincebat, nunc vero seipsum, & ipsam Victoriâ vicit. 4to Cap. V. quia summo pacis studio ac victoria moderatione id, quod senatum senatuique Marcellum restituerit, Cæsar fecisse videtur, cum Authores pacis ( qualem se fuisse potissimum Cicero dicit ) conservaverit. Ac statim Cap. VI. explicat moderationem victoriæ, comparando Cæsarem cum aliis, si fuissent Victores; Ex quo simul concludit Cicero, atque Prop: Consequentem ponit, gratulando Cæsari tantam laudem, adhortandoque eundem ad conservandum bonos Viros & Cives.

Confutatio seu Pars 2da Orationis, imo tollit suspicionem & querelam de insidiis, & ne Cæsar eas timeat, suadet. 2do Negat Cicero Cæsarem satis vixisse vel naturæ, vel gloriæ.

Quo ad imum, imo Cap. VII. dicit Cicero omnes esse amicissimos Cæsari, ita, ut neminem timere, de nemine suspicari debeat. 2do quia nemo ignorat

rat salutem suam contineri in salute Cæsaris, ideo non est credibile, ut quis vitæ Cæsaris insidietur. 3tio quia omnes dolent potius, quod non sit Cæsar immortalis, quam, ut quis mortem ei peroptet. 4to denique Cap. VIII. amplificatur ex eo, quod à Cæsare omnia sunt restauranda.

Quo ad 2dum: Negat, scilicet, Cicero Cæsarem satis diu vixisse vel natura, vel gloria, vel sibi. Et imo Cap. VIII. & IX. ex eo, quia non sibi tantum est natus; 2do à Gloria & fama perenni; 3tio à Iudicio posterorum; 4to à Definitione gloriæ; 5to. denique Cap. X. à pace inter Cives ( quos ingeniose excusat ) parta. Vbi adhortatur etiam Cicero Cæsarem, ut ille vitæ suæ consulat, & nihilominus securitatem eidem à Civibus pollicetur.

In Conclusionem Cap. XI. Cicero redit ad gratias agendas Cæsari, & simul causas adfert, quod ipse susceperit officium dicendi.



ORA-

O R A T I O.  
P R O M. M A R C E L L O.

I. **D**uturni silentii P. C. quo eram his temporibus usus, non timore aliquo, sed partim dolore partim verecundiâ, finem hodiernus dies attulit, idemque initium, quæ vellem, quæque sentirem, meo pristino more dicendi. Tantam enim mansuetudinem, tam inusitatan, inauditamque clementiam, tantum in summa potestate, rerum omnium modum, tam denique incredibilem sapientiâ ac pene divinâ, tacitus nullo modo præterire possum. M. enim Marcello vobis. P. C. reique publ: reddito non solum illius, sed meam etiam vocem & auctoritatem, & vobis & reip: conservatam, ac restitutam puto. Dolebam enim, P. C. & vehementer angebar, cum viderem, virum talem, qui in eadem causa (1) in qua ego, fuisset, non in eadem esse fortuna, nec mihi persuadere poteram, nec fas esse ducebam, versari (2) me in nostro veteri curriculo, illo æmulo, atque imitatore studiorum, ac laborum meorum, quasi quodam socio, à me, & comite distracto. Ergo & mihi meæ pristinæ vitæ consuetudinem, C. Cæsar, interclusam aperuisti, & his omnibus ad bene de omni rep:

(1) *in eadem causa &c.* hoc est, quod uterque, tam Marcellus, quam Cicero à partibus Pompeii contra Cæsarem starent, & Cicero quidem brevi post reconciliatus fuerit Cæsari, Marcellus non item.

(2) *versari me &c.* quod sc. Cicero in senatu, in foro &c. dicendi morem intermiserat.

rep: sperandum, quasi signum aliquod sustulisti. Intellectum est enim mihi quidem in multis, & maxime in me ipso, sed paulo ante in omnibus cum M. Marcellum senatui, populoque Romano concessisti, commemoratis præsertim offensionibus, te auctoritatem hujus ordinis dignitatemque reip: tuis vel doloribus vel suspicionibus anteferre. Ille quidem fructum omnis vitæ antea et hodierno die maximum capit, cum summo consensu senatûs, tum præterea judicio tuo gravissimo & maximo: ex quo profecto intelligis, quanta in dato beneficio sit laus, cum in accepto tanta sit gloria. Est vero fortunatus ille, cujus ex salute non minor pene ad omnes, quã ad illum ventura sit, lætitia pervenerit. Quod ei quidem merito, atque optimo jure contigit, quis enim est illo aut nobilitate, aut probitate, aut optimarum artium studio, aut innocentia, aut ullo genere laudis præstantior.

II. NULLIUS tantum est flamen ingenii, nulla dicendi, aut scribendi tanta vis tanta copia, quæ non dicam exornare sed enarrare C. Cæsar, res tuas gestas possit: tamen hoc affirmo, & hoc pace dicam tua, nullam in his esse laudem amplio-  
(3) rem quam eam quam hodierno die consecutus es. Soleo sæpe ante oculos ponere, idque libenter crebris usurpare sermonibus, omnes nostrorum imperatorum, omnes exterarum gentium, potentissimorumque populorum, omnes clarissi-  
C mo-

---

(3) quem eam, quam hodierno &c. scilicet laudem ex eo, quod restitueris Marcellam Senatûs.

morū Regū res gestas, cum tuis nec magnitudine, nec numero præliorum, nec varietate regionum, nec celeritate conficiendi, nec dissimilitudine bellorum posse conferri. Nec vero disjunctissimas terras citius cujusquā passibus potuisse peragrari, quam tuis non dicam cursibus, sed victuriis illustratæ sunt. Quæ quidem ego nisi ita magna esse fatear, ut ea vix cujusquam mens, aut cogitatio capere possit, amens sim: sed tamen sunt alia majora. Nam bellicas laudes solent quidam extenuare verbis, easque detrahere ducibus, communicare cum multis ne propriæ sint imperatorum. Et certe in armis, militum virtus, locorum opportunitas, auxilia sociorum, classes, commeatus multum juvant: maximam vero partem quasi suo jure fortuna sibi vindicat, & quidquid est prospere gestum, id pene omne ducit suum. At vero hujus gloriæ (4) C. Cæsar, quam es paulo antè adeptus, socium habes neminem; totum hoc, quantumcunque est; quod certe maximum est, totum est, inquam, tuum. Nihil sibi ex ista laude centurio, nihil præfectus, nihil cohors nihil turma decerpit, quin etiā illa ipsa rerum humanarum domina fortuna, in istius se societatem gloriæ non offert, tibi cedit, tuam esse totam, & propriam fatetur. Nunquam enim temeritas cum sapientia commisceatur, nec ad consilium casus admittitur.

III. DOMUISTI gentes immanitate barbaras, multitudine innumerabiles, locis infinitas, omni copiarum genere abundantes: sed tamen ea vicisti,  
quæ

(4) At vero hujus gloriæ &c. quod restituerit Marcellum.

quæ & naturam, & conditionem, ut vinci possent, habebant. Nulla est enim tanta vis, quæ non ferro ac viribus debilitari frangique possit: verum animum vincere, iracundiam cohibere, victoriam temperare, adversarium nobilitate, ingenio, virtute præstantem, non modo extollere jacentem, sed etiam amplificare ejus pristinam dignitatem, hæc qui faciat, non ego eum cum summis viris comparo, sed simillimum Deo judico. Itaque, C. Cæsar, bellicæ tuæ laudes celebrabuntur illæ quidem non solum nostris sed penè omnium gentium literis atque lingvis: neque ulla unquam ætas de tuis laudibus conticescet. Sed tamen ejusmodi res (5) nescio quomodo, etiam cum leguntur, obstrepi clamore militum videntur, & tubarum sono. At vero cum aliquid clementer, mansvete, juste, moderate, sapienter factum in iracundia præsertim, quæ est inimica consilio, & in victoria, quæ natura insolens & superba est, aut audimus, aut legimus: quo studio incendimur, non modo in gestis rebus, sed etiam in factis, ut eos sæpe, quos nunquam vidimus, diligamus? Te vero, quem præsentem intuemur, cujus mentem sensusque, & os cernimus, ut quidquid belli fortuna reliquum reip: fecerit, id esse salvum velis, quibus laudibus efferemus? quibus studiis prosequemur? qua benevolentia complestemur? Parietes, medius fidius C. Cæsar, ut mihi videtur, hujus curiæ tibi gratias agere gestiunt quod brevi tempore futura sit

C 2

fit

---

(5) ejusmodi res. id est victoriæ, Triumpho &c.

fit (6) illa auctoritas in his majorum suorum, & suis sedibus.

IV. EQUIDEM cum C. Marcelli, viri optimi & commemorabili pietate præditi lachrymas modo vobiscum viderem, omnium Marcellorum meum pectus memoria effodit quibus tu etiam mortuis, M. Marcello conservato, dignitatem suam reddidisti, nobilissimamque familiam, jam ad paucos redactam, pene ab interitu vindicasti. Hunc tu igitur diem tuis maximis & innumerabilibus gratulationibus jure antepones. Hæc enim res unius est propria Cæsaris: cæteræ duce te gesta, magnæ illæ quidem, sed tamen multo magnæque comitatu. Hujus autem rei tu idem es & dux & comes, quæ quidem tanta est, ut Trophæis monumentisque tuis nulla allatura sit finem ætas, nihil enim est opere, aut manu factum quod aliquando non conficiat & consumat vetustas. At vero hæc tua justitia, & lenitas animi florescet quotidie magis, ita, ut, quantum operibus tuis diuturnitas detrahet, tantum adferet laudibus. At cæteros quidem omnes victores bellorum civilium, jam ante æquitate, & misericordia viceras, hodierno vero die te ipsum vicisti. Vereor, ut hoc, quod dicam, non perinde intelligi auditu possit, atque ego ipse cogitans sentio. Ipsam victricem vicisse videris, cum ea ipsa, quæ illa erat adepta, victis remisisti. Nam cum ipsius victoriæ condi-

---

(6) futura sit illa auctoritas. &c. dicit Senatores pro more ad Senatum redituros, qui bello destinebantur.

conditione jure omnes victi occidissimus, clementiæ tuæ judicio conservati sumus. Recte igitur unus invidus es, à quo etiam ipsius victoriæ conditio visque devicta est.

V. ATQUE hoc C. Cæsaris judiciū, P.C. quam late pateat attendite. Omnes enim, qui ad illa arma fato sumus, nescio quo, reipubl: misero funestoque compulsi, etsi aliqua culpa tenemur erroris humani, à scelere certe liberati sumus. Nam cum M. Marcellum deprecantibus nobis reipublicæ conservavit: memet mihi, & item reipublicæ nullo deprecante, reliquos amplissimos viros, & sibi ipsis & patriæ reddidit: quorum, & frequentiam, & dignitatem hoc ipso in confesso videtis; non ille hostes induxit in curiam, sed indicavit à plerisque ignoratione potius, & falso atque inani metu, quam cupiditate, aut crudelitate civile bellum esse susceptum. Quo quidem in bello semper de pace agendum audiendumque esse putavi, semperque dolui, non modo pacem, sed orationem (7) etiam civium pacem efflagitantium, repudiari. Neque enim illa, nec ulla unquam secutus sum arma civilia, semperque mea consilia, pacis & togæ socia, non belli atque armorum fuerunt. Hominem (8) sum secutus privato officio non publico, tantumque apud me grati animi fidelis memoria valuit

(7) *Orationem etiam. &c.* doluit Cicero preces & Consilia pacis a pluribus non admitti.

(8) *Hominem sum secutus. &c.* quod Cicero amplexus fuerit partes Pompeii tanquam amici & familiaris sui, hæc privata causa, non Publicum consilium.

valuit, ut nulla non modo cupiditate, sed ne spe quidem, prudens & sciens, & tanquam ad interitum ruerem voluntarium. Quod quidem meum consilium minime obscurum fuit. Nam in hoc ordine integrâ re (9) multa de pace dixi, & in ipso bello eadem etiam cum capitis mei periculo sensi. Ex quo nemo erit tam injustus rerum æstimator, qui dubitet, quæ Cæsaris voluntas de bello fuerit, cum pacis auctores conservandos statim censuerit, cæteris fuerit iratior. Atque id minus mirum fortasse tum, cum esset incertus exitus & anceps fortuna belli. Qui vero victor, pacis auctores diligit, is profecto declarat, se maluisse non dimicare, quam vincere.

VI. ATQUE huius quidem rei M. Marcello sum testis. Nostri enim sensus ut in pace semper, sic tum etiam in bello congruebant. Quoties ego eum & quanto cum dolore vidi, cum insolentiam certorum hominum, tum etiam ipsius victoriæ ferocitatem extimescentem? Quo gratior tua liberalitas, C. Cæsar, nobis, qui illa vidimus, debet esse. Non enim jam causæ sunt inter se, sed victoriæ comparandæ. Vidimus tuam victoriam præliorum exitu terminatâ, gladium (10) vaginâ vacuum in urbe non vidimus, quos amissimus cives, eos Martis vis perculit, non ira victoriæ: ut dubitare debeat nemo, quin multos, si fieri

(9) *integrare &c.* cum necdum ventum erat ad arma.

(10) *gladium vaginâ vacuum &c.* hoc est, quod post victoriam bello partam Cæsar crudelitatem non exercuerit.

ri posset, C. Cæsar ab inferis excitaret quoniam ex eadem acie conservat, quos potest. Alterius vero partis, nihil amplius dicam, quam id, quod omnes verebatur, nimis iracundam futuram fuisse victoriam. Quidam enim non modo armatis, sed interdum etiam otiosis minabantur: nec, quid quisque sensisset, (II) sed ubi fuisset, cogitandum esse dicebant: ut mihi quidem videantur dii immortales, etiam si poenas à populo Romano ob aliquod delictum expetiverint, qui civile bellum tantum, & tam luctuosum excitaverunt, vel placati jam, vel etiam satiati aliquando omnem spem salutis ad clementiam victoris & sapientiam contulisse. Quare gaude tuo isto tam excellenti bono & fruiere cum fortuna & gloria, tum etiam natura, & moribus tuis: ex quo quidem maximus est fructus iucunditasque sapienti. Cætera cum tua recordabere, etsi persæpe virtuti, tamen plerumque felicitati tuæ congratulabere. De nobis, quos in republica tecum simul salvos esse voluisti, quoties cogitabis, toties de maximis tuis beneficiis, toties de incredibili liberalitate, toties de singulari sapientia tua cogitabis: quæ non modo summa bona, sed nimirum audebo vel sola dicere. Tantus est enim splendor in laude vera, tanta in magnitudine animi & consilii dignitas, ut hæc à virtute donata, cætera à fortuna commodata esse vide-

(II) nec quid quisque sensisset &c. scil. non quid quis suaserit, egeritve, sed cui tantum parti adhæserit, pars adversa observabat.

videantur. Noli igitur in conservandis bonis viris defatigari, non cupiditate præsertim, aut pravitate aliqua lapsis, sed opinione officii, stulta fortasse, certe non improba, & specie quadam reipublicæ. Non enim tua ulla culpa est, si te aliqui timuerunt, contraque summa laus, quod plerique minime timendum fuisse senserunt.

VII. NUNC vero venio ad gravissimam (12) querelam, & atrocissimam suspicionem tuam: quæ non tibi ipsi magis, quam cum omnibus civibus, tum maxime nobis, qui à te conservati sumus, providenda est, quam etsi spero esse falsam, nunquam tamen verbis extenuabo. Tua enim cautio (13) nostra cautio est: ut, si in alterutro peccandum sit, malim videri nimis timidus, quam parum prudens. Sed quisnam est iste tam demens? de tuisne? tametsi qui magis sunt tui, quam quibus tu salutem insperantibus reddidisti? an ex eo numero, qui una tecum fuerunt? non est credibilis tantus in ullo furor, ut, quo duce omnia summa sit adeptus, hujus vitam non anteponat suæ. An si tui nihil cogitant sceleris cavendum est, ne quid inimici? Qui? omnes enim, qui fuerunt; aut sua pertinacia vitam amiserunt, aut tua misericordiâ retinuerunt, ut aut nul-

li su-

(12) *ad gravissimam querelam &c.* Cicero priore parte postquam Cæsarem laudibus satis extulerit pro benevolentia ejus in Marcellum, alteram partem ingreditur, quæ est de suspitione insidiarum diluenda.

(13) *Tua enim cautio &c.* hoc est: quod nolit Cicero suspitionem graviore sermone insectari ob respectum Cæsaris.

li super sint de inimicis, aut qui super fuerunt amicissimi sint. Sed tamen, cum in animis hominum tantæ latebræ sint, & tanti recessus, augeamus sane suspicionem tuam: simul enim augebimus & diligentiam. (14) Nam quis est omnium tam ignarus rerum, tam rudis in republica, tam nihil unquam nec de sua, nec de communi salute cogitans, qui non intelligat tua salute contineri suam, & ex unius tua vita pendere omnium. Equidem de te dies noctesque, ut debeo, cogitans, casus duntaxat humanos, & incertos eventus valetudinis, & naturæ communis fragilitatem extimesco: doleoque, cum republica immortalis esse debeat, eam (15) in unius mortalis anima consistere. Si vero ad humanos casus, incertosque motus valetudinis, sceleris etiam accedat, insidiarumque consensus: quem Deum, etiam si cupiat, opitulari posse reipublicæ credamus.

VIII. OMNIA sunt excitanda tibi C. Cæsar, uni, quæ jacere sentis, belli ipso impetu quod necesse fuit perculsa, atque prostrata: constituenda iudicia, revocanda fides, comprimendæ libidines, propaganda soboles, omnia, quæ dilapsa jam fluxerunt severis legibus vincienda sunt. Non fuit  
recu-

(14) *augebimus & diligentiam*, id est magis solliciti erimus in cavendo nobis ab omni vel levissimo periculo.

(15) *eam in unius mortalis &c.* hoc est, quod Reipublicæ integritas sita sit in unius Cæsaris salute, ac uti homini communibus periculis obnoxio, si adhuc insidiæ struantur, non est, quo Rempublicâ perituram dubitemus minime.

recusandum in tanto civili bello, tantoque animorum ardore & armorum, quin quassata Respublica, quicumque belli eventus fuisset multa perderet & ornamenta dignitatis, & præsidia stabilitatis suæ, multaque uterque dux faceret armatus, quæ idem (16) rogatus fieri prohibuisset. Quæ quidem nunc tibi omnia belli vulnera curanda sunt: quibus præter te, mederi nemo potest. Itaque illam tuam præclarissimam & sapientissimam vocem invitus audiui: **SATIS TE DIU VEL NATURÆ VIXISSE, VEL GLORIÆ.** Satis, si ita vis naturæ fortasse: addo etiam, si placet, gloriæ, at, quod maximum est, patriæ certe parum. Quare omitte, quæso, istam doctorum hominum in contemnenda morte prudentiam: noli nostro periculo sapiens esse. Sæpe enim venit ad aures meas te, idem istud nimis crebro dicere, **SATIS TE TIBI VIXISSE,** Credo: sed tum id audirem, si tibi soli viveres, aut si tibi etiam soli natus esses. Nunc cum omnium salutem civium, cunctamque republ. res tuæ gestæ complexæ sint, tantum abest à perfectione maximorum operum, ut fundamenta, quæ cogitas, nondum jeceris. Hic tu modum tuæ vitæ, non salute reipublicæ, sed æquitate animi definies? quid si istud ne gloriæ quidem tuæ satis est? cujus te esse avidissimum, quamvis sapiens, non negabis? Parumne? igitur inquires, (gloriam magnam) relinquemus? Imo vero aliis, quamvis multis, satis: tibi uni parum: quidquid

(16) *Qua idem rogatus &c.* alius Victor, præter te Cesar, bello vastatam Rēpublicam fortassis non restauraret.

quid enim est, quamvis amplum sit, id certe parum est tum, cum est aliquid amplius. Quod si rerum tuarum immortalium, C. Cæsar, hic exitus fuit ut, devictis adversariis, rempublicam in eo statu relinqueres, in quo nunc est: vide, quaeso (17) ne tua divina virtus admirationis plus sit habitura, quam gloriæ; siquidem gloria est illustris ac pervagata & magnorum vel in suos cives, vel patriam, vel in omne genus hominum, fama meritum.

IX. HÆC igitur tibi reliqua pars est, hic restat actus, in hoc elaborandum est, ut rempublicam constituas, eaque tu imprimis composita, summa tranquillitate & otio perfruare: tum te, si voles; cum & patriæ, quod debes, solveris & naturam ipsam expleveris satietate vivendi, satis diu vixisse dicit. Quid est enim omnium hoc ipsum diu in quo est aliquid extremum, quod cum venerit, omnis voluptas præterita pro nihilo est, quia postea nulla futura sit? quanquam iste tuus animus nunquam his angustiis, quas natura nobis ad vivendum dedit, contentus fuit, semperque immortalitatis amore flagravit. Nec vero hæc tua vita ducenda est, quæ corpore & spiritu continetur, illa, inquam, illa vita est tua, Cæsar, quæ vigebit memoria sæculorum omnium, quam poster-

(17) Vide, quaeso &c. hoc est, quod, si res Patriæ ad interitum pene bello redactas in ruinis permitteres, mirarentur omnes posterum, quod tantarum virtutum Cæsar cum fuerit, Rempublicam in bonum ordinem non redegerit.

steritas alet, quam ipsa æternitas semper intuebitur. Huic tu inservias, huic te ostentes, oportet: quæ quidem, quæ miretur, jampridem multa habet, nunc etiam, quæ laudet, expectat. Obstupescunt posterius certe imperia, provincias, Rhenum, Oceanum, Nilum, pugnas innumerabiles, incredibiles viatorias, monumenta, munera, triumphos audientes & legentes tuos. Sed, nisi hæc urbs stabilita tuis consiliis & institutis erit, vagabitur modo nomen tuum longe atque late: sedem quidem stabilem, & domicilium certum non habebit. Erit inter eos etiam, qui nascentur, sicut inter nos fuit magna dissensio, cum alii laudibus ad cælum res tuas gestas efferent: alii fortasse aliquid requirerent, idque vel maximum, nisi belli civilis incendium salute patriæ restinueris: ut illud fati fuisse videatur, hoc consilii. Servi (18) igitur iis etiam iudicibus, qui multis post sæculis de te iudicabunt: & quidem haud scio, an incorruptius quam nos. Nam & sine amore & sine cupiditate, & rursus sine odio, & sine invidia iudicabunt. Id autem etiam si tunc ad te, ut quidam falso putant, non pertinebit, nunc certe pertinet esse te talem, ut tuas laudes obscuratura nulla unquam sit oblivio.

X. DIVERSÆ voluntates civium fuerunt, distractæque sententiæ. Non enim consiliis solum,  
&

---

(18) *Servi igitur.* hoc est: attendas & verearis eos etiam, qui post te de te iudicabunt, & quidem liberius, sine metu, sine adulatione &c.

& studiis, sed armis etiam, & castris diffidebamus. Erat autem obscuritas quædam, erat certamen inter clarissimos duces: multi dubitabant, quid optimum esset: multi quod sibi expediret, multi, quid deceret: nonnulli etiam, quid liceret. Perfuncta respublica est hoc misero fatalique bello: vicit is, qui non fortuna inflammaret odium suum, sed bonitate leniret, nec qui omnes, quibus iratus esset, eosdem etiam exilio, aut morte dignos judicaret. Arma ab aliis posita ab aliis erepta sunt. Ingratus est, injustusque civis, qui armorum periculo liberatus, animum tamen retinet armatum, ut etiam ille sit melior, qui in acie cecidit, qui in causa animam profudit; quæ enim pertinacia quibusdam, eadem aliis constantia videri potest. Sed jam omnis fracta dissensio est armis, & extincta æquitate victoris, restat ut omne, unum velint, qui modo habent aliquid non solum sapientiæ, sed etiam sanitatis. Nisi te, C. Cæsar, salvo & in ista sententia, qua cum antea, tum hodie vel maximè usus es, manente, salvi esse non possumus. Quare omnes te, qui hæc salva esse volumus, & hortamur, & obsecramus, ut vitæ, ut salutis tuæ consulas, omnesque tibi, ut pro aliis etiam loquar, quod de me ipse sentio, quoniam subesse aliquid putas, quod cavendum sit, non modo excubias & custodias, sed etiam laterum nostrorum oppositus & corporum pollicemur.

XI. SED unde est orsa in eodem terminetur oratio; maximas tibi omnes gratias agimus C. Cæsar, majores etiam habemus; nam omnes idem senti-

sentiunt, quod ex omnibus precibus & lachrymis sentire potuisti. Sed quia non est stantibus omnibus necesse dicere: à me certe dici volunt, cui necesse est quoddammodo, & quod volunt, & quod decet, & quod M. Marcello à te huic ordini populoque Romano & Reipublicæ reddito, fieri intelligo. Nam lætari omnes, non ut de unius solum, sed ut de communi omnium salute, sentio: quod autem summæ benevolentix est, quæ mea erga illum omnibus semper nota fuit, ut vix (19) C. Marcello, optimo & amantissimo fratri, præter eum quidem, cederem nemini, cum id sollicitudine, cura, labore tandiu præstiterim, quamdiu est de illius salute dubitatum: certe hoc tempore, magnis curis, molestiis, doloribus liberatus, præstare debes. Itaque, C. Cæsar, sic tibi gratias ago, ut omnibus me rebus à te non conservato solum, sed etiam ornato, tamen ad tua innumerabilia in me unum merita quod fieri jam posse non arbitrabar, maximus hoc tuo facto cumulus accesserit.

---

(19) ut vix Marcello &c. hoc est. vix Marcellum pro seipso dicere, si vellet, Cicero permetteret.

---

## SENTENTIÆ

**M**odus in summa potestate rerum omnium laudandus est.

Qui in eadem causa fuerunt, par est eos in eadem esse fortuna.

Reipublicæ dignitatem privatis vel doloribus vel suspicionibus anteferre oportet.

Ma-

*Magna in dato beneficio laus est, cum in accepto magna est gloria.*

*Est vere fortunatus ille, cujus ex salute non minor pene ad omnes, quam ad illum ventura sit, latitia pervenerit.*

*Humanarum rerum domina est fortuna.*

*Fortuna in gloriæ clementia parte societatem se non offert.*

*Nunquam temeritas cum sapientia commiscetur, nec in consilium casus admittitur.*

*Iracundia est inimica consilio.*

*Victoria natura insolens & superba.*

*Frequenter evenit, ut eos, quos nunquam vidimus, diligamus.*

*Nihil est opere, aut manu factum, quod non aliquando consumat vetustas.*

*Locus justitiæ & clementiæ florescit quotidie magis ac magis.*

*Nonnunquam qui culpa tenentur erroris humani, tamen à scelere liberantur.*

*Valere debes apud nos grati animi fidelis memoria.*

*Dubitari non potest, quæ fuerit ejus voluntas de bello, qui pacis, auctores conservandos putat, ceteris est iratior.*

*Incertus est exitus & fortuna belli.*

*Plerumque præstat non dimicare, quam vincere*

*Ex moribus maximus est fructus, jucunditasque sapientiæ.*

*Tantus est splendor in laude vera, tanta in magnitudine animi & consilii dignitas, ut vel hac à virtute donata, cetera à fortuna commodata esse videantur.*

*Non*

*Non oportet in conservandis viris bonis defatigari.  
In bellis civilibus non semper culpa ducis est, si eum  
aliqui timent; contraque summa laus, quod plerique  
minime timendum putant.*

*Principum cautio, subditorum cautio est.*

*Præstat videri nimis timidum, quam parum prudentem.*

*Non est credibilis tantus in ullo furor, ut quo ducere  
omnia sit adeptus, hujus vitam non anteponat suam.*

*In animis hominum magna latebra sunt, & magni recessus.*

*Qui auget suspicionem insidiarum, auget & diligentiam.*

*Nonnunquam unius principis vita totius Reipublicæ  
salus continetur.*

*Incerti sunt eventus valetudinis.*

*Dolendum est, rempublicam, quæ immortalis esse  
debet, in unius mortalis anima consistere.*

*Ad ordinandam rempublicam constituenda judicia, re-  
vocanda fides, comprimendæ libidines, propaganda sa-  
boles, omnia, quæ dilapsa jam fluxerunt, severis le-  
gibus vincienda.*

*In civili bello multa dux facit armatus, quæ ta-  
gatus facere prohiberet.*

*Nos debemus alieno periculo esse sapientes.*

*Non nobis solis vivimus.*

*Multum abest à perfectione summorum operum, qui  
fundamenta, quæ cogitat, nondum jecerit.*

*Gloria, quæ aliis quamvis multi satis est, uni forti  
& generoso viro parum est.*

*Quid.*

*Quidquid est, quamvis amplum sit, id certe parum est, cum est aliquid amplius.*

*Gloria est illustris & pervagata multorum & magnorum, vel in suos, vel in patriam, vel in omne genus hominum, fama meritorum.*

*Qui & patria, quod debet, solverit, & naturam ipsam expleverit satietate vivendi, dicere potest, satis diu vixisse.*

*Nihil est diu, in quo est aliquid extremum: quod cum venerit, omnis voluptas præterita pro nihilo est, quia postea nulla futura sit,*

*Magnas angustias natura nobis ad vivendum dedit. Immortalitatis amore flagrandum.*

*Non est vita dicenda, quæ corpore & spiritu continetur.*

*Serviendum etiam iis iudicibus, qui multis post sæculis de nobis judicabunt.*

*Posterius de nobis & sine amore & sine cupiditate, & rursus sine odio & invidia judicabunt.*

*Etsi posterum iudicium ad nos nihil pertineret, nunc certe pertinet nos esse tales, ut nostras laudes obscuratura nulla unquam sit oblivio.*

*Non fortunâ inflammandum odium, sed bonitate leniendum.*

*Ingratus est injustusque civis, qui armorum periculo liberatus animum tamen retinet armatum.*

*Quæ pertinacia quibusdam, eadem aliis constantia videri potest.*

*Concordiam amant, qui habent aliquid non solum sapientiæ sed etiam sanitatis.*

## ORATIO. III.

quæ est

## PRO Q. LIGARIO.

Argumentum Orationis pro Ligario.

*EX* hac Oratione constat, quod Tubero, vel Pansa Pater ejus, Ligarium vehementer accusarit, tanquam Africam tenuerit contra Casarem, eamque Pompejanis Regique Juba seruarit, Tuberone, à Senatu eo misso, excluso, Cicero negat quidem Ligarium illa culpâ teneri, aut saltem minus quam ipse Tubero, quispe qui Africam tenente, terra prohibitus querelas suas detulit ad Cn. Pompeium. Sed submissione & deprecatione solita Casaris clementia magis nititur orator.

Status sunt duo: Defensio & Deprecatio.

Stylus dicendi hic mediocris, acutus & subtilis.

Habita Oratio Casare ex Africa victore redeunte, A. V. C. 707. Julio Casare III. M. Emilio Coss: cum Cicero annum atatis LXI. ageret.

Genus est judiciale, quatenus accusatur & defenditur Ligarius.

Eventus fuit talis, ut Casar permotus hac oratione ad clementiam, absoluerit crimine Ligarium.

## DISPOSITIO.

Orationis pro Q. Ligario.

Partes Orationis sunt: Exordium, Propositio, Narratio, Confirmatio & Peroratio.

In

In Exordio Cap. I. fingit se Cicero ignorasse id, quod Cæsar haberet sibi delatam culpam Ligarii, tum mox fatetur eandem, & ad Clementiam Cæsaris confugit. Denique Tuberonem Accusatorem, ac Patrem ejus dicit esse magis reos illius facti, cujus Ligarius accusatur.

Narratio Cap. I. ad finem & Cap. II. continet id, qualiter se gesserit Ligarius in Africa.

Propositio est non esse criminosum Ligario, quod fuerit in Africa in partibus Pompeii.

Confirmatio Propositionis ducitur ex eo, quod Ligarius neque veniens in Africam; neque ibi resistens ante, & post Tauri adventum, ullam culpam contra Cæsarem admisit. Quæ argumenta tractantur tali Enthymemate. Antecedens propositio Patronus Cicero, & ipse Accusator Tubero ( quos tamen Cæsar culpâ liberavit ) majus signum dederunt aliena à Cæsare voluntatis, quam Ligarius. Consequens Prop: ergo Ligarius neque veniens in Africam, neque post, ullam culpam contra Cæsarem videtur admisisse in cõparatione tam ad Ciceronẽ, quam Tuberonem à culpa liberos.

1ma Pars Antecedentis Prop: ( quod Cicero magis videbatur fuisse alienus à Cæsare ) Cap. II. nullo igitur &c. & Cap. III. amplificatur insigni licentia & exclamatione super clementia Cæsaris.

2da Pars Antecedentis Prop: ( quod Tubero magis insensus fuerit Cæsari ) imo Cap. III. vide quæso &c. amplificatur per repræhensionem Tuberonis, quod impudenter objiciat Ligario crimen, quod ipse admisit. 2do Cap. IV. & V. arguit Cicero Tubero-

*nis ac Patris ejus non tantum imprudentiam, sed etiam inhumanitatem & crudelitatem, quasi vellent Ligarium vitam privari, cum ipsi sint conservati, ubi etiam additur argumentum triplex augens crudelitatem Tiberonis; quod in foro supplicantium preces à Clementia Caesaris probibeat, quod Tubero Casarem velit esse crudelem, & quod omnino nolit, ut Casar misereatur Ligarii.*

*3tia Pars Antecedentis Prop: ( quod Ligarius non ita adversus Casarem steterit, ut Tiberones ) Amplificatur imo Cap. VI. ex Communi Pompejanorum causa, qui vel errore, vel fato, vel necessitate quadam sunt secuti Pompejum; & hoc firmatur exemplo Caesaris, qui ipse etiam arma sumpsit, ut bonos Cives conservaret. 2do Cap. VII. ex causa Ligarii, cui exorto jam bello difficilius erat ex Africa exire, quam Tubero voluerit Africam, quàm cum Ligarius prohibuit, contra Casarem obtinere; ubi etiam dicit Cicero Tiberonem Africa prohibutum esse potius à Varo, quam à Ligario. 4to Cap. VIII. probat Cicero pejorem causam Tiberonum, quam Ligarii, ex eo, quod illi pulsati ab Africa ad Pompejum iverint. 5to denique Cap. IX. quo declarat Tiberonem iniquius persequi Ligarium apud Casarem, amplificat per Ironiam Tiberonis Constantiam in tuendis Pompeii partibus.*

*In Peroratione Cicero totam causam Ligarii ( Cap. X. refert ad misericordiam Caesaris ut Parentis, non Judicis. Deinde Cap. XI. simulat se non audere ( cum ipse etiam fuerit Pompejanus ) petere pro Ligario, & adjungit preces aliorum, quibus bene affectus*

*affectus erat Caesar. Addit etiam Cap. XII. supplicationem Fratris Tuberonis Quaestoris apud Caesarem optime commendati. Denique eodem Cap. XII. hortatur Caesarem ad conservandum Ligarium, pro patri misericordia, quam praestitit Marcello non absque maxima gloria.*



ORA-

O R A T I O.  
 P R O Q. L I G A R I O.  
 A D C. C Æ S A R E M.

I. **N**OVUM (1) crimen Cæsar, & ante hunc diem inauditum, propinquus meus ad te Q. Tubero detulit Q. Ligarium in Africa fuisse: idque C. Panfa, præstanti viri ingenio, fretus fortasse ea familiaritate, quæ est ei tecum ausus est confiteri, Itaque, quo me vertam nescio. Paratus (2) enim veneram, cum tu id neque per te scires, neque audire aliunde potuisses, ut ignoratione tua ad hominis miseri salutem abuterer, sed quoniam diligentia inimici investigatum est, quod latebat confitendum est, ut opinor, præsertim cum meus necessarius, C. Panfa, fecerit, ut id jam integrum (3) non esset ommissaque controversia, omnis oratio ad misericordiam tuam conferenda est, quæ plurimi sunt conservati, cum à te non liberationem culpæ, sed errati veniam impetravissent. Habes igitur, Tubero, quod accusatori maxime optandum, confitentem reum, sed tamen ita confitentem,

(1) *Novum Crimen &c.* dicitur per Ironiam, cum esset quid commune, quod Ligarius Pompeium fuerit secutus.

(2) *Paratus enim veneram &c.* eo scilicet animo venerat Cicero ad defendendum crimen Ligarii, quasi nihil quidquam Cæsar sciret de Ligario.

(3) *ut id jam integrum non esset,* quod jam vulgatum esset crimen Ligarii.

tem, se in ea parte (4) fuisse, qua te Tubero, qua virum omni laude dignum Patrem tuum. Itaque prius de vestro delicto confiteamini necesse est, quam Ligarii ullam culpam reprehendaris. *Quod 3.* enim Ligarius, cum esset adhuc nulla belli suspicio, legatus in Africam cum C. Confidio profectus est: qua in legatione & Civibus & sociis ita se probavit, ut decedens Confidius provinciâ, satisfacere hominibus non posset, si quemquam alium provinciâ præfecisset. Itaque Q. Ligarius, cum diu recusans, nihil profecisset, provinciam accepit invitus, cui sic præfuit in pace, ut civibus, & sociis gratissima esset eius integritas & fides. Bellum subito exarsit, quod, qui erant in Africa, ante audierunt geri, quam parari. Quo audito partim cupiditate inconsiderata, partim cæco quodam timore, primo salutis, post etiam studii sui, quærebant aliquem duce; cum Ligarius domum spectans, & ad suos redire cupiens, nullo se implicari negotio passus est. Interim P. Accius Varus, qui prætor Africam obtinuerat Uticam venit: ad eum statim concursus est. Atque ille non mediocri cupiditate arripuit imperiû, si illud imperium esse potuit, quod ad privatum clamore multitudinis imperitæ, nullo publico consilio deferebatur; itaque Ligarius, qui omne tale negotium cuperet effugere, paulatim adventu Vari conquevit.

## II.

(4) se in ea parte fuisse &c. quod Ligarius fuerit Pompeium securus, sicut & Tubero ipse, & Pater Tuberonis.

II. ADHUC Cæsar, Q. Ligarius omni culpa vacat. Domo est egressus non modo nullam ad bellum, sed ne ad minimam quidem suspicionem belli: legatus in pace profectus, in provincia pacatissima ita se gessit, ut ei pacem esse expediret. <sup>5</sup> Profectio certe animum tuum non debet offendere. Num igitur remansio? multo minus. Nam profectio voluntatem habuit non turpem: remansio etiam necessitatem honestam. Ergo hæc duo tempora carent crimine: unum, cum est legatus profectus: alterum, cum efflagitatus a provincia præpositus Africae est. Tertium est tempus, quo post adventum Vari Africa restitit: quod si est criminofum, necessitatis crimen est, non voluntatis. An ille (5) si potuisset illic ullo modo evadere, Uticæ potius, quam Romæ, cum P. Accio, quam cum concordissimis fratribus, cum alienis esse, quam cum suis maluisset? cum ipsa legatio plena desiderii ac sollicitudinis fuisset propter incredibilem quondam fratrum amorem: hic æquo animo esse potuit, belli dissidio, distractus à fratribus? Nullum igitur habes, Cæsar, adhuc in Q. Ligario signum alienæ à te voluntatis, cuius ego causam, animadvertite quæso, qua fide defendam, cum prodo meam. O clementiam admirabilem, atque omni laude, prædicatione, literis monumentisque decorandam! M. Cicero apud te defendit

(5) An ille &c. excusat Ligarium non potuisse exire de Africa, quod Varus illum detinuerit, nec ad Fratres & amicos Romam venire permiserit.

sendit, alium in ea voluntate non fuisse, in qua se ipsum confitetur fuisse: nec tuas tacitas cogitationes extimescit: nec quid tibi de alio audienti, de se ipso occurrat, reformidat.

III. VIDE, quam non reformidem: vide, quanta lux liberalitatis, & sapientiæ tuæ mihi apud te dicenti oboriatur. Quantum potero, voce contendam, ut hoc populus R. exaudiat. Suscepto bello, Cæsar, gesto etiam ex magna parte, nulla vi coactus, <sup>meo</sup> iudicio ac voluntate, ad ea arma profectus sum, quæ erant sumpta contra te. Apud quem igitur hoc dico? nempe apud eum, qui cum hoc sciret, tamen me, antequam vidit, reip: reddidit, qui ad me ex Ægypto literas misit, ut essem, <sup>id est</sup> qui fuisset (6) qui cum ipse imperator in toto imperio populi R. unus esset, esse me alterum passus est à quo hoc ipso C. Pansa mihi nuncium perferente, concessos fascēs laureatos tenui quoad tenendos putavi: qui mihi tum denique se salutem putavit dare, si eam nullis spoliata ornamentis dedisset. Vide, quæso, Tubero, ut qui de meo facto non dubitem dicere, de Ligarii non audeam confiteri. Atque hæc propterea de me dixi, ut mihi Tubero, cum de se eadem, dicerem, ignosceret, cuius ego industriæ, gloriæque faveo, vel propter propinquam cognationem, vel quod ejus ingenio, studiisque delector, vel quod laudem adolescentis propinqui existimo etiam ad meum aliquem fructum redundare. Sed hoc quæ-

ro

(6) qui fuisset id est: ut quos habui, eosdem honores assequeretur.

ro, quis putet esse crimen, fuisse in Africa Ligarium? nempe is, qui & ipse in eadem Africa esse (7) voluit, & prohibitū se à Ligario queritur, & certe contra ipsum Cæsarem est congressus armatus. Quid enim, Tubero, districtus ille tuus, in acie Pharsalica gladius agebat? cuius latus ille mucro petebat? qui sensus erat armorum tuorum? quæ tua mens? oculi? manus? ardor animi? quid cupiebas? quid optabas? Nimis urgeo (8) commoveri videtur adolescens, ad me revertar: iisdem in armis fui.

IV. QUID autem aliud egimus, Tubero, nisi, ut, quid hic potest, (9) nos possemus? Quorum igitur impunitas, Cæsar, tuæ clementiæ laus est, eorum ipsorum ad crudelitatem te acuet oratio.

10. Atque in hac causa nonnihil equidem, Tubero, etiam tuam, sed multo magis patris tui prudentiam desidero, quod homo cum ingenio, tum etiam doctrinâ excellens, genus hoc causæ, quod esset, non viderit. Nam si vidisset, quovis profectò quâ isto modo, à te agi maluisset. Arguis fatentem? non est satis. Accusas eum, qui causam habet, aut, ut ego dico meliorē, quam tu: aut ut vis, parem. Hæc non modo admirabilia sunt, sed prodigio simile est, quod dicam. Non habet eam vim ista accusatio, ut Q. Ligarius condemnetur, sed ut necetur.

(7) nempe is &c. Tubero ipse Accusator Ligarii.

(8) nimis urgeo. dicit Cicero quasi plura, quam necesse foret, se dixisse.

(9) ut, quid hic &c. Cæsar intelligitur.

cetur. Hoc egit civis Romanus ante te nemo. Externi isti sunt mores: usque ad sanguinem incitari solet odium aut levium Græcorum, aut immanium barbarorum. — Nam quid aliud agis? ut Romæ ne sit? ut domo careat? ne cum optimis fratribus, ne cum hoc T. Brucco, avunculo suo, ne cum ejus filio consobrino suo; ne nobiscum vivat? ne sit in patria? num est? num potest magis carere his omnibus, quam caret? Italia prohibetur, exulat: Non tu ergo hunc patria privare, qua caret, sed vita vis. At illud ne apud eum quidem dictatorem (10) qui omnes, quos oderat, morte multabat quis quam egit isto modo. Ipse jubebat occidi, nullo postulante, præmiis etiam invitabat, quæ tamen crudelitas ab hoc eodem (11) aliquot annis post, quem tu nunc crudelem esse vis, vindicata est.

V. EGO vero istud non postulo, inquires. Ita me hercule existimo, Tubero. Novi enim te, novi patrem, novi domum, nomenque vestrum, studia denique generis ac familiæ vestræ, virtutis, humanitatis, doctrinæ, plurimarum artium atque optimarum, nota sunt mihi omnia. — Itaque certo scio, vos non petere sanguinē: sed parum attenditis. Res enim eo spectat, ut ea (12) pæna, in qua adhuc Q. Ligarius sit, non videamini esse contenti

(10) ne apud eum quidem dictatorem. mentio fit de crudelitate syllæ, qui fuerat Dictator.

(11) ab hoc eodem. nempe à Cæsare.

(12) ut pæna &c. quod Ligarius cum Romæ non fuerit, exilium quodammodo passus sit.

ti. Quæ est igitur alia, præter mortem? Si enim  
 in exilio est, sicuti est, quid amplius postulas?  
 an ne ignoscatur? Hoc vero multo acerbius, mul-  
 toque est durius. Quod nos domi petimus præ-  
 cibus & lachrymis, prostrati ad pedes, non tam  
 nostræ causæ fidentes, quam hujus humanitati: id  
 ne impetremus, pugnabis? & in nostrum fletum  
 irrumpes? & nos jacentes ad pedes, supplicum  
 voce prohibebis? Si, cum hoc domi faceremus,  
 quod & fecimus, & ut spero, non frustra feci-  
 mus, tu derepente irrupisses, & clamare cæpisses:  
 CÆSAR, CAVE IGNOSCAS, CAVE TE FRA-  
 TRUM PRO FRATRIBUS SALUTE OBSE-  
 CRANTIUM MISEREAT nonne omnem hu-  
 manitatem exuisses? quanto hoc durius quod nos  
 domi petimus, id à te in foro oppugnari? & in  
 tali miseria multorum perfugium misericordiæ  
 tollere? Dicam plane, C. Cæsar, quod sentio. Si  
 in hac tanta tua fortuna, lenitas tanta non  
 esset, quantam tu per te, inquam, obtines (intel-  
 ligo quid loquar) acerbissimo luctu redundaret  
 ista victoria. Quam multi, enim essent de victo-  
 ribus, qui te crudelem esse vellent, cum etiam de  
 victis reperiantur quam multi qui cum à te ne-  
 mini ignosci vellent, impedirent clementiam tu-  
 am, cum etiam ii, quibus ipse ignovisti, nolint te  
 in alios esse misericordem? quod si probare, Cæ-  
 sar possemus, in Africa Ligarium omnino non  
 fuisse; si honesto, & misericordij mendacio, saluti  
 ejus calamitosæ consultum esse vellemus: tamen  
 hominis non esset in tanto discrimine & periculo  
 civis

civis, refellere & coarguere nostrum mendacium? & si esset alicujus, ejus certe non esset, qui in eadem causa & fortuna fuisset. Sed tamen aliud est errare (13) Cæsarem nolle, aliud nolle misereri. CAVE CÆSAR, CREDAS FUIT, IN AFRICA LIGARIUS: TULIT ARMA CONTRA TE. Nunc quid dicis? CAVE IGNOSCAS. Hæc nec hominis, nec ad hominem vox, qua qui apud te, C. Cæsar utetur, suam citius abjiciet humanitatem, quam extorquebit tuam.

VI. AC primus aditus & postulatio Tuberonis hæc, ut opinor, fuit, velle se de Q. Ligarii scelere dicere. Non dubito, quin admiratus sis, vel quod de nullo alio quisquam (14) vel quod is, qui in eadem causa fuisset, vel quidnam novi facinoris afferret. Scelus tu illud (15) vocas, Tubero? cur? isto enim nomine illa adhuc causa caruit alii errorem appellant: alii timorē: qui durius spem, cupiditatem, odium pertinaciam: qui gravissime, temeritatem; scelus, præter te, adhuc nemo. Ac mihi quidem, si proprium & verum nomen nostri mali quærat, fatalis quædam calamitas incidisse vide.

(13) *errare Cæsarem nolle id est nolle credere non fuisse Ligarium in Africa.*

(14) *de nullo alio quisquam &c. quod nemo quenquam accusaret, præter quam Ligarium Tubero, qui ipsemet reus fuerat; admiratus itaque est Cæsar, expectans novum quoddam facinus sibi deferendum.*

(15) *scelus tu illud vocas. dicit non esse tam atrox Crimen, quod Ligarius partes Pompeii amplecteretur in Africa.*

videtur, & improvidas hominum mentes occupa-  
 viffe: ut nemo mirari debeat, humana confilia di-  
 vina neceffitate effe fuperata. Liceat effe miferos,  
 16. quanquam hoc victore effe non poffumus. Sed  
 non loquor de nobis: de illis loquor, qui occi-  
 derunt. (16) Fuerint cupidi, fuerint irati, fuerint  
 pertinaces: fceleris vero crimine, furoris, parrici-  
 dii, liceat Pompeio mortuo, liceat multis aliis  
 carere. Quando hoc quisquam ex te, Cæfar, audi-  
 vit, aut tua quid aliud arma voluerunt, nifi à te  
 contumeliam propulfare? quid egit tuus ille in-  
 victus exercitus, nifi ut fuam jus tueretur & di-  
 gnitatem tuam? quid tu? cum pacem effe cupie-  
 bas, idne agebas, ut tibi cum fceleratis, an ut cum  
 bonis civibus conveniret. Mihi vero, Cæfar, tua  
 in me maxima merita, tanta certe non viderentur,  
 fi me, ut fceleratum, à te confervatum putarem.  
 17. Quomodo autem tu de reip.<sup>re</sup> dignitate effe volu-  
 iffes? Suceffionem tu illam exiftimaviffi, Cæfar,  
 initio, non bellum: non hostile odium, fed civile  
 diffidium: utriufque cupientibus republ: falvam,  
 fed partim confiliis, partim ftudiis à communi  
 utilitate aberrantibus. Principum dignitas erat  
 pæne par? non par fortaffe eorum qui fequeban-  
 tur caufa tum dubia, quod erat aliquid in utraque  
 parte, quod probari poffet: hunc melior certe ea  
 judicanda effe, quam etiam dii adjuverunt. Co-  
 gnita vero clementia tua, quis non eam victori-  
 am probet, in qua occiderit nemo, nifi armatus.

VII.

(16) qui occiderunt, id effe, qui occubuere in bello.

*boni meritis effe, si tot fceleratis  
 inveniuntur.*

VII. SED, ut omittam communem causam, veniamus ad nostram: utrum tandem existimas, facilis fuisse, Tubero, Ligario ex Africa exire, an vobis in Africam non venire? Poteramusne (17) inquis, cum senatus censuisset? Si me consulis nullo modo. Sed tamen Ligarium senatus idem legaverat. Atque ille eo tempore paruit cum parere senatui necesse erat: vos tum paruistis, cum (18) paruit nemo, qui noluit. Reprehendo igitur? minime vero. Neque licuit aliter *verbo* generi, nomini, familiae, disciplinae, sed hoc non concedo, ut, quibus rebus gloriemini in vobis, easdem in aliis reprehendatis. Tuberonis fors coniecta est (19) ex S. C. cum ipse non adesset, morbo etiam impediretur: statuerat se excusare. Hæc ego novi propter omnes necessitates, quæ mihi sunt cum L. Tuberone: domi una eruditi militiæ contubernales, post affines, in omni denique vita familiares. Magnum etiam vinculum quod iisdem studiis semper usi sumus. Scio igitur, Tuberonem domi manere voluisse. Sed, ita quidem agebat, ita reip: sanctissimum nomen opponerebat, ut etiam si aliter sentiret, verborum tamen ipsorum

(17) poteramusne &c. in Africam, nempe, non ire cum Senatus mandasset.

(18) cum paruit nemo &c. in exortu belli civili, diffidente inter se senatu, auctoritas ejus minus valere ac opprimi videbatur.

(19) Tuberonis fors coniecta est. id est: forte lectus Tubero & missus in Africam, ita enim fortiri Provincie dicebantur.

19. rum pondus sustinere non posset, cessit auctoritati amplissimi viri, vel potius paruit. Una est profectus cum iis, quorum erat una causa: tardius iter fecit. Itaque in Africam venit jam occupatam. Hinc in Ligarium crimen oritur vel ira potius. Nam, si crimen est ullum, voluisse, non minus magnum est, vos Africam, omnium provinciarum arcem natam ad bellum contra hanc urbem gerendum, obtinere voluisse, quam aliquem se maluisse, atque is tamen aliquis, Ligarius non fuit. Varus imperium se habere dicebat: fasces certe habebat. Sed, quoquo modo sese illud habet, hæc querela vestra, Tubero, quid valet? **RECEPTI IN PROVINCIAM NON SUMUS.** Quid si essetis? Cæsarine eam tradituri fuissetis, an contra eum retenturi?

10. VIII. VIDE, quid licentiæ, Cæsar, nobis tua liberalitas det, vel potius audaciæ. Si responderit Tubero, Africam, quo senatus eum forsque miserat, tibi patrem suum traditurum fuisse: non dubitabo apud ipsum te, cujus id eum facere interfuit gravissimis verbis ejus consilium reprehendere. Non enim si tibi ea res (20) grata fuisset, esset etiam probata. Sed jam hoc totum omitto, non tam, ut ne offendam tuas patientissimas aures, quam ne Tubero, quod nunquam cogitavit facturus fuisse videatur. Veniebatis igitur in Africam, provinciam usam ex omnibus huic victoriæ maxime infestam, in qua erat rex potentissimus, inimi-

---

(20) ea res &c. hoc est: quod tradi Africam Cæsari, quanquam gratum Cæsar censeret, tamen non probaret.

inimicus huic causæ, aliena voluntas conventus firmi atque magni. *Quæro*, quid facturi fuissetis? *Quamquam* quid facturi fueritis, dubitem, cum videam, quid feceritis? Prohibiti estis in provincia vestra pedem ponere, & prohibiti, ut perhibetis, summa cum injuria. *Quomodo* id tulistis? *21.* acceptæ injuriæ querelam ad quem detulistis? nempe ad eum, cuius auctoritatem secuti, in societatem belli veneratis. Quod si Cæsaris causâ in provinciam veniebatis, ad eum profecto, exclusi provincia, venissetis, Venistis ad Pompeium. *Quæ* est ergo apud Cæsarem querela, cum eum accusatis, à quo queramini vos prohibitos contra Cæsarem bellum gerere? Atque in hoc quidem vel cum mendacio, si vultis, gloria *obtinere* per me licet, vos provinciam fuisse Cæsari tradituros etiam à Varo, & quibusdam aliis prohibiti essetis. Ego autem confiteor culpam esse Ligarii, qui vos tantæ laudis occasione privaverit.

IX. SED vide, *quæro*, C. Cæsar, constantiam ornatissimi viri, L. Tuberonis: quam ego, quâvis ipse probarem, ut probo, tamen non cõmemorârẽ, nisi à te cognovissẽ imprimis, eam virtutẽ solere laudari. *Quæ* fuit igitur unquam in ullo homine tanta constantia? constantiam dico? nescio, an melius patientiam possẽm dicere, quotus enim istud quisque fecisset, ut, à quibus in dissensione civili non esset receptus, essetque etiam cum crudelitate rejectus, ad eas ipsas partes rediret? Magni cuiusdam animi, atque ejus viri est, quem de suscepta causa, propositaque sententia, nulla con-

tumelia, nulla vis, nullum periculum posset depellere. Ut enim cetera paria Tuberoni cum Varo fuissent, honos, nobilitas, splendor, ingenium, quæ nequaquam fuerunt, hoc certe præcipuum Tuberonis fuit, quod iusto cum imperio ex S. C. in provinciam suam venerat. Hinc prohibitus non ad Cæsarem, ne iratus, non domum, ne iners, non aliquam in regionem, ne condemnare causam illam, quam secutus esset, videretur: in Macedoniam ad Cn. Pompeii castra, venit, in eam ipsam causam, à qua erat rejectus cum injuria: Quid cum ista res (21) nihil commovisset ejus animum, ad quem veneratis: languidiore, credo, studio in causa fuistis, tantummodo in præfidiis eratis: animi vero à causa abhorrebant. An, ut fit in civilibus bellis, nec in vobis magis, quam in reliquis, omnes vincendi studio tenebamur? Pacis equidem semper auctor fui: sed tum sero, erat enim amentis, cum aciem videres, pacem cogitare. Omnes, inquam, vincere volebamus: tu certe præcipue, qui in eum locum venisses, ubi tibi esset pereundum, nisi vicisses, quanquam, ut nunc se res habent, non dubito, quin hanc salutem (22) anteponas illi victoriæ. X.

(21) *cum ista res &c.* scilicet: quod querela Tuberonis apud Pompeium facta de prohibitione ab Africa, minimè commoverit Pompejum, & ratio statim subjicitur: *languidiore credo &c.* quasi diceret: quia forte Tu Tubero cum Patre tuo corpore apud Pompejum, animo vero apud Cæsarem fueratis?

(22) *hanc salutem &c.* id est, Clementiam Cæsaris quin magis æstimes, quam victoriam Pompeii, quæ crudelis procul dubio fuisset.

X. HÆC ego non dicerem, Tubero, si aut vos constantiæ vestræ, aut Cæsarem beneficii sui præ-<sup>24</sup> niteret. Nunc quæro, utrum vestras injurias, an reip: persequamini? si reipublicæ quid de vestras, videte, ne erretis qui Cæsarem vestris inimicis iratum fore putetis, cum ignoverit suis. Itaque num tibi videor, Cæsar, in causa Ligarii occupatus esse? num de ejus facto dicere? quidquid dixi, ad unam summam referri volo vel humanitatis, vel clementiæ, vel misericordiæ tuæ. Causas, Cæsar, egi multas, & quidem tecum, dum te in foro tenuit ratio honorum tuorum? (23) certe nunquam hoc modo. Ignoscite: judices, erravit: lapsus est: non putavit, si unquam posthac (24) ad parentem sic agi solet; ad judices: Non fecit, non cogitavit, falsi testes, fictum crimen. Dic, te, Cæsar, de facto Ligarii judicem esse: quibus in præfidiis fuerit (25) quære. Taceo, ne hæc quidem

E 2

colli.

(23) dum Te in foro tenuit ratio honorum Tuorum? &c. id est, cum pro munere, pro officio, ac honoribus Tuis Cæsar in foro, inter plebem, versareris, causas egi (Cicero dicit) non hac ratione, quæ Tubero, cura tanta scilicet & tam iniqua pertinacia.

(24) si unquam post hæc &c. petit Cicero condonari crimen Ligario, ex eo, quod erraverit, & vult eum non nisi prius admonitum, quemadmodum Parentes faciunt cum suis liberis, primo eorum errori veniam facilem concedentes.

(25) quibus in præfidiis fuerit &c. quem locum, quam urbem contra te Cæsar defenderit, tenueritve Ligarius?

colligo, quæ fortasse valerent etiam apud iudicem. Legatus ante bellum profectus, relictus in pace, bello oppressus, in eo non acerbus, tum etiam totus animo & studio tuus. Ad iudicem sic agi solet: sed ego ad parentem loquor. Erravi, temere feci, pœnitet: ad clementiam tuam confugio: delicti veniam peto: ut ignoscas, oro: si nemo impetravit, arroganter (26), si plurimi, tu idem fer opem, qui spem dedisti. An sperandi Ligario causa non sit, cum mihi apud te sit locus, etiam pro altero deprecandi? Quanquam neque in hac oratione spes est posita causæ, nec in eorum studiis, qui à te pro Ligario perunt tui necessarii.

26. XI. VIDI enim, & cognovi, quid maxime spectares, cum pro alicujus salute multi laborarent, causas apud te rogantium gratiores esse, quam preces, neque spectare, quam tuus esset necessarius, qui te oraret: sed quam illius, pro quo laboraret. Itaque tribuis tu quidem tuis ita multa, ut mihi beatiores illi esse videantur interdum, qui tua liberalitate fruuntur, quam tu ipse, qui illis tam multa concedis. Sed video tamen, apud te causas ut dixi, rogantium valere plus, quam preces: ab iisque moveri maxime, quorum iustissimum dolorem videas in petendo. - In Q. Ligario conservando, multis tu quidem gratum facies necessariis tuis: sed hoc, quæso, considera, quod soles. Possum fortissimos viros, Sabinos, tibi probatissi-

27. (26) arroganter id est: temere scilicet: ego peto, si nemo prior impetravit veniam, si vero plurimi &c.

batissimos, totumque agrum Sabinum, florem Italiae, ac robur reip: proponere, nosti optime homines: animadvertite horum omnium maestitiam, & dolorē: & hujus T. Brocchi, de quo non dubito quid existimes, lachrymas squalloremque ipsius, & filii vides. Quid de fratribus dicam? noli, Cæsar, putare de unius capite nos agere. Aut tres tibi Ligarii retinendi in civitate sunt, aut tres ex civitate exterminandi, quodvis exilium his est optatius, quam patria, quam domus, quam dii penates, uno illo exulante. Si fraterne, si pie, si cum dolore faciunt, moveant te horum lachrymæ, moveat pietas, moveat germanitas, valeat tua vox illa, quæ vicit. Te enim dicere audiebamus: Nos omnes adversarios putare, nisi qui nobiscum essent te, omnes qui contra te non essent, tuos. Videsnè igitur hunc splendorem, omnem hanc Brocchorum domum, hunc L. Marcium, C. Cæsarium, Corfidium, hosce omnes equites Rom: qui adsunt veste mutata, non solum notos tibi, verum etiam probatos viros, tecum fuisse? Atque his maxime irascebamur, hos requirebamus, & his nonnulli etiam minabantur. Conserva igitur tuis suos: ut, quemadmodum cetera, quæ dicta sunt à te, sic hoc verissimum reperiat ur. Quod si penitus perspicere posses concordiam Ligariorum, omnes fratres tecum judicatos fuisse. An potest quisquam dubitare, quin, si Q. Ligarius in Italia esse potuisset, in eadem sententia futurus fuerit, in qua fratres fuerunt: quis est, qui horum confesum conspirantem, & pene constatum, in hac præpe  
æqua-

æqualitate fraterna non noverit? qui hoc non sentiat, quidvis prius futurum fuisse, quam ut hi fratres diversas sententias fortunaſque ſequerentur? voluntate igitur omnes tecum fuerunt: tempeſtate abreptus eſt unus, qui ſi conſilio id feciſſet, eſſet eorum ſimilis, quos tu tamen ſalvos eſſe voluisti.

XII. SED ierit ad bellum: diſceſſerit non à te ſolum, verum etiam à fratribus: hi te orant tui. Equidem, cum tuis omnibus negotiis intereſſem, memoriam teneo, qualis T. Ligarius, quæſtor urbanus fuerit erga te & dignitatem tuam. Sed parum eſt me hoc meminiffe, ſpero etiam te, qui obliſci nihil ſoles, niſi injurias, quoniam hoc eſt animi, quoniam etiam ingenii tui, te aliquid de huius illo quæſtoris officio cogitantem, etiam de aliis quibuſdam quæſtoribus remiſcentem recordari. Hic igitur T. Ligarius, qui tum nihil egit aliud ( neque enim hæc divinabat ) niſi ut tu eum ſtudioſum & bonum virum iudicares, nunc à te ſupplex fratris ſalutem petit, quam, huius admonitus (27) officio cum utriſque hiſ dederis, tres fratres optimos & integerrimos, non ſolum ſibi ipſos, neque hiſ tot ac talibus viris, neque nobis neceſſariis ſuis, ſed etiam reip: condoveris. Fac igitur quod de homine nobiliſſimo & clariſſimo, Mr. Marcello feciſti nuper in curia, nunc idem in foro de optimis, & huic  
omni

---

(27) *hujus admonitus officio &c.* hoc eſt ſi propter Ligarium. Quæſtorem optimè erga Te affectum, peperceris Ligario fratri ſuo, omnibus maximam grutiam præſtabis.

omni frequentia, probatissimis fratribus. Ut concessisti illum senatui, sic da hunc populo: cujus voluntatem carissimam semper habuisti: & si ille dies tibi gloriosissimus, populo Rom: gratissimus fuit: noli, obsecro, dubitare C. Cæsar similem illi gloriae laudem, quam sæpissime querere. Nihil est enim populare, quam bonitas nulla de virtutibus tuis plurimis nec admirabilior, nec gratior misericordia est. Homines enim ad Deos nulla re propius accedunt, quam salutem hominibus dando. Nihil habet nec fortuna tua majus, quam ut possis, nec natura tua melius, quam ut velis conservare quam plurimos. Longiorem orationem causa forsitan postulat, tua certe natura brevior. Quare, cum utilius esse arbitrer te ipsum, quam aut me, aut quemquam, loqui tecum, finem jam faciam, tantum te ipsum admonebo, si illi absenti salutem dederis, presentibus his omnibus te daturum.

## S E N T E N T I Æ

**A**ccusatori maxime optandum est, ut habeat confidentem reum.

Laus propinquorum ad nostrum aliquem fructum redundat.

Crudelitas est arguere fatentem.

Non est accusandus, qui causam habet meliorem quam accusator, aut certe parem.

Non est concedendum, ut, quibus rebus alii gloriantur, easdem in aliis reprehendant.

Ma-

*Magnum est amicitiae vinculum studiorum similitudo.*

*Non, si cuiquam res grata est, eadem est etiam probata.*

*Magni cujusdam animi est, quem de suscepta causa propositaque sententia nulla contumelia, nulla vis, nullum periculum possit depellere.*

*Amentis est, cum aciem videat, pacem cogitare.*

*Non facile irascetur aliorum inimicitiis, qui ignoverit suis.*

*Nihil est tam populare quam bonitas.*

*Homines ad DEVM nulla re propius accedunt, quam salutem hominibus dando.*

*Nihil habere potest, nec fortuna nostra majus, quam ut possimus, nec natura melius, quam ut velimus conservare quam plurimos.*

## ORATIO IV.

quæ est

### PRO REGE DEJOTARO.

Argumentum Orationis pro Dejotaro.

**D**ejotarus Rex seu Tetrarcha Gallo Gracia, seu Galatiae pene totius & Armenia minoris, populo Romano amicissimus, bello civili cum Pompejo esse coactus fuit, & post pugnam Pharsalicam domum se contulit & Casarem subsidiis juvit, cum Alexandriæ aliisque adhuc bellum gerentem. Hoc bello finito cum Casar per Gallo-Graciam Romam peteret, Dejotaro ignovit, aliqua tamen regni parte multato.

Cum

Cum deinde Caesar litteris Tarracona datis eum bene sperare & bono animo esse iussisset, paulo post hujus nepos Castor, & servus Dejotari Philippus, medicus accusant eum insidiarum, quod occidere Casarem voluerit, eique semper fuerit inimicus, & copias contra eum comparaverit &c. qua omnia Cicero refutat.

Dicta est causa Roma privatim, presentibus dictis accusatoribus & Dejotari Legatis, eodem fere, quo superior Oratio tempore.

Genus est Judiciale, an rex Dejotarus Casarem voluerit interficere.

Stylus est subtilis & tota Oratio talis, qualem ipse dicit Cicero LIX. ad famil: ep. 12.

Eventus fuit is, ut Caesar Regi reconciliaretur.

## DISPOSITIO

### Orationis pro Rege Dejotaro.

Partes Orationis sunt quinque: Exordium, Narratio, Propositio, Confirmatio & Peroratio seu Conclusio.

In Exordio Quo majorem sibi conciliet clementiam Caesaris Cicero Cap. I. dicit, quemadmodum in aliis causis gravioribus, ita in presenti vel maxime, se perturbari, ex eo imo, quod de capite Regis dicat, quod antea nunquam contigerat, 2do quod Accusatorum: alterius, nempe Castoris Nepotis crudelitas; alterius, nempe servi indignitas animo ejus obversetur. 3tio Cap. II. quod dicat coram Casare in sua causa Judice. 4to quod dicat intra privatos parietes.

Narra.

Narratio sita est in eo; quod Cicero Cap. III. IV. V. dicat Accusatores inani quadam opinione adductos crimen factum ad Casarem detulisse; ubi simul precatur Casarem ut ignoscat Dejotaro, quem dicit ab ipso etiam Casare pro hoste non fuisse habitum. Deinde excusat culpam Dejotari, quod is errore communi propensior in Pompejum fuerit; atque errati veniam petit, pro causa ponens gloriam Pompeji, ob quam Dejotarus Pompejum secutus est. Tum alia adjuncta adducit, quibus commotus Dejotarus ad partes Pompeji concessit. Denique officio Dejotari in Casarem, Caesarisque animo ergu Dejotarum, atque à futuris periculis, quibus se objiceret Dejotarus, scelere patrato, confictum crimen diluit.

Propositio: ( Dejotarus Rex noluit Casarem occidere ) his duobus potissimū innititur argumentis: 1mū quia Rex Dejotarus non fuit insidiatus Casari. 2dum quia non fuit alieno animo à Casare.

Argumentum 1mum confirmatur imo Cap. VI. à prudentia & probitate Dejotari. 2do ab inconvenientia insidiarum, cum probabilius fuisset veneno occultè, quam armis palam tolli Casarem à Dejotaro cogitatum esse. 3tio Cap. VII. à loco insidiarum, quod non nisi in balneo interficere Casarem voluerit Dejotarus. 4to à quiete & modestia, qua summa fuerat omnium. 5to denique à non coherentia rerum, in eo potissimum, quod Philippum Accusatorem ( cum fratres ejus in vinculis teneret ) Romam pergere Dejotarus permisset.

Argumentum 2dum confirmatur imo Cap. VIII. quod Dejotarus nunquam comparaverit Exercitum contra

contra Casarem, neque ad Calium Pompeii amicum, quem non noverat, copias miserit unquam. 2do Cap. IX. quod nullo bello Casari defuerit, imo equitatum ac pecuniam subministraverit. 3tio quia sine suis rumoribus de Casare non gessit, neque versum injuriosum protulit, neque saltavit, quod probatur à modestis moribus & gravi atate Dejotari. Denique Cap. X. Cicero infelatur Castorem gravissime imo quod sit contumeliosus in Avum suum, quem imitari debuerat. 2do quod pertinaciter contra Casarem ipse Castor se gesserit. 3tio Cap. XI. quod idem Castor cum Patre suo crudeliter procedant contra Dejotarū (à quo nobilitati sunt) potissimum servum corruperit; qua corruptela amplificatur à dissimili exemplo Domitii. Denique Cap. XII. Cicero acute criminatur Castorem, quasi is vellet esse Casarem Tyrannum, quod ingeniose refellit.

Perorationis ima Pars est: in qua probat Cicero Dejotarum Casari, non esse male affectum quamvis ab eo sit parte Regni multatus imo Cap. XIII. comparatione cum Antiocho. 2do ex eo, quia Regium nomen retinuit. 3tio quia Decretis Senatus Romani, & virtute sua maximas laudes sibi comparavit. 4to Cap. XIV. initio. quia eum Casar literis suis omni metu liberavit. Perorationis parte 2da Orator postulat pro Dejotaro misericordiam Casaris. Cap. XIV. & XV. tum ab innata illi in omnes clementia, tum quia Legati pro fide Regis sui se, vitamque suam libere morti offerunt.

ORA.

## O R A T I O.

quæ est

## PRO REGE DEJOTARO.

I. **C**UM in omnibus causis gravioribus, C. Cæsar, initio dicendi commoveri soleam vehementius, quam videtur vel usus, vel ætas mea postulare: tum in hac causa ita me multa perturbant, ut quantum mea fides studii mihi afferat ad salutem Regis Dejotari defendendam, tantum facultatis timor detrahat. Primum dico pro capite fortunisque Regis: quod ipsum etsi non iniquum est, in tuo duntaxat periculo, (1) tamen est ita inusitatum, Regem, capitis reum esse, ut ante hoc tempus non sit auditum. Deinde cum Regem, quem ornare (2) antea cuncto cum senatu solebam pro perpetuis ejus in nostram rempublicam meritis, nunc contra atrocissimum crimen cogor defendere. Accedit ut accusatorum alterius crudelitate, alterius indignitate perturber. Crudelem Castorem, ne dicam sceleratum & impium, qui nepos avum in discrimen capitis adduxerit, adolescentiæque suæ terrorem intulerit ei, cujus senectutem tueri & regere debebat: commendationem ineuntis ætatis ab impietate & scelere duxerit. Avi servum corruptum præmiis, ad accusandum dominum impulerit, & à legatorum

(1) in *Tuo duntaxat periculo*. quod insidias Cæsari struxisse dicatur Rex, ideo dicit Cicero, æquum esse agi de capite Regis.

(2) *ornare*. id est laudare, ac beneficiis cumulare.

rum (3) pedibus abduxerit. Fugitivi autem dominum accusantis, & dominum absentem & dominum amicissimum nostræ reipublicæ, cum os videbam, cum verba audiebam: non tam afflictam regiam conditionem dolebam, quam de fortunis communibus extimescebam. (4) Nam, cum more majorum de servo in dominum ne tormentis quidem queri liceat: in qua quæstione dolor veram vocem elicere possit etiam ab invito, exortus est servus, qui quem in equuleo appellare non posset, eum accuset solutus.

II. PERTURBAT me, C. Cæsar, etiam illud interdum, quod tamen, cum te penitus recognovi, timere desino: re enim iniquum est sed tua sapientia sit æquissimum. Nam dicere apud eum de facinore, contra cuius vitam consilium facinoris inisse arguere, si per seipsum consideres, grave est. Nemo enim fere est, qui sui periculi iudex non sibi se æquiores, quam reo præbeat. Sed tua, C. Cæsar, præstans singularisque natura hunc mihi metum minuit. Non enim tam timeo, quid tu de Rege Dejotaro, quam intelligo, quid de te ceteros velis iudicare. Moveor etiam loci ipsius insolentia, quod tantam causam, quanta nulla unquam in disceptatione versata est dico intra dome-

(3) a legatorum pedibus &c. hoc est: quod Castor nepos Dejotari servum ejusdem missum Romam cum Legatis corruperit, & ab illis in suas partes eundem abstraxerit, ut testaretur crimen fictum pro Dejotaro.

(4) De fortunis communibus extimescebam ne pariter suos Dominos accusare aliis servis liceret.

domesticos parietes (5), dico extra conyentum, & eam frequentiam, in qua oratorum studia niti solent: In tuis oculis, in tuo ore vultuque acquiesco, te unum intueor: ad te unum omnis mea spectat oratio: quæ mihi ad spem obtinendæ veritatis gravissima sunt, ad motû animi & omnem impetum (6) dicendi, contentionemque leviora.

6. Hanc enim, C. Cæsar, causam si in foro dicerem, eodem audiente & disceptante te, quantam mihi alacritatem populi R. concursu afferret? Quis enim civis ei Regi non faveret, cujus omnem ætatem in populi R. bellis consumptam esse meminisset? Spectarem curiam, intuerer forum, cælum denique testarer ipsum, sic cum & Deorum immortalium, & populi R., & senatus beneficia in Regem Dejotarum recordarer, nullo modo mihi deesse posset oratio. . . Quæ quoniam angustiora parietes faciunt, actioque causæ maxime debilitatur loco. Tuum est Cæsar, qui pro multis sæpe dixisti, quid nunc mihi animi sit, ad te ipsum referre, quo facilius tum æquitas tua, tum audiendi diligentia minuat hanc perturbationem meam.
8. Sed antequam de accusatione ipsa dico, de accusatorum spe pauca dicam. Qui, cum videantur neque ingenio, neque usu, atque exercitatione rerum

rum

(5) *intra domesticos parietes* id est in Regia, non in foro, aut alio judiciorum loco.

(6) *omnem impetum &c.* dicit se Cicero non posse uti vehementioribus verbis & affectibus ob reverentiam præsentis Cæsaris.

rum valere, tamen ad hanc causam non sine aliqua spe & cogitatione venerunt.

III. JRATUM te Regi Dejotaro fuisse non erant nescii, affectum (7) illum quibusdam incommodis & detrimentis, propter offensionem animi tui, meminerant, teque cum huic iratum, tum sibi amicum, cognoverant, cumque apud ipsum te de tuo periculo dicerent, fore putabant, ut, in exulcerato animo fixum crimen insideret. Quamobrem hoc nos primum metu, C. Cæsar, per fidem & constantiam & clementiam tuam libera, ne refidere in te ullam partem iracundiæ suspicemur. Per dexteram te istam oro, quam regi Dejotaro hospes (8) hospiti porrexisti: istam, inquam, dexteram non tam in bellis & præliis, quam in promissis & fide firmiterem. Tu illius domum inire, tu vetus hospitium renovare voluisti, te ejus dii penates acceperunt: te amicum & placatum Dejotari Regis aræ focique viderunt. Cum facile exorari, Cæsar, tum (9) semel exorari soles. Nemo unquam te placavit inimicus, qui ulla refidisse in te simultatis reliquias senserit. Quamquam cui sunt inaudiatæ cum Dejotaro querelæ? unquam

(7) affectum illum &c. affectum nempe Dejotarum propterea, quod illi pars Regni ademptra sit.

(8) hospes hospiti &c. quia Cæsar & Dejotarus amicissimi sibi fuerant prius quam Dejotarus inique deferretur.

(9) tum semel exorari soles quod Cæsar injuriarum, quas semel donaverat, nunquam postea reminisceretur, aut eas ulcisci volebat, ex quo eum iterum placari oporteret.

quam tu illum accusavisti, ut hostem, sed ut amici officio parum functum, quod propensior in Cn. Pompei amicitiam fuisset, quam in tuam, cui tamen ipsi Regi veniam te daturum fuisse dicebas, si tum auxilia Pompejo, vel si etiam filium misisset, ipse tamen excusatione ætatis usus esset. Itaque cum maximis cum rebus liberares, perpetuam amicitia (10) culpam relinquebas. Itaque non solum in eum non animadvertisti, sed omni metu liberaisti, hospitem agnovisti, Regem reliquisti. Neque enim ille odio tui progressus, sed errore communi lapsus est. Is Rex, quem Senatus, hoc nomine sæpe honorificentissimis decretis appellavisset: quique illum ordinem ab adolescentia gravissimum, sanctissimumque duxisset: iisdem rebus est perturbatus homo longinquus, & alienigena, quibus nos in media republ: nati semperque versati.

11. IV. CUM audisset, Senatus consentientis auctoritate arma sumpta Consulibus, prætoribus, tribunis pl: novis, Imperatoribus rep: defendendam datam; movebatur animo & vir huic imperio amicissimus, de salute populi Rom: extimescebat, in qua etiam suam inclusam esse videbat: in summo tamen timore quiescendum sibi esse arbitrabatur; maxime autem perturbatus est, ut audivit Consules ex Italia profugisse, omnesque consula-

---

(10) perpetuam amicitia culpam &c. eo solummodo offendebaris, quod Dejotarus visus sit magis colere Pompeji, amicitiam, quam tuam.

fulares ( sic enim nunciabatur ) cunctum Senatum, totam Italiam esse effusam. Talibus enim nunciis & rumoribus patebat ad orientem via, nec ulli veri subsequebantur. Nihil ille de conditionibus tuis, nihil de studio concordiae & pacis, nihil de conspiratione audiebat certorum hominum contra dignitatem tuam. Quæ cum ita essent, tamen usque eo se tenuit, quoad à Cn. Pompejo ad eum legati literæque venerunt. Ignosce, ignosce, Cæsar, si ejus viri auctoritati Rex Dejotarus cessit, quem nos omnes secuti sumus, in quem cum Dii atque homines omnia ornamenta congestissent, tum tu ipse plurima & maxima. Neque enim si tuæ res gestæ ceterorum laudibus obscuritatem attulerunt, idcirco Cn. Pompeji memoriam amisimus. Quantum nomen ejus fuerit, quantæ, opes, quanta in omni genere bellorum gloria, quanti honores populi R. quanti Senatus, quanti tui, quis ignorat? tanto ille superiores vicerat gloria, quanto tu omnibus præstitisti. Itaque Cn. Pompei bella, victorias, triumphos, consulatus admirantes numerabamus: tuos enumerare non possumus.

V. AD eum igitur Rex Dejotarus venit, hoc misero fatalique bello, quem ante te justis, hostilibusque bellis adjuverat, quocum erat non hospitio solum, verum etiam familiaritate conjunctus: Et venit vel rogatus ut amicus, vel accersitus ut socius: vel evocatus, ut is, qui senatui parere didicisset: postremo venit ut ad fugientem, non ut ad insequentem, id est, ad periculi, non ad victoriæ

F

societate

14.

15.

16. societatem. Itaque Pharsalico prælio factò, à Pompejo discessit. Spem infinitam persequi noluit, vel officio, si quid debuerat; vel errori, si quid nescierat, satisfactum esse duxit, domum se contulit: teque Alexandrinum bellum gerente, utilitatibus tuis paruit. (11) Ille exercitum Cn. Domitii, amplissimi viri suis telis & copiis sustentavit: ille Ephesum ad eum, quem tu ex tuis fidelissimum & probatissimum omnibus delegisti, pecuniam misit: ille iterum, ille tertio, auctionibus factis pecuniam dedit, qua ad bellum uteris: ille corpus suum periculo objecit, tecumque in acie contra Pharnacem fuit, tuumque hostem esse duxit suum. Quæ quidem à te in eam partem accepta sunt C. Cæsar, ut eum amplissimo Regis honore, & nomine affeceris. Is igitur non modo à te periculo liberatus, sed etiam honore amplissimo ornatus, arguitur domi te suæ interficere voluisse, quod tu, nisi eum furiosissimum judicas, suspicari profecto non potes. Ut enim omnittam curus tanti sceleris fuerit in conspectu deorum penarium necare hospitem, cujus tantæ importunitatis omnium gentium, atque omnis memoriæ clarissimum lumen extinguere: cujus tantæ ferocitatis, victorem orbis terrarum non extimescere: cujus tam inhumani & ingrati animi, à quo Rex appellatus esset, in eum tyrannum inveniri? ut hæc omnittam, cujus tanti furoris fuit, omnes Reges,

---

(11) utilitatibus tuis paruit. id est: Te adjuvit, ac com-  
modis tuis studuit.

ges, quorum multi erant finitimi, omnes liberos populos, omnes socios, omnes provincias, omnia denique omnium arma contra se unum excitare? quonam ille modo cum regno, cum domo, cum conjuge, cum carissimo filio distractus esset tanto scelere non modo perfecto, sed etiam cogitato?

VI. AT credo hæc homo inconsultus & temerarius non videbat. Quis consideratior illo? quis rectior? quis prudentior? quanquam hoc loco Dejotarū non tam ingenio & prudentia, quam fide & religione vitæ defendendum puto. Nota tibi est, C. Cæsar, hominis probitas, noti mores, nota constantia, cui porro, qui modo populi R. nomen audivit, Dejotari probitas, integritas, gravitas, virtus, fides non sit audita? quod igitur facinus nec in hominem imprudentem cadere posset, propter metum præsentis exitii, nec in facinorosum, nisi esset idem amentissimus: id & vos à viro optimo, & ab homine minime stulto cogitatum esse confingitis. At quam non modo non credibiliter; tempore ipso Nicænam Ephesumque mittebat. Sed ne suspiciose (12) quidem. Cum inquit in castellum Lucejum venisses, & domum Regis, hospitis tui, divertisses, locus erat quidam, in quo erant ea composita, quibus Rex te munerare constituerat. Huc te à balneo, priusquam accumberes, ducere volebat. Ibi enim erant, qui te in-

F 2

terfi-

(12) *nè suspiciose.* dicit Cicero crimen in Dejotarum ita confictum esse, ut non modo fidem, sed & suspicionem parere non debeat.

21. terficerent, in eo ipso loco collocati. En crimen en causa, cur Regem fugitivus, dominum servus, accuset. Ego mehercule, C. Cæsar, initio cum est ad me ista causa delata, Phidippum medicum, servum regium, qui cum legatis missus esset, ab isto (13) adolescente existimavi esse corruptum hac suspicione sum percussus, medicum indicem subornabit, finget videlicet aliquod crimen veneni. Etsi à veritate longe, tamen à consuetudine criminandi non multum res abhorrebat. Quid ait medicus? nihil de veneno. At id fieri potuit: primo occultius in potione, vel in cibo: deinde etiam impunius fit, quod cum est factum, negari potest. Si palam te intetemisset, omnium in se gentium non solum odia, sed etiam arma convertisset: si veneno: Jovis illius quidem hospitalis numen nunquam celare, potuisset, homines vero fortasse celavisset. Quod igitur & occultius conari, & efficere cautius potuit: id tibi, & medico callido, & servo, ut putabat fideli, non credidit: de armis, ferro, de insidiis celare te noluit?
22. VII. AT quam festive crimen contexitur: tua te, inquit, eadem, quæ semper, fortuna servavit. Negavisti tum te inspicere velle. (14) Quid postea? an Dejotarus, re illo tempore non perfecta, continuo dimisit exercitū? nullus erat alius insidiandi locus? at eodem te, cum cænavisses, reditu-

(13) ab isto adolescente: à Castore Nepote Regio.

(14) Negavisti, tum te inspicere velle. quasi instinctu Deorum noluerit Cæsar munera sibi parata, ad quæ videnda ducebatur invisere.

rediturum dixeras: itaque fecisti. Horam unam, aut duas eodem loco armatos, ut collocati fuerant, retinere magnum fuit? cum in convivio comiter & jucunde fuisses, tum illuc ivisti, ut dixeras, quo in loco, Dejotarum talem erga te cognovisti, qualis Rex Attalus in P. Africanum fuit: cui magnificentissima dona, ut scriptum legimus, usque ad Numantiam misit ex Asia: quæ Africanus, inspectante exercitu accepit. Quod cum præsens Dejotarus regio & animo & more fecisset, tu in cubiculum discessisti. 24. Obsecro, C. Cæsar, repete temporis illius memoriam, pone illum ante oculos diem: vultus hominum te intuentium atque admirantium, recordare. Num quæ trepidatio? num qui tumultus? num quid, nisi moderate, nisi quiete, nisi ex hominis gravissimi & sanctissimi disciplina? quid igitur causæ excogitari potest, cum te lautum veluerit, cænatum noluerit occidere? 25. In posteroam, inquit diem distulit, ut cum in castellum Lucejum ventum esset, ibi cogitata perficeret. Non video causam loci mutandi, sed tamen acta res criminose est. Cum, inquit, vomere post cænam velle te dixisses, in balneum te ducere cæperunt. Ibi enim erant insidiæ: at te eadem tua fortuna servavit: in cubiculum te ire malle dixisti. Dii te perdant fugitive, ita non modo nequam sed improbus, fatuus, & amens es. Quid? signa ænea in insidiis posuerat, quæ è balneo in cubiculum transferri non possent? 26. habes crimina insidiarum. Nihil enim dixit amplius. Horum, inquit, eram conscius. Quid tum? ita demens ille erat

27. erat, ut eum quem conscium tanti sceleris habebat à se dimitteret? Romam etiam mitteret, ubi & inimicissimum sciret esse nepotē suum & C. Cæsa-  
rem, cui fecisset infidias? præsertim cum is unus  
esset, qui posset de absente se vindicare? & fratres  
meos, inquit, quod erant conscii, in vincula con-  
jecit. Cum igitur eos vinciret, quos secum ha-  
bebat, te solutum Romam mittebat, qui eadem  
scires, quæ illos scire dicis?

28. VIII. RELIQUA pars accusationis duplex fuit:  
una regem semper in speculis fuisse, cum à te  
animo esset alieno; altera: exercitum eum contra  
te magnum comparasse. De exercitu dicam bre-  
viter, ut cetera. Nunquam eas copias Rex Dejo-  
tarus habuit, quibus inferre bellum populo Romæ  
posset; sed quibus fines suos ab incursionibus hos-  
tium, & latrociniiis tueretur, & imperatoribus  
nostris auxilia mitteret. Atque antea quidem  
maiores copias alere poterat: nunc exiguas vix  
tueri potest. At misit (15) ad Cælium nescio quem.  
29. Sed eos, quos misit, quod ire noluerunt, in vincula  
conjecit. Non quæro, quā verisimile sit, aut non  
habuisse regem, quos, mitteret: aut eos, quos mi-  
sisset, non paruisse; aut, qui dicto audientes in tan-  
ta re non fuissent, eos victos potius, quam nece-  
tos fuisse. Sed tamen ad Cælium mittebat, utrum  
causam illam victam esse nesciebat, an Cælium istum  
magnum hominem putabat? quem profecto is,  
qui

---

(15) *misit ad Cælium* Cælius fuerat à partibus Pom-  
peij minus potens atque clarus, cum quo communicare  
Dejotarus accusabatur.

qui optime nostros homines novit, vel quia non  
 nosset, vel si nosset, contemneret. Addidit etiam  
 am illud, equites non optimos misisse tibi, vere- 30.  
 res, credo, Cæsar, nihil ad tuum equitatum, sed  
 misit ex ijs, quos habuit, electos. Ait, nescio  
 quem ex eo numero servum judicatum. (16) Non  
 arbitror: non audiui: sed in eo etiam si accidisset,  
 culpam regis nullam fuisse arbitrarer.

IX. ALIENO autem à te animo fuit. Quomo- 31.  
 do: speravit, credo, difficiles tibi Alexandria fore  
 exitus, propter regionis naturam & fluminis. At  
 eo ipso tempore pecuniam dedit, exercitum aluit:  
 quem Asiæ præfeceras, ei nulla in re defuit: tibi vi-  
 ctori, non solum ad hospitium, sed ad periculum  
 etiam præsto fuit. Secutum est bellum Africa-  
 num. Græves de te rumores sparsi, qui etiam fu-  
 riosum illum Cælium excitaverunt. Quo tum  
 erga te Rex animo fuit, qui auditionatus sit sese-  
 que & filium suum expoliare maluerit, quam tibi  
 pecuniam non subministrare. At eo, inquit, tempo- 32.  
 re ipso Nicæum Ephesumque mittebāt, qui rumo-  
 res Africanos exciperent & celeriter ad se refer-  
 rent. Itaque cum esset ei nunciatum, Domitium  
 naufragio periisse, te in castello circumsideri, de  
 Domitio dixit verbum Græcum eadem sententia,  
 qua etiam nos habemus Latinum. *Pereant amici,  
 dum una inimici intercident.* Quod ille, si esset  
 tibi inimicissimus, numquam tamen dixisset. Ipse  
 etenim

(16) *servum judicatum* quod scilicet, inter Equites,  
 quos Dejotarus Cæsari miserat, etiam servus inventus  
 sit, atque à militia remotus.

etenim mansuetus, versus immanis. Qui autem  
 Domitio poterat esse amicus, qui tibi esset inimi-  
 cus? tibi porro inimicus cur esset, à quo cum vel  
 interfici belli lege potuisset, regem & se & filium  
 suum constitutos esse meminisset? **33** quid deinde?  
 furcifer quo progreditur? ait, hac lætitia De-  
 jotarum elatum vino se obruisse, in convivioque  
 nudum saltavisse. Quæ crux huic fugitivo potest  
 satis supplicii asferre. Dejotarum saltantem quis-  
 quam aut ebrium vidit unquam! omnes sunt in  
 illo regis virtutes, quod te, Cæsar, ignorare non  
 arbitror: sed præcipue singularis & admiranda  
 frugalitas; etsi hoc verbo scio laudari reges non  
**34** solere. Frugi hominem dici non multum habet  
 laudis in rege: fortem justum, severum, gravem,  
 magnanimum, largum, beneficum, liberalem, hæc  
**35** sunt regis laudes: illa privata est. Ut volet quis-  
 que accipiat, ego tamen frugalitatem, id est, mo-  
 destiam & temperantiam, virtutem esse maximam  
 judico. Hæc in illo est ab ineunte ætate, tum à  
 cuncta Asia, tum à Magistratibus legatisque no-  
 stris, tum ab equitibus R. qui in Asia negotiati  
**36** sunt perspecta & cognita. Multis ille quidē gra-  
 dibus officiorum erga Rempublicam nostram ad  
 hoc regium nomen adscendit, tamen, quidquid à  
 bellis populi Rom: vacabat cum hominibus no-  
 stris consuetudines, amicitias, res, rationesque  
 jungebat: ut non solum Tetracha nobilis, sed opti-  
 mus paterfamilias, & diligentissimus agricola &  
 pecuarius haberetur. Qui igitur adolescens, non-  
 dum tanta gloria præditus, nihil unquam nisi fe-  
 verissime & gravissime fecerit, is ea existimatione  
 atque ætate saltavit?

X. IMITARI potius, Castor, Avi tui mores <sup>37.</sup> disciplinamque debebas, quam optimo & clarissimo viro fugitivi ore maledicere. Quod si saltatorem avum habuisses, neque eum virum, unde pudoris pudicitiaque exempla peterentur, tamen hoc ma' edictum minime in illam ætatem conveniret; quibus ille studiis ab ineunte ætate se imbuerat non saltandi, sed bene ut armis, optime ut equis uteretur: ea tamen illum cuncta, jam ætate exacta defecerant. Itaque Dejotarum cum plures in eqvum sustulissent, quod hæere in eo senex posset, admirari solebamus. Hic (17) vero adoles- <sup>38.</sup> cens, qui meus in Cilicia miles, in Græcia commilito fuit, cum in illo nostro exercitu equitaret cum suis delectis equitibus, quos una cum eo ad Pompejum pater miserat, quos concursus facere solebat? quã se jactare? quam se ostentare? quam nemini in illa causa studio & cupiditate concedere? Cum vero, exercitu amisso, ego, qui pacis auctor semper fui, post Pharsalicum autem prælium svasor fuisset armorum non deponendorum, sed abjiciendorum, hunc ad meam auctoritatem non potui adducere, quod & ipse ardebat studio ipsius belli, & patri satisfaciendum esse arbitrabatur. Felix ista domus, (18) quæ non impunitatem solum adeptæ

(17) *hic vero adolescens: &c.* ad Castorem dicitur, quod se minus modeste jactarit.

(18) *Felix ista domus &c.* felicem dicit Cicero familiam Castoris, quod is, cum fuerit contra Cæsarem, nec a bello facile revocari potuerit, impunitus sit, imo etiam avum suum innocentem libere accuset.

adepta sit, sed habet etiam accusandi licentiam: calamitosus Dejotarus, qui ab eo, qui in iisdem castris fuerit, non modo apud te, sed etiam à suis accusetur. Vos vestra secunda fortuna, Castor, non potestis sine propinquorum calamitate esse contenti.<sup>1</sup>

39. XI. SINT sane inimicitiae, quae esse non debebant. Rex enim Dejotarus vestram familiam abjectam & obscuram, è tenebris in lucem vocavit. Quis tuum patrem ante, qui esset, quam cuius genere esses, audivit? sed quamvis ingratis & impie necessitudinis nomen repudiaretis, tamen inimicitias, hominum more gerere poteratis, non ficto crimine insectari, non expetere vitam, non capitis

40. arcessere. Esto; concedatur (19) hæc quoque acerbioris & odii magnitudo. Adeone, ut etiam omnia vitæ, salutisque communis, atque etiam humanitatis iura violentur? servum sollicitare verbis: spe, promissisque corrumpere: adducere domum, contra dominum armare: hoc est, non uni propinquo sed omnibus familiis bellum nefarium indicere. Nam ista corruptela servi, si non modo impunita fuerit, sed etiam à tanta auctoritate approbata, nulli parietes nostram salutem, nullæ leges, nulla iura custodient. Ubi enim id, quod intus est atque nostrum, impune evolare potest, contraque nos pugnare, sit in dominatu servitus, in servitu-

---

(19) esto concedatur &c. ac si diceret: liceat etiam inique Tibi insectari avum tuum, hoc tamen nefas omnino, ut omnia humanitatis iura violes, ut servum corrupas &c.

41.  
 vitute dominatus. O tempora, o mores! Cn. Domitius ille, quem nos pueri consulem, censorem, pontificem maximum vidimus, cum tribunus pl. M. Scaurum, principem civitatis, in iudicium populi vocasset, Scaurique servus ad eum clam domum venisset, & crimina in dominum delaturum se esse dixisset, comprehendi hominem iussit, ad Scaurumque deduci. Vide quid intersit etfi inique Castorem cum Domitio comparo: sed tamen ille inimico servum remisit: tu ab Avo abduxisti; ille incorruptum audire noluit, tu corrupti: ille adiutorem servum contra dominum repudiavit tu etiam accusatorem adhibuisti. An semel iste est corruptus à vobis? nonne, cum esset productus testis, & cum tecum fuisset, refugit ad legatos? nonne etiam ad hunc Co. Domitium (20) venit? nonne audiente hoc T. Torquato, optimo adolescente, à te corruptum tuis promissis in fraudem impulsus esse confessus est.

XII. QUÆ est ista tam impudens, tam crudelis, tam immoderata inhumanitas? idcirco in hanc urbem venisti, ut hujus urbis jura, & exempla corrumperes, domesticaque tua inhumanitate nostræ civitatis humanitatem inquinares? At quam, acute collecta crimina? Blesamius, inquit (ejus enim nomine, optimi hominis, nec tibi ignoti, maledicebat tibi) ad regem scribere solebat, te invidia esse, tyrannum existimari: statua inter reges posita

---

(20) nonne etiam ad hunc Domitium &c. adducit in testimonium Domitium, Sulpicium & Torquatum, coram quibus servus fassus est, se aliquoties corruptum fuisse.

posita animos hominū vehementer offensos: plauditi tibi non solere. Nonne intelligis, Cæsar, ex urbanis malevolorum sermunculis, hæc ab istis esse collecta? Blesamius tyrannum Cæsarem scriberet? multorum enim civium capita viderat: multos iussu Cæsaris vexatos, verberatos, necatos: multas afflictas & everfas domos, armatis militibus refertum forum, quæ semper in civili victoria sensimus, ea te victore non vidimus. Solus inquam es, C. Cæsar, cujus in victoria ceciderit nemo, nisi armatus. Et quem nos liberi, in summa reipublicæ libertate nati, non modo non tyrannum, sed etiam clementissimum in victoria videmus ducem, is Blesamio, qui vivit in regno, tyrannus videri potest? nam de statua quis queritur, una præsertim, cum multas videat? valde enim invidendum est ejus statuæ, cujus trophæis non invidemus. Nam, si locus affert invidiam, nullus locus est ad statuam quidē rostris carior. (21) De plausu autē quid respondeam? qui nec desideratus unquam à te est, & nonnunquam obstupefactis hominibus ipsa admiratione compressus est: & fortasse eo prætermisus, quia nihil vulgare te dignum videri potest.

XIII. NIHIL à me arbitror prætermisum, sed aliquid ad extremam causæ partem reservatum.

Id

---

(21) *nullus locus est &c.* Rostra fuere locus, seu Templum in foro Romæ rostris Antiatum Navium adornatum, ex quo loco orationes rogationesque fiebant ad populum. Hic itaque locus cum fuerit honorificentissimus statuis clarissimorum virorum suscipiendis, in eo loco statua Cæsaris non fuerat, quo sibi Cæsar invidiam plebis compararet.

Id autem aliquid est, te ut plane Dejotaro reconciliet oratio mea. Non enim jam metuo, ne tu illi succenseas; illud vereor, ne tibi illum succensere aliquid suspicere: quod abest longissime, mihi crede Cæsar. Quid enim retineat per te, meminit, non quid amiserit: neque se à te multatum arbitratur: sed cum existimaret, à multis tibi multa esse tribuenda, quo minus à se, qui in alia parte fuisset, ea sumeres, non recusavit. Etenim, si Antiochus Magnus ille Rex Asiæ, cum postea quam à Scipione devictus Tauro tenus regnare iustus esset, omnemque hanc Asiæ, quæ est nunc nostra provincia, amisisset: dicere est solitus, benigne sibi à populo Romano esse factum, quod nimis magna proceratione liberatus, modicis regni terminis uteretur: potest multo facilius se Dejotarus consolari; ille (22) enim furoris multam sustinuerat, hic erroris. Omnia Dejotaro Cæsar, tribuisti, cum & ipsi & filio nomen regium concessisti. Hoc nomine retento atque conservato, nullum beneficium populi Romani, nullum iudicium de se Senatus imminutum putat, magno animo & erecto est, nec unquam succumbet inimicis, ne fortunæ quidem. Multi se arbitratur & peperisse antea factis, & habere in animo atque virtute: quæ nullo modo possit amittere. Quæ enim fortuna, aut quis casus, aut quæ tanta possit injuria omnium impe-

---

(22) *Ide enim &c.* scilicet: quod Antiochus multatus fuerit parte Regni propter suam pernicacem malitiam. Dejotarus vero, propter errorem, ex quo Pompeii partes secutus fuerat.

imperatorum de Deiotaro decreta delere: ab omnibus enim est ornatus, qui postquam in castris esse potuit per ætatem in Asia, Cappadocia, Ponto, Cilicia, Syria, bella gesserunt. Sanatus vero iudicia de illo tam multa, tamque honorifica, quæ publicis populi Romani literis monumentisque consignata sunt, quæ unquam vetustas obruet, aut quæ tanta delebit oblivio? quid de virtute ejus dicam? quid de magnitudine animi, gravitate, constantia? quæ omnes docti atque sapientes summa, quidam etiam sola bona esse dixerunt: hisque non modo ad bene, sed etiam ad beate vivendum contentam virtutem esse. Hæc ille reputans & dies & noctes cogitans, non modo tibi non succenset, ( esset enim non solum ingratus, sed etiam amens ) verum omnem tranquillitatem & quietem senectutis acceptam refert clementiæ tuæ.

XIV. QUO quidem animo, cum antea fuerit, tum non dubito, quin tuis literis, quarum exemplum legi, quas ad eum Tarracone huic Blesamio dedisti, se magis etiam erexerit ab omnique sollicitudine abstraxerit. Jubes enim eum bene sperare, & bono esse animo: quod scio te non frustra scribere solere. Memini enim hisdem fere verbis ad me te scribere, meque tuis literis bene sperare, non frustra esse iustum. Laboro equidem Regis Deiorari causa, quocum mihi amicitiam resp. conciliavit, familiaritatem consuetudo attulit, summam vero necessitudinem magna ejus officia in me & in exercitum meum effecerunt. Sed cum de illo laboro, tum de multis amplissimis viris, qui-

bus

bus semel esse ignotum a te oportet, nec beneficium tuum in dubium vocari, nec hærere in animis hominum sollicitudinem sempiternam, nec accidere ut quisquam te timere incipiat eorum, qui semel à te sint liberati timore. Non debeo, C. Cæsar, quod fieri solet in tantis periculis, tentare, quonam modo dicendo misericordiam tuam commovere possim, nihil, opus est Occurrere illa solet supplicibus, & calamitosis, nullius oratione evocata. Proponere tibi duos reges & id animo contemplare, quod oculis non potes. Dabis profecto misericordiæ, quod iracundiæ negavisti. Multa sunt tuæ clementiæ monumenta sed maxime eorum incolumitates, quibus salutem dedisti. Quæ si in privatis gloriosa sunt, multo magis commemorabuntur in regibus. Semper regium nomen in hac civitate sanctum fuit, sociorum vero regum & amicorum, sanctissimum.

XV. QUOD nomen hi reges ne amitterent, te victore, timuerunt: retentum vero & à te confirmatum posteris etiam suis tradituros esse confido: Corpora vero sua, pro salute regum suorum hi legati tibi regii tradunt, Hieras, & Blefamius, & Antigonus, tibi nobisque omnibus jam diu noti, eademque fide & virtute præditus Dorylaus, qui nuper cum Hiera legatus est ad te missus: tum regum amicissimi, tum tibi etiam, ut spero, probati. Exquire de Blefamio, nunquid ad regem contra dignitatem tuam scripserit? Hieras quidem causam omnem suscipit, & criminibus illis pro rege se supponit reum, memoriam tuam implorat, quæ  
vales

uales plurimū. negat unquam se à te in Dejotari Tetrarchia pedem discessisse in primis finibus tibi se præsto fuisse dicit, usque ad ultimos profectum cum è balneo exisses, tecum se fuisse, cum illa munera inspexisses, cænatu cum in cubiculo recubuisses: eandemque assiduitatem tibi se præbuisse postridie. Quamobrem, si quid eorum quæ obiecta sunt cogitatum sit, non recusat. quip̄ id facinus suum iudices. Quocirca, C. Cæsar, velim existimes, hodierno die sententiam tuam, aut cum summo dedecore miserrimam pestem importaturam esse regibus, aut incolumem famam cum salute: quorum alterum optare, illorum crudelitatis est: alterum conservare, clementiæ tuæ.

## SENTENTIÆ

**N**emo fere est, qui sui periculi iudex non sibi se æquiores, quam reo præbeat

*Immane est dicere, pereant amici, dum simul inimici intercidant.*

*Frugi hominem dici non multum habet laudis in rege: fortem, justum, severum, gravem, magnanimum, largum, beneficum, liberalem, sunt regiæ laudes: illa privata est.*

*Frugalitatem, id est, modestiam, & temperantiam virtutem esse maximam iudico.*

*Corruptela servi, si non modo impunita fuerit, sed etiam à magna auctoritate approbata, nulli parietes nostram salutem, nullæ leges, nulla jura custodient: ubi enim id, quod intus est atque nostrum, impune evolare potest, contraque nos pugnare, fit in dominatus servitus in servitute dominatus. Sem-*

*Semper regium nomen in civitate Romana sanctum  
fuit: sociorum vero regum & amicorum sanctissimum.*

ORATIO V.  
quæ est  
PRO L. MANILIA.

Argumentum Orationis pro L. Manilia.

**G**Rævia & diuturna Romanis cum Mithridate Re-  
ge Ponti bella fuere. Contra hunc primum missi  
sunt cum imperio Sylla, & post L. Lucullus. Hi duo  
quamquam regem magnis cladibus affligerunt, inde-  
bellatum tamen relinquere coacti sunt. Sylla enim,  
ad reprimendam factionem Marianam, Romam rediit,  
pace cum Mithridate facta. L. Lucullus cum Regem  
jam ad extremum pene spiritum redeisset, per seditionem  
militum suorum, sequi longius nolentium, probi-  
betur id bellum finire. Ad hæc Lucullus Senatus  
consulto avocabatur ab eo bello. Itaque exercitu  
ejus disperso Mithridates impune grassabatur. Pro-  
inde C. Manilius tribunus plebis legem ferebat, ut  
Pompejo Phrygia, Lycaonia, Galacia, Cappadocia, Ci-  
licia, Colchis, Pontus, Armenia, aliaque loca & exer-  
citus, quos Lucullus tenebat, crederentur, & contra  
Mithridatem & Tigranem Imperator extra ordinem  
iret. Hac lege potentia Pompeij nimis crescere, &  
Lucullus imminui videbatur. Quare optimi quique  
rogationi huic sine lege obsisterant, sed cum dies pro-  
mulgationis adesset, metu plebis, quæ Pompejo fave-  
bat, quiescebant. Silus Catulus & Hortensius Consu-  
lares rogationem dissuadebant. Hic Cicerone respondet

G

hac

*hac Oratione svadetque populo, ut lege Manilii Pompejum ducem declarent belli Mithridatici, & objectiones, Catuli & Hortensii refutat.*

*Genus orationis est deliberativum. Svadet enim Cicero, ut Pompejum deligant ducem ejus belli; atque huc pertinet laus Pompeij ex Genere demonstrativo.*

*Status est conjecturalis: An Pompejus bello Mithridatico sit praficiendus? quod affirmatur.*

*Stylus seu dicendi character est temperatus.*

*Habita hac Oratio ad populum M. Emilio Lepido I. Volcatio Tullo Coff: Anno V. C. DCLXXXVII. Cicerone atatem agente XLI.*

*Eventus fuit, ut valeret Lex Manilii, & Pompejus prafectus fuit bello Mithridatico.*

## DISPOSITIO.

### Orationis pro Lege Manilia.

Partes Orationis sunt sex: *Exordium, Narratio, Propositio, Confirmatio, Confutatio, & Peroratio.*

*In Exordio ( quod petitur ex visceribus causa )*

*Cap. I. Cicero exponit causas, ob quas non licuit illi bucusque è Rostris concionem habere ad populum. Tum mox dicit sibi ad prafens esse auctoritatem, quam locus dicendi requirit, & simul latatur se in ejusmodi causa dicere, quæ cum laudibus Pompei est conjuncta.*

*In Narratione ( qua est totius cause fundamentum )*

*Cap. II. ostenditur bellum grave ac periculosum Romanis inferri à duobus Asia Regibus Mithridate & Tigrane; Lucullum ab eo bello discedere; Pompejum ad idem bellum deposci.*

Propo.

Propositio habet duas partes: I. gerendum est à populo Romano bellum in Asia. II. Bello huic praeficiendus est Pompejus.

Confirmatio Partis primæ ( gerendum est à populo Romano bellum in Asia ) ex duplici potissimum deducitur argumento: imum quia hoc bellum genere suo est necessarium adum quia magnitudine est periculosum.

Argumentum imum ( Bellum Asiaticum genere suo est necessarium ) amplificatur quatuor rationibus. 1ma ratio quia in hoc bello agitur de gloria populi Romani, cuius ratio imprimis est à contrario Cap. III. quod summum sit dedecus non ulcisci nec persequi bello Regem Mithridatem, qui cum maximo Nominis Romani probre, una die, tota Asia Romanos trucidandos literis suis divulgavit; deinde quod versetur in tota Asia, & quod libere atque arroganter regnet; Denique Cap. IV. quod contra Romanos societatem belli contraxerit cum Sertorio in Hispania; tum demum Cap. V. exemplo Majorum qui minores injurias, quam ha sunt à Mithridate illata, ulsi sunt, hortatur Cicero populum pro gloria Nominis ad gerendum bellum. 2da ratio quia in eodem bello agitur salus sociorum. Et hoc Cap. V. Quid quod talus &c. amplificatur ex eo, quod Ariobarzanes Rex, Civitatesque Asia Romanis socia, quæ Imperatorem Pompejum deposcunt, hoc in bello periclitentur; ad quos socios defendendos concitat Cicero Cap. VI. exemplo Majorum. 3tia ratio quia in hoc bello aguntur vestigalia maxima Romanorum; & hoc Cap. VI. praesertim &c. probatur ex fertilitate Asia, ex proventibus, & aliis

*aliis utilitatibus quam plurimis, qua omnia non tantum bello, sed etiam rumore belli impediri ostendit Cicero, atque hortatur ad socios omni formidine liberandos. 4ta ratio quia in eodem bello aguntur fortuna Romanorum; Et hoc Cap, VII. probatur ex eo, quod in Asia multi Romani negotientur, quod inibi locatas pecunias habeant, quas facultates privatas dicit Cicero conjunctas esse cum Republica, atque idcirco ( facta repetitione omnium prima partis Argumentorum ) urget clara Enthymematis complexione bellum gerendum.*

*Argumentum 2dum ( Bellum Asiaticum est magnitudine periculosum ) ut solidius amplificetur, narrat imprimis Cicero Cap. VIII. quomodo Lucullus cum ingenti laude sua Mithridatem copiis, Civitatibus Et classe spoliaverit, nihilominus Cap. IX. admonet Cicero Mithridatem non esse bello confectum, quia is stratagemate (cujus simile exemplum est de Medea) remoratus Romanos, evasit ad Tygranem, à quo fortiter adjutus; omnes praterea nationes adversus Lucullum concitatae; Romani sensim ad propria dilapsi sunt; Mithridates copiis plurimorum Regum adjutus de integro Regnum recepit, Lucullum pralio fudit, qui idem Lucullus Romam revocatus, partem tantum exercitus reliquit Glabroni; atque hinc statim clara ponitur Enthymematis complexio.*

*Confirmatio partis 2dæ ( Bello huic praeferendus est Pompejus ) consistit in quatuor rationibus. Quarum una est: quia in Pompejo est scientia rei militaris. quod Cap. X. facta prius brevi narratione de paucitate virorum ad id bellum ideneorum, probatur*

ex eo, quia à pueritia in exercitu versatus est, & quia omnia belli genera summa cum laude tractavit. 2da ratio quia in Pompejo est virtus militaris, quod Cap. XI. amplificatur gestis ab eo rebus, testimonio Provinciarum, multitudine periculorum, & Cap. XII. innumeris cladibus Pompej summa virtute à populi Rom: averfis ac depulsis.

Huic virtuti militari alia veluti sociæ adjunguntur, ut est I. Innocentia, quæ in Pompejo extollitur. Cap. XIII. comparatione quorundam Imperatorum, qui ob avaritiam, & dignitates ad quasum vendiderunt, & Civitates sociorum bibernis suis in ruinam redegerunt. II. Temperantia Cap. XIV. celebratur ex celeritate confecti belli, quæ enim res alios remorari solent, hæ Pompejum non retardarunt. III. Cæteras virtutes attingit breviter, concluditque Pompejum bello præficiendum.

3tia ratio quia in Pompejo est auctoritas, id ostenditur Cap. XV. ex eo, quod eum populus Romanus communi suffragio ad bellum delegerit; quod ejus Nominis & adventu caritas annonæ Romæ diminuta & hostes perterriti sint; quod denique Cap. XVI. multe urbes se ei dediderint, ac à longinquis regionibus legationes missæ fuerint. 4ta ratio quia in Pompejo est felicitas. Hoc Cicero amplificat. Cap. XVI. Reliquum est &c. à comparatione fortuna magnorum Imperatorum; à præteritione rerum feliciter gestarum; & à benevolentia Deorum, qui in potestate Pompej fortunam esse voluerunt. Tum demum tota confirmatio, quo ad utramq; partem concluditur perquam clarissime,

Con-

Confutatio est Hortensii, qui negabat uni Pompejo omnia tribuenda; Et Catuli, qui dicebat Cn. Pompejo inniti omnem spem populi Romani, propterea ad periculosum bellum mitti eum non debere; Deinde contra exempla Majorum esse, ut ad Pompejum omnia deferantur. Quod itaque attinet Hortensium, eum Cicero refellit. Cap. XVII. à præjudicio Gabinii, qui legem de uno Imperatore Pompejo contra prædones constituendo (eodẽ Hortensio frustra reclamante promulgavit; quod sapienter factũ à populo Romano declarat enumeratione cladum Et damnorum quæ subsequerentur, si sententia Hortensii valuisset. Has deinde clades. Cap. XVII. applicatur magnis tam exterarum Provinciarum atque Civitatum, quam populi Romani calamitatibus, quas Majores passi non sunt. Tum demum Cap. XIX. conqueritur Gabinium non fuisse missum Legatum Pompejo, sed de hoc relaturum se ad senatum Cicero dicit. Quo ad Catulum, huic ad primum respondet Cicero summi hominis vitã, dum licet, populo Romano esse fruendum. Ad secundum dicit Cicero Cap. XX. Majores suos ad novos casus nova concilia adhibuisse, Et sæpe multa uni contulisse: quod Cap. XXI. probat exemplis plurium, Et vel maxime ipsius Pompeji aliquoties Imperatoris summi. Hanc ob rem Cap. XXI. XXII. reprehendit adversarios, quod ab auctoritate populi Romani dissentiant, ac rursus continentiam Pompeji predicat, objecta aliorum Imperatorum cupiditate, avaritia Et odio exterarum Provinciarum à quibus Pompejus deposcitur. Concludit denique interposita auctoritate clarissimorum virorum, adhortando Romanos, ut contra sententiam Horten-

*Hortensii & Catuli, uni Pompejo omnia committant.*

*In Peroratione Cap. XXIV. laudat Cicero legem  
& sententiam Manilii, eundemque hortatur, ut illam  
legem promoveat; ad id suam operam pollicetur, tum  
testatur se se omnia dicere, atque suadere non pri-  
vato, sed publico commodo, etiamsi cum invidia mul-  
torum.*



ORA-

O R A T I O.  
 P R O L E G E M A N I L I A.  
 A D P O P U L U M.

I. **Q**UANQUAM mihi semper frequens conspectus vester multo jucundissimus, hic autem locus (1) ad agendum amplissimus ad dicendum ornatissimus est visus, Quirites: tamen hoc auditu laudis qui semper optimo cuique maxime paruit, non mea me voluntas, sed meæ vitæ rationes ab ineunte ætate susceptæ prohibuerunt. Nam cum antea per ætatem nondum hujus auctoritatem loci contingere auderem, statueremque nihil huc, nisi perfectum ingenio, elaboratum industria, afferri oportere, omnè meum tempus amicorum temporibus transmittendum (2) putavi. Ita neque hic locus vacuus fuit unquam ab iis, qui vestram causam defenderent: & meus labor in privatorum periculis caste (3) integreque versatus, ex vestro iudicio fructum est amplissimum consecutus. Nam cum propter dilationem comitorum ter Erætor primus centuriis cunctis renunciatus

(1) *hic autem locus ad agendum amplissimus* id est Rostra, in quibus nulli, nisi viris amplitudine præditis, Magistratum scilicet gerentibus, cum populo agere licuit.

(2) *transmittendum*, tribuendum commodis & necessitatibus amicorum.

(3) *Caste &c.* quod donum, aut pecuniam nullam ob causam orandam unquam acceperit.

tus sum, facile, intellexi, Quirites, & quid de me judicaretis, & quid aliis præscriberetis. Nunc cum & auctoritatis in me tantum sit, quantum vos honoribus mandandis esse voluistis, & ad agendum facultatis tantum, quantum homini vigilantanti ex forensi usu prope quotidiana dicendi exercitatio potuit afferre; & si quid auctoritatis in me est, ea apud eos utar, qui eam mihi dederunt; & si quid etiam dicendo consequi possum, iis ostendam potissimum, qui ei quoque rei fructum suo iudicio tribuendum esse censuerunt. Atque illud in primis mihi lætandum jure esse video, quod in hac insolita mihi ex hoc loco ratione dicendi, causa talis oblata est, in qua oratio nemini deesse potest. Dicendum est enim de Cn. Pompeji singulari eximiaque virtute. Hujus autem orationis difficilius est exitum, quam principium invenire. Itaque non mihi tam copia, quam modus in dicendo querendus est.

II. ATQUE ut inde oratio mea proficiatur, unde hæc omnis causa dicitur: bellum grave & periculosum vestris veſtigalibus atque sociis à duobus potentissimis regibus inferitur, Mithridate, & Tigraue: quorum alter reliquus, alter laceſſitus occasionem sibi ad occupandam Asiam oblatam esse arbitratur. Equitibus Romanis, honestissimis viris, adferuntur ex Asia quotidie literæ, quorum magnæ res aguntur in vestris veſtigalibus exercendis occupatæ, qui ad me pro (4) necessitudine

---

(4) pro necessitudine, quia Cicero ex Equestri ordine ortus, eundem semper complexus fuit.

dine, quæ mihi est cum illo ordine, causâ reip: periculaque rerum suarum detulerunt. Bithyniæ, quæ nunc vestra provincia est, vicos exustos esse complures: regnum Ariobarzani, quod finitimum est vestris vectigalibus, totum esse in hostium potestate; Lucullum, magnis rebus gestis, ab eo bello discedere; huic qui succurrerit, non satis esse paratum ad tantum bellum administrandum: unum ab omnibus sociis, & civibus ad id bellum imperatorem deposci atque expeti, eundem hunc unum ab hostibus metui, præterea neminem. Causa quæ sit, videtis; nunc quid agendum sit, considerate. Primum mihi videtur de genere belli, deinde de magnitudine, tum de imperatore deligendo esse dicendum. Genus est enim ejusmodi, quod maxime vestros animos excitare atque inflammare debet: in quo agitur populi Romani gloria, quæ vobis à majoribus, cum magna in rebus omnibus, tum summa in re militari tradita est; agitur salus sociorum, atque amicorum, pro qua multa majores vestri magna & gravia bella gesserunt, aguntur certissima populi Rom: vectigalia, & maxima, quibus amissis, & pacis ornamenta & subsidia belli requiretis; aguntur bona multorum civium, quibus à vobis, & ipsorum & reip: causa consulendum.

III. ET quoniam semper appetentes gloriæ præter cæteras gentes, atque avidi laudis fuistis, defenda est vobis illa macula Mithridatico bello superiore suscepta, quæ penitus jam insedit, atque inveteravit in populi Romani nomine: quod is quod

qui uno die tota Asia, tot in civitatibus, uno nuncio, atque una literarum significatione cives Rom: necandos trucidandosque denotavit, non modo adhuc pœnam nullâ suo dignam scelere suscepit, sed ab illo tempore annum jam tertium & vigesimum regnat, & ita regnat, ut se non Ponto neque Cappadociæ latebris occultare velit, sed emergere è patrio regno, atque in vestris vestigaliis, hoc est, in Asiæ luce versari. Etenim adhuc ita vestri cum illo rege contenderunt imperatores, ut ab illo insignia victoriæ, non victoriam reportarent. Triumphavit L. Sylla, triumphavit L. Muræna de Mithridate, duo fortissimi viri, & summi imperatores: sed ita triumpharunt, ut ille pulsus superatusque regnaret. Verum tamen illis imperatoribus laus est tribuenda, quod egerunt, venia danda quod reliquerunt, propterea quod ab eo bello Syllam in Italiam respublica, Murænam Sylla revocavit.

IV. MITHRIDATES autem omne reliquum tempus, non ad oblivionem veteris belli, sed ad comparisonem novi contulit; qui postea quam maxime ædificasset ornassetque classes, exercitusque permagnos, quibuscunque ex gentibus potuisset, comparasset, & se Bosphoraniis finitimis suis bellum inferre simulasset, usque in Hispaniam legatos <sup>ad liberos</sup> Ecbataniis misit ad eos duces, quibuscum tum bellum gerebamus: ut, cum duobus in locis distinctissimis maximeque diversis uno consilio, à binis hostium copiis, bellum terra marique gereretur, vos ancipiti contentione distracti, de imperio

rio dimicaretis. Sed tamen alterius partis periculum, Sertorianæ (5) atque Hispaniensis, quæ multo plus firmamenti ac roboris habebat Cn. Pompeji divino consilio ac singulari virtute depulsum est: in altera parte ita res L. Lucullo, summo viro, est administrata, ut initia illa gestarum rerum magna atque præclara, non felicitati ejus, sed virtuti, hæc autem extrema, quæ nuper acciderunt, non culpæ, sed fortunæ tribuenda esse videantur. Sed de Lucullo dicam alio loco, & ita dicam, Quirites, ut neque vera laus ei detracta oratione nostra, neque falsa afficta esse videatur: de vestri imperii dignitate atque gloria quoniam is exorsus orationis meæ, videte, quem nobis animum suscipiendum putetis.

V. MAJORES vestri sæpe mercatoribus, ac navicularibus (6) injuriosius tractatis bella gesserunt: vos tot civium Romæ millibus, uno nuncio atque uno tempore necatis, quo tandem animo esse debetis? legati quod erant appellati superbius, Corinthum patres vestri, totius Græciæ lumen extinctum esse voluerunt: vos eum regem inultum esse patiimini, qui legatum populi Romæ consularem vinculis ac verberibus, atque omni supplicio

excrui-

(5) *Sertoriana &c.* Sertorius Civis Romanus proscriptus à Sulla, in Hispaniam fugit, qui postea bellum movit contra Romanos.

(6) *navicularibus.* iis nempe qui conducuntur cum navibus ad transferenda frumenta in urbem, aut ubicunque est Imperator.

excruciatum necavit? Illi libertatem civium Romanam: imminutam non tulerunt, vos vitam ereptam negligetis? Jus legationis verbo violatum illi persecuti sunt: vos legatum populi Romani omni supplicio interfectum inultum relinquetis? videte ne, ut illis pulcherrimum fuit, tantam vobis imperii gloriam relinquere, sic vobis turpissimum sit, illud quod accepistis, tueri & conservare non posse. Quid? quod salus sociorum summum in periculum ac discrimen vocatur. Regno expulsus est Ariobarzanes rex, socius populi Romae atque amicus; imminent duo reges totae Asiae non solum vobis inimicissimi, sed etiam vestris sociis atque amicis, civitates autem omnes cuncta Asia atque Graecia vestrum auxilium expectare propter periculi magnitudinem coguntur: imperatorem à vobis certum deposcere, cum praefertim vos alium miseritis, neque audent, neque se id facere summo sine periculo posse arbitrantur: vident & sentiunt hoc idem, quod vos, unum virum esse, in quo summa sint omnia, & eum (7) prope esse (quo etiam carent ægrius) cuius adventu ipso atque nomine, tametsi ille ad maritimum bellum venerit, tamen impetus hostium repressos esse intelligunt, ac retardatos. Hi vos, quoniam libere loqui non licet, tacite rogant, ut se quoque, sicut cæterarum provinciarum socios, dignos existimetis, quorum salutem tali viro com-

---

(7) & eum prope esse &c. quia tunc Pompejus Classi præerat, & non procul à Graecia & Asia in mari fuerat.

commendetis: atque hoc etiam magis, quam cæteros, quod eiusmodi in provinciam homines cum imperio mittimus, ut, etiamsi ab hoste defendant, tamen ipsorum adventus in urbes sociorum non multum ab hostili expugnatione differant. Hunc audiebant antea, nunc præsentem vident, tanta temperantia, tanta mansuetudine, tanta humanitate, ut ii beatissimi esse videantur, apud quos ille diuissime commoratur.

VI. QUARE si propter socios nulla ipsi injuria lacerati majores vestri cum Antiocho, cum Philippo, cum Aetolis, cum Pænis bella gesserunt: quanto? vos studio convenit injuriis provocatos, sociorum salutem una cum imperii vestri dignitate defendere? præsertim, cum de vestris maximis vesticulis agatur? Nam cæterarum provinciarum vesticulæ, Quirites, tanta sunt, ut iis ad ipsas provincias tutandas vix contenti esse possimus: Asia vero tam opima est, & fertilis, ut & ubertate agrorum, & varietate fructuum, & magnitudine pastionis, & multitudine earum rerum quæ exportantur, facile omnibus terris antecellat. Itaque hæc vobis provincia, Quirites, si & belli utilitatem, & pacis dignitatem sustinere vultis, non modo calamitate, sed etiam à metu (8) calamitatis est defendenda. Nam cæteris in rebus cum venit calamitas, tum detrimentum accipitur: at in vesticulis non solum adventus mali, sed etiam metus

(8) à metu calamitatis &c. id est: ne sint in continuo metu & anxia in expectatione hostium.

tus ipse affert calamitatem. Nam cum hostium copiarum non longe absunt, etiamsi irruptio facta nulla sit, tamen pecora relinquuntur, agricultura deseritur, mercatorum navigatio conquiescit. Ita neque ex portu, neque ex decumis, neque ex scriptura (9) vestigal conservari potest. Quare sæpe totius anni fructus uno rumore periculi, atque uno belli terrore amittitur. Quo tandem animo esse existimatis, aut eos, qui vestigalia nobis pensant? aut eos, qui exercent, atque exigunt? cum duo reges cum maximis copiis prope adsint? cum una excursio equitatus: per brevi tempore totius anni vestigal auferre possit? cum publicani familias maximas, quas in saltibus habent, quas in agris, quas in portibus, atque custodiis magno periculo se habere arbitrentur? Putatisne vos illis rebus frui posse, nisi eos, qui vobis fructuosi sunt, conservaveritis, non solum ( ut antea dixi ) calamitate, sed etiam calamitatis formidine liberatos?

VII. AC NE illud quidem vobis negligendum est, quod mihi ego extremum proposueram, cum essem de belli genere dicturus, quod ad multorum bona civium Rom: pertinet quorum vobis pro vestra sapientia, Quirites, habenda est ratio diligenter. Nam & publicani, homines & honestissimi & ornatissimi suas (10) rationes & copias in illam provin-

(9) Scriptura. est vestigal pecorum.

(10) suas rationes & copias &c. hoc est facultates, & ceteri omnes ad questum pertinentes.

provinciam contulerunt, quorum ipsorum per se res, & fortunæ curæ vobis esse debent. Etenim si vectigalia nervos esse reipubl: semper duximus eum certe ordinem (11) qui exercet illa, firmiter ceterorum ordinum recte esse dicemus, Deinde cæteris ex ordinibus homines gnavi & industrii partim in Asia negotiantur, quibus vos absentibus consulere debetis, partim suas & suorum in ea provincia pecunias magnas collocatas (12) habent. Erit igitur humanitatis vestræ magnum eorum civium numerum calamitate prohibere, sapientix videre multorum civium calamitatem à reipubl: sejunctam esse non posse. Etenim illud primum parvi refert, vos publicanis amissa vectigalia postea victoria recuperare. Neque enim iisdem (13) redimendi facultas erit propter calamitatem, neque aliis voluntas propter timorem: deinde quod nos eadem Asia, atque idem ille Mithridates initio belli Asiatici docuit, id quidem certa calamitate docti memoria retinere debemus. Nam tum, cum in Asia res magnas permulti amiserant, scimus

---

(11) *eum certe ordinem &c.* Publicanos scilicet & mercaturam exercentes.

(12) *collatas habent:* pecunias, scilicet, plurimi in Asiam contulerunt & pro annuo censu locarunt.

(13) *neque enim iisdem redimendi facultas erit &c.* id est: quia mercimonia decident, cum alii amissis sub tempore belli facultatibus, alii metu periculorum deterreci non facile negotiabuntur.

scimus Romæ, solutione impedita, fidem (14) concidisse. Non enim possunt una in civitate multi rem atque fortunas amittere, ut non plures secum in eandem calamitatem trahant. A quo periculo prohibete Remp: & mihi credite id, quod ipsi videtis: hæc fides, atque hæc ratio pecuniarum, quæ Romæ, quæ in foro versatur, implicita est cum illis pecuniis Asiaticis, & cohæret. Rueret illa non possunt, ut hæ non eodem labefactæ motu concidant. Quare videte, num dubitandum vobis sit omni studio ad id bellum incumbere, in quo gloria nominis vestri, salus sociorum, vectigalia maxima, fortunæ plurimorum civium cum republ: defenduntur.

VIII. QUONIAM de genere belli dixi, nunc de magnitudine pauca dicam. Potest enim hoc dici belli genus esse ita necessarium, ut sit gerendum: non esse ita magnum, ut sit pertimescendum. In quo maxime laborandum est, ne forte à vobis, quæ diligentissime providenda sunt, contemnenda videantur. Atque, ut omnes intelligant, me L. Lucullo tantum impertire laudis, quantum forti viro, & sapientissimo homini, & magno Imperatori debeatur: dico ejus adventum, maximas Mithridatis copias, omnibus rebus ornatas, atque instructas fuisse, urbemque Asiæ clarissimam nobisque amicissimam Cyzicenorū obsessam esse ab ipso

(14) *Fidem concidisse.* quod mercatores non exsolventis propter calamitatem belli prius contractis debitis, faciles sibi postea creditores non habuerint.

ipſo rege maxima multitudine, & oppugnata[m] vehementiſſime, quam L. Lucullus virtutē aſſiduitate, conſilio, ſummis obſidionis periculis liberavit: ab eodem Imperatore claſſem magnam, & ornata[m], quæ ducibus Sertorianis ad Italiam ſtudio inflammato raperetur, ſuperatam eſſe, atque depreſſam; magnas hoſtium præterea copias multis præliis eſſe deletas patefactumque noſtris legionibus eſſe Pontum (15) qui ante populo Rom: ex omni auditu clauſus eſſet; Sinopem atque Amosum, quibus in oppidis erant domicilia regis, omnibus rebus ornata atque reſerta, cæterasque urbes Ponti, & Cappadociæ permultas uno auditu atque adventu eſſe captas; regem ſpoliatum regno patrio atque avito ad alios ſe reges, atque alias gentes ſupplicem contuliſſe: atque hæc omnia ſalvis populi Rom: ſociis, atque integris vœdicalibus eſſe geſta: Satis opinor hoc eſſe laudis; atque ita, Quirites, ut hoc vos intelligatis, à nullo illorum, qui huic (16) obtreſtant legi atque cauſæ, L. Lucullum ſimiliter ex hoc loco eſſe laudatum.

IX. REQUIRETUR fortasſe nunc, quemadmodum, cum hæc ita ſint, reliquum poſſit eſſe magnum bellum. Cognofcite, Quirites, non enim hoc ſine cauſa quæri videtur. Primum ex ſuo regno ſic. Mithridates profugit, ut ex eodem Pont

(15) Pontum Regnum Mithridatis.

(16) qui huic obtreſtant legi. id eſt: qui diſſuadent legem à Manilio latam de Pompeio in Imperatorem eligendo, & hos intelligit Catulum & Hortenſium.

to Medea illa (17) quondam profugisse dicitur: quam prædicant in fuga fratris sui membra in iis locis, qua se parens persequeretur, dissipavisse, ut eorum collectio dispersa, mærorque patrius celeritatem persequendi retardaret. Sic Mithridates fugiens maximam vim auri atque argenti, pulcherrimarumque rerum omnium, quas à majoribus acceperat, & ipse bello superiore ex tota Asia direptas in suum regnum congefferat, in Ponto omnem reliquit, hæc dum nostri colligunt omnia diligentius, rex ipse è manibus effugit. Ita illum in persequendi studio mæror hos lætitia retardavit. Hunc (18) in illo timore & fuga Tigranes, rex Armenius, excepit diffidentemque rebus suis confirmavit, & afflictum erexit, perditumque recreavit. Cujus in regnum posteaquam L. Lucullus cum exercitu venit, plures etiam gentes contra Imperatorem nostrum concitatae sunt. Erat enim metus injectus iis nationibus, quas nunquam populus Romæ neque laceffendas bello, neque tentandas putavit. Erat enim alia gravis atque vehementens opinio, quæ per animos gentium barbararum pervaserat. Fani (19) locupletissimi & religiosissimi diripiendi causa, in eas oras nostrum exercitum esse abductum.

H 2

atque

(17) *Medea illa &c.* Jason missus erat aureum vellus auferre, hunc Medea filia Ætis Regis Ponti adamavit, redeuntemque secuta est.

(18) *Hunc &c.* Mithridates confugit ad Tygranem, à quo amice susceptus.

(19) *Fani.* Bellona templum opulentissimum.

atque magnæ novo quodam terrore ac metu concitabantur. Noster autem exercitus, etsi urbem ex Tigranis regno ceperat, & præliis usus erat secundis, tamen nimia (20) longinquitate locorum, ac desiderio suorum commovebatur. Hic jam plura non dicam. Fuit enim illud extremum, ut ex iis locis à militibus nostris reditus magis maturus, quàm processio longior quæreretur. Mithridates autem & suam manum jam confirmarat & eorum, qui se ex ejus regno collegerant, & magnis adventitiis multorum regum & nationum copiis juvabatur. Hoc jam fere sic fieri solere accepimus, ut regum afflictæ fortunæ facile multorum opes alliciant ad misericordiam, maximeque eorum, qui aut reges sunt, aut vivunt in regno, quod regale iis nomen magnum & sanctum, esse videatur. Itaque tantum victus efficere potuit, quantum incolumis nunquam est ausus optare. Nam cum se in regnum recepisset suum, non fuit eo contentus, quod ei præter spem acciderat, ut illam, posteaquam pulsus erat, terram unquam attingeret: sed in exercitum vestrum, clarum atque victorem impetum fecit. Sinite hoc loco, Quirites, ( sicut Pòetæ solent, qui res Romanas scribunt ) præterire me nostram calamitatem; quæ tanta fuit, ut eam ad aures L. Luculli non ex prælio nuntius, sed ex sermone rumor afferret.

Hic

---

(20) *nimia longinquitate &c.* quod Romani detrectarint ulteriorem militiam, quod diutius jam, ac remotioribus Regionibus à suis amicis & consanguineis abessent.

Hic in ipso malo, gravissimaque belli offensione L. Lucullus, qui tamen aliqua ex parte iis incommodis mederi fortasse potuisset, vestro jussu coactus, quod Imperii diuturnitati modum statuendum veteri exemplo putavistis, partem militum, qui jam stipendiis confectis erant dimisit, partem Glabroni tradidit. Multa prætereo consulto, sed ea vos conjectura perspicitis, quantum illud bellum futurum putetis, quod conjungant reges potentissimi, renoveant agitatae nationes, suscipiant integræ gentes, novus (21) Imperator vester accipiat, vetere expulso exercitu.

X. SATIS mihi multa verba fecisse videor, quare hoc bellum esset genere ipso necessarium, magnitudine periculofum. Restat, ut de Imperatore ad id bellum deligendo, ac tantis rebus præficiendo, dicendum esse videatur. Utinam, Quirites, virorum fortium atque innocentium copiam tantam haberetis, ut hæc vobis deliberatio difficilis esset, quemnam potissimum tantis rebus ac tanto bello præficiendum putaretis. Nunc vero cum sit unus Cn. Pompejus, qui non modo eorum hominum, qui nunc sunt, gloriam, sed etiam antiquitatis memoriam virtute superavit, quæ res est, quæ cujusquam animum in hac causa (22) dubium facere possit? Ego enim sic existimo, in summo Imperatore quatuor has res inesse oportere: scien-

(21) *Novus Imperator.* id est: Glabrio relictus à Lucullo in Asia cum parte exercitus vetere milite dimisso.

(22) *in hac causa* id est, in eligendo Pompejo.

scientiam rei militaris, virtutem, auctoritatem, felicitatem. Quis igitur hoc homine scientior unquam aut fuit, aut esse debuit? qui è ludo atque pueritiæ disciplina bello maximo atque acerrimis hostibus, ad patris exercitum, atque in militiæ disciplinam profectus est? qui extrema pueritia miles fuit summi Imperatoris, incunte adolescentia maximi ipse exercitus Imperator: qui sapius cum hoste conflixit, quam quisquam cum inimico concertavit, plura bella gessit, quam ceteri legunt, plures provincias confecit, quam alii concupiverunt: cujus adolescentia ad scientiam rei militaris non alienis præceptis, sed suis Imperiis, non offensionibus belli, sed victoriis, non stipendiis sed triumphis est traducta? Quod denique genus belli esse potest, in quo istum non exercuerit fortuna reipublicæ? Civile, Africanum, Transalpinum, Hispaniense, mistum ex civitatibus, atque ex bellicosissimis nationibus, servile, navale bellum, varia & diversa genera & bellorum & hostium, non solum gesta ab hoc uno, sed etiam confecta nullam rem esse declarant in usu militari positam, quæ hujus scientiam fugere possit.

XI. JAM vero virtuti Cn. Pompeji quæ potest par oratio inveniri? quid est, quod quisquam aut dignum illo, aut vobis novum, aut cuiquam inauditum possit afferre? Neque enim illæ sunt solæ virtutes Imperatoriæ, quæ vulgo existimantur, labor in negotio, fortitudo in periculis, iudustria in agendo, celeritas in conficiendo consilium in providendo, quæ tanta sunt in hoc uno, quanta in  
 omni-

omnibus reliquis Imperatoribus, quos aut vidimus, aut audimus, non fuerunt. Testis est Italia, quam ille ipse victor L. Sylla hujus virtute & subsidio confessus est liberatam testis; est (23) Sicilia, quam multis undique circum periculis non terrore belli, sed celeritate consilii explicavit testis est Africa (24) quæ magnis oppressa hostium copiis, eorum ipsorum sanguine redundavit, testis est Gallia (25) per quam legionibus nostris in Hispaniam iter Gallorum internecione patefactum est: testis est Hispania (26) quæ sæpissime plurimos hostes ab hoc superato prostratosque conspexit: testis est iterum, & sæpius Italia, quæ cum servili bello tetra periculosoque premeretur, ab hoc auxilium absente expetivit: quod bellum expectatione Pompeji attenuatum atque imminutum est, adventu sublatum ac sepultum; testes vero jam omnes oræ, atque omnes exteræ gentes ac nationes, denique maria omnia, tum universa, tum in  
 singu-

(23) *testis est Sicilia.* quam Perpenna & Carbo ex Italia pulsi vi occuparunt, ad quos Pompejus missus ex Senatus-consulto Perpennam fugavit, Carbonem cepit.

(24) *testis est Africa* in qua Domitium Regem bellum adversus Sullam molientes devicit Pompejus, ac quatuor & viginti annos natus ex Africa triumphavit, cum non nisi Eques Romanus esset, Magnusque à Sulla appellatus.

(25) *testis Gallia* in qua Pompejus oppida 376. in conditionem accepit.

(26) *testis Hispania.* in qua Sertorium devicit, de quo supra dictum est.

singulis oris omnes finus atque portus. Quis enim toto mari locus per hos annos aut tam firmum habuit præsidium, ut tutus esset? aut tam fuit abditus, ut lateret? quis navigavit, qui non se, aut mortis, aut servitutis periculo committeret? cum aut hieme, aut referto prædonum mari navigaretur? Hoc tantum bellum, tam turpe, tam vetus, tam late divisum atque dispersum, quis unquam arbitraretur aut ab omnibus Imperatoribus uno anno, aut omnibus annis ab uno Imperatore confici posse? Quam provinciam tenuistis à prædonibus liberam per hosce annos? quod vestigal vobis tutum fuit? quem socium defendistis? cui præsidio classibus vestris fuistis? quam multas existimatis insulas esse desertas? quam multas aut metu relictas, aut à prædonibus captas urbes esse sociorum?

XII. SED quid ego longinqua commemoro? fuit hoc quondam, fuit proprium populi Romæ longe à domo bellare, & propugnaculis Imperii sociorum fortunas, non sua recta defendere. Sociis vestris ego mare clausum per hosce annos dicam fuisse? cum exercitus nostri Brundisio nunquam, nisi summa hieme transmiserint. Qui ad vos ab exteris nationibus venirent, captos querar, cum legati populi Romani redempti sint? mercatoribus tutum mare non fuisse dicam, cum duodecim secures in prædonum potestatem pervenerint? Cnidum, Colophonem, aut Samum, nobilissimas urbes innumerabilesque alias captas esse commemorem, cum vestros portus, quibus vitam

&

& spiritum (27) ducitis in prædonum fuisse potestate sciatis? An vero ignoratis portum Bajæ celeberrimum, atque plenissimum navium, inspectante prætore, à prædonibus esse direptum? ex Miseno autem ejus ipsius liberos, qui cum prædonibus antea ibi bellum gesserat, à prædonibus esse sublato? Nam quid ego Ostiense incommodum atque illam labem atque ignominiam Reipubl: querar, cum prope inspectantibus vobis classis ea, cui consul populi Romani præpositus esset, à prædonibus capta, atque oppressa est? Pro dii immortales tantamne unius hominis incredibilis, ac divina virtus tam brevi tempore lucem asserere Reip: potuit ut vos, qui modo ante ostium Tiberinum classem hostium videbatis, ii nunc illam intra oceani hostium prædonum navem esse audiatis? Atque hæc quâ celeritate gesta sint quam videtis, tamen à me in dicendo prætereunda non sunt. Quis enim unquam, aut obeundi negotii, aut consequendi questus studio, tam brevi tempore tot loca adire, tantos cursus conficere potuit, quam celeriter, Cn. Pompejo duce, belli impetus navigavit! qui nondum tempestivo ad navigandum mari Siciliam adiit, Africam explicavit: inde Sardiniam cum classe venit: atque hæc tria frumentaria subsidia reipubl: firmissimis præsidiiis classibusque munivit. Inde se cum in  
Itali-

---

(27) quibus vitam & spiritum ducitis. intelligi debent portus Asiæ, Africæ, Siciliæ, Sardinia, ex quibus ad vitæ sustentationem frumentum deportabatur.

Italia recepisset duabus Hispaniis, & Gallia Cisalpina præsiidiis ac navibus confirmata missis ite in ora Illirici maris, & in Achajâ, omnemque Græciam navibus, Italiæ duo maria maximis classibus, firmissimisque præsiidiis adornavit ipse autem, ut à Brundisio profectus est, unde quinquagesimo die totam ad Imperium populi Romani Ciliciam adjunxit: omnes, qui ubique prædones fuerunt, partim capti interfectique sunt, partim unius hujus Imperio ac potestati se dederunt. Idem Cretensisibus, cum ad eum usque in Pamphylia legatos deprecatoresque mississent, spem deditiois non ademit, diuturnum, tam longe lateque dispersum, quo bello omnes gentes ac nationes premebantur, Cn. Pompejus extrema hieme apparavit, in eunte vere suscepit, media ætate confecit.

XIII. EST hæc divina, atque incredibilis virtus Imperatoris. Quid ceteræ quas paulo ante commemorare cæperam, quantæ, atque quam multæ sunt? non enim solum bellandi virtus in summo atque perfecto Imperatore quærenda est, sed multæ sunt artes eximiæ, hujus administræ comitesque virtutis. Ac primum quantâ innocentia debent esse Imperatores? quanta fide? quanta facilitate? quanto ingenio? quanta humanitate? quæ breviter, qualia sint in Cn. Pompejo, consideremus.

Sum.

Summa enim omnia sunt, Quirites, sed ea magis ex aliorum (28) contentione, quam ipsa per sese cognosci atque intelligi possunt. Quæ enim possumus Imperatorem aliquo in numero putare, cujus in exercitu véneant centuriatus atque venierint? quid hunc hominem magnum, aut amplum de republ: cogitare, qui pecuniam ex ærario depromptam ad bellum administrandum, aut propter cupiditatem provinciæ magistratibus dividerit, aut propter avaritiam Romæ in quæstu reliquerit? Vestra admurmuratio facit, Quirites, ut agnoscere videamini, qui hæc fecerint. Ego autem neminem domino. Quare irasci mihi nemo poterit, nisi qui ante de se voluerit confiteri. Itaque propter hanc avaritiam Imperatorum quantas calamitates, quocunque ventum sit nostri exercitus ferant, quis ignorat? itinera quæ per hosce annos in Italia per agros atque oppida, civium Rom: nostri Imperatores fecerunt recordamini, tum facilius statuetis quid apud exteras nationes fieri existimetis. Utrum plures arbitramini per hosce annos militum vestrorum armis hostium urbes, an hibernis sociorum civitates esse deletas? neque enim potest exercitus is continere Imperator, qui se ipsum

---

(28) *ex aliorum contentione &c.* ex cõparatione nempe de Virtutis Pompeij & aliorum Imperatorum.

ipsum non continet, neque severus esse in iudicando, qui alios in se severos esse iudices non vult. Hic mirantur hunc hominem tantum excellere ceteris, cuius legiones sic in Asiam pervenerunt, ut non modo manus tanti exercitus, sed ne vestigium quidem cuiquam pacato nocuisse dicatur? Iam vero quemadmodum milites hibernent, quotidie sermones ac literæ perferuntur: non modo, ut sumptum faciat in militem, nemini vis affertur: sed ne cupienti quidem cuiquam permittitur, hiemis enim non avaritiæ perflugium, majores nostri in sociorum atque amicorum te-  
dis esse voluerunt.

XIV. AGE vero ceteris in rebus quali sit temperantia, considera, unde illam tantâ celeritatem & tam incredibilem cursum initum putatis? non enim illum eximia vis remigum, aut ars inaudita quædam gubernandi, aut venti aliqui novi tam celeriter in ultimas terras pertulerunt, sed hæres, quæ cæteros remorari solent, non retardant: non avaritia ab instituto cursu ad prædam aliquam devocavit, non libido ad voluptatem, non amœnitas ad delectationem, non nobilitas urbis ad cognationem, non denique labor ipse ad quietem. Postremo signa (29) & tabulas cæteraque ornamenta Græcorum oppidorum, quæ cæteri tollenda esse arbitrantur, ea sibi ille ne visenda quidem existimavit. Itaque omnes quidem nunc  
in

---

(29) signa & tabulas &c. id est imagines, statuas, vasa &c.

in his locis Cn. Pompejum, sicut aliquem non ex hac urbe missum, sed de cælo delapsum intuentur: nunc denique incipiunt cernere, fuisse homines Romanos hâc quondam abstinentiâ quodjam nationibus externis in credibile, ac falso memoriæ proditum videbatur: nunc Imperii nostri splendor illis gentibus lucet, nunc intelligunt, non sine causâ majores suos tum cum hac temperantia magistratus habebamus, servire populo Romano, quam imperare aliis maluisse. Iam vero ita faciles aditus ad eum privatorum, ita liberæ querimoniæ de aliorum injuriis esse dicuntur, ut is, qui dignitate principibus excellit, facilitate par infimis esse videatur. Iam quantum consilio, quantum dicendi gravitate, & copia valeat, in quo ipso inest quædam dignitas Imperatoria, vos, Quirites, hoc ipso in loco sæpe cognostis. Fidem vero ejus inter socios quantam existimari putatis, quam hostes omnium gentium sanctissimam judicant? Humanitate jam tanta est, ut difficile dictum sit, utrum hostes magis virtutem ejus pugnantes timuerint, an mansuetudinem vici dilexerint. Et quisquam dubitabit? quin huic tantum bellum hoc transmittendum sit, qui ad omnia vestræ memoriæ bella conficienda divino quodam consilio natus esse videatur?

XV. ET quoniam auctoritas multum in bellis quoque administrandis, atque Imperio militari valet, certe nemini dubium est, quin ea re idem ille Imperator plurimum possit. Vehementer autem pertinere ad bella administranda, quid hostes,  
quid

quid socii de Imperatoribus vestris existiment, qui ignorat? cum sciamus homines in tantis rebus, ut aut contemnant, aut metuant, aut oderint, aut ament, opinione non minus famæ quam aliqua certa ratione commoveri. Quod igitur nomen unquam in orbe terrarum clarius fuit? cuius res gestæ pares? de quo homine vos id, quod maxime facit auctoritatem, tanta & tam præclara iudicia fecistis? An vero ullam usquam esse oram tam desertam putatis, quo non illius dici fama pervaserit, cum universus populus Romanus referto foro, repletisque omnibus templis, ex quibus hic locus conspici potest, unum sibi ad commune somnium gentium bellum Cn. Pompejum Imperatorem depoposcit? Itaque ut plura non dicam, neque aliorum exemplis confirmem, quantum huius auctoritas valeat in bello, ab eodem Cn. Pompejo omnium rerum egregiarum exempla sumantur; qui quo die à vobis maritimo bello præpositus est Imperator, tanta repente vilitas annonæ summa inopia & charitate rei frumentariæ consecuta est, unius (30) spe & nomine, quantum vix ex summa ubertate agrorum diuturna pax efficere potuisset. Iam accepta in Ponto calamitate ex eo prælio, de quo vos paulo ante iavitus admonui, cum socii pertinuissent; hostium opes animique crevissent; satis firmum præsidium

---

(30) *Vnius spe & Nomine &c.* quod omnis spes in uno Pompejo reponeretur, quare vix præpositus erat bello maritimo, mox vilitas annonæ facta est.

dium provincia non haberet; amisissetis Asiam, Quirites, nisi ad ipsum id temporis divinitus Cn. Pompejum ad eas regiones fortuna populi Romani attulisset. Hujus adventus & Mithridatem insolita inflammatarum victoria continuit, & Tigranem magnis copiis minitatem Asiæ retardavit. Et quisquam dubitabit, quid virtute perfecturus sit, qui tantum auctoritate perfecit? aut quam facile Imperio atque exercitu socios & vestigalia conservaturus sit, qui ipso nomine ac rumore defenderit?

XVI. AGE vero, illa res quantam declarat ejusdem hominis apud hostes populi Rom: auctoritatē, quod ex locis tā longinquis, tāque diversis, tam brevi tempore omnes una huic se dederunt? quod Cretensium legati cum in eorum insula noster Imperator exercitusque esset, ad Cn. Pompejum in ultimas prope terras venerunt eique se omnes Cretensium civitates dedere velle dixerunt? Quid idem ipse Mithridates nonne ad eundem Cn. Pompejum legatum usque in Hispaniam misit? eumque Pompejus legatum semper judicavit, in quibus semper erat molestum ad eum potissimum esse missum, speculatorem, quam legatum judicare maluerunt. Potestis igitur jam constituere Quirites, hanc auctoritatem multis postea rebus gestis, magnisque vestris judiciis amplificatam, quantum apud illos reges, quantum apud exterarum nationes valituram esse existimetis? Reliquum est, ut de felicitate, quam præstare de se ipso nemo potest, meminisse & commemorare, de altero possu-

possimus, sicut æquum est homini de potestate deorum, timide & pauca dicamus: Ego enim sic existimo Maximo, Marcello, Scipioni, Mario & ceteris magnis Imperatoribus, non solum propter virtutem, sed etiam propter fortunam, sæpius Imperia mandata atque exercitus esse commissos. Fuit enim profecto quibusdam summis viris quædam ad amplitudinem & gloriam, & ad res magnas bene gerendas divinitus adjuncta fortuna.

X De hujus autem hominis felicitate, quo de nunc agimus, hac utar moderatione dicendi non ut in illius potestate fortunam positam esse dicam, sed ut præterita meminisse, reliqua sperare videamur, ne aut invisa diis immortalibus oratio nostra, aut ingrata esse videatur. Itaque non sum prædicaturus, Quirites, quantas ille res domi, militiæque terra, marique, quantaque felicitate gesserit: ut ejus semper voluntatibus non modo cives assenserint, socii obtemperarint, hostes obedierint, sed etiam venti tempestatesque obsecundarint. Hoc brevissime dicam, neminem unquam tam impudentem fuisse, qui à diis immortalibus tot & tantas res tacitus auderet optare, quot & quantas dii immortales ad Cn. Pompeium detulerunt. Quod ut illi proprium ac perpetuum sit, Quirites, cum communis salutis atque Imperii, tum ipsius hominis causa, (sicut facitis) velle & optare debetis. X Quare cum & bellum ita necessarium sit, ut negligi non possit: ita magnum ut accuratissime sit administrandum: & cum ei Imperatorem perficere possitis; in quo sit eximia belli scien-

scientia, singularis virtus, clarissima auctoritas, egregia fortuna; dubitabitis Quirites, quin hoc tantum boni, quod à diis immortalibus oblatum & datum est, in rempubl: conservandâ, atque amplificandam conferatis.

XVII. QUOD si Romæ Cn. Pompejus privatus esset hoc tempore, tamen ad tantum bellum is erat deligendus atque mittendus: nunc cum ad ceteras summas utilitates hæc quoque opportunitas adjungatur, ut iis ipsis locis, adsit, ut habeat exercitum, ut ab iis, qui habent, accipere statim possit, quid expectamus? aut cur non ducibus diis immortalibus, eidem, cui cetera summa cum salute reip: commissa sunt, hoc quoque bellum regium committimus, vestris beneficiis amplissimis adfectus Q. Catulus, itemque summis ornamentis honoris, fortunæ, virtutis, ingenii præditus Q. Hortensius, ab hac ratione dissentiant: quorum ego auctoritatem apud vos multis locis plurimum valuisse, & valere oportere confiteor: sed in hac causa tametsi cognoscitis auctoritates contrarias fortissimorum virorum & clarissimorum, tamen omissis auctoritatibus, ipsa re & ratione exquirere possumus veritatem, atque hoc facilius, quod ea omnia, quæ adhuc à me dicta sunt, iidem isti vera esse concedunt & necessarium bellum esse & magnum, & in uno Cn. Pompejo summa esse omnia. Quid igitur ait Hortensius? si uni omnia tribuenda sunt unum di-

gnissimum esse Pompejum: sed ad unum (31) tamen omnia deferri non oportere. Obsolevit jam ista oratio, re multo magis, quam verbis refutata: Nam tu idem Q. Hortensi, multa pro tua summa copia ac singulari facultate dicendi in senatu contra virum fortem A. Gabinium graviter, ornateque dixisti, cum is de uno Imperatore contra prædones constituendo legem promulgasset, & ex hoc ipso loco permulta item contra eam legem verba fecisti. Quid tum per deos immortales, si plus apud populum Rom: auctoritas tua, quam ipsius populi Romani salus & vera causa valuisset, hodie hanc gloriam, atque hoc orbis terræ Imperium teneremus? An tibi tum Imperium esse hoc videbatur, cum populi Rom: legati, prætores, quæstoresque capiebantur? cum ex omnibus provinciis commeatu & privato, & publico prohibeamur? cum ita clausa erant nobis omnia maria, ut neque privatam rem transmari-  
nam, neque publicam jam obire possemus?

XVIII. QUÆ civitas antea unquam fuit, non dico Atheniensem, quæ satis late (32) quondam mare tenuisse dicitur: non Carthagiensem, qui permultum classe, maritimisque rebus valuerunt,  
non

(31) *sed ad unum tamen &c.* Hortensius negat Pompejum deligendum Imperatorem, ne ita universum Imperium Romanorum uni delatum esse videatur; si unus omnes Provincias & exercitus obtineret.

(32) *quæ satis late quondam mare &c.* Athenienses eum Osam Maritimam tenuissent, maritimis viribus pro tunc maxime pollebant.

non Rhodiorum, quorum usque ad nostram memoriam disciplina navalis & gloria remansit: quæ civitas antea unquam tam tenuis, quæ iam parva insula fuit, quæ non potius suos, & agros, & aliquam partem regionis, atque oræ maritimæ per se ipsa defenderet? At hercle, aliquot annos continuos ante legem Gabiniam ille populus Romæ: cuius usque ad nostram memoriam nomen invictum in navalibus pugnis permanerat, magnâ ac multo maxima parte non modo utilitatis sed dignitatis, atque Imperii caruit. Nos, quorum majores Antiochum regem classè Perseque superarunt, omnibusq; navalibus pugnis Carthaginenses, homines in maritimis rebus exercitatissimos paratissimosque vicerunt, ii nullo in loco jam prædonibus pares esse poteramus. Nos quoque, qui antea non modo Italiam tutam habebamus, sed omnes socios in ultimis oris auctoritate nostri Imperii salvos præstare poteramus, tum, cum insula Delos tam procul à nobis in Aegeo mari posita, quo omnes undique cum mercibus atque operibus commeabant referta divitiis, parva, sine muro nihil timebat: iidem non modo provinciis, atque oris Italiæ maritimis, ac portibus nostris, sed etiam Appia jam via (33) carebamus: & his temporibus non pudebat magistratus populi Romæ:

I 2

in

(33) *Appia jam via carebamus* App. Claudius Censor viam Romæ usque ad urbem Capuam muniendam curavit, eam itaque, jam Prædones insectarant.

in hunc ipsum locum (34) ascendere, cum eum vobis maiores vestri exuviis nauticis: & classium spoliis ornatum reliquissent.

X XIX. **BONU** te animo, tum **Q. Hortensi**, populus Rom: & cæteros, qui erant in eadem sententia, dicere existimavit ea, quæ sentiebatis: sed tamen in salute communi idem populus Rom: dolori suo maluit, quam auctoritati vestræ obtemperare. Itaque una lex, unus vir, unus annus, non modo nos illa miseria ac turpitudine liberavit, sed etiam effecit, ut aliquando vere videremur omnibus gentibus ac nationibus terra, marique imperare. X **Quo** mihi etiam indignius videtur obtrahatum esse adhuc, **Gabinio** dicam, an **Pompejo**, an utrique? ( id quod est verius ) ne legaretur (35) **A. Gabinius** **Cn. Pompejo** expetenti ac postulanti? Utrum ille, qui postulat legatum ad tantum bellum, quem velit idoneus non est, qui impetret. Cum cæteri ad expilandos socios diripendasque provincias, quos voluerunt, legatos eduxerint? an ipse, cuius legi salus ac dignitas populo Rom: atque omnibus gentibus constituta est, expers, esse debet gloriæ ejus Imperatoris, atque ejus exercitus, qui consilio ipsius, atque periculo est constitutus?

An

(34) *in hunc ipsum locum &c.* id est in Rostra cum recordatione gloriæ ascendebant Romani, gaudentes de conspectis conspiciendisque spoliis ex Antiatum navibus, quæ spolia, rostra fuere forum adornantia.

(35) *ne legaretur Gabinius &c.* ne Gabinius mitteretur Legatus ad Bellum cum Pompejo.

An C. Falcidius, Q. Metellus, Q. Cælius Latiniensis, Cn. Lentulus, quos omnes honoris causa nomino, cū trib: pl. fuissent, anno proximo legati esse potuerunt; in hoc uno Gabinio sunt tā diligentes, qui in hoc bello, quod lege Gabinia geritur, in hoc Imperio, atque exercitu, quem per vos (36) ipse constituit, etiam præcipuo jure esse deberet? de quo legendo spero consules ad senatum relatores, qui si dubitabunt, aut gravabuntur, ego (37) me profiteor relaturum: neque me impediēt cuiusquam, Quirites, inimicum edictum, quo minus; fretus vobis vestrum jus beneficiumque defendam: neque præter intercessionem quidquam audiam de qua ( ut arbitror ) isti ipsi, qui minantur, etiam atque etiam, qui id licet, considerabunt. Mea quidem sententia, Quirites, unus A. Gabinus, belli maritimi, rerumque gestarum auctor, comes Cn. Pompejo adscribitur, propterea quod alter uni id bellum suscipiendum vestris suffragiis detulit, alter delatum susceptumque confecit.

XX.

(36) quem per vos ipse constituit hoc est: Pompejo id bellum suscipiendum vestris suffragiis detulit.

(37) ego me profiteor relaturum: Cicero dicit se vel tanquam Prætozem, vel tanquam Senatorem cum sententiæ dicendæ ordo ad eum pervenerit, relaturum se, inquam, dicit ad Senatum, ut Gabinus socius Pompejo adscribatur.

X XX. RELIQUUM est, ut de Q. Catuli auctoritate & sententia dicendum esse videatur: qui cum ex vobis quæreret, si in uno Cn. Pompejo omnia poneretis, si quid de eo factum esset, in quo spem effectis habituri: caput magnum suæ virtutis fructum ac dignitatis, cum omnes prope una voce eo ipso vos spem habituros esse dixistis. Etenim talis est vir, ut nulla res tanta sit, ac tam difficilis, quam ille non & consilio regere, & integritate tueri, & virtute conficere possit, sed in hoc ipso ab eo vehementissime dissentio, quod quo minus certa est hominum ac minus diuturna vita, hoc magis respublica: dum per deos immortales licet, frui debet summi hominis vita atque virtute. At enim nihil novi fiat contra exempla atque instituta majorum. Non dico hoc loco majores nostros semper in pace consuetudini, in bello utilitati paruisse semper ad novos casus temporum, novorum consiliorum rationes accommodasse non dicam duo bella maxima, Punicum & Hispaniense, ab uno Imperatore esse confecta: duas urbes potentissimas, quæ huic Imperio maxime minabantur Carthaginem atque Numantiam ab eodem Scipione esse deletas: non commemorabo, nuper ita vobis patribusque vestris esse visum ut in uno C. Mario spes Imperii poneretur, ut idem cum Jugurtha, idem cum Cimbris, idem cum

Theu-

Theuthonis bellum administraret. X In ipso  
Cn. Pompejo, in quo novi constitui nihil  
vult Q. Catulus, quam multa sint nova sum-  
maq; Catuli voluntate constituta, recordamini.

XXI. QUID enim tam novum, quam ado-  
lescentulum, privatum, exercitum difficili reip:  
tempore conficere? confecit; huic præesse?  
præfuit; rem optime ductu suo gerere? gessit.  
Quid tam præter consuetudinem, quam ho-  
mini peradolescens, cujus à senatorio gradu  
ætas longe abesset, Imperium atque exerci-  
tum dari? Siciliam permitti, atque Africam,  
bellumque in ea administrandum? Fuit in his  
provinciis singulari innocentia, gravitate, vir-  
tute: bellum in Africa maximum confecit vi-  
ctorem exercitum, deportavit. Quid vero tam  
inauditum, quam equitem Rom: triumphare?  
at eam quoque rem populus Rom: non mo-  
do vidit, sed etiam studio omni visendam pu-  
tavit. Quid tam inusitatum, quam ut, cum  
duo consules clarissimi fortissimique essent,  
eques Rom: ad bellum maximum formidolo-  
sissimumque pro consule mitteretur? missus  
est. Quo quidem tempore, cum esset non ne-  
mo in senatu, qui diceret, NON OPORTE-  
RE MITTI HOMINEM PRIVATUM PRO  
CONSULE, L. Philippus dixisse dicitur, Non  
SE ILLUM SUA SENTENTIA PRO CON-  
SULE, SED PRO CONSULIBUS MIT-  
TE.

TERE. Tanta in eo reipubl: bene gerendæ spes constituebatur, ut duorum consulum munus unius adolescentis virtuti committeretur. Quid tam singulare, quam ut ex senatus consulto legibus solutus consul ante fieret, quam ullum alium magistratum per leges capere licuisset? quid tam incredibile, quam ut iterum eques Rō: ex S.C. triūpharet? quæ in omnibus hominibus nova post hominum memoriã constituta sunt, ea tam multa non sunt, quam hæc, quæ in hoc uno homine vidimus. Atque hæc tot exempla, tanta, ac tam nova, profecta sunt in eundem hominem à Q. Catulo, atque à cæterorum ejusdem dignitatis amplissimorum hominum auctoritate.

XXII. QUARE videant, ne sic periniquum, & non ferendum, illorum auctoritatem de Cn. Pompeji dignitate à vobis comprobata, semper esse vestrum, ab illis de eodem homine judicium populique Rom: auctoritatem improbari, præsertim cum jam suo jure populus Rom: in hoc homine suam auctoritatem, vel contra omnes, qui dissentiant, possit defendere: propterea quod istis reclamantibus, vos unum illum ex omnibus delegistis, quem bello prædonum præponeretis. Hoc si vos temere fecistis, & reip: parum consuluistis; recte isti studia suis consiliis regere conantur: si autem vos plus tum in reipubl: vidistis,

VOS,

vos, his repugnantibus, per vosmetipsos dignitatem huic Imperio, salutem orbi terrarum attulistis; aliquando isti principes, & sibi, & cæteris Rom: universi auctoritati parendum esse fateantur. Atque in hoc bello Asiatico & regio non solum militaris illa virtus, quæ est in Cn. Pompejo singularis, sed aliæ quoque virtutes animi multæ, & magnæ requiruntur. Difficile est in Asia, Cilicia, Syria, regnisque interiorum nationum ita versari vestrum Imperatorem, ut nihil aliud quam de hoste ac de laude cogitet; deinde etiam si qui sunt pudore ac temperantia moderatiores, tamen eos esse tales propter multitudinem cupidorum hominum nemo arbitratur. Difficile est dictu Quirites, quanto in odio simus apud exterarum nationum propter eorum, quos ad eas per hos annos cum Imperio misimus, injurias. Quod enim sanum putatis in illis terris, nostris magistratibus religiosum? quam civitatem sanctam? quam domum satis clausam ac munitam fuisse? urbes jam locupletes ac copiosæ requiruntur (38) quibus causa belli propter diripiendi cupiditatem inferatur. Libenter hæc coram cum Q. Catulo & Q. Hortensio disputarem, summis & clarissimis viris. Noverrunt enim sociorum vulnera, vident eorum calamitates, querimonias audiunt. Pro sociis vos  
contra

(38) *requiruntur*, id est: desiderantur à nostris Imperatoribus avaris urbes opulentæ, quibus bellum inferatur, causa diripiendi eas.

contra hostes exercitum mittere putatis, an hostium simulatione contra socios atque amicos? quæ civitas est in Asia, quæ non modo Imperatoris, aut legati, sed unius tribuni militum animos ac spiritus (39) capere possit?

XXIII. QUARE etiam si quem habetis, qui collatis signis exercitus regios superare posse videatur: tamen nisi erit idem, qui se à pecuniis sociorum, qui ab eorum conjugibus ac liberis, qui ab ornamentis sanorum atque oppidum, qui ab auro, gazaque regia, manus, oculos, animum cohibere possit; non erit idoneus, qui ad bellum Asiaticum regionemque mittatur. Ecquam putatis civitatem pacatam fuisse, quæ locuples sit? ecquam esse locupletem, quæ istis pacata esse videatur? Ora maritima, Quirites, Cn. Pompejum non solum propter rei militaris gloriam, sed etiam propter animi continentiam requisivit. Videbat enim prætores locupletari quotannis pecunia publica, præter paucos: neque nos quidquam aliud adsequi classium nomine, nisi ut detrimentis accipiendis maiorem affici turpitudine viderentur. Nunc qua cupiditate homines in provincias, quibus jastris, quibus conditionibus profiscantur, ignorant videlicet isti, qui ad unum deferenda esse omnia non arbitrantur? quasi vero Cn. Pompejum, non cum suis virtutibus, tum etiam alienis (40) vitiis ma-

(39) Spiritus capere id est: avaritiam eorum explere.

(40) tum etiam alienis vitiis &c. Magnus dicitur Pompejus, non solum propter suas virtutes, sed etiam propter aliorum Imperatorum vitia, quibus ille caret.

is magnum esse videamus. **X** Quare nolite dubitare, quin huic uni credatis omnia, qui inter annos tot unus inventus sit, quem socii in urbes suas cum exercitu venisse gaudeant. Quod si auctoritatibus hanc causam, Quirites confirmandā putatis, est vobis auctor vir bellorum omnium, maximarumque rerum peritissimus P. Servilius? cujus tantæ res gestæ terra marique exstiterunt, ut, cum de bello deliberetis, auctor vobis gravior esse nemo debeat: est C. Curio summis vestris beneficiis, maximisque rebus gestis, summo ingenio & prudentia præditus: est Cn. Lentulus, in quo omnes pro amplissimis vestris honoribus summum consilium, summam gravitatem esse cognoscitis: est C. Cassius, integritate, virtute, constantia singulari. Quare videte, ut horum auctoritatibus, illorum orationi, qui dissentiant, respondere posse videamur.

XIV. QUÆ cum ita sint, C. Manili, primum istam tuam & legem, & voluntatem, & sententiam laudo, vehementissimeque comprobo: deinde te hortor, ut auctore populo Rom: maneat in sententia, neve cujusquam vim, aut minas pertimescas. Primum in te satis esse animi perseverantiæque arbitror: deinde cum tantam multitudinem cum tanto studio adesse videamus, quantam non iterum (41) in eodem homine præficiendo vidimus: quid est, quod aut de re, aut de perficiendi  
facul-

(41) quantum non iterum &c. quantam multitudinem antehac, cum scilicet Pompejus præficebatur bello maritimo, non vidimus.

facultate dubitemus? Ego autem, quidquid in me est studii, consilii, laboris, ingenii, quidquid hoc beneficio populi Rom: atque hac potestate prætoria, quidquid auctoritate, fide, constantia possum, id omne ad hanc rem consiciendam tibi & populo Rom: polliceor & defero, testorque omnes deos, & eos maxime, qui huic loco temploque præsident, qui omnium mentes eorum, qui ad rempubl: adeunt, maxime perspiciunt, me hoc neque rogatu facere cujusquam, neque quo Cn. Pompeii gratiam mihi per hanc causam conciliari putem, neque quo mihi ex cujusquam amplitudine, aut præsidia periculis, aut adjumenta honoribus queram: propterea quod pericula facile, ut hominem præstare oportet, innocentia testi pellemus, honorem neque ab uno, neque ex hoc loco, sed eadem nostra illa laboriosissima ratione vitæ, si vestra voluntas feret, consequemur. Quamobrem, quidquid in hac causa mihi susceptum est, Quirites, id omne me reipublicæ causa suscepisse confirmo: tantumque abest, ut aliquam bonam gratiam mihi quæsisse videar, ut multas etiam similitates partim obscuras, partim apertas intelligam, mihi non necessarias, vobis non inutiles, suscepisse. Sed ego me hoc honore præditum, tantis vestris beneficiis affectum statui, Quirites, vestram voluntatem, & reipublicæ dignitatem, & salutem provinciarum atque sociorum, meis omnibus commodis & rationibus præferre oportere.

SENTENTIÆ

**V**ulgaria sunt nervi reipublica.

Sapientia est videre, multorum civium calamitatem à republica sejunctum esse non posse.

Non possunt una in civitate multi rem atque fortunas amittere, ut non plures secum in eandem calamitatem trahant.

Regum afflicta fortuna facile multorum opes alliciunt ad misericordiam, maximeque eorum, qui aut reges sunt, aut vivunt in regno: quod iis regale nomen magnum sanctumque esse videatur.

In summo Imperatore has virtutes inesse oportet, scientiam rei militaris, virtutem, auctoritatem, felicitatem.

Hyemis, non avaritia perfugium majores nostri in sociorum amicorumque tectis esse voluerunt.

Auctoritas multum in bellis administrandis, atque imperio militari valet.

Certum est, homines in magnis rebus, ut aut contemnunt, aut metuant, aut oderint, aut ament, opinione non minus fama, quam aliqua certa ratione commoveri.

Magnis Imperatoribus non solum propter virtutem, sed etiam propter fortunam, sapius imperia mandata, atque exercitus sunt commissi.

Quo minus certa est, hominum, ac minus diuturna vita, hoc magis reipublica, dum per deos immortales licet, frui debet summi hominis vita atque virtute.

Dii omnium mentes eorum, qui ad rempublicam adeunt, maxime perspiciant.

Vire

*Viro bono statutum esse debet, populi voluntatem  
 Et reipublica dignitatem, Et salutem provinciarum  
 atque sociorum, omnibus suis commodis Et rationibus  
 præferre.*

## O R A T I O VI.

quæ est prima.

## I N L. C A T I L I N A M.

Argumentum Orationis I. in Catilinam.

**L.** *Sergius Catilina nobilis genere, Et Africa nuper  
 Proprator luxuria, Et quæ inde exoritur,  
 egestate commotus, urbis incendenda, Et procerum inter-  
 ficiendorum consilia capit, in societatem assumptis  
 Lentulo iterum Pratore, Cethego, aliisque nobilissimis,  
 nec non nequissimis quoque Romanae juventutis. Ali-  
 quoties vero de insidiis, quas in foro Et campo Mar-  
 tie consulatus competitoribus struxerat, vel fortuna,  
 vel consiliis dejectus: cum itidem in M. Laccæ domo  
 nocturnum conventum ageret, Et Consul sibi virtutem  
 ob stare quereretur, reperti sunt duo Equites, qui  
 promitterent, se mane salutandi causa ad Ciceronem  
 ituros, ipsumque in lecto occisuros esse. Hac cum  
 Fulvia quadam ex amatore, conjurationis socio, vix  
 dum cætu dimisso, audivisset, eadem nocte insidias Ci-  
 ceroni patefecit, qui clausis foribus, percussores sum-  
 movit, Et Senatu in ade Jovis Statoris habito gra-  
 vissima hac Oratione Catilinam, qui Et ipse in Senatum  
 venerat, perstrinxit, Et ut in castra Manlii Centuriani,  
 quem ad sollicitandos Syllæ colonos in Etruriam  
 pramiserat, quamprimum discederet, etiam atque etiam  
 hortatus est.*

Genus

*Genus causæ propriæ non statuitur, nisi à delibera-  
tivo genere multum habere dicamus, dum de exitu  
Catilina agit, magis vero ad invectivas referenda est  
hæc Oratio, adeoque ad genus demonstrativum.*

*Habita est Oratio in Senatu, anno V. C. DCXC. VI.  
Id. Non: anno ætatis Cic. XLIV. ipso & M. Antonio  
Coss.*

*Eventus fuit, ut Catilina urbe egrederetur noctu.*

## DISPOSITIO

## Orationis primæ in Catilinam.

Partes Orationis sunt quatuor: *Exordium, Pro-  
positio, Confirmatio, & Conclusio.*

*Exordium est, quod dicitur ex abrupto, per Apo-  
strophem ad Catilinam, cui Cicero Cap. I. objicit inso-  
lentiam & culpam conjurationis gravissimam, huicque  
culpæ panam debitam amplificat comparatione &  
exemplo Majorum. Denique Cap. II. quasi suam  
Consul accusat clementiam, cujus tamen certas causas  
ponit & propositionem declarat*

*Propositio est: Catilina debet potius discedere ex  
Urbe, quam interfici.*

*Confirmationem propositionis faciunt tria po-  
tissimum argumenta.*

*Argumentum imum quia Vrbi patet Conjunctio  
Catilina: quod Cap. III. & IV. Cicero clare probat  
per adjuncta, dum ostendit, quando, ubi & quid Cati-  
lina egerit, adhibitis nonnunquam exclamationibus.  
Tum Cap. V. concludit Cicero, hortaturque Catilinam  
non privato periculo ( quod sapius declinavit ) sed  
commu-*

communi salute, & utilitate Patriæ, ut abeat ex Vrbe. Mox Cap. VI. ut Cicero exilium Catilinæ suadeat, objicit eidem nihil esse in Vrbe, quod eum deleteret, aut remorari possit; deinde exprobat ei ignominiam vitæ privata, ubi etiam publicam vitam ejus conjuratione sceleratam objeclat; hisque addit Cap. VII. commune odium, metum Patriæ, Senatus tacitam condemnationem, unde rursus suadet discessionem Catilinæ ex Vrbe, proposita triplici comparatione minorum; proposita etiam Prosopopæa Patriæ objicientis ipsi flagitia; proposita præterea Cap. VIII. proprio Catilinæ judicio, quod se dignum custodiâ censuerit; denique addit tacitam Senatus condemnationem, sententiam equestris Ordinis, votum totius Civitatis, ut discedat ex Vrbe. Ad hæc etiam Cap. IX. suum Cicero ( licet si hinc dicit certam sibi multorum imminere invidiam ) adjicit votum, si salva Republica Catilina abeat.

Argumentum 2dum: quia ipsi Catilinæ optandum ac jucundum est proficisci ad Castra Manlii: amplificatur Cap. IX. Quanquam quid ego &c. ex eo quod Catilina constituerit jam diem perveniendi ad Manlium, quod jam eo signa premiserit, & quod Cap. X. fruiturus futurâ in Castris nefariis voluptate ( quam Cicero per acrem Ironiam exponit ) ad eadem Castra properet Catilina.

Argumentum 3tium: quia utile est Reipublicæ non interficî Catilinam, declaratur hoc brevi Enthymemate: Catilina interfecto residebit in Vrbe tota Conjuratorum manus; ejecto vero illo, omnes nefarii cum eodem discedent; ergo utile est Reipublicæ non inter-

*interfici Catilinam. Antecedens Propositio Cap. XI. amplificatur eleganti Prosopopaja Patriæ, cui à Cicero-  
ne respondetur Cap. XII. Et ratio sua sententia red-  
ditur sine ullo metu invidia exemplo Majorum. De-  
nique Cap. XIII. Concluditur similitudine Et adhor-  
tatione ad socios Catilina, ut exeant ex Vrbe.*

*In Conclusionè Cap XIII Polliceor vobis &c. fit Apostrophe ad Patres Conscriptos, quibus Cicero pollicetur suum studium in reprimendis pessimis Ca-  
tilinæ conatibus, convertitque se ad ipsum Catilinam, quem hortatur ad impium bellum contra Patriam, Et ad Iovem, quem precatur, ut Patriam defendat con-  
tra Cives nefarios.*



O R A T I O.  
IN L. CATILINAM.  
HABITA IN SENATU.

I. QUOUSQUE tandem abutere, Catilina, patientia nostra? quamdiu etiam furor iste tuus nos eludet? quem ad finem sese effrenata jactabit audacia? nihilne te nocturnum præsidium palatii, nihil urbis vigiliæ, nihil timor populi, nihil concursus bonorum omnium, nihil hic munitissimus habendi senatus locus, nihil horum ora vultusque moverunt? patere tua consilia non sentis? contractam teneri conjurationem tuam non vides? quid proxima, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris? O tempora! o mores! senatus hæc intelligit, consul videt, hic tamen vivit. Vivit? imo vero etiam in senatum venit, sit publici consilii particeps, notat & designat oculis ad eadem unumquemque nostrum. Nos autem viri fortes satisfacere reip: videmur, si istius furorem ac tela vitemus. Ad mortem te, Catilina, duci jussu consulis jam pridem oportebat, in te conferri pestem istam, quam tu in nos omnes jam diu machinaris. An vero vir amplissimus P. Scipio, pontifex maximus Tib. Gracchum mediocriter (1) labefactantem

---

(1) *mediocriter labefactantem*, id est, exiguas quasdam turbas in Republica excitantem.

tem statum reipubl: (2) privatus interfecit; Catilinam orbem terræ cæde atque incendiis vastare cupientem nos consules perferemus? nam illa nimis antiqua prætereo, quod C. Servilius Ahala Sp. Melium novis (3) rebus studentem manu sua occidit. Fuit, fuit ista quondam in hac republica virtus, ut viri fortes acrioribus suppliciis civem perniciosum, quam acerbissimum hostem coercerent? Habemus enim S. C. in te Catilina, vehementis & grave: non deest reipubl: consilium, neque auctoritas hujus ordinis; nos nos, dico aperte, consules desumas.

II. DECREVIT quondam senatus, (4) ut L. Opimius cos: videret, ne quid respublica detrimenta caperet, nox nulla intercessit; interfecit propter quasdam seditionum suspiciones C. Gracchus clarissimo patre, avo consularibus. Simili senatus consulto C. Mario & L. Valerio coss. permissa est respublica; num unum diem postea L. Saturnium tribunum pl: & C. Servilium prætorem mors ac reipubl: pæna, remorata est? At nos vigesimum iam diem patimur hebescere aciem horum auctoritatis. Habemus enim hujusmodi sanatus consultum, verumtamen inclusum (5) in tabulis

K 2

tanquam

(2) *privatus* sine Imperio, nullo magistratu functus.

(3) *novis rebus studentem*: Regnum sive Imperium affectantem.

(4) *ut L. Opimius Consul videret &c.* ut Cives, si quid molirentur contra Rempublicam, interficeret.

(5) *inclusum in tabulis &c.* hic dicit Cicero, Sanatus Consultum de interficiendo Catilina, etsi id executioni necdum demandetur, esse jam perfectum.

tanquam in vagina reconditum, quo ex S. C. confestim interfectum te esse, Catilina, convenit. Vivis & vivis non ad deponendam, sed ad confirmandam audaciam. Cupio P. C. me esse clementem, cupio in tantis reip: periculis non dissolutum videri, sed iam me ipsum inertiae nequitiaeque condemno. Castra sunt in Italia contra remp: in Etruriae faucibus collocata: crescit in dies singulos hostium numerus: eorum autem Imperatorem castrorum ducemque hostium intra mania, atque adeo in senatu videmus, intestinam aliquam quotidie perniciem reipubl: molientem. Si te jam, Catilina, comprehendi, si interfici juffero, credo erit verendum mihi, ne non hoc potius omnes boni serius à me, quam quisquam crudelius, factum esse dicant. Verum ego hoc, quod jam pridem factum esse oportuit, certa de causa, nondum adduco ut faciam. Tum denique interficiam te, cum jam nemo tam improbus, tam perditus, tam tui similis inveniri poterit, qui id non jure factum esse fateatur. Quamdiu quisquam erit, qui te defendere audeat, vives: & vives ita, ut nunc vivis, multis meis, & firmis praesidiis obsessus, ne commovere te contra remp: possis: multorum te etiam oculi & aures non sentientem, sicut adhuc fecerant, speculabuntur atque custodient.

III. ETENIM quid est, Catilina, quod jam amplius exspectes, si neque nox tenebris obscurare caetus nefarios, nec privata domus parietibus continere vocem conjurationis tuae potest? si illustrantur, si erumpunt omnia? muta jam istam mentem

tem, mihi crede, obliviscere cædis atque incendio-  
rum: teneris undique, luce sunt clariora nobis tua  
consilia omnia, quæ etiam mecum licet recogno-  
scas. Meministine me ante diem XII. Kalend:  
Novembr: dicere in senatu, certo die fore in armis,  
qui dies futurus esset ante diem VI. Kalend: No-  
vembris. C. Manlium, audaciæ satellitem atque  
administrum tuæ? num me fefellit, Catilina, non  
modo res tanta, tam atrox, tam incredibilis, verum,  
id quod multo magis est admirandum, dies? Di-  
xi ego idem in senatu, cædem te optimatum con-  
tulisse in ante diem V. Kalend: Novembris, tum  
cum multi principes civitatis Romæ non tam sui  
conservandi, quam tuorum consiliorum, reprimen-  
dorum causa profugerunt. Num inficiari potes,  
te illo ipso die præsiidiis, mea diligentia circum-  
clusum commovere te contra tempus: non potuisse?  
cum tu discessu ceterorum, nostra tamen, qui re-  
mansissemus cæde contentum te esse dicebas? Quid?  
cum tu te Prænestæ Kalen: ipsis Novembris occu-  
paturum nocturno impetu esse consideres sensi-  
stine illam coloniam meo jussu, meis præsiidiis,  
custodiis, vigiliisque esse munitam? nihil, nihil  
moliris, nihil cogitas, quod ego non modo non  
audiam, sed etiam non videam planeque sentiam.

IV. RECOGNOSCE mecum tandem illam su-  
periorem noctem: jam intelliges, multo me vi-  
gilare acrius ad salutem, quam te ad perniciem  
reipubl: Dico te priori nocte venisse inter falcari-

os (6) (non agam obscure) in M. Leccæ domum, convenisse eodem complures eiusdem amentiaæ scelerisque socios, num negare audes? quid taces? convincam, si negas. Video enim esse hic in senatu quosdam, qui tecum una fuere. O dii immortales! ubinam gentium sumus? quam rempubl. habemus? in qua urbe vivimus? hic, hic sunt in nostro numero, P. C. in hoc orbis terræ sanctissimo gravissimoque consilio, qui de meo nostrumque omnium interitu, qui de hujus urbis atque adeo orbis terrarum exitio cogitent. Hosc ego video consul & de rep: (7) sententiam rogo: & quos ferro trucidari oportebat, eos nondum voce vulnero. Fuisti igitur apud Leccam ea nocte, Catilina; distribuisti partes Italiae: statuisti, quo quemque proficisci placeret: delegisti, quos Romæ relinqueres, quos tecum educeres, descripsisti urbis partes, ad incendia confirmasti, te ipsum jam esse exiturum dixisti, paululum tibi esse etiam tum moræ, quod ego viverem. Reperti sunt duo equites Romani, qui te ista (8) cura liberarent, & te se illa ipsa nocte paulo ante lucem me in meo lectulo interfecuros pollicerentur.

Hæc

(6) *inter falcarios*: Falcarii dicuntur à loco, hoc est, à vico, seu parte urbis ita dicta, in qua parte etiam Leccæ domus fuerat.

(7) *sententiam rogo* id est, de commodis Reipublicæ consulo; quia sententiam rogare, est ad deliberandum rem aliquam proponere, atque super ea sensum cujusque exquirere.

(8) *qui te ista cura liberarent*: id est, qui me interficerent.

Hæc ego omnia, vix dum etiam cætu vestro dimisso, comperi: domum meam majoribus præsidii munivi atque firmavi: exclusi eos, quos tu mane ad me salutatum miseras, cum illi ipsi venissent, quos ego jam multis ac summis viris ad me venturos id temporis esse prædixeram.

V. QUÆ cum ita sint, Catilina, perge quo cæpisti, egredere aliquando ex urbe, patent portæ, proficiscere: nimium diu te Imperatorem illa tua Maniliana (9) castra desiderant: educ tecum etiam omnes tuos, si minus, quam plurimos, purga urbem, magno me metu liberabis, dummodo inter me atque te murus intersit, nobiscum, versari jam diutius non potes; non feram non patiar, non sinam. Magna dijs immortalibus habenda est gratia, atque huic ipsi Jovi Statori antiquissimo custodi hujus urbis, quod hanc tam tetram, tam horribilem, tamque infestam reipublicæ pestem toties jam effugimus; non est sapius in uno (10) homine salus summa periclitanda reipublicæ. Quamdiu mihi consuli designato Catilina, insidiatus es, non publico me præsidio, sed privata diligentia defendi: cum proximis comitiis consularibus me consulem in campo & competitors tuos interficere voluisti, compressi tuos nefarios conatus amicorum præsidio & copiis nul-

lo

(9) *Maniliana castra* id est, seditiosi & inimici Patriæ in Etruria congregati, quibus præerat Manilius, socius Catilinæ.

(10) *non est sapius in uno homine &c.* id est non est ferendum, ut à Catilina ( qui aliquoties jam id molitus est ) Respublica in periculum conjiciatur.

lo tumultu publice concitato; denique quotiescun-  
que me petiisti, per me tibi obstiti, quanquam  
videbam, perniciem meam cum magna calamitate  
reipublicæ esse conjunctam. Nunc jam aperte  
republicam universam petis, templa deorum  
immortalium, testa urbis, vitam omnium civium,  
Italiam denique totam ad exitium & vastitatem  
vocas. Quare, quoniam id, quod (11) primum  
atque hujus Imperii, disciplinæque majorum pro-  
prium est, facere nondum audeo, faciam id, quod  
est ad severitatem lenius ad communem salutem  
utilius. Nam si te interfici jussissem, residebit in  
republica reliqua conjuratorum manus, si tu  
(quod te jam dudum horror) exieris, exhaurietur  
ex urbe tuorum comitum magna & pernicioſa  
ſentina reipublicæ. Quid est, Catilina? num du-  
bitas id, me imperante, facere, quod jam tua spon-  
te faciebas? exire ex urbe consul hostem jubet:  
interrogas me, num in exilium? non jubeo, sed  
ſi me conſulis, ſvadeo.

VI. QUID enim, Catilina, est, quod te jam in  
hac urbe delectare poſſit, in qua nemo est extra  
iſtam coniurationem perditorum hominum, qui  
te non metuat, nemo qui non oderit? Quæ nota  
domesticæ turpitudinis non iniuſta vitæ tuæ eſt?  
quod privatarum rerum dedecus non hæret in ſa-  
ma? quæ libido ab oculis, quod facinus à mani-  
bus unquam tuis, quod flagitium à toto corpore  
abſuit? cui tu adoleſcentulo quem corruptelarum  
illece-

---

(11) quod primum &c. id eſt, quia te interfici non ju-  
beo, faciam idcirco, ut ex eas ex urbe.

illecebris irretiffes, non ad audaciam ferrum, aut ad libidinem facem prætuliffi? quid vero super cum morte superioris uxoris, novis nuptiis domum vacæ feciffes nonne etiam alio (12) incredibile scelere hoc scelus cumulaffi? quod ego prætermitto, & facile patior fileri, ne in hac civitate tanti facinoris immanitas aut extitiffet, aut non vindicata effe videatur. Prætermitto ruinas fortunatum tuarum, quas omnes impendere (13) proximis idibus senties. Ad illa venio, quæ non ad privatam ignominiam vitiorum tuorum, non ad domesticam tuam difficultatem ac turpitudinem, sed ad summam reipublicæ, atque ad omnium nostram vitam salutemque pertinent. Potestne tibi hujus vitæ hæc lux, Catilina, aut hujus cæli spiritus effe jucundus, cum fcias, horum effe neminem, qui nesciat, te pridie Kalend: Januar: Lepido & Tullo coff: stetitiffi in comitio cum telo? manum consulum & principum civitatis interficiendorum causa paraviffi? sceleri ac fûrori tuo non mentem aliquam, aut timorem tuum, sed fortunam reipubl: obstitiffi? Ac illam omitto: neque enim sunt aut obscura, aut non multo postea commiffa Quoties tu me designatum quoties me consu-

(12) *alio incredibile scelere &c.* hoc est, quod cum sustulerit priorem uxorem, etiam filium ex ea susceptum interfecit.

(13) *impendere Tibi &c.* id est, dum certum Tempus adveniet solvendorû debitorû, ruinam bonorum tunc senties.

consulem interficere conatus es? quot ego tuas (14) petitiones ita coniectas, ut vitari posse non viderentur, parva quadam declinatione & ut ajunt corpore effugi? Nihil agis, nihil adsequeris, nihil moliris, quod mihi latere valeat in tempore, neque tamen conari ac velle desistis. Quoties jam tibi exorta est sicca ista de manibus? quoties vero excidit casu aliquo & elapsa est? tamen ea carere diutius non potes, quæ quidem quibus abs te initiata sacris ac devota sit, nescio, quod eam necesse putas consulis in corpore defigere.

VII. NUNC vero quæ tua est ista vita? sic enim jam tecum loquar, non ut odio permotus esse videar, quo debeo, sed ut misericordia, quæ tibi nulla debetur. Venisti paulo ante in senatum: quis te ex hac tanta frequentia, ex tot tuis amicis ac necessariis salutavit? si hoc post hominum memoriam contigit nemini, vocis expectas contumeliam, cum sis gravissimo judicio taciturnitatis oppressus? Quid? quod adventu tuo ista subsellia vacua facta sunt? quod omnes consulares, qui tibi persæpe ad cædem (15) constituti fuerunt, simul atque adfediti, partem istam subselliorum nudam atque inanem reliquerunt? Quo tandem animo hoc tibi ferendum putas? Servi, mehercule mei, si me isto pacto metuerent, ut te metuunt omnes cives tui, domum meam relinquendam putarem:

tu

(14) *tuas petitiones* &c. insidias scilicet tali ratione structas vix declinavi.

(15) *ad cædem constituti* &c. id est, quos interficiendos destinaras.

tu tibi urbem non arbitraris? Et si me meis civibus injuria suspectum tam graviter, atque infensum viderem, carere me aspectu civium, quam infestis oculis omnium conspici, malle: tu cum conscientia scelerum tuorum agnoscas odium omnium justum & jam tibi diu debitum, dubitas quorum mentes sensusque vulneras, eorum aspectum presentiamque vitare? Si te parentes timerent atque odissent tui, neque eos ulla ratione placare posses: ut opinor, ab eorum oculis, aliquo concederes; nunc te patria, quæ communis est omnium nostrum parens, odit ac metuit, & jam diu de te nihil judicat, nisi de parricidio suo cogitare. Hujus tu neque auctoritatem verebere, neque judicium sequere, neque vim pertimesces? quæ tecum, Catilina, sic agit & quodammodo tacita loquitur. Nullum aliquot jam annis facinus extitit nisi per te, nullum flagitium sine te: tibi unimultorum civium neces, tibi vexatio direptione sociorum impunita fuit ac libera: tu non solum ad negligendas leges & quæstiones verum etiam ad evertendas perfringendasque valuisti. Superiora illa quamquam ferenda non fuerunt, tamen, ut potui, tuli, nunc vero me totum esse in metu propter te unum, quidquid increpaverit, Catilinam timeri, nullum videri contra me consilium iniri posse, quod à tuo scelere abhorreat non est ferendum. Quamobrem discede, atque hunc mihi timorem eripe: si verus, ne opprimar: si falsus, ut tandem aliquando timere desinam.

VIII. HÆC si tecum, ut dixi, patria loquatur, non ne impetrari debeat, etiamsi vim adhibere non possit? Quid? quod tu te ipse in (16) custodiam dedisti: quid? quod vitandæ suspitionis causa apud M. Lepidum te habitare velle dixisti, à quo non receptus. etiam ad me venire ausus es, atque ut domi meæ te asservarem rogasti. Cum à me quoque id responsum tulisses me nullo modo posse iisdem parietibus tuto esse tecum, qui magno in periculo essem, quod iisdem manibus contineremur, ad Q. Metelium prætorem venisti, à quo repudiatuſ ad sodalem tuum, virum optimum M. Marcellum demigrasti, quem tu videlicet & ad custodiendum te diligentissimum, & ad suspicandum sagacissimum & ad vindicandum fortissimum fore putasti. Sed quam longe videtur à cercere atque à vinculis abesse debere, qui se ipsum jam dignum custodia iudicaverit? Quæ cum ita sint, Catilina; dubitas, si hic morari æquo animo non potes, abire in aliquas terras, & vitam istam multis suppliciiis iustis debitisque ereptam fugæ solitudinique mandare? Refer, inquis, ad senatum, ( id enim postulas ) & si hic ordo sibi placere decreverit te ire in exilium, obtemperatum esse dicis. Non referam id, quod abhorret à meis moribus & tamen faciam, ut intelligas, quid hi de te

(16) te ipsum in custodiam dedisti &c. arguit Cicero Catilinam ex eo, quod ad plurimos Cives optimos se contulisset, ut securitatem quandam sibi provideret, & suspitionem de se amoveret.

te sentiant. Egredere ex urbe, Catilina, libera rempubl: metu: in exilium, si hanc vocem expectas, proficiscere. Quid est Catilina? ecquid attendis, ecquid animadvertis horum silentium? patiuntur, tacent, quid expectas auctoritatē loquentium, quorum voluntatem tacitorum perspicis? At si hoc idem huic adolescenti optimo P. Sextio, si fortissimo viro M. Marcello dixissem, jam mihi consuli hoc ipso in templo jure optimo senatus vim & manus intulisset; de te autem Catilina, cum quiescunt, probant, cum patientur, decernunt cum tacent, clamant. Neque hi solum, quorum tibi auctoritas est videlicet cara, vita vilissima, sed etiam illi equites R. honestissimi atque optimi viri, cæterique fortissimi cives, qui circumstant senatum, quorum tu & frequentiam videre, & studia perspicere, & voces paulo ante exaudire potuisti: quorum ego vix abs te jam diu manus ac tela contineo, eosdem facile adducam, ut te hæc, quæ jam pridem vastare studes, relinquenter usque ad portas prosequantur.

IX. QUANQUAM quid loquor? te ut ulla res frangat? tu ut unquam te corrigas? tu ut ullam fugam meditare? tu ullum ut exilium cogites? utinam tibi istam mentem dii immortales duint; tametsi video, si mea voce perterritus ire in exilium animum induxeris, quanta tempestas invidiæ nobis si minus in præsens tempus recenti memoria scelerum tuorum, at in posteritatem impendeat? Sed est mihi tanti dummodo ista privata sit calamitas, & à reip: periculis sejungatur, sed ut vitiis

vitiis tuis commovere, ut legum pœnas pertimescas, ut temporibus reipubl: (17) concedas, non est postulandum. Neque enim is es, Catilina, ut te aut pudor à turpitudine, aut metus à periculo, aut ratio à furore revocarit. Quamobrem, ut sæpe jam dixi, proficiscere, ac si mihi inimico, ut prædicas, tuo conflare vis invidiam, recta perge in exilium: vix feram sermones hominum, si id feceris: vix molem istius invidiæ, si in exilium icris iussu consulis, sustinebo; sin autem servire meæ laudi & gloriæ mavis, egredere cum importuna sceleratorum manu, confer te ad Manilium, concita perditos cives, secerne te à bonis, infer Patriæ bellum, exulta impio latrocinio: ut à me non eiectus ad alienos, sed invitatus ad tuos isse videaris. Quamquam quid ego te invitem à quo jam sciam esse præmissos, qui tibi ad forum Aurelium præstolarentur armati? sciam pactam & constitutam esse cum Manlio diem? à quo etiam (18) aquilam illam argenteam, quam tibi ac tuis omnibus perniciosam esse confido, & funestam futuram, cui domi tuæ sacrarium scelerum tuorum constitutum fuit, sciam esse præmissam. Tu ut illa diutius carere possis, quam venerari ad caedem proficiscens solebas? à cujus altaribus sæpe istam dextram impiam ad necem civium transtulisti?

X.

(17) *ut temporibus Reipublica concedas.* id est, ut facias id etiam invitatus, quod præsens Reipublicæ status faciendum postulat, quatenus, scilicet ex eas ex urbe.

(18) *aquilam &c.* id est signum militare, quod servabatur colebaturque intra privatos Catilinæ parietes.

X. JBIS tandem aliquando, quo te jam pridem tua ista cupiditas effrenata ac furiosa rapiebat. Neque enim tibi hæc res adfert dolorem, sed quandam incredibilem voluptatem: ad hanc te mentiam natura peperit, voluptas exercuit, fortuna servavit. Nunquam tu non modo otium, sed ne bellum quidem nisi nefarium concupisti. Nactus es ex perditis, atque ab omni non modo fortuna, verum etiam spe derelictis, constatam improborum manum. Hic tu qua lætitia perfrucere? quibus gaudiis exsultabis? quanta in voluptare bacchabere? cum in tanto numero tuorum neque audies virum bonum quemquam, neque videbis? Ad hujus vitæ studium meditati illi sunt, qui feruntur, labores tui: jacere humi non modo ad obsidendum stuprum, verum etiam ad facinus obeundum, vigilare non solum insidiantem somno maritorum verum etiam bonis occiforum. Habes ubi ostentes illam præclaram tuam patientiam famis, frigoris, inopiæ, rerum omnium, quibus te brevi tempore confectum esse senties. Tantum profeci tum, cum te à consulatu repuli, ut exul potius tentare, quam consul vexare remp: posses, atque ut id, quod esset à te celerate susceptum latrocinium potius, quam bellum nominaretur.

XI. NUNC ut à me P.C. quandam prope justâ patriæ querimoniam detester ac deprecet, percipite quæso diligenter, quæ dicam & ea penitus animis vestris mentibusque mandate. Etenim si mecum patria, quæ mihi vita mea multo est carior, si cuncta Italia, si omnis respublica loquatur: M.

Tul-

M. Tulli, quid agis? tunc cum, quem esse hostem comperisti quem ducem belli futurum vides, quem expectari Imperatorem in castris hostium sentis? auctorem sceleris, principem conjurationis, evocatore servorum & civium perditorum, exire patieris, ut abs te non emissus ex urbe, sed immissus in urbem esse videatur? nonne hunc in vincula duci, non ad mortem rapi, non summo supplicio macari imperabis? Quid tandem impedit te? mosne majorum? at persæpe etiam privati in hac rep: perniciosos cives morte multarunt. An leges, quæ de civium Romanorum supplicio rogatæ sunt? at nunquam in hac urbe ii, qui à republ: defecerunt civium jura tenuerunt. An invidiam posteritatis times? præclaram vero populo Romano refers gratiam, qui te hominem per te cognitum, nulla commendatione majorum tam mature ad summum imperium per omnes honorum gradus extulit, si propter invidiam, aut alicujus periculi metum, salutem civium tuorum negligis. Sed si quis est invidiæ metus num est vehementius severitatis ac fortitudinis invidia, quam inertæ ac nequitæ pertimescenda? An cum bello vastabitur Italia, vexabuntur urbes, tecta ardebunt, tum te non existimas invidiæ incendio conflagraturum?

XII. HIS ergo sanctissimis reip: vocibus, & eorum hominum, qui idem sentiunt, mentibus pauca respondebo. Ego, si hoc optimum factu judicarem, P. C. Catilinam morte multari, unius usuram horæ gladiatori isti ad vivendum non dedissem

dissem. Etenim si summi viri, & clarissimi cives, Saturnini, & Gracchorum & Flacci, & superiorum complurium sanguine non modo se non contaminarunt, sed etiam honestarunt: certe verendum mihi non erat, ne quid, hoc parricida civium interfecto, invidiæ mihi in posteritatem redundaret. Quod si ea mihi maxime impenderet, tamen hoc animo semper fui, ut invidiam virtute partam, gloriam, non invidiam putarem. Quamquam nonnulli sunt in hoc ordine qui aut ea quæ imminent non videant, aut ea, quæ vident, dissimulent qui spem Catilinæ mollibus sententiis aluerunt, conjurationemque nascentem non credendo corroboraverunt: quorum auctoritatem secuti multi, non solum improbi, verum etiam imperiti, si in hunc animadvertissem, crudeliter & regie factum esse dicerent. Nunc intelligo, si iste, quo intendit, in maniliana castra pervenerit, neminem stultum fore, qui non videat conjurationem esse factam: neminem tam improbum, qui non fateatur. Hoc autem uno interfecto, intelligo hanc reip: pestem paulisper reprimi, non in perpetuum comprimi posse. Quod si se ejecerit secumque suos eduxerit, & eodem cæteros, undique collectos naufragos aggregaverit, extinguetur atque delebitur non modo hæc tam adulta reipubl: pestis, verum-etiam stirps ac semen malorū omnium.

XIII. ETENIM jam diu, P. C. in his periculis conjurationis, insidiisque versamur, sed nescio quo pacto omnium scelerum, ac veteris furoris, & audaciæ maturitas in nostri consulatus tempus erupit. Quod si ex tanto latrocinio iste unus tol-

lerur, videbimur fortasse ad breve quoddam tem-  
 pus cura & metu esse relevati, periculum autem  
 residebit, & erit inclusum penitus in venis, atque  
 in visceribus reip: Ut sæpe homines ægri morbo  
 gravi, cum æstu febrique jaçantur, si aquam geli-  
 dam biberint, primo relevari videntur, deinde  
 multo gravius vehementiusque affligantur; sic  
 hic morbus, qui est in republ: relevatus istius pæ-  
 na, vehementius, vivis reliquis, ingravescet. Qua-  
 re P. C. secedant improbi, secernant se à bonis,  
 unum in locum congregentur, muro denique, id  
 quod sæpe jam dixi, secernantur à nobis: desi-  
 nant insidiari domi suæ consuli, circumstare tribu-  
 nal prætoris urbani, obsidere cum gladiis curiam,  
 malleolos & faces ad inflammandam urbem com-  
 parare: sit denique inscriptum in fronte uniuscu-  
 jusque civis, quid de rep: sentiat. Polliceor vobis  
 hoc, P. C. tantam in nobis col: fore diligentiam,  
 tantam in vobis auctoritatem, tantam in equiti-  
 bus Rom: virtutem, tantam in omnibus bonis con-  
 sensionem, ut Catilinæ profectioe omnia patefacta,  
 illustrata, oppressa, vindicata esse videatis. Hisce  
 omnibus Catilina, cum summa reip: salute, & cum  
 tua peste ac pernicie, cumque eorum exitio, qui  
 se tecum omni scelere, parricidioque junxerunt,  
 proficiscere ad impium bellum ac nefarium. Tum  
 tu, Jupiter, qui iisdē, quibus hæc urbs, auspiciis à  
 Romulo es constitutus, quem Statorem hujus ur-  
 bis, atque imperii vere nominamus, hunc & hujus  
 socios a tuis aris, cæterisque templis, & tectis ur-  
 bis, ac manibus, à vita fortunisque civium omni-  
 um

ORATIO  
IN L. CATILINAM.  
AD QUIRITES.

I. **TANDEM** aliquando, Quirites, L. Catilinam  
furem audacia, scelus anhelantem, pestem  
patriæ nefarie molientem, vobis atque huic urbi  
ferrum flammamque minitantem ex urbe vel eje-  
cimus, vel emisimus, vel ipsum egredientem verbis  
prosecuti sumus. Abiit, excessit, evasit, erupit.  
Nulla jam perniciēs à monstro illo, atque pro-  
digio (1) mænibus ipsis intra mænia compara-  
bitur. Atque hunc quidem unum hujus belli do-  
mestici ducem sine controversia vicimus. Non  
enim jam inter latera nostra sicca illa versabitur  
non in foro, non in curia, non denique intra do-  
mesticos parietes pertimescemus. Loco ille mo-  
tus est, cum est ex urbe depulsus: palam jam cum  
(2) hoste, nullo impediēte, bellum justum gere-  
mus. Sine dubio perdidimus hominem magni-  
ficeque vicimus, cum illum ex occultis insidiis in  
apertum latrocinium contecimus. Quod vero  
non cruentum mucronem, ut voluit, extulit, quod  
vividis nobis egressus est, quod ei ferrum de mani-  
bus

(1) *manibus ipsis &c.* id est, Domibus, ædificiis intra  
mænia contentis, quibus gravius semper periculum im-  
minet, si intus vis mali grassatur.

(2) *palam jam cum hoste &c.* dicit Cicero se cum Ca-  
tilina, non jam ex insidiis (quæ sunt detectæ) sed aper-  
to Marte pugnaturum.

bus extorsimus, quod incolumes cives quod stantem urbem reliquit: quanto tandem illum mærore afflictum esse & profligatum putatis? Jacet ille nunc prostratus, Quirites, & se perculsum atque abjectum esse sentit; & retorquet oculos profecto sæpe ad hanc urbem, quam ex suis faucibus ereptam esse luget: quæ quidem lætari mihi videtur, quod tantam pestem emoverit forasque projecerit.

II. AT si quis est talis, quales esse omnes oportebat qui in hoc (3) ipso in quo exultat & triumphat oratio mea, me vehementer accuset: quod tam capitalē hostem non comprehenderim potius, quam emisero, non est ita mea (4) culpa Quirites, sed temporum; interemptum esse L. Catil: & gravissimo supplicio adfectum jam pridem oportebat: idque à me & mos majorum, & hujus imperii severitas, & resp: postulabat. Sed quam multos fuisse putatis, qui quæ ego deferrem, non crederent? quam multos, qui propter stultitiam non putarent? quam multos, qui etiam defenderent? quam multos; qui propter improbitatem faverent? Ac si, sublato illo depelli à vobis omne periculum judicarem, jam pridem ego L. Catilinam

---


(3) in hoc ipso &c. id est, quod Catilinam emisero ex urbe, si quis est, qui me arguat.

(4) non est ista mea culpa, scilicet, quod Catilinam non interfecerim.

Confirmatio (proposita prius Cap. IV. severitate Consulis) fit per enumerationem flagitiorum Catilinæ. Deinde Cap. V. adjuncta sociorum Catilinæ commemoratione, optat Cicero per Exclamationem, ut omnes nequam, obarati & facinorosi Ducem sequantur Catilinam, quorum etiam flagitia enumerat, ac ne proficiantur ex Urbe, vel respiscant, penas illis ob bellum crudele denuntiat. Digreditur demum Cicero Cap. VI. & refellit non nullorum calumniam: quasi in exilium à Cicerone crudeliter eiectus esset Catilina; refellit hoc, inquam, audacia & temeritate ipsius Catilinæ, tacito Senatus iudicio, convictione scelerati hominis, tum quod idem sceleratus Catilina sponte exierit, ivertique non in exilium, sed ad Castra Manliana. Quare Cap. VII. concludit Cicero perwersam aliquorum esse opinionem, quanquam nihilominus preceatur (quod tamen dicit minime futurum) ut in exilio etiam quiescat Catilina, dummodo cum sociis suis non sit timori & periculo Urbi. Quem interea minus timendum dicit ex comparatione copiarum Catilinæ ac populi Romani (quod mirifice exornat Confirmationem.) Atque imprimis Cap. VIII. dicit Cicero milites Catilinæ esse imo obaratos, qui spe solvendi aris alieni per novas tabulas à Catilina propositas, huic se adjunxerunt, quos turpiter errare, neque eos esse pertimescendos monet. 2do Cap. IX. dicit obaratos & ambitiosos, qui sperant se inique honores, consequuturos per interneccionem, honorum Civium; his itaque Consulem vigilem, Cives optimos, Deos ipsos asserit obsuturos. 3tio dicit obaratos propter profusionem opum ex rapinis sub Sylla Dictatore col-

re collectarum, quos Cicero à similibus in futurum rapinis deterret praesidio Civitatis. 4to Cap. X. Obarratos turbulentos, quorum turpem vitam, praesagit Cicero, mortem etiam turpem subsequaturam. 5to dicit esse Milites Catilina Parricidas, sicarios, ac his in exilio exitum precatur. 6to intimos Catilina delictos, molles cavillatur Cicero à tolerantia & castitate caesrensi. Tum denique Cap. XI. confert Orator copias cum copiis, Duces cum Ducibus, milites, facultates & causas belli inter se conficientes.

In Peroratione Cap. XII. Cicero hortatur Cives ad privatam sui custodiam, quandoquidem quò ad Rempublicam à se ubique jam provisam dicit; rursusque sociis Catilinae in Vrbe residuis lenitatem ac severitatem suam proponit. Tum Cap. XIII. pollicetur populo Romano officii sui diligentiam cum severitate. Denique Deorum beneficia commemorat, à quibus id adhuc expetendum vult, ut urbem, quam florentissimam esse voluerunt, defendant atque tueantur.



um arcebis, & omnes inimicos bonorum, hostes patriæ, latrones Italiæ, scelerum fœdere inter se, ac nefaria societate conjunctos, æternis suppliciis vivos mortuosque mastrabis.

## SENTENTIÆ

**N**on est sapius in uno homine salus republica periclitanda.

*Qui civibus suis suspectum se atque offensum videt, carere aspectu civium, quam infestis oculis omnium conspici nalle debet.*

*Patria est communis nostrum omnium parens.*

*Invidia virtute parata, gloria non invidia putanda est.*

*Sæpe homines ægri morbo gravi, cum astu febrique jactantur, si aquam gelidam biberint, primo relevati videntur: deinde multo gravius vehementiusque conflantur.*

## ORATIO VII.

quæ est

## IN L. CATILINAM.

## SECUNDA.

Argumentum Orationis II. in Catilinam.

**C**atilina precedenti Oratione vehementer à Cicerone increpatus, intempesta nocte Roma discessit ad Manti-  
liana castra dato interea negotio Cethego, Lentulo, ca-  
terisq. sociis, ut maturarent consilia, quoniam ipse prope-  
diem cum magno exercitu urbi sit superventurus.

L 2

Proxi-

*Proximo post abitum Catilina die Cicero hac Oratione populo Romano gratulatur, quod magno metu liberatus sit, ostenditque, à Catilina ejusque sociis non timendum esse, ob militiam ejus multis nominibus infirmam & inutilem.*

*Hæc Oratio in principio habet speciem gratulationis: sed progreditur statim ad deliberatorium quoddam genus, cum maxime id agitur, quo agnoscant, Catilinam jam nullum esse cum omnibus suis copiis.*

*Eventus non alius est, quam qui in hoc argumento Orationis fuit propositus.*

## DISPOSITIO

### Orationis 2dæ in Catilinam.

Partes Orationis sunt quatuor: *Exordium, Propositio, Confirmatio, & Peroratio.*

*In Exordio Cap. I. Cicero gratulatur Reipublicæ discessisse ex Vrbe Catilinam insidiatorem & furiosum; communemque Urbis lætitiã declarat ex morore Catilina dolentis, quod absque ruina Urbis exierit.*

*Propositio: utile esse Reipublicæ non interfectum Catilinam, ac quosdam ejus socios discessisse ex Vrbe. Hujus Propositionis argumenta sunt Cap. II. quia per discessum suum Catilina palam ostendit omnibus se esse hostem Patriæ, de quo plurimĩ dubitarant. Deinde quia Catilina cum sociis suis non tam timendus est foris, quam intra Mœnia, quod Cap. III. asseritur ex comparatione Legionum, ex industria ac providentia Consulis severi.*

Confir-

ofos sobriis, dormientes vigilantibus? qui mihi accubantes in conviviis, complexi mulieres impudicas, vino langvidi, conferti cibo, fertis redimiti, unguentis obliti, debilitati stupris, eructant (12) sermonibus suis eadem bonorum, atque urbis incendia. Quibus ego confido impendere fatum aliquod; & poenas jamdiu improbitati, nequitiae, sceleri, libidini debitas, aut instare jam plane, aut certe jam appropinquare. Quos si meus consulatus, quoniam sanare non potest, sustulerit; non breve, nescio, quod tempus, sed multa secula propagarit reipublicae. Nulla est enim natio, quam pertimescamus: nullus Rex, qui bellum populo Romano facere possit. Omnia sunt externe unius (13) virtute, terra marique pacata; domesticum bellum manet: intus insidiae sunt, intus inclusum periculum est: intus est hostis; cum luxuria nobis, cum amentia, cum scelere certandum est. Huic ego me bello dycem profiteor, Quirites: suscipio inimicitias hominum perditorum; quae sanari poterunt, quacunque ratione sapabo: quae ressecanda erunt, non patiar ad perniciem civitatis manere. Proinde aut exeant, aut quiescant, aut, si in urbe, & in eadem mente permanent, ea quae merentur, exspectent.

## VI.

(12) *eructant sermonibus*, nempe, inter ebrietates nihil frequentius dicunt quam de incendio urbis & cade bonorum.

(13) *unius virtute*, scilicet, Pompeji.

VI. AT etiam sunt, Quirites, qui dicant, à me in exilium ejectum esse Catilinam. Quod ego si verbo (14) adsequi possem, istos ipsos ejicerem, qui hæc loquuntur. Homo (15) enim videlicet timidus, & permòdestus vocem consulis ferre non potuit: simul atque ire in exilium iussus est: paruit, quievit. Hesternò die cum domi meæ pene interfectus essem, senatum in ædem jovis Statoris vocavi, rem omnem ad patres conscriptos detulic: quo cum Catilina venisset, quis eum senator appellavit? quis salutavit? quis denique ita aspexit, ut perditam civem, ac non potius ut importunissimum hostem? quin etiam principes ejus ordinis partem illam subfelliorum, ad quam ille accesserat, nudam atque inanem reliquerunt. Hic ego vehemens ille consul, qui verbo cives in exilium ejicio, quæsi à Catilina, an nocturno conventu apud M. Leccam fuisset, nec ne. Cum ille homo audacissimus, conscientia convictus primo reticisset, patefeci cætera: quid ea nocte egisset, ubi fuisset, quid in proximam constituisset, quemadmodum esset ei ratio totius belli descripta, edocui. Cum hæsitaret, cum teneretur, quæsi, quid dubitaret proficisci eo, quo jam pridem pararet, cum arma, cum secures, cum fascès, cum tubas; cum signa militaria, cum aquilam illam argenteam, cui ille etiam sacrarium scelerum domi suæ fecerat

(14) si verbo adsequi possem &c. id est, si absque Decreto & sententia Patrum, verbis tantum ac oratione in exilium eicerem, omnes pariter, qui ista dicunt, ejicerentur.

(15) Homo enim &c. dicitur de Catilina per Ironiam.

vos omnes factam esse aperte conjurationem contra rempubl: videretis: nisi vero si quis est, qui Catilinæ similes cum Catilina sentire non putet. Non est jam lenitati locus, severitatem res ipsa flagitat. Unum etiam nunc concedam: exeant, proficiscantur, ne patiantur desiderio sui Catilinam miserum tabescere, demonstrabo iter: Aurelia via profectus est: si accelerare volent, ad vesperam consequentur. O fortunatam rempubl: siquidem hanc sentinam hujus urbis ejecerit! uno, me hercule, Catilina exhausto relevata mihi & recreata respubl: videtur. Quid enim mali aut sceleris fingi, aut excogitari potest, quod non ille conceperit? quis tota Italia veneficus, quis gladiator, quis latro, quis ficarius, quis parricida, quis testamentorum subceptor, quis circumscriptor, quis ganeo, quis nepos, quis adulter, quæ mulier infamis, quis corruptor juventutis, quis corruptus, quis perditus inveniri potest, qui se cum Catilina non familiarissime vixisse fateatur? quæ cædes per hosce annos sine illo facta est? quod nefariû stuprum non per illû? iam vero quæ tanta in ullo unquam homine juventutis illecebra fuit, quanta in illo? qui alios ipse amabat turpissime, aliorum amori flagitiosissime serviebat: aliis fructum libidinum, aliis mortem parentum non modo impellendo, verum etiam adjuvando, pollicebatur. Nunc vero quam subito non solum ex urbe, verum etiam ex agris ingentem numerum perditorum hominum collegerat? nemo non modo Romæ, sed nec ullo in angulo totius Italiæ oppressus ære alieno

alieno fuit, quem non ad hoc incredibilis sceleris fœdus adsciverit.

V. ATQUE ut ejus diversa studia in dissimili perspicere possitis, nemo est in ludo gladiatorio paulo ad facinus audacior, qui se non intimum Catilinæ esse fateatur: nemo in scena levior & nequior, qui se non ejusdem prope sodalem fuisse commemoret. Atque idem tamen stuprorum & scelerum exercitatione, assuetus, frigore, & fame, & siti, ac vigiliis perferendis fortis ab istis prædicabatur, cum industriæ subsidia atque instrumenta virtutis in libidinem audaciamque consumerentur. Hunc vero si sui fuerint comites secuti, si ex urbe exierint desperatorum hominum flagitiosi greges; o nos beatos! o rempublicam fortunatam! o præclaram laudem consulatus mei! Non enim jam sunt mediocres hominum libidines, non humanæ audaciæ, ac tolerandæ: nihil cogitant, nisi cædes, nisi incendia, nisi rapinas: patrimonium suum profuderunt, fortunas suas abligurierunt, res (11) eos jam pridem, fides deficere nuper cepit: eadem tamen illa, quæ erat in abundantia libido, permanet. Quod si in vino & alea commestrationes solum & scorta quærerent, essent illi quidem desperandi, sed tamen essent ferendi, hoc vero quis ferre possit, inertes homines fortissimis viris insidiari, stultissimos prudentissimis, ebriosos

---

(11) res eos jam pridem &c. id est, facultates & bona sua jam pridem amiserunt, fidem vero apud Creditores nunc perdididerunt.

nam non modo invidiæ meæ (5) verum etiam vitæ periculo sustuliffem. Sed cum viderem, ne vobis quidem omnibus re etiam tum probata, si illum, ut erat meritus, morte multaffem, fore ut ejus socios, invidia oppressus, persequi non possẽm: rem huc deduxi, ut tum palam pugnare possẽtis, cum hostem aperte viderẽtis. Quem quidem ego hostem, Quiritẽs, quã vehementer foris esse timendum putẽm, licet hinc intelligatis, quod illud etiam moleste ferõ, quod ex urbẽ parum comitatus exierit. Utinã ille omnes secum suas copias eduxiffet. Tongillum mihi eduxit, quem amare in (6) prætexta cæperat: Publicium, & Munatium, quorum æs alienum contractum in popina nullum reipubl: motum afferre poterat. Reliquit quos viros? quanto alieno ære? quam valentes? quam nobiles? vos videtis.

III. ITAQUE ego illum exercitum (7) & Gallicanis legionibus & hoc delectu, quem in agro Piceno & Gallico Q. Metellus habuit, & his copiis quæ a nobis quotidie comparantur, magnopere contemno, collectum ex senibus desperatis,

ex

(5) non modo invidia mea, verum &c. hoc est. non modo, si invidia mihi, sed etiam si vitæ periculum subeundum esset, tamen Catilinam interficerem, si id vobis commodo fore putarem.

(6) in prætexta id est à pueritia, prætexta enim dieitur vestris puerilis simbriis variis adornata.

(7) illum exercitum & Gallicanis &c. dicit Cicero exercitum Catilinæ contemnendum esse ex ratione suarum copiarum, quæ maximæ ex Gallis & Romanis comparabantur.

ex agresti luxuria, rusticis (8) decoctoribus, ex iis, qui (9) vadimonia deserere, quam illum exercitum maluerunt, quibus ego non modo si aciem exercitus nostri, verum etiam si edictum prætoris ostendero, concident. Hos quos video volitare in foro, quos stare ad curiam, quos etiam in senatum venire, qui nitent unguentis, qui fulgent purpura, malletm secum suos milites eduxisset: qui si hic permanent, mementote non tam exercitum illum esse nobis, quam hos, qui exercitum deseruerunt pertimescendos. Atque hoc etiam sunt timendi magis, quod quid cogitent, me scire sentiunt, neque tamen permouentur. Video, cui Apulia sit attributa, qui habeat Etruriam, qui agrum Picenum, qui Gallicum, qui sibi has urbanas insidias cædis atque incendiõrum depoposcerit, omnia superioris noctis consilia ad me perlata esse sentiunt: patefeci in senatu hesternõ die: Catilina ipse perterritus, profugit: hi quid expectant? ne (10) illi vehementer errant, si illam meam pristinam lenitatem perpetuam sperant futuram.

IV. QUOD expectavi, jam sum affecutus, ut  
VOS

(8) *decoctoribus* &c. id est, servis vilissimarum operarum.

(9) *Vadimonia deserere* &c. id est, ad præstitutum diem pro debitis exsolvendis non venire, in quos desertores vadimonii pena infamix lata erat, ac in eorum bona creditores mittebantur.

(10) *ne*, id est, profecto, certum est.

fecerat, scirem esse præmissam. In exilium ejiciebam, quem jam ingressum esse in bellum videbam? Etenim, credo; Manlius iste centurio, qui in agro Fesulano castra posuit, bellum populo Rom: suo nomine indixit, & illa nunc non Catilinam ducem expectant: & ille ejectus in exilium, se (16) Massiliam, ut ajunt, non in hæc castra conferet?

VII. O CONDITIONEM miseram non modo administrandæ; verum etiam conservandæ reipublicæ! Nunc si L. Catilina consiliis, laboribus, periculis meis circumclusus ac debilitatus, subito pertimuerit, sententiam mutaverit, deseruerit sacros, consilium belli faciendi abjecerit, ex hoc cursu sceleris & belli, iter ad fugam atque in exilium convertit; non ille à me spoliatus armis audaciæ, non obstupescens ac perterritus mea diligentia, non de spe conatuque depulsus, sed indemnatus, innocens in exilium ejectus à consule, vi & minis esse dicetur: & erunt, qui, qui illum, si hoc fecerit non improbum, sed miserum: me non diligentissimum consulem, sed crudelissimum tyrannum existimari velint. Est (17) mihi tanti, Quirites, hujus invidiæ falsæ atque iniquæ tempestatem subire, dummodo à vobis hujus horribilis belli, ac nefarii periculum depellatur. Dicatur sane e-

Aus

(16) Massiliam Civitas in Gallia Romanis amicissima, propterea, qui in exilium ibant, Massiliam se conferebant.

(17) est mihi tanti, nihili, scilicet, & flocci æstimo has calumnias.

Aus esse à me, dummodo eat in exilium: sed, mihi credite, non est iturus. Nunquam ego à diis immortalibus optabo, Quirites, invidiæ meæ levandæ causâ, ut L. Catilinam ducere exercitum hostium, atque in armis volitare audiat: sed tri-duo tamen audietis: multoque magis illud timeo, ne mihi sit invidiosum aliquando, quod illum emiserim, potius, quam quod ejecerim. Sed, cum sint homines qui illum, cum profectus sit, ejectum esse dicant, idem, si interfectus esset, quid dicerent? Quamquam isti, qui Catilinam Massiliam ire distant, non tam hoc (18) queruntur, quam verentur. Nemo est istorum tam misericors, qui illum non ad Manlium, quam ad Massilienses, ire malit. Ille autem si, me hercule, hoc, quod agit, nunquam ante cogitasset; tam latrocinantem se interfici mallet, quam exulem vivere. Nunc vero cum ei nihil adhuc præter ipsius voluntatem cogitationemque acciderit, nisi quod vivis nobis, Roma profectus est; optemus potius, ut eat in exilium, quam queramur.

VIII. SED cur tam diu de uno hoste loquimur, & de eo hoste, qui jam fatetur se esse hostem, & quem, quia, quod semper volui, murus interest, non timeo: de his, qui dissimulant, qui Romæ remanent, qui nobiscum sunt, nihil dicimus? quos quidem ego, si ullo modo fieri posset, non tam ulci-

(18) non tam hoc queruntur, quam hoc. ne defacto Catilina Massiliam pergat ire, ibique quiescat; sed Cicero dicit eum id non facturum.

ulcisci studeo, quam sanare & ipsos placare reipubl: neque id, quare fieri non possit, si me audire volent, intelligo. Exponam enim vobis, Quirites, ex quibus generibus hominum istæ copiz comparentur: deinde singulis medicinam consilii atque orationis meæ, si quam potero, adferam. Unum (19) genus est eorum, qui magno in ære alieno majores etiam possessiones habent, quarum amore adducti dissolvi nullo modo possunt. Horum hominum species honestissima. Sunt enim locupletes: voluntas vero & causa impudentissima. Tu agris, tu ædificiis, tu argento, tu familia, tu rebus omnibus ornatus & copiosus sis, cū & dubitas aliquid de possessione detrahere ac fidem acquirere? quid enim expectas? bellum? quid? ergo in vastatione omnium tuas possessiones (20) sacrosanctas futuras putas? an (21) tabulas novas? errant, qui istas, Catilina, expectant, meo beneficio tabulæ novæ proferentur, verum auctionariæ. Neque enim isti, qui possessiones habent, alia ratione ulla salvi esse possunt. Quod si maturius facere voluissent, neque ( id quod stultissimum est

M

est

(19) *unum genus &c.* qui scilicet habent debita habent & bona amplissima, quibus tamen bonis se privati nolunt, ut ita debita exsolvant.

(20) *Possessiones Sacrosanctas* dicit Cicero, quibus vim inferre non licuit.

(21) *an tabulas novas &c.* hoc est, quod neque tabulæ novæ proferentur, præter has, in quibus scripti sunt debitores, quorum nomina non delebuntur.

est) certare cum usuris (22) fructibus prædiorum locupletioribus his & melioribus civibus veremur. Sed hosce homines minime puto pertimescendos, quod aut deduci de sententia possunt, aut si permanebunt, magis mihi videntur vota facturi contra republ: quam arma laturo.

IX. ALTERUM genus est eorum, qui quamquam premuntur ære alieno, dominationem tamen expectant, rerum potiri volunt: honores, quos quæta republ: desperant, perturbata consequi se posse arbitrantur. Quibus hoc præcipiendum videtur, unum, scilicet & idem, quod cæteris omnibus, ut desperent se id, quod conantur, consequi posse. Primum & omnium, me ipsum vigilare, adesse, providere reipubl: deinde magnos animos esse in bonis viris, magnam concordiam, maximam multitudinem, magnas præterea copias militum: deos denique immortales huic invicto populo, clarissimo Imperio, pulcherrimæ urbi, contra tantam vim sceleris præsentis auxilium esse laturos. Quod si jam sint id, quod cum summo furore cupiunt, adepti, num illi in cinere urbis & sanguine civium, quæ mente conscelerata ac nefaria concupierunt, se consules ac dictatores, etiam reges sperant futuros? non vident, id se cupere, quod si adepti fuerint, fugitivo alicui, aut gladiatori concedi sit necesse. Tertium genus est ætate jam affectum, exercitatione robustum: quo  
ex

(22) certare cum usuris fructibus &c. est velle usuras fortis creditæ redditibus & fructibusolvere, cum tamen usuræ fractus prædiorum superent.

modum jam ante edixi, vestra teſta cuſtodiis vigi-  
liſque defendite: mihi ut urbi ſine veſtro metu  
ac ſine ullo tumultu, ſatis eſſet præſidii, conſul-  
tum ac proviſum eſt. Coloni omnes municipesque  
veſtri certiores à me facti de hac nocturna exclu-  
ſione Catilinæ, facile urbes ſuas finesque defendent:  
gladiatores, quàm ſibi ille maximam manum &  
certiſſimã fore putavit, quamquam meliore animo  
ſunt, quam pars patriciorum, poteſtate tamen in  
veſtra continebuntur. Q. Metellus, quem ego pro-  
ſpiciens hoc, in agrum Gallicanum, Picenumque  
præmiſi, aut opprimet hominem, aut omnes ejus  
motus conatusque prohibebit. Reliquis autem  
de rebus conſtituendis, maturandis, agendis, jam  
ad ſenatum referemus, quem vocari videtis. Nunc  
illos, qui in urbe remaſerunt, atque adeo qui  
contra urbis ſalutẽ, omniũq; veſtrũ, in urbe à Ca-  
tilina reliſi ſunt, quamquam ſunt hoſtes, tamen  
quia nati ſunt cives, monitos etiã atq; etiã volo.  
Mea lenitas adhuc ſi cui ſolutior viſa eſt, hoc  
exſpectavit, ut id, quod latebat, erumperet. Quod  
reliquum eſt, jam non poſſum oblivſci, meam  
hanc eſſe patriam, me horum eſſe conſulem: mihi  
aut cum his vivendum, aut pro his eſſe morien-  
dum. Nullus eſt portæ cuſtos, nullus inſidiator  
viæ, ſi qui exire volunt conſulere ſibi poſſunt; qui  
vero in urbe ſe commoverit, cujus ego non mo-  
do factum, ſed inceptum ullum, conatumve contra  
patriam deprehendero; ſentiet in hac urbe eſſe  
conſules vigilantes, eſſe egregios magiſtratus, eſſe  
fortem ſenatum, eſſe arma, eſſe carcerem, quem  
vindi-

vindicem nefariorum ac manifestorum scelerum majores nostri esse voluerunt.

XIII. ATQUE hæc omnia sic agentur, Quirites, ut res maximæ minimo motu, pericula summa nullo tumultu, bellum intestinum ac domesticum, post hominum memoriam crudelissimum ac maximum, me (31) uno togato duce & Imperatore, sedetur. Quod ego sic administrabo, Quirites, ut si ullo modo fieri poterit, ne improbus quidem quisquam in hac urbe pœnam sui sceleris sufferat. Sed si vis manifestæ audaciæ, si impendens patriæ periculum me necessario de hac animi lenitate deduxerint, illud profecto, quod in tanto & tam insidioso bello vix optandum videtur, ut ne quis bonus intereat, paucorumque pœna vos omnes jam salvi esse possitis. Quæ quidem ego, neque mea prudentia, neque humanis consiliis fretus, polliceor vobis, Quirites, sed multis, & non dubiis deorum immortalium significationibus, quibus ego ducibus in hanc spem sententiamque sum ingressus, qui jam non procul, ut quondam solebant, ab externo hoste atque longinquo; sed hic præsentibus suo numine atque auxilio, sua templa, atque urbis tecta defendunt. Quos vos, Quirites, precari, venerari, atque implorare debetis: ut quam urbem pulcherrimam, florentissimam, potentissimamque esse voluerunt, hanc omnibus hostium copiis terra marique superatis à perditissimorum civium nefario scelere defendant.

SEN-

(31) *me uno togato Duce &c.* id est, à me Consule non armis vestito, aut sago, quod est belli vestitus, aut Toga, pacis veste ornato, bellum extingvetur.

in antelucanis (27) cænis expromitur. In his gregibus omnes aleatores, omnes adulteri, omnes impuri impudicique versantur. Hi pueri tam lepidi ac delicati, non solum amare & amari, neque cantare, & saltare; sed etiam fidas vibrare & spargere venena didicerunt: qui nisi exeunt, nisi pereunt, etiamsi Catilina perierit, scitote hoc in republ: seminarium Catilinarium futurum. Verum tamen quid sibi isti miseri volunt? num suas secum mulierculas sunt in castra ducturi? quæ admodum autem illis carere poterunt, his (28) præsertim jam noctibus? quo autem pacto illi eo Apenninum, atque illas pruinas ac nives perferent? nisi idcirco se facilius hyemem toleraturos putant, quod in conviviis nudi saltare didicerunt. O bellum magnopere pertimescendum, cum hanc sit habiturus Catilina scortorum cohortem (29) prætoriam.

XI. INSTRUITE nunc, Quirites, contra hæc tam præclaras Catilinæ copias vestra præsidia vestrosque exercitus, & primum gladiatori illi confecto & saucio consules imperatoresque vestros opponite: deinde contra illam naufragorum ejedam ac debilitatam manum florem totius Italiæ  
ac

(27) in antelucanis canis &c. id est, in conviviis vesperi captis, & usque ad ortum tolis extractis.

(28) his præsertim noctibus &c. quæ noctes sunt longiores ac frigidiores.

(29) Cohortem prætoriam, id est, custodes corporis Prætorum.

ac robur educite. Iam vero urbes coloniarum ac  
 (30) municipiorum; respondebunt Catilinæ tumu-  
 lis silvestribus. Neque vero cæteras copias, or-  
 namenta præsidia vestra, cum illius latronis ino-  
 pia atque egestate debeo conferre. Sed si, omissis  
 his rebus omnibus, quibus nos suppeditamur, eget  
 ille Senatu, equitibus Romanis, populo, urbe, æra-  
 rio, vestigalibus, cuncta Italia, provinciis omni-  
 sis, exteris nationibus: si, inquam, his rebus omis-  
 sis, ipsas causas, quæ inter se configunt, contende-  
 re velimus: ex eo ipso quam valde illi jaceant, in-  
 telligere possumus. Ex hac enim parte pudor pu-  
 gnat, illinc petulantia: hinc pudicitia, illinc stu-  
 prum: hinc fides, illinc fraudatio: hinc pietas, il-  
 linc scelus: hinc constantia, illinc furor: hinc ho-  
 nestas, illinc turpitude: hinc continentia, illinc li-  
 bido: denique æquitas, temperantia, fortitudo, pru-  
 dentia, virtutes omnes certant cum iniquitate, cum  
 luxuria, cum ignavia, cum temeritate, cum vitiis  
 omnibus; postremo copia cum egestate, bona ra-  
 tio cum perdita, mens sana cum amentia, bona de-  
 nique spes cum omnium rerum desperatione con-  
 fligit. In hujus modi certamine ac prælio, non-  
 ne etiam, si hominum studia deficient, dii ipsi im-  
 mortales cogent ab his præclarissimis virtutibus  
 tot & tanta vitia superari.

XII. QUÆ cum ita sint, Quirites, vos, quemad-  
 modum

(30) ac municipiorum &c. Urbes, nempe, quibus idem  
 jus, quod Romanis, fuerat concessum, respondebunt. id  
 est opponuntur locis sylvestribus, in quibus Catilina,  
 quasi latro versatur.



quī nunquam emergent, qui partim inertia, partim male gerendo (25) negotia, partim etiam sumptibus in vetere ære alieno vacillant, qui vadimoniiis, judiciis, proscriptionibus bonorum defatigati, permulti & ex urbe, & ex agris se in illa castra conferre dicuntur. Hosce ego non tam milites æres, quam inficiatores lentos esse arbitror, qui homines primum, si stare non possunt, corruant, sed ira, ut non modo civitas, sed ne vicini quidem proximi sentiant. Nam illud non intelligo quã obrem, si vivere honeste non possunt, perire turpiter velint; aut cur minore dolore perituros secum multis quam si soli pereant, arbitrentur. Quintum genus est parricidarum, sicariorum, denique omnium facinorosorum: quos ego à Catilina non revoco. Nam neque divelli ab eo possunt: & parent sane in latrocinio, quoniam sunt ita multi ut eos capere carcer non possit. Postremum autem genus est non solum numero, verum etiam genere ipso atque vita, quod proprium est Catilinæ, de ejus delectu, imo vero de complexu ejus ac sinu: quos pexo capillo nitidos, aut imberbes, aut bene (26) barbatos videtis, manicatis & talaribus tunicis, velis amictos, non togis: quorum omnis industria vitæ, & vigilandi labor  
in

(25) male gerendo negotia id est, rem familiarem negligenter obeundo.

(26) aut bene barbatus &c. compta, scilicet & delibuta unguentis barbula; Romani enim barbas aluerunt ad annum ab U. C. 154, quò primum ex Sicilia adducti sunt tonsores per Licinium Mennam.

ORATIO  
IN L. CATILINAM.  
AD QUIRITES.

I. **R**empubicam, Quirites, vitamque omnium vestrum, bona, fortunas, conjuges, liberofque vestros, atque hoc domicilium clarissimi Imperii, fortunatissimam pulcherrimamque urbem hodierno die deorum immortalium summo erga vos amore, laboribus, consiliis periculisque meis, ex flamma atque ferro, ac pene ex faucibus fati ereptam, & vobis conservatam ac restitutam videtis. Et si non minus nobis jucundi atque illustres sunt ii dies, quibus conservamur, quam illi, quibus nascimur: quod salutis certa lætitia est, nascendi incerta conditio, & quod sine sensu nascimur, cum voluptate conservamur: profecto, quoniam illum, qui hanc urbem condidit, Romulum ad deos immortales benevolentia fama-que sustulimus; esse apud vos, posterosque vestros in honore debebit (1) is, qui eandem hanc urbem conditam amplificatamque servavit. Nam totius urbis templis, delubris, tectis ac manibus subjectos prope jam ignes, circumdatosque restinximus, iidemque gladios in Rempubicam distractos retudimus, mucronesque eorum à jugulis vestris rejecimus. Quæ quoniam in senatu illustrata, patefacta, compertaque sunt per me, vobis  
jam

(1) *debebit is.* id est, Cicero, qui conservavit Rempubicam.

jam exponam breviter, Quirites, ut & quanta & quam manifesta, & qua ratione investigata & comprehensa sint, vos qui ignoratis, & expectatis (2) ex actis scire possitis. Principio, ut Catilina paucis ante diebus erupit ex urbe, cum sceleris sui socios, & hujusce nefarii belli accerrimos duces Romæ reliquisset, semper vigilavi, & providi, Quirites, quemadmodum in tantis, & tam absconditis insidiis salvi esse possemus.

II. NAM tum cum ex urbe Catilinam ejiciebam, ( non enim jam vereor hujus verbi invidiam cum (3) illa magis sit timenda, quod vivus exierit ) sed tum, cum illum exterminari volebam, aut reliquam conjuratorum manum simul exituram, aut eos, qui restitissent infirmos sine illo ac debiles fore putabam. Atque ego, ut vidi, quos maximo furore & scelere esse inflammatos sciebam, eos esse nobiscum & Romæ remansisse: in eomnes dies, noctesque consumsi, ut, quid molirentur, sentirem ac viderem: ut (4) quoniam auribus vestris propter incredibilem magnitudinem sceleris minorem fidem faceret Oratio mea, rem ita comprehenderem, ut tum demum animis salutis vestræ provideretis, cum oculis maleficium  
iptum

(2) ex actis &c. qualiter nempe res gestæ sint.

(3) cum illa magis &c. invidia scilicet magis sit timenda ex eo, quod Catilina vivus, emissus fuerit, quam quod in exilium ejectus esse dicatur.

(4) ut quoniam auribus vestris &c. quoniam verbis fides non dabatur esse Catilinam hostem Patriæ, idcirco conatus est Cicero, rem ipsam ob oculos ponere.

DISPOSITIO  
Orationis 3tiæ in Catilinam.

Partes Orationis sunt per Collectionem Rhetoricam posita. Nam factò brevi Exordio ( quo statim contendere videtur ) propositum seu intentum suum probat, confirmat, & amplificat.

In Exordio Cap. I. dicit Cicero conservatam hodie à se Rempublicam, quem diem comparatione minorum prædicat, atque se dignum honore aquè ac Romulum censet.

Propositio seu intentum est: Diem hunc supplicatione celebrandum esse.

Ratio propositionis Cap. I. Nam totius urbis &c. quia hodie Cicero Rempublicam servavit.

Confirmatio rationis Cap. I. Quæ quoniam &c. & Cap. II. quia Cicero sua vigilantia, consilio, ac diligentia, Catilinæ conjurationem manifestam fecit & extinxit.

Amplificatio Confirmationis fit Narratione Oratoria, quæ contextitur ex adjunctis. Et imò quidem Cap. II. Itaque &c. dicit Cicero, qua ratione eam conjurationem comperit, quorum operâ, qua loci, ac temporis opportunitate ad eam detegendam usus fuerit, 2do Cap. III. quâ cautione singulos conjuratos adortus fuerit, ac in senatum vocaverit. 3tio quibus testimoniis tota conjuratio palam facta sit, conviciaque extiterit, nempe partim. Cap. IV. Vulturcii & Allobrogum diâis, partim Cap. V. literis conjuratorum & confessione eorundem, partim exterioribus ex oculis, vultu, signis. 4to propterea adjungit Cicero Cap.

VI. quæ & quibus à Senatu sunt gratiæ acta, & quod supplicium in quosdam Conjuratos statutum, tum etiam quam honorifica ipsi Ciceroni supplicatio decreta, denique quomodo Lentulus, cum abdicaverit se Magistratu, in custodiam traditus fuerit.

Exornatio amplificationis seu Confirmationis  
 Cap. VII. fit ex eo, quod Cicero dicat providum suum consilium in emittendo ex urbe Catilina, quo ceteri Conjurati facile devicti sunt; Atque in hoc Consilio maximam suam prudentiam probat calliditate & audacia Catilinae. Deinde Cap. VIII. dicit Cicero omnia se gessisse nutu & instinctu Deorum, cujus imo admonet Quirites per præteritionem de ostentis Calorum & terra motu. 2do dum explicat Haruspicum divinationes de simulacro Jovis. 3tio Cap. IX. dum ostendit divinam fuisse contra nefarios animadversionem, quorum stulta Consilia magis etiam Dii insatuarunt. Tum demum eadem amplificatio exornatur vel maxime Cap. X. comparatione quinque bellorum civilium, quæ sanguine Civium redundarunt, hoc vero bellum, quod cum Catilina erat gravissimum, sine cade, uno Cicerone, Duce togato, confectum est.

In Peroratione Cap. XI. Cicero pro suo tam insigni erga Rempublicam beneficio non aliud quidquam, quam perennem sui, & hujus diei memoriam postulat. Cap. XII. petit provideri sibi presidium contra invidiam nefariorum, polliceturque se privatam ita defensorum Quirites, quemadmodum eos Consul defenderat. Denique brevibus adhortatur ad diem hunc supplicatione Deorum celebrandum, ad tecta sua, æque ac superiore nocte, defendenda, interim securitatem omnem spondet brevi futuram.

ORA-

SENTENTIÆ

*Quis ferre possit, inertes homines fortissimis viris insidiari, stultissimos prudentissimis, ebriosos, sobrios, dormientes vigilantibus?*

*Quæ in republica sanari possunt, quacunque ratione sananda sunt: quæ ressecanda sunt, ad perniciem civitatis manere non debent.*

*Tanti esse oportet bono Magistratui invidia falsa atque iniquæ tempestatem subire, dummodo à republica belli periculum depellatur.*

*Stultum est cum agris, cum ædificiis, cum argento, cum familia, cum rebus omnibus ornatus ac copiosus sis, se dubites de possessione detrabere ac fidem acquirere.*

*Stultissimum est certare cum usuris fructibus prædiorum locupletioribus.*

*Qui præmuntur alieno ære, dominationem expectant: rerum potiri volunt: honores, quos quieta republica desperant, perturbata consequi se posse arbitrantur.*

*Multi minore dolore perituros se cum multis, quam si soli pereant arbitrantur.*

*Illud præfecto perficiendum est magistratui, omnibus in republica turbatis, ut ne quis bonus intereat, paucorumque pæna omnes salvi esse possint.*



ORA-

## ORATIO VIII.

quæ est Tertia.

## IN L. CATILINAM.

Argumentum Orationis III. in Catilinam.

**C**icero hac Oratione captos esse conjurationis principes, opera & indicio legatorum Allobrogum, qui Romam venerant conquestum de magistratuum injuriis, edocet etiam sublatum jam imminentis periculi metum, rem porro, quemadmodum gesta erat significat. Tum habere bonum animam Quirites jubet; quod gestum sit, acceptum diis immortalibus refert; rogatque, ut cum ipse, ne iis hominum audacissimorum nefaria scelerataque mentes nocere possent, sua vigilantia providerit, ipsi vicissim, ne quid sibi noceant, curam suscipiant. Conclusio est: Fovem ut venerentur, gratias ei agant, & supplicationem digne celebrent, & ut sua teſta vigiliis custodiisque defendant.

Videtur hac Oratio habita pridie. Non: Decembri ipso illo die, quo Lentulus & alii conjurati simul comprehensi, & in Senatum introduſi sunt, sententiaque de illis dicta à principibus, ut in custodiam traderentur.

Genus Orationis deliberativum est maxime. Suvadet enim populo, ut gratias diis agat, & supplicationem à Senatu decretam celebret.



ipsum videretis. Itaq; ut comperi (5) legatos Allobrogum belli Transalpini & tumultus Gallici excitandi causa, à P. Lentulo esse sollicitatos, eoque in Galliam ad suos cives, eodem itinere cum literis mandatisque ad Catilinam esse missos, comitemque iis adjunctum Vulturcium, atque huic datas esse ad Catilinam literas; facultatem, mihi oblatam putavi, ut quod erat difficilimum, quod ego semper optabam à diis immortalibus, tota res non solum à me, sed etiam à senatu, & à vobis manifeste deprehenderetur. Itaque hesterno die L. Flaccum, & C. Pontinum prætores, fortissimos atque amantissimos Reipublicæ viros, ad me vocavi: rem omnem exposui, quid fieri placeret ostendi. Illi autem, qui omnia de republ. præclara atque egregia sentirent, sine recusatione, ac sine ulla mora negotium susceperunt: & cum advesperasceret, occulte ad pontem Mulvium pervenerunt, atque ibi in proximis villis ita bipartiti fuerunt, ut Tiberis inter eos, & pons interesset. Eodem autem & ipsi sine cujusquam suspitione multos fortes viros eduxerunt, & ego ex præfectura Reatina complures delectos adolescentes, quorum opera utor assidue in reipublicæ præsidio, cum gladiis miseram. Interim tertia fere vigilia exacta, cum jam pontem cum magno comitatu legati

---

(5) Legatos Allobrogum. Allobroges gens Galliarum fuerat, à qua missi Legati ad pop: Rom: qui conquerentur de avaritia Magistratum, trahi per Lentulum in societatem conjurationis, rem totam cum simulatione maxima ad Cicéronem detulerunt.

legati Allobrogum ingredi inciperent, unaque Vulturcius, fit in eos impetus, educuntur, & ab illis gladii, & à nostris: res erat prætoribus nota solis, ignorabatur à cæteris.

III. TUM interuentu Pontini atque Flacci pugna, quæ erat commissa, sedatur: literæ quæcunque erant in comitatu, integris signis prætoribus traduntur: ipsi comprehensi ad me, cum jam dilucesceret, deducuntur. Atque horum omnium scelerum improbissimum machinatorem Cimbrum, Gabinium, statim ad me, nihil tum suspicantem vocavi. Deinde item accersitur P. Statilius, & post eum C. Cethegus: tardissime autem Lentulus venit, credo quod literis dandis præter consuetudinem proxima nocte vigilarat. Cum vero summis ac clarissimis hujus civitatis viris, qui audita re frequentes ad me mane convenerant, literas à me prius aperiri, quam ad senatum referrem, placeret, ne si nihil esset inventum, temere à me tantus tumultus injectus civitati videretur: negavi me esse facturum, ut de periculo publico, non ad consilium publicum rem integram deferrem. Etenim, Quirites, si ea, quæ erant ad me delata, reperta non essent, tamen, ego non arbitraber in tantis reipublicæ periculis esse mihi (6) minimam diligentiam pertimescendam. Senatum frequen-  
tem

(6) *minimam diligentiam pertimescendam*. quod etsi nihil periculi inveniretur in comprehensis literis, diligentia tamen & cautio Consulis laudem merebatur.

tem celeriter, ut vidistis, coegi. Atque interea statim, admonitu (7) Allobrogum, C. Sulpitium prætorem, fortem virum misi, qui ex ædibus Cethegi, si quid telorum esset efferret: ex quibus ille maximum sicarum numerum & gladiatorum extulit.

IV. INTRODUXI Vultureium sine Gallis (8) fidem ei publicam jussu senatus dedi: hortatus sum, ut ea, quæ sciret, sine timore indicaret. Tum ille, cum vix se ex magno timore recepisset, dixit: à P. Lentulo se habere ad Catilinam mandata & literas, ut fervorum præsidio uteretur, & ad urbem quamprimum cum exercitu accederet: id autem eo consilio, ut cum urbem omnibus ex partibus, quemadmodum descriptum distributumque erat, incendiissent, cædemque infinitam civium fecissent, præsto esset ille, qui & fugientes exciperet, ex se cum his urbanis ducibus conjungeret. Introducti autem Galli (9) jus jurandum sibi & literas à P. Lentulo, Cethego, Statilio ad suam gentem datas esse dixerunt: atque ita sibi ab his & à L. Cassio esse præscriptum, ut equitatum in Italiam quamprimum mitterent, pedestres sibi copias non defuturas. Lentulum autem sibi confirmasse

## N

(7) *admonitu Allobrogum*, id est, inuventibus præcauentibusque Legatis.

(8) *fidem &c.* id est, impunitatem promissi, veniam delicti dedi.

(9) *Galli jusjurandum &c.* Allobroges, nempe, dixerunt se obstrictos jurejurando fuisse.

firmasse ex fatis (10) Sybillinis aruspicumve responsis, se esse tertium illum Cornelium, ad quem regnum hujus urbis atque Imperium pervenire esset necesse. Cinnam ante se & Syllam fuisse: eundemque dixisse, fatalem hunc esse annum ad interitum hujus urbis atque Imperii, qui esset decimus annus post virginum absolutionem; post Capitolii autem incensionem vigesimus. Hanc autem Cethego cum cæteris controversiam fuisse dixerunt, quod Lentulo & aliis, Saturnalibus (11) eadem fieri atque urbem incendi placeret, Cethego, nimium id longum videri.

V. AC ne longum sit, Quirites, tabellas proferri iussimus; quæ à quoque dicebantur datæ. Primum ostendimus Cethego, signum cognovit, nos linum incidimus, legimus: erat scriptum ipsius manu, Allobrogum senatui & populo se se, quæ eorum legatis confirmasset, esse facturum; orare, ut item illi facerent, quæ sibi legati eorum præcepissent. Tum Cethegus, qui paulo ante aliquid de gladiis ac sicis, quæ apud ipsum erant deprehensæ, respondisset, dixissetque, se semper bonorum

(10) ex fatis Sybillinis &c. hic Galli coarguunt Lentulum ex sermonibus ejus, quod dixerit ex Sybillarum libris ( qui erant manuscripti ) Regnum Romæ tribus portentum fuisse Cornelis, & Cinnam quidem atque Sullam Cornelios, jam antea fuisse, se vero nunc tertium esse, cui fatum est Urbis potiri. Præterea illum jam annum esse à Castigatione virginum vestalium, illum ab incenso Capitolio, quem Aruspices responderant cruentum fore.

(11) Saturnalibus. Saturnalia fuere festa, quibus Domini servis convivia apparabant.

norum ferramentorum studiosum fuisse: recitatis  
 literis debilitatus, atque abjectus, conuictus, re-  
 pente conticuit. Introductus Statilius, cognovit  
 manum & signum suum: recitatae sunt tabellae in  
 (12) eandem fere sententiam, confessus est. Tum  
 ostendi tabellas Lentulo, & quæsiui cognosceret-  
 ne signum? annuit; est vero, inquam, signum qui-  
 dem notum, imago avi tui clarissimi viri, qui  
 amavit unice patriam & cives suos: quæ quidem  
 te à tanto scelere etiam muta revocare debuit. Le-  
 guntur eadem ratione ad senatum Allobrogum  
 populumque literæ. Si quid de his rebus dice-  
 re vellet, feci potestatem, Atque ille primo qui-  
 dem negavit: post autem aliquanto, toto indicio  
 exposito atque edito, surrexit, quæsiuit à Gallis,  
 quid sibi esset cum iis, quamobrem domum suam  
 venissent; idemque à Vulturcio. Qui cum illi  
 breviter constanterque respondissent, per quem  
 ad eum, quotiesque venissent: quæsissetque ab eo  
 nihilne secum esset de fati Sibyllinis locutus-  
 cum ille subito scelere demens, quanta vis con-  
 scientiæ esset, ostendit. Nam cum id posset infi-  
 ciari, repente præter opinionem omnium confessus  
 est: ita eum non modo ingenium illud, & dicen-  
 di exercitatio, qua semper valuit, sed etiam pro-  
 pter vim sceleris manifesti atque deprehensi im-  
 pudentia, qua superabat omnes, improbi-  
 tasque defecit. Vulturcius vero subito proferri

N 2

lite-

(12) in eandem fere sententiam scilicet, quæ sententia fuerat aliarum tabellarum, seu liretarum Cethegi.

litteras, atque aperiri iussit, quas sibi à Lentulo ad Catilinam datas esse dicebat. Atque ibi vehementissime perturbatus Lentulus, tamen & signum suum & manum cognovit. Erant autem scriptæ sine nomine, sed ita. *Qui sis ex eo, quem ad te misi, cognosces, cura, ut Vir sis & cogita, quem in locum sis progressus; & vide quid jam tibi sit necesse, cura ut omnium tibi auxilia adjungas, etiam infirmorum.* Gabinius, deinde introductus, cum primo imprudenter respondere cœpisset, ad extremum nihil ex iis, quæ Galli insimulabant, negavit. Ac mihi quidem, Quirites, cum illa certissima sunt visa argumenta, atque indicia sceleris, tabellæ, signa, manus, denique uniuscuiusque confessio: tum multo illa, certiora color oculi, vultus, taciturnitas. Sic enim obstupuerant, sic terram intuebantur, sic furtim nonnunquam inter se aspiciebant, ut non jam ab aliis indicati, sed ipsi à se viderentur.

IV. INDICIIS expositis atque editis Quirites, senatum consuli de summa reipubl: quid fieri placeret. Dicitæ sunt à principibus acerrimæ ac fortissimæ sententiæ, quas senatus sine ulla varietate est consecutus. Et quoniam nondum est perscriptum S. C. ex memoria vobis, Quirites, quid Senatus censuerit, exponam. Primum mihi gratiæ verbis amplissimis aguntur, quod virtute, consilio, providentia mea, reipubl: periculis sit maximis liberata: deinde L. Flaccus & C. Pontinus prætores, quod eorum opera fori fidelique usus essem

merito

merito ac jure laudantur: etiam viro forti (13) collegæ meo laus impertitur, quod eos, qui hujus conjurationis participes fuissent, & suis & reipubl: consiliis removisset. Atque ita consueverunt ut P. Lentulus, cum se prætura abdicasset, tum in custodiam traderetur: itemque uti C. Cethegus, L. Statilius, P. C. Gabinus, qui omnes præsentés erant, in custodiam traderentur: atque idem hoc decretum in L. Cassium, qui sibi procurationem incendendæ urbis depoposcerat: in M. Cæparium, cui ad sollicitandos pastores Apuliam esse attributam, erat judicatum: in P. Furium, qui est ex his colonis, quos Pæfulas L. Sylla deduxit in Q. Manilium Chilonem, qui una cum hoc Furio semper erat in Allobrogum sollicitatione: versatus: in P. Umbrenum, libertinum hominem, à quo primum Gallos ad Gabinium perductos esse constabat. Atque ea lenitate senatus est usus, Quirites, ut ex tanta conjuratione, tantaque vi ac multitudine domesticorum, pæna hostium, novem hominum perditissimorum republ: conservata, reliquorum mentes sanari posse arbitraretur. Atque etiam supplicatio diis immortalibus pro singulari eorum merito, meo nomine decreta est, Quirites, quod mihi primum post hanc urbem conditam togato contigit: & his decreta verbis est: quod urbem incendius, cæde cives, Italiam bello liberafsem. Quæ supplicatio

(13) *Collegæ meo.* id est, M. Antonio, qui cum Cicerone consul fuerat, is quidem primum videbatur Catilinæ favisse, sed postea adversus eundem egerat.

catio si cum cæteris conferatur, Quirites, hoc interfit, quod cæteræ bene gesta, hæc una, conservata, Republicâ, constituta. Atque illud, quod faciendum primum fuit, factum atque transactum est. Nam P. Lentulus, quanquam patefactus indicii & confessionibus suis, iudicio senatus, non modo prætoris jus, verum etiam civis, amiserat; tamen magistratu se abdicavit: ut quæ (14) religio C. Mario, clarissimo viro non fuerat, quo minus C. Glauciam, de quo nihil nominatim erat decretum, prætorem occideret, ea nos religione in privato P. Lentulo puniendo liberamur.

VII. NUNC, quoniam, Quirites, sceleratissimi periculosissimique belli nefarios duces captos jam, & cõprehenso tenetis, existimare debetis, omnes Catilinæ copias, omnes spes atque opes, his depulsis urbis periculis, concidisse. Quem quidem ego cum ex urbe pellebam, hoc providebam animo, Quirites, remoto Catilina, nec mihi esse P. Lentuli (15) somnum, nec L. Cassii adipem, nec C. Cethegi furiosam temeritatem pertimescendam. Ille erat unus timendus ex his omnibus, sed tandem, dum manibus urbis continebatur. Omnia  
norat

(14) *que Religio &c.* propter religionem Marii non pepercit Servilio Glauciæ, quamvis fuerat Prætor, sed eum in Prætura, & quidem sine decreto Senatus occidit.

(15) *Lentuli somnium &c.* id est, quod tanquam somniaret futurum se eo anno eruentum Urbis Imperatorem. *Cassii adipem* obesitatem corporis, & stupiditatem ingenii. *Cethegi furiosam temeritatem* quod is fuerit præceps in agenda.

morat: omnium aditus tenebat: appellare, tentare,  
 sollicitare poterat, audebat; erat ei consilium ad fa-  
 cinus aptum, consilio autem neque lingua, neque  
 manus deerat. Iam ad cæteras res conficiendas  
 certos homines delectos ac descriptos habebat:  
 neque vero cum aliquid mandaverat, confectum  
 putabat: nihil erat, quod non ipse obiret, occurre-  
 ret, vigilaret: frigus, sitim, famem ferre poterat.  
 Hunc ego hominem tam acrem, tam paratum, tam  
 audacem, tam callidum, tam in scelere vigilantem,  
 tam perditis rebus diligentem, nisi ex domesticis  
 infidiis in castrense latrocinium compulissim ( di-  
 cam id, quod sentio, *Quirites* ) non facile hanc  
 tantam molem mali à cervicibus vestris depulsi-  
 sem. Non ille vobis (16) Saturnalia constituisset,  
 neque tanto ante exitium ac fati diem reipubl:  
 denuntiasset, neque commisisset ut signum, ut lire-  
 ræ suæ, testes denique manifesti sceleris depre-  
 henderentur. Quæ nunc, illo absente, sic gesta  
 sunt, ut nullum in privata domo furtum unquam  
 sit tam palam inventum, quam hæc tanta in re-  
 publ: conjuratio manifesto inventa atque depre-  
 hensa est. Quod si Catilina in urbe ad hanc di-  
 em remansisset, quamquam, quoad fuit, omnibus  
 ejus consiliis occurri atque obstiti: tamen: ut le-  
 vissime dicam, dimicandum nobis cum illo fuisset:  
 neque nos unquam, dum ille in urbe hostis fu-  
 isset

(16) non ille vobis Saturnalia &c. non protraheret  
 interitum Urbis ad Festa Saturnaliorum, quibus, ut di-  
 ctum est, Domini servos splendide tractabant, atque  
 laute habebant.

isset, tantis periculis rempublicam, tanta (17) pace, tanto otio, tanto silentio, liberasset.

VIII. QUAMQUAM hæc omnia, Quirites, ita sunt à me administrata, ut deorum immortalium nutu atque consilio & gesta, & provisa esse videntur, idque cum (18) conjectura consequi possumus, quod vix videtur humani consilii tantarum rerum gubernatio esse potuisse, tum vero ita præfentes his temporibus opem & auxilium nobis tulerunt, ut eos pene oculis videre possemus. Nam ut illa omitam, visas nocturno tempore ab occidente faces, ardoremque cæli, ut fulminum jactus, ut terræ motus, cæteraque, quæ tam multa, nobis consulibus facta sunt, ut hæc quæ nunc fiunt, canere dii immortales viderentur: hoc certe, Quirites, quod sum dicturus, neque prætermittendum neque relinquendum est. Nam profecto memoria tenetis Cotta & Torquato costi: complures in Capitolio turres de cælo esse percussas, cum & simulacra (19) deorum immortalium depulsa sunt, & statuarum veterum hominum dejectæ, & legum æra liquefacta. Tactus est etiam ille, qui hanc urbem condidit, Romulus, quem inauratum in Capitolio parvum atque lactentem, uberibus lupi-

(17) tanta pace &c. id est, tam pacate, tam quiete.

(18) cum conjectura &c. hoc est, & conjiciendo ex eo, quod tam magnarum rerum gubernatio non potuerit esse solius consilii humani.

(19) & simulacra Deorum &c. Iovis statua sic turbine è Capitolio depulsa, ut caput amitteret, & mergeretur in medio Tiberi.

Jupinis inhiantem fuisse meministis. Quo quidem tempore, cum aruspices ex tota Etruria convenissent, cædes atque incendia, & legum interitum & bellum civile ac domesticum, & totius urbis atque imperii occasum appropinquare dixerunt, nisi dii immortales omni ratione placati, suo numine prope fata ipsa flexissent. Itaque ex illorum responsis tunc & ludi decem per dies facti sunt, neque res ulla, quæ ad placandum deos pertineret, prætermissa est: jidemque jufferunt, simulacrum Jovis facere majus, & in excelfo collocare, & contra, atque ante fuerat ad orientem convertere: ac se sperare dixerunt, si illud signum quod videtis, solis ortum, forum, curiamque conspiceret fore, ut eo consilia, quæ clam essent inita contra salutem urbis atque Imperii, illustrarentur ut à S. P. Q. R. perspicì possent. Atque (20) illud ita collocandum consules isti (21) locaverunt: sed tanta fuit operibus tarditas, ut neque superioribus consulibus, neque à nobis ante hodiernum diem collocarentur.

IX. HIC quis potest esse, Quirites, tam averfus à vero, tam præceps, tam mente captus, qui neget hæc omnia, quæ videmus. præcipueque hanc urbem, deorum immortalium nutu atque potestate administrari? Etenim cum esset ita (22) responsum cædes

(20) Atque illud &c. id est, simulacrum Jovis.

(21) locaverunt. collocandum nempe statuerunt, sed non collocarunt.

(22) ita responsum. ita, scilicet, prædictum ab aruspibus.

cædes, incendia, interitumque reipublicæ comparari & ea à perditis civibus, quæ tum propter magnitudinem scelerum nonnullis incredibilia videbantur, ea non modo cogitata à nefariis civibus, verum etiam suscepta esse sensistis. Illud vero nonne ita præsens est, ut nutu Jovis optimi maximi factum esse videatur, ut, cum hodierno die mane per forum meo iussu & conjurati, & eorum indices in ædem Concordiæ ducerentur, eo ipso tempore (23) signum statueretur? quo collocato, atque ad vos senatumque converso omnia & senatus & vos, quæ erant contra salutem omnium cogitata, illustrata & patefacta vidistis? Quo etiam majore sunt isti odio supplicioque digni, qui non solum vestris domiciliis, atque delubris sunt funestos ac nefarios ignes inferre conati: quibus ego si me restitisse dicam, nimium mihi sumam & non sim ferendus. Ille, ille Jupiter restitit: ille Capitolium, ille hæc templa, ille hanc urbem, ille vos omnes salvos esse voluit. Diis ego immortalibus ducibus hanc mentem, Quirites, voluntatemque suscepi, atque ad hæc tanta indicia perveni. Iam vero illa Allobrogum sollicitatio sic à Lentulo, cæterisque domesticis hostibus, tanta res, tam dementer credita & ignotis, & barbaris, commissæque literæ nunquam essent profecto, nisi à diis immortalibus huic tantæ audaciæ consilium esset ereptum. Quid vero, ut homines Galli ex civitate male pacata, quæ gens una restat. quæ populo Romano bellum fa-

&amp;

(23) signum &c. id est Jovis simulacrum in excelso locatum.

cere & posse, & non nolle videatur. Spem Imperii, & rerum amplissimarum, ultro sibi à patriciis hominibus oblatam negligenter, vestramque salutem suis opibus anteponebant: id nonne divinitus factum esse putatis? præsertim qui (24) nos non pugnando, sed tacendo superare potuerunt?

X. QUAMOBREM, Quirites, quoniam ad omnia (25) pulvinaria supplicatio decreta est, celebratote illos dies cum conjugibus ac liberis vestris. Nam multi sæpe honores diis immortalibus iusti habiti sunt ac debiti, sed profecto iustiores nunquam. Erepti enim ex crudelissimo ac miserrimo interitu, & erepti sine cæde, sine sanguine, sine exercitu, sine dimicatione: me uno togato duce, & imperatore, vicistis. Etenim recordamini, Quirites, omnes civiles dissensiones, neque solum eas, quas audistis, sed & has, quas vosmet ipsi meministis & vidistis, L. Sylla, P. Sulpicium oppressit, ex urbe ejecit C. Marium custodem hujus urbis, multosque fortes viros partim ejecit ex civitate, partim interemit, Cn. Octavius Cos: armis ex urbe (26) collegam suum expulit: omnis hic locus acervis corporum, & civium sanguine redundavit. Superavit postea Cinna cum  
Mario

(24) qui nos non pugnando &c. Allobroges, si conjunctionem reticuisissent, nec ad nos detulissent, facile vinci ab iis poteramus.

(25) pulvinaria, id est, templa, in quibus lecti sternantur, quotiescunque supplicatio vel aliqua celebritas indicta fuerat. unde etiam lectisternia dicta, in quibus simulachra Deorum asservabantur sub pulvinariis.

(26) Collegam. intelligit Cinnam Consulem.

Mario: tum vero, clarissimis viris interfectis, lumina civitatis extincta sunt. Ulterius est hujus victoriæ crudelitatem postea Sylla: ne dici quidem opus est, quanta diminutione civium, & quanta calamitate reipubl: (27) Dissensit M. Lepidus à clarissimo & fortissimo viro Q. Catulo. Attulit non tam ipsius interitus reipublicæ luctum, quam cæterorum. Atque ille dissensiones erant hujusmodi, Quirites, quæ non ad delendam, sed ad commutandam rempublicam pertinerent. Non illi nullam esse rempublicam, sed in ea, quæ esset, se esse principes, neque hanc urbem conflagrare, sed se in hac urbe florere, voluerunt, Atque illæ tamen omnes dissensiones, quarum nulla exitium reipublicæ quaesivit, ejusmodi fuerunt, ut non reconciliatione concordiæ, sed interfectione civium dijudicatae sint. In hoc autem uno post hominum memoriam maximo crudelissimoque bello, quale bellum nulla unquam barbaria cum sua gente gessit, quo in bello lex hæc fuit à Lentulo, Catilina, Cassio, Cethego constituta, ut omnes, qui salvi esse possent, in hostium numero ducerentur, ita me gessi, Quirites, ut omnes salvi conservaremini, & cum hostes vestri tantum civium superfuturam putassent, quantum infinitæ cædi restitisset: tantum autem urbis, quantum flamma obire non potuisset: urbem, & cives integros incolumesque servavi.

## XI.

(27) *Dissensit.* cum impediret ne Sulla in Campo Martio (quod erat honorificum) sepeliretur, & acta illius rescindere conaretur.

XI. QUIBUS pro tantis meritis Quirites, nullum ego à vobis præmium virtutis, nullum insignè honoris, nullum monumentum laudis postulo, præter, quam hujus diei memoriã sempiternam. In animis ego vestris omnes triumphos meos, omnia ornamenta honoris, monumenta gloriæ, laudis insignia condi & collocari volo. Nihil me (28) mutum potest delectare, nihil tacitum, nihil denique hujusmodi, quod etiam minus digni assequi possint. Memoria vestra, Quirites, nostræ res alentur, sermonibus crescent, literarum monumentis inveterascent & corroborabuntur: eandemque diem intelligo, quam spero æternam fore, ad salutem urbis, & memoriã consulatus mei propagatam, unoque tempore in hac republ: (29) duos cives extitisse, quorum alter fines vestri Imperii, non terræ, sed cæli regionibus terminaret, alter ejusdem Imperii domicilium sedemque servaret.

XII. SED quoniam earum rerum, quas ego gessi, non est eadem fortuna atque conditio, quæ illorum, qui externa bella gesserunt, quod mihi vivendū sit cum illis, quos vici ac subegi, illi hostes aut interfectos, aut oppressos reliquerunt: vestrum est, Quirites, si cæteris recta sua facta profunt, mihi mea, ne quando obfint, providere. Mentis etiam hominum audacissimorum sceleratæ ac nefariæ ne vobis nocere possent ego providi: ne mihi no-

(28) nihil me mutum &c. id est, nulla statua vel imago.

(29) duos Cives &c. se, dicit Cicero, & Pompejum.

hi noceant, vestrum est providere. Quamquam, Quirites, mihi quidem nihil jam ab istis noceri potest. Magnum enim est in bonis præsidium, quod mihi in perpetuum comparatum est: magna in republica dignitas, quæ me semper tacita defendet: magna vis est conscientiæ quam qui negligent, cum me violare volent, se ipsi indicabunt. Est etiam in nobis animus, Quirites, ut non modo nullius audaciæ cedamus, sed etiam omnes improbos ultro semper laceßemus. Quod si omnes impetus domesticorum hostium depulsi à vobis se in me unum converterint; vobis erit providendum, Quirites, qua conditione posthac eos esse velitis, qui se pro salute vestra obtulerint invidiæ, periculisque omnibus. Mihi quidem ipsi quid est quod jam ad vitæ fructum possit acquiri Præsertim cum neque in honore videam altius, quo quidem mihi libeat ascendere. Illud perficiam profecto, Quirites, ut ea, quæ gessi in consulatu, privatus tuear atque ornem: ut si quæ est invidia in conservanda republica suscepta lædat invidos, mihi valeat ad gloriam. Denique ita me in republica tractabo, ut meminerim semper quæ gesserim, curamque, ut ea virtute, non casu gesta esse videantur. Vos, Quirites, quoniam jam nox est, veneramini illum Jovem, custodem hujus urbis, ac vestrum: atque in vestra tecta discedite, & ea, quamquam jam periculum est depulsum, tamen æque ac priori nocte, custodiis vigiliisque defendite. Id ne vobis diutius faciendum sit, atque, ut in perpetua pace esse possitis, providebo.

SEN-

S E N T E N T I Æ

**N**on minus nobis jucundi atque illustres sunt ii dies, quibus conservamur, quam illi, quibus nascimur; quod salutis certa latitia est, nascendi incerta conditio; Et quod sine sensu nascimur, cum voluptate conservamur.

O R A T I O IX.

quæ est Quarta.

I N L. C A T I L I N A M.

Argumentum Orationis IV. in Catilinam.

**I**n hac Oratione refert de supplicio conjuratorum, qui custodia traditi erant, Et simul quid ipse sentiat. Dux autem sunt Sententiæ. Vna nempe Junij Silani est, qui tanquam Consul designatus, primus de more rogatus, ut mors conjuratis pena esset, censebat; altera C. Casaris, Aedilis Curulis, qui volebat, ut aternis tenebris, vinculisque mandarentur, bona eorum publicarentur, vitam tamen retinerent. Laudat quidem Cicero utramque sententiã; eam tamen, quam Silanus dixerat, sequendam censet. Memoriam sui Consulatus à Senatu postulat; hortatur, ut de conjuratorum ducibus, cum agatur in eo salus civitatis universæque Reipublicæ, diligenter fortiterque decernat; suum Et in consulatu Et in omni vita præsidium auxiliumque pollicetur.

Oratio est suasoria, Et ad deliberativum genus referenda, conjuratis enim deprehensis duabus dictis sententiis, de electione pene deliberat.

Disse

*[Faint handwritten notes and signatures at the bottom of the page, including the name 'Cicero' and other illegible text.]*

*Dicta est Non. Decembr: in templo Jovis Statoris. Stylus omnium quatuor Orationum est altus, gravis, & qui tantam rem, tantumque Consulē decet*  
*Eventus fuit, ut de conjuratis captivis supplicium sumeretur in carcere, dum ipsi galæ frangebantur laqueo.*

## DISPOSITIO

### Orationis 4tæ in Catilinam.

Partes Orationis sunt: *Exordium, Propositio, Confirmatio, & Peroratio seu Conclusio.*

In Exordio Cap. I. & II. Cicero vehementer hortatur Senatū ad prospiciendum Reipublicæ potius, quam sibi Consuli, qui pro amore Patriæ, omnia pericula, omne fatum, atque mortem ipsam fortis animo subire est paratus. Interim dicit Cicero moveri se orbitate fratris, uxoris, & filii, suorum, ac idcirco non sibi, sed Reipublicæ impendens periculum quanto magis monet amovendum, quod periculum adhuc auget comparatione Majorum, tum ex adjunctis Conjuratōnis presentis.

Propositio est (Conjurati morte sunt mulcandi) quam imprimis Cicero Cap. III. videtur leniter insinuare Senatui, dum repetit, quæ decreta hanc in partem facta fuerint; denique pro magnitudine periculi urget Quirites ad celeriter deliberandum. Atque statim Cap. IV. duas sententias de pœna Conjuratorum discutit: Alteram Cæsaris (qui Conjuratos perpetuis carceribus detinendos esse censuit) laudat Cap. V. tan-

V. tanquam popularem & legi Sempronianæ accommodam; alteram tamen Syllani ( qui dixit Conjuratos morte damnandos esse ) magis explicandam probandamque suscipit; & nunc primum:

Confirmatio rei propositæ fit ex eo, quod mortis sententia in tam improbos & sceleratos Cives, ut sunt conjurati, crudelis non est; quod Cap. VI. exornatur imo à Consequentibus, si conjuratio suum habuisset effectum. 2do à similitudine Patris-familias de servo improbißimo summum supplicium sine crudelitate suæ mentis. 3tio ab auctoritate ipsius Cesaris, & dissimili exemplo duorum Lentulorum, avi & Nepotis, interfectorum. 4to Cap. VII. exposcit Cicero tacite mortis sententiam in Captivos, dum removet omnem à se metum, affirmando satis sibi esse præsidii ad omnia, quæ Senatus decreverit transigenda, tum de sua cura ac diligentia, tum de populi Romani studio conservandi Rempublicam, præsertim cum omnes Ordines adesse, & eos Cap. VIII. ad communem salutem Reipublicæ opem conferre ostendat. Denique Cap. IX. ex his, quæ ad Confirmationem rei propositæ dixerat, concludit, atque hortatur, ut fortiter judicent. Cap. X. digreditur Cicero in laudem suæ fortitudinis, quam effert contemptu mortis; gloria rerum gestarum; comparatione cum virtute Scipionis, Pauli, Marci, Pompeji; adjunctis victoriæ disparibus. Tum demum Cap. XI. pro tanta sua fortitudine postulat æternam consulatus sui memoriam, suumque filium commendat.

In Conclusionem hortatur Cicero Senatum, ut fortiter decernat, Syllani, nempe, sententiam amplectatur.

O R A T I O  
I N L. C A T I L I N A M.  
I N S E N A T U.

I. VIDEO, P. C. in me omnium vestrum ora atque oculos esse conversos: video vos non solum de vestro ac reipublicæ, verum etiam, si id (1) depulsum sit, de meo periculo esse sollicitos. Est mihi jucunda in malis, & grata in dolore vestra erga me voluntas, sed eam per deos immortales, quæso deponite, atque oblii salutis meæ, de vobis ac de liberis vestris cogitate. Mihi quidem si hæc conditio consulatus data est, ut omnes acerbitates, omnes dolores, cruciatufque perferrem, feram non solum fortiter, sed etiam libenter, dummodo meis laboribus vobis populoque Romano dignitas, salufque pariat. Ego sum ille consul, P. C. cui non forum, in quo omnis æquitas continetur: non Campus consularibus auspiciis consecratus, non curia, summum auxilium omnium gentium, non domus, commune perfugium; non lectus ad quietem datus, non denique hæc sedes curulis (2) unquam vacua mortis periculo, atque infidiis fuit. Ego multa tacui, multa pertuli, multa

(1) si id depulsum est &c. periculum nempè Reipublicæ à Catilina sociisque eius intentatum.

(2) curulis unquam vacua mortis periculo &c. dicit Cicero nullibi securitatem sibi fuisse neque etiam in sella Senatoria seu Consulis.

multa concessi, multa meo quondam dolore in vestro timore sanavi. Nunc si hunc exitum consulatus mei dii immortales esse voluerunt, ut vos P. C. Populumque Romanum ex cæde misera, conjuges, liberosque vestros, virginesque Vestales ex acerbissima vexatione, templa atque delubra, hanc pulcherrimam patriam omnium nostrorum ex fædissima flamma, totam Italiam ex bello & vastitate eriperem, quæcunque mihi uni proponetur fortuna, (3) subeatur. Etenim si P. Lentulus suum nomen, inductus à vatibus, (4) fatale ad perniciem reipublicæ fore putavit, cur ego non later, meum consulatum ad salutem reipublicæ prope fatalem extitisse.

II. QUARE, P. C. consulite vobis, prospicere patriæ; conservate vos, conjuges, liberos, fortunæque vestras; populi Romani nomen salutemque defendite, mihi parcere, ac de me cogitare desinite. Nam primum debeo sperare omnes deos, qui huic urbi præsident pro eo mihi, ac mereor relaturos gratiam esse; deinde, si quid obtigerit, æquo animo paratoque moriar. Neque enim turpis mors forti viro potest accidere, neque immatura consulari, nec misera sapienti. Nec tamen ego sum ille ferreus, qui fratris carissimi atque amantissimi præsentis mærore non movear, horumque omnium lachrymis, à quibus me circumfessum

O 2

vide-

(3) *subeatur*, paratum se offert Cicero ad omnem fortunæ casum.

(4) *à vatibus fatale* Lentulus probaverat ex libris Sybillinis se fatalem, ac ad perniciem Reipublicæ natum.

videtis, neque meam mentem non domum sæpe revocat exanimata uxor, abjecta metu filia, & parvulus filius, quem mihi videtur amplecti resp: tanquam obsidem consulatus mei: neque ille, qui expectans huius exitum diei adstat in conspectu meo gener? Moveor his rebus omnibus, sed in eam partem, ut salvi sint vobiscum omnes, etiam si vis aliqua me opprefferit, potius quam & illi, & nos una cum rep: pereamus. Quare P. C. incumbite ad reipubl: salutem: circūspicite omnes procellas, quæ impendent, nisi providetis; non (5) T. Gracchus, qui iterum tribunus plebis fieri voluit: non C. Gracchus, qui agrarios concitare conatus est: non L. Saturnius, qui C. Memmium occidit, in discrimen aliquod, atque in vestræ severitatis iudiciū adducitur: sed tenentur (6) ii, qui ad urbis incendium ac vestram omnium cædem, ad Catilinam accipiendum Romæ restiterunt; tenentur literæ, signa, manus, denique uniuscuiusque confessio: sollicitantur Allobroges: servitia excitantur: Catilina accersitur: id est in initum consiliū ut interfectis omnibus, nemo ne ad deplorandum quidem reipublicæ nomen, atque ad lamentandam tanti Imperii calamitatem, relinquatur.

III. H/BC omnia indices retulerunt, rei confessi sunt, vos multis iudiciis iudicavistis: primum, quod mihi gratias egistis singularibus verbis, &  
mea

---

(5) non T. Gracchus &c. nomina illorum, qui iure interfecti sunt.

(6) sed tenentur ii &c. id est illi sunt in custodia, quorum Conjuratio deprehensa & palam facta.

mea virtute atque diligentia perditorum hominum patefaciam esse conjurationem decrevistis: deinde, quod P. Lentulum, ut se abdicaret prætura, coegistis: tum quod eum, & cæteros, de quibus judicavistis, in custodiam dando censuistis: maximeque, quod meo nomine supplicationem decrevistis, qui honos togato habitus ante me esse nemini: postremo hesternum die præmia legatis Allobrogum, Titoque Vulturcio dedistis amplissima, quæ sunt omnia ejusmodi, ut ii, qui in custodiam nominatim dati sunt, sine ulla dubitatione à vobis damnati esse videantur. Sed ego institui referre ad vos P. C. tanquam integrum & defacto, quid judicetis, & de pœna, quid censeatis. Illa prædicam quæ sunt consulis. Ego magnum in republica versari furorem, & nova quædam misceri, & concitari mala jam pridem videbam: sed hanc tantam, tam exitiosam haberi conjurationem à civibus, nunquam putavi. Nunc quidquid est, quocumque vestræ mentes inclinant atque sententiæ, statuendum vobis ante noxam est. Quantum facinus ad nos delatum sit, videtis: (7). Huic si paucos putatis affines esse vehementer erratis. Latius opinione disseminatum est hoc malum, manavit non solum per Italiam, verum etiam transcendit Alpes, & obscure serpens, multas jam provincias occupavit. Id opprimi sustentando ac prolatando nullo pacto potest. Quacumque ratione placet, celeriter vobis vindicandum est.

## IV.

(7) huic &c. nempe sceleri seu Conjurationi plures immixti sunt socii.

IV. VIDEO duas adhuc esse sententias: unam D. Silani, qui censet eos, qui (8) hæc delere conati sunt, morte esse multandos: alterā C. Cæsaris, qui mortis pœnā remouet, cæterorū suppliciorū omnes acerbitates amplectitur. Uterq; & pro sua dignitate, & pro rerum magnitudine in summa severitate versatur. Alter eos, qui nos omnes, qui populum Rom: vita privari conati sunt, qui delere Imperium, qui populi Rom: nomen extingvere; punctum temporis frui vita & hoc communi spiritu non putat oportere: atque hoc genus pœnæ sæpe in improbos cives in hac republ: esse usurpatum recordatur. Alter intelligit, mortem à diis immortalibus non esse supplicii causa constitutam, sed aut necessitatem naturæ, aut laborum ac miseriarum quietem esse. Itaque eam sapientes nunquam inviti, sortes etiam sæpe libenter oppetiverunt, vincula vero, & ea sempiterna, certe ad singularem pœnam nefarii sceleris inventa sunt. Itaque (9) Municipiis dispersiri jubet. Habere videtur ista res iniquitatem, si imperare velis, difficultatem, si rogare; decernatur tamen, si placet. Ego enim (10) suscipiam, & ut spero, reperiam, qui id, quod salutis

---

(8) qui hæc delere &c. intelligi debet Tempus, Domo, urbem &c.

(9) municipiis &c. dicit Consilium esse Cæsaris, ut conjurati per Civitates socias dispersantur, ac pluribus in locis custodiantur.

(10) ego enim suscipiam &c. id est perficiam ( si id vobis statueret libuerit ) ut conjurati per municipales Civitates suscipiantur.

tis omnium causa statueritis, non putet esse suæ dignitatis recusare. Adjungit gravem pœnam municipibus, si quis eorum vincula ruperit, horribiles custodias circumdat, & digna scelere hominum perditorum sancit, ne quis eorum pœnam, quos condemnat, aut per senatum, aut per populum levare possit: eripit etiam spem, quæ sola hominem in miseriis consolari solet: bona præterea publicari jubet: vitam solam relinquit nefariis hominibus: quam si eripuisset, multas (11) uno dolore, animi ac corporis & omnes scelerum pœnas ademisset. Itaque ut aliqua in vita formido improbis esset posita, apud inferos (12) ejusmodi quædam illi antiqui supplicia impiis constituta esse voluerunt quod videlicet intelligebant, his remotis, non esse mortem ipsam pertimescendam.

V. NUNC P. C. ego mea video quid intersit. Si eritis secuti sententiam C. Cæsaris, quoniam hanc is in republ: viam, (13) quæ popularis habetur, secutus est, fortasse minus erunt, hoc auctore & cognitore hujusce sententiæ, mihi populares impetus

(11) *multas uno dolore &c.* hic Cæsaris sententiam acute reprehendit Cicero, dicendo eam severiorem esse sententiâ mortis, quâ omnibus acerbitatibus liberamur.

(12) *ejusmodi pœnas &c.* pœnas tales & cruciatus apud inferos fore (ubi mors non est) antiqui dixerunt.

(13) *quæ popularis habetur.* Cæsaris sententia, quæ censet captivos perpetuis carceribus addicendos, plebi grata esse videtur, eo, quod juxta legem Sempronianam injustu populi Romani non lieuerit Cives Romanos interfici.

impetus pertimescendi: sin illam alteram; nescio an amplius mihi negotii contrahatur, sed tamen meorum periculorum rationes utilitas reipublice vincat. Habemus enim à C. Cæsare, sicut ipsius dignitas, & majorum eius amplitudo postulabat, sententiam, tanquam obsidem perpetuæ in Rempublicam voluntatis, intellectum est, quid intersit inter (14) levitatem concionatorum & animum vere popularem, saluti populi consulentem. Video de istis, qui se populares habere volunt, abesse non neminem, ne de capite videlicet civium Romanorum sententiam ferat, (15) & nudius tertius in custodiam cives Romanos, Cethegum & P. Lentulum, dedit, & supplicationem mihi decrevit, & indices hesternò die maximis præmiis adfecit. Jam hoc nemini dubium est, qui reo custodiam, quæstori gratulationem, indici præmium decrevit, quid de tota re & causa judicavit. At vero C. Cæsar, intelligit, legem Semproniam esse de civibus Romanis constitutam: qui autem Reipublicæ sit hostis, eum civem esse nullo modo posse, denique ipsum latorem legis Sempronie jussu populi penas Reipublicæ dependisse. Idem ipsum Lentulum largitorem & prodigum non putat, cum de pernicie populi Romani, & exitio hujus urbis

tam

(14) *inter levitatem Concionatorum.* id est, Tribunorum plebis, qui leves easque seditiosas Orationes ad populum sæpenumero habebant.

(15) *Is & nudius tertius &c.* dicit Cicero ipsum etiam Cæsarem contra legem Sempronii de capite Conjuratorum sententiam dixisse.

tam acerbe, tamque, crudeliter cogitarit, appellari posse popularem. Itaque homo mitissimus atque lenissimus non dubitat P. Lentulum æternis tenebris vinculisq; mandare & sancit in posterum, ne quis huius supplicio levando se jactare, & in perniciose populi Romani posthac popularis esse possit. Adjungit etiam publicationem honorum, & omnes animi cruciatus & corporis, etiam egestas, & mendicitas consequatur.

VI. QUAMOBREM sive hoc statueritis, dederitis mihi comitem ad concionem populo carum atque jucundum: sive Silani sententiam sequi malueritis, facile me, atque vos (16) crudelitatis vituperatione defenderis: atque obtinebo eam multo leviores fuisse. Quamquam, P. C. quæ potest esse in tanti sceleris immanitate puniendi crudelitas? ego enim de meo sensu judico. Nam ita mihi salva Republ: vobiscum perfrui libeat, ut ego, quod in hac causa vehementior sum, non atrocitate animi moveor, (quis enim est me mitior) sed singulari quadam humanitate & misericordia? Videor enim mihi hanc urbem videre, lucem orbis terrarum, atque arcem omnium gentium, subito uno incendio concidentem: cerno animo sepulta in patria miseros atque insepultos acervos civium: versatur mihi ante oculos aspectus Cethegi, & furor in vestra cæde bacchantis. Cum vero mihi proposui regnantem Lentulum, sicut ipse  
se

(16) à crudelitatis vituperatione & s. quia sententia Sylani videbatur esse crudelis.

se ex fatiſ speraſſe confeſſus eſt: purpuratum eſſe hunc Gabinium: cum exercitu veniſſe Carilinam: tum lamentationem matrum-familias, tum fugam virginum atque puerorum, ac vexationem virginum Veſtaliũ perhorreſco. Et quia mihi vehementer hæc videntur miſera atque miſeranda, idcirco in eos, qui ea perficere voluerunt, me ſeverum vehementemque præbeo. Etenim quæro ſi quis paterfamilias liberis ſuis à ſervo interfectis, uxore occiſa, incenſa domo, ſupplicium de ſervis non quam acerbiffimum ſuſſerit, utrum iſ clemens ac miſericors, an inhumanus & crudeliſſimus eſſe videatur? mihi vero importunus ac ferreus qui non dolore ac cruciatu nocentis ſuum dolorem cruciatumque lenierit. Sic nos in his hominibus, qui nos, qui conjuges, qui liberos noſtros trucidare voluerunt, qui ſingulas uniuſcujuſq; noſtrum domos, & hoc univerſum Reip: domiciliũ delere conati ſunt, qui id egerant, ut gentem Allobrogum in veſtigiis hujus urbis atque in cinere deſagrati Imperii collocarent; ſi vehementiſſimi fuerimus, miſericordes habebimur; ſi remiſſiores eſſe voluerimus, ſummæ nobis crudelitatis, in patriæ civiumque perniciæ fama ſubeunda eſt. (17) Niſi vero cuiſpiam L. Cæſar, vir fortiſſimus & amantiſſimus Reipubl: crudelior nudiſ tertiuſ eſt viſus,

cum

---

(17) Niſi vero cuiſpiam L. Cæſar &c. Cæſar iratus in ſenatu (cum Avuſ ejuſ Flaccuſ cum filio ſuo juſſu Optimi Conſulſ in carcere necaretur ) dixit Lentulum etiã, ſororiſ ſuæ virum vita privati debere.

cū sororis suæ, fæminæ lectissimæ virū præsentē & audientē vita privandū esse dixit, cum avum jussu coss: interfectum, filiumque ejus impuberem, legatum à patre missum, in carcere necatum esse dixit. Quorum quod simile fuit factum? quod initum delendæ Reipubl: consilium? Largitionis voluntas tum in republ: versata est, & partium quædam contentio? Atque illo tempore hujus avus Lentuli, clarissimus vir, armatus Gracchum est persecutus: ille etiam grave tum vulnus accepit ne quid de summa dignitate Republicæ minueretur: hic ad evertenda fundamenta, Reipubl: Gallos accersivit, servitia concitavit, Catilinam evocavit, attribuit nos trucidandos Cethego, cæteros cives interficiendos Gabinio, urbem inflammandā Cassio, totam Italiam vastandam, diripiendamque Catilinæ. Veremini, censeo, ne in hoc scelere tam immani ac nefario, nimis aliquid severe statuisse videamini? cum multo magis sit verendum, ne remissione pænæ crudeles in patriam, quam ne severitate animadversionis nimis vehementes in acerbissimos hostes tuisse videamur.

VII. SED, quæ exaudio P. C. dissimulare non possum. Jactantur enim voces, quæ perveniunt ad aures meas, eorum, qui vereri videntur, (18) ut habeam satis præsidii ad ea, quæ vos statueritis hodierno die, transgunda. Omnia & provisa & parata & constituta sunt, P. C. cum mea summa cura atque diligentia, tum multo etiam majore popu-

---

(18) ut habeam satis præsidii ne sim destitutus præsidio.

populi Romani ad summum Imperium retinendum, & ad communes fortunas conservandas, voluntate. Omnes adsunt omnium ordinum homines, omnium denique ætatum, plenum est forum, pleni omnes aditus hujus loci ac templi. Causa enim est post urbem conditam, hæc inventa sola, in qua omnes sentiunt unum atque idem, præter eos, qui cum sibi viderent esse pereundum, cum omnibus potius, quam soli perire voluerunt. Hosc ego homines excipio, & secerno libenter. Neque enim in improborum civium, sed in acerbissimorum hostium numero habendos puto. Cæteri vero, dii immortales, qua frequentia, quo studio, qua virtute ad communem dignitatem salutemque consentiunt? Quid ego hic equites Romanos commemorem? qui vobis ita (19) summam ordinis consiliique concedunt, ut vobiscum de amore reipubl: certent, quos ex multorum annorum, dissensione ad hujus ordinis societatem concordiamque revocatos hodiernus dies vobiscum, atque hæc causa conjungit. Quam conjunctionem si in consulatu confirmatam meo, perpetuam in republica tenuerimus, confirmo vobis nullum posthac malum civile ac domesticum ad ullam reipubl: partem esse venturum. Pari studio defendendæ reipubl: convenisse video tribunos ærarios,  
**fortissi-**

---

(19) *summam*, hoc est, supremam auctoritatem & curam in Republ.

fortissimos viros, (20) scribas itē uniuersos: quos, cum casu hic dies ad ærarium frequentasset, video ab amore debitæ pecuniæ, ab expectatione sortis ad communem salutem esse conuersos. Omnis ingenuorum adest multitudo, etiã tenuissimorum. Quis est enim, cui non hæc templa, adspectus urbis, possessio libertatis, lux denique hæc ipsa, & hoc commune patriæ solum, cum sit carum, tum vero dulce atque iucundum?

VIII. OPERÆ pretium est P. C. (21) libertinorum hominum studia cognoscere, qui sua virtute fortunam civitatis consecuti, hanc vere suam patriam esse iudicant; quam quidam hinc nati, & summo nati loco, non patriam suam, sed urbem hostium esse iudicauerunt. Sed quid ego hosce homines ordinesque commemorem, quos privatæ fortunæ, quos communis republ: quos denique libertas ea, quæ dulcissima est, ad salutem patriæ defendendam excitavit? servus est nemo, qui modo tolerabili conditione sit seruitutis, qui non audaciam civium perhorrescat, qui non (22) hæc stare

(20) scribas item &c. &c. scribæ conuenerant ad ærarium, ut sortirentur officia, qui penes Consulem, qui penes Tribunal plebis esset; sub adventum suum, viderunt Coniuratos adduci in Senatum, dimiserunt itaque sortem & omnes promiserunt præsidium.

(21) Libertinorum &c. eorum, scilicet, qui ex seruis facti sunt liberi & jura Civitatis ob virtutem suam sunt consecuti.

(22) qui non hæc &c. id est, qui non hanc urbem & Rempubicam salvam esse velit.

stare cupiat, qui non tantum, quantum audet, & quantum potest, conferat ad communem salutem, voluntatis. Quare si quem vestrum fore commovet hoc: quod auditum est (23) lenonem quendam Lentuli concurrere circum tabernas, pretio sperare sollicitari posse animos egentium atque imperitorum: est id quidem captum atque tentatum, sed nulli sunt inventi tam aut fortuna miseri, aut voluntate perditum qui non ipsum illum fellæ acque operis & quæstus quotidiani locum, qui non cubile ac lectulum suum, qui denique non cursum hunc otiorum vitæ suæ salvum esse velint. Multo vero maxima pars eorum, qui in tabernis sunt, imo vero ( id enim potius est dicendum ) genus hoc universum amantissimum est otii. Benim omne eorum instrumentum, omnis opera, ac quæstus, frequentia civium sustinetur, alitur otio; quorum si quæstus, oclusis tabernis, minui solet, quid tandem incensis futurum est? Quæ cum ita sint, P. C. vobis populi Romani præsidia non sunt, vos, ne populo Romano deesse videamini, provide.

IX. HABETIS consulem ex plurimis periculis & insidiis, atque ex media morte, non ad vitam suam, sed ad salutem vestram, reservatum; omnes ordines ad conservandam Rempubicam mente, voluntate, studio, virtute, voce consentiunt: obfessa facibus & telis impiæ conjurationis vobis  
supplex

(23) *Lenonem quendam &c.* dicit Cicero per despectum, non servum sed Lenonem à Lentulo missum ad concitandum populum.

supplex manus tendit patria communis, vobis se, vobis vitam omnium civium, vobis arcem & Capitolium; vobis aras penatium, vobis illum ignem Vestæ perpetuum ac sempiternum, vobis omnia templa deorum atque delubra, vobis muros atque urbis tecta cōmendat. Præterea de vestra vita, de conjugum vestrarum, de sedibus de fociis vestris, hodierno die vobis judicandum est. Habetis ducem memorem vestri, oblitum sui, quæ non semper facultas datur: habetis omnes Ordines, omnes homines, universum populum Romanum ( id quod in civili casu hodierno die primum videmus ) unum atque idem sentientem. Cogitate, quantis laboribus fundatum Imperium quanta virtute stabilitam libertatem, quanta deorum benignitate auctas exaggerataque fortunæ una nox pene deleverit. (24) Id ne unquam posthac non modo confici, sed ne cogitari quidem possit à civibus, hodierno die providendum est. Atque hæc, non ut vos, qui mihi studio pene præcurritis, excitarem, locutus sum: sed ut mea vox quæ debet esse in Republica princeps, officio sancta consulari videretur.

X. NUNC antequam ad sententiam redeo, de me pauca dicam. Ego, quanta manus est conjuratorum, quam video esse permagnam, tantam inimicorum multitudinem suscepisse video: sed eam esse judico turpem & infirmam & contentam &

---

(24) *Id ne unquam post hac &c.* svadet Cicero non oppetere differri pœnam Captivorum, quam omnes expetere videntur.

& abiectam. Quod si aliquando alicujus furore & scelere concitata manus ista plus valuerit, quam vestra ac Reipubl: dignitas, me tamen meorum factorum atque consiliorum nunquam P. C. pariterbit. Etenim mors, quam illi mihi fortasse minitantur, omnibus est parata: vitæ tantam laudem, quanta vos me vestris decretis honestatis, nemo est adsecutus. Cæteris (25) enim semper benegeſtæ, mihi uni conservatæ Reipubl: gratulationem decrevistis. Sit Scipio clarus ille, cujus consilio atque virtute Annibal in Africam redire atque ex Italia decedere coactus est: ornatur alter eximia laude Africanus, qui duas urbes huic Imperio infestissimas Carthaginem Numantiamque delevit: habeatur vir egregius L. Paulus ille cujus (26) currum rex potentissimus quondam & nobilissimus, Perſes honestavit; sit in æterna gloria Marius, qui Italiam obsidione, & metu servitutis liberavit: anteponatur omnibus Pompejus, cujus res gestæ atque virtutes iisdem, quibus solis cursus, regionibus ac terminis continentur; erit profecto inter horum laudes aliquid loci nostræ gloriæ; nisi forte majus est, patefacere nobis provincias, quo exire possimus, quam curare: ut etiam illi qui absunt, habeant, quo victores revertantur

---

(25) *Cæteris enim semper benegeſta &c.* id est aliis Imperatoribus & Consulibus pro victoriis, pro auctioribus gloriæ, mihi pro conservatione Reipublicæ gratulationem decrevistis.

(26) *Cujus currum &c.* quia ab Æmilio Paulo Rex Perſes in triumpho ductus ante currum.

tur. Quamquam est uno loco conditio melior  
 externæ victoriæ, quam domesticæ quod hostes  
 alienigenæ aut oppressi serviunt, aut recepti, bene-  
 ficio se obligatos putant: qui autem ex numero  
 civium dementia aliqua depravati, hostes patriæ  
 semel esse cæperunt, eos cum à pernicie reipubl:  
 repuleris, nec vi coercere, nec beneficio placare  
 possis. Quare mihi cum perditis civibus æternum  
 bellum susceptum esse video: quod ego vestro  
 bonorumque omnium auxilio, memoriaque tan-  
 torum periculorum, quæ non modo in hoc popu-  
 lo, qui servatus est, sed etiam in omnium genti-  
 um sermonibus ac mentibus semper hærebit, à  
 me atque à meis facile propulsari posse confido.  
 Neque ulla profecto tanta vis reperietur, quæ  
 conjunctionem vestram equitumque Romanorum,  
 & tantam conspirationem bonorum omnium per-  
 fringere & labefactare possit.

XI. QUÆ cum ita sint, patres conscripti, pro  
 Imperio, pro exercitu, (27) pro provincia, quam  
 neglexi, pro triumpho cæterisq; laudis insignibus,  
 quæ sunt à me propter urbis vestræque salutis  
 custodiam repudiata, pro clientelis hospitibusque  
 provincialibus, quæ tamen urbanis opibus non mi-  
 nore labore tueor, quam comparo: pro his igitur  
 omnibus rebus, & pro meis in vos singularibus  
 P studi-

(27) pro Provincia &c. quia ad extremum bellum in  
 Macedoniam ( quod plerique semper ambiebant ) Ci-  
 cero non ivit, sed eam Provinciam Collegæ suo con-  
 cessit, ac ipse Romæ mansit.

studiis, proque hac, quam conspiciatis, ad conservandam Rempublicam diligentia, nihil aliud à vobis, nisi hujus temporis totiusque mei consulatus memoriam postulo: quæ dum erit vestris mentibus infixa, firmissimo me muro septum esse arbitrabor. Quod si meam spem vis improborum sefellerit, atque superaverit, commendo vobis parvum meum filium, cui profecto satis erit præsidii non solum ad salutem, verum etiam ad dignitatem, si ejus, qui hæc omnia suo solus periculo conservaverit, illum esse filium memineritis. Qua propter de summa salute vestra populique Romani, P. C. de vestris conjugibus ac liberis, de aris ac focis, de fanis ac templis, de totius urbis tectis ac sedibus, de Imperio, de libertate, de salute Italiæ, deque universa Republica decernite diligenter, ut instituitis, ac fortiter. Habetis eum consulem, qui & parere vestris decretis non dubitet, & ea, quæ statueritis, quoad vivet, defendere, & per se ipsum præstare possit.

---

## S E N T E N T I Æ

**N***Equè enim turpis mors forti viro potest accidere, nec immatura consulari, nec misera sapienti.*

*Mortem sapientes nunquam inviti, fortes etiam sepe libenter adiverunt.*

*Periculorum nostrorum rationes utilitas reipublica vincere debet.*

*Hoc*

*Hoc nemini dubium est, qui reo custodiam, quaestori gratulationem, iudici primum decrevit, quid de tota re & causa judicari.*

*Reos majestatis cum omnes animi & corporis cruciatus, tum & egestas ac mendicitas consequuntur.*

*Importunus ac ferreus videtur, qui non suum dolorem, cruciatumque dolore & cruciatu nocentis lenierit. Sic nos in homines, qui nos, qui conjuges, qui liberos nostros trucidare voluerunt, qui singulas uniuscujusque nostrum domos, & universum reip: domicilium delere conati sunt; qui id egerunt, ut inimicos in vestigiis urbium nostrarum, atque in cinere deflagrati imperii collocarent, si vehementissimi fuerimus, misericordes habebimur: sin remissiores esse voluerimus, summa nobis crudelitatis in patria civiumque pernicie fama subeunda est.*

*Multo magis est verendum ne remissione pena ( in reos laesa majestatis ) crudeles in patriam, quam ne severitate animadversionis, nimis vehementes in acerbissimos hostes fuisse videamur.*

*Non majus est patefacere nobis provincias, quo exire possimus, quam curare, ut etiam illi, qui absunt, habeant, quo victores revertantur.*

*Qui ex numero civium dementia aliqua depravati, hostes patriæ semel esse ceperunt, eos cum à pernicie reipublicæ repuleris, nec vi coercere, nec beneficio placare possis.*



## ORATIO X.

quæ est

## AD QUIRITES POST

## REDITUM.

Argumentum Orationis ad Quirites post  
Reditum.

*C*um Cicero testimonium tulisset contra Clodium, pollutorum sacrorum reum, ita illum in se exacerbare in exilium eiecit, hanc speciosam causam apud populum Romanum prætens iniquitati suæ, quod Cives Romanos (conjuracionis Catilinariæ principes) indemnatos Cicero Consul interfecisset. Et quo facilius quod capiebat obtineret Clodius, illius unius anni Consul Gabinium & Pisonem, spe singularum provinciarum compulsi, ut paterentur optime meritum Cicero nem exterminari. Postero anno cum T. Annius Milo & P. Sextius tribuni plebis & simul P. Lentulus Consul urgerent: Pompejo favente, Senatu approbante, curia Italia suffragium ferente, revocatus est Cicero ab exilio in patriam atque pristinam dignitatem.

Hac igitur Oratione gratias populo Rom: agit pro insigni illo restitutionis beneficio.

Proinde est hæc Oratio Eucharistica de Genere Demonstrativo, & constat Exordio, propositione, eaque implicita, Confirmatione & Conclusionem.

Habita est Oratio A. V. DC. XCVI. atatis Cicero nis anno L. Stylus est mediocris.

DISPOSITIO.

Orationis post reditum ad Quirites.

Partes Orationis hujus *Etsi ea proprie sint, quæ in Oratione eucharistica seu gratiarum actio (qualis præsens est) prudenter atque per accomodè adhiberi solent; imo enim beneficii magnitudinem ac honorem reditus sui Cicero commemorat, 2do non modo ademptam sibi calamitatem, sed etiam audiam dignitatem in reditu suo ostendit, 3tio denique summam atque perpetuam erga populum Romanum pietatem pro gratia referenda pollicetur; nihilominus tamen hæc omnia videntur aequè posse distribui in quatuor usitatas Orationis partes; nempe: in Exordium, Propositionem, Confirmationem & Conclusionem.*

In Exordio Cap. I. dicit se Cicero devovisse pro salute Patria, tum reditu suo in Patriam devotionis ejus se esse convictum letatur, quam letitiam amplificat pulcherrima inductione, à fortuna, liberis, fratre, re familiari, amicis, honore, Patria, quæ sibi jucundiora nunc esse, quam antea fuisse brevi similitudine comprobatur.

Propositio (Populus Romanus singulari beneficio revocavit Ciceronem ab exilio) amplificatur Cap. II. insigni comparatione beneficiorum, cui statim adjungitur clarissimum argumentum, seu.

Confirmatio propositionis (populus Romanus non solum calamitatem Ciceronis sustulit, sed etiam dignitatem auxit) continetur tali Enthymemate. Antecedens prop: (Cicero, Senatûs populique Romanî consensu, maximisque amicorum officiis, revocatus in Patri-

O R A T I O X.  
 quæ est  
 A D Q U I R I T E S P O S T  
 R E D I T U M.  
 Argumentum Orationis ad Quirites post  
 Reditum.

*C*um Cicero testimonium tulisset contra Clodium, pol-  
 lutorum sacrorum reum, ita illum in se exacerbavit,  
 ut non quiesceret tribunus plebis factus, nisi Cice-  
 rone in exilium ejectione, hanc speciosam causam apud  
 populum Romanum pratexens iniquitati suæ, quod Ci-  
 ves Romanos ( conjurationis Catilinaria principes )  
 indemnatos Cicero Consul interfecisset. Et quo facilis  
 quod capiebat obtineret Clodius, illius unius anni Con-  
 sules Gabinium & Pisonem, spe singularum provincia-  
 rum compulsi, ut paterentur optime meritum Cicero-  
 nem exterminari. Postero anno cum T. Annius Milo  
 & P. Sextius tribuni plebis & simul P. Lentulus Con-  
 sul urgerent: Pompejo favente, Senatu approbante, cum  
 Ælia Italia suffragium ferente, revocatus est Cicero ab  
 exilio in patriam atque pristinam dignitatem.

Hac igitur Oratione gratias populo Rom: agit pro  
 insigni illo restitutionis beneficio.

Proinde est hæc Oratio Eucharistica de Genere De-  
 monstrativo, & constat Exordio, propositione, eaque  
 implicita, Confirmatione & Conclusionem.

Habita est Oratio A. V. DC. XCVI. atatis Cicero-  
 nis anno L. Stylus est mediocris.

DISPOSITIO.

Orationis post reditum ad Quirites.

Partes Orationis hujus *Et si ea proprie sint, quæ in Oratione eucharistica seu gratiarum actoria (qualis præsens est) prudenter atque per accomodè adhiberi sciunt; imo enim beneficii magnitudinem ac bonorem reditus sui Cicero commemorat, 2do non modo ademptam sibi calamitatem, sed etiam auctam dignitatem in reditu suo ostendit, 3tio denique summam atque perpetuam erga populum Romanum pietatem pro gratia referendu pollicetur; nihilominus tamen hæc omnia videntur aequè posse distribui in quatuor usitatas Orationis partes; nempe: in Exordium, Propositionem, Confirmationem & Conclusionem.*

In Exordio Cap. I. dicit se Cicero devovisse pro salute Patria, tum reditu suo in Patriam devotionis ejus se esse convictum letatur, quam letitiam amplificat pulcherrima inductione, à fortuna, liberis, fratre, re familiari, amicis, honore, Patria, quæ sibi jucundiora nunc esse, quam antea fuisse brevi similitudine comprobatur.

Propositio (Populus Romanus singulari beneficio revocavit Ciceronem ab exilio) amplificatur Cap. II. insigni comparatione beneficiorum, cui statim adjungitur clarissimum argumentum, seu.

Confirmatio propositionis (populus Romanus non solum calamitatem Ciceronis sustulit, sed etiam dignitatem auxit) continetur tali Enthymemate. Antecedens prop: (Cicero, Senatûs populique Romani consensu, maximisque amicorum officiis, revocatus in Patri-

*Patriam*) amplificatur imo Cap. III. & IV. dissimili comparatione reditus *Popilii, Metelli, Marii* 2do Cap. V. VI. & VII. amplificatur *Oratoria narratio* ne eorum, quae amici, praesertim *Lentulus, Milo, Pompejus, Servilius, Gellius, alii* que egerunt, ut restituere-  
tur *Cicero*. Consequens propositio (igitur *populus Romanus* non solum calamitatem *Ciceronis* sustulit, sed etiam dignitatem auxit) Cap. VIII. subjungitur per affectus, ubi simul *Cicero* pollicetur pro tam insigni beneficio pietatem, atque fortitudinem contra malos *Cives* exemplo *Marii*, quanquam dissimili ratione. Denique Cap. IX. praedicit, qualiter se cum suis inimicis gesturus est; attamen majorem sibi fore dicit curam referenda gratiae bonis, quam malos ulciscendi.

Conclusio Cap. X. habet gratias *Senatui populoque Romano*, & perennem beneficii memoriam pollicetur.



ORA-

ORATIO.  
AD QUIRITES POST  
REDITUM.

I. **Q**UOD precatus ab Jove optimo maximo, cæterisque diis immortalibus sum, Quirites, eo tempore, cum me, fortunas meas, pro vestra incolumitate, otio, concordiaque (1) devovi, ut si meas rationes unquam vestræ salutis anteposuissem, sempiternam pœnam sustinerem mea voluntate susceptam, sin & ea, quæ ante gesseram, conservandæ civitatis causa gessissem, & illam miseram profusionem vestræ salutis gratia suscepissem, ut quod odium scelerati homines, & audaces in Rempublicam & in omnes nos conceptum jamdiu continerent, in me uno potius, quam in optimo quoque & in universa Republica deficeret; (2) hoc si animo in vos liberosque vestros fuisset, ut ali- quando vos patres conscriptos, Italiamque universam, memoria mei, misericordia, desideriumque teneret, ejus devotionis me esse convictum judicio deorum immortalium, testimonio senatus, consensu Italiæ, confessione inimicorum, beneficio divino immor-

(1) *devovi.* dicit Cicero se (cum in exilium discessisset) votum diis nuncupasse, ut scilicet in exilio periret, si sua commoda salutis Reipublicæ anteponeret, sin secus, in Patriam salvus rediret.

(2) *hoc si animo &c.* dicit Cicero votum suum diis placuisse, & optimam suam voluntatem erga Patriam eosdem Deos regravatos sibi esse.

immortalique vestro, maxime lætor, Quirites. Etsi homini nihil est magis optandum, quam prospera, æqualis, perpetuaque, fortuna, secundo vitæ sine ulla offensione cursu, tamen si mihi tranquilla & placata omnia fuissent, incredibili quadam & pene divina, qua nunc vestro beneficio fruor, lætitiæ voluptate caruisssem. Quid dulcius hominum generi à natura datum est, quam sui cuique liberi? mihi vero & propter indulgentiam meam, & propter excellens eorum ingenium, vita sunt mea cariore: tamen non tanta voluptate erant suscepti quanta nunc sunt restituri. Nihil cuiquam fuit unquam jucundius, quam mihi meus frater: non tam id sentiebam, cum fruebar, quam tunc, cum carebam, & postea quam vos me illi, & mihi eum reddidistis. Res familiaris sua quemque delectat: reliquæ meæ fortunæ recuperatæ plus mihi nunc voluptatis adferunt, quam tunc incolumitates adferebant. Amicitia, consuetudines, vicinitates, clientelæ, ludi denique, & dies festi, quid haberent voluptatis, carendo magis intellexi, quam fruendo. Iam vero honos, dignitas, locus, ordo, beneficia vestra, quamquam mihi semper clarissima visa sunt, tamen ea nunc renovata illustriora videntur, quam si obscurata non essent. Ipsa autem patria, dii immortales, dici vix potest, quid caritatis, quid voluptatis habet! quæ species Italiæ! quæ celebritas oppidorum! quæ forma regionum! qui agri! quæ fruges! quæ pulchritudo urbis! quæ humanitas civium! quæ reip: dignitas! quæ vestra majestas? quibus

ego

ego omnibus antea rebus sic fruebar, ut nemo magis. Sed tanquam bona valetudo iucundior est eis, qui è gravi morbo recreati sunt, quam qui nunquam ægro corpore fuerunt: sic ea omnia desiderata magis, quam assidue percepta, delectant.

II. QUORSUM igitur hæc disputo? quorsum? ut intelligere possitis, neminem unquam tanta eloquentia fuisse, neque tam divino atque incredibili genere dicendi, qui vestrorum magnitudinem multitudinemque beneficiorum, (3) quæ in me, fratremque meum, liberosque nostros contulistis, non modo augere, aut ornare oratione, sed enumerare aut consequi possit. A parentibus, id quod necesse erat, parvus sum procreatus: à vobis natus sum consularis. Illi mihi fratrem, incognitum, qualis futurus esset, dederunt: vos spectatum & incredibili pietate cognitum reddidistis: Rempublicam (4) illis accepi temporibus eam, quæ pene amissa est: à vobis eam recuperavi, quam aliquando omnes unius opera servatam judicaverunt. Dii immortales mihi liberos dederunt: vos reddidistis, multa præterea à diis immortalibus optata consecuti sumus: nisi vestra voluntas fuisset, omnibus divinis muneribus caruissemus. Vestros denique honores, quos eramus gradatim singulis affecti

(3) *quæ in me &c.* id est, quod Quirites revocando Ciceronem ab exilio & illum Patriæ, & Patriam illi cum fortunis ac liberis suis reddiderint.

(4) *illis accepi temporibus &c.* meminit Cicero statum Reipublicæ tempore Consulatus sui, atque Conjuracionis Catilinariæ.

affecuti nunc à vobis universos habemus: ut quantum antea parentibus, quantum diis immortalibus, quantum vobis met ipsis, tantum hoc tempore, universim cuncto populo Romano debeamus. Nā cum in ipso beneficio vestro tanta magnitudo est, ut eam complecti oratione non possim, tum in studiis vestris tanta animorum declarata est voluntas; ut non solum calamitatem mihi detraxisse, sed etiam dignitatem auxisse videamini.

III. NON enim pro meo reditu ut pro P. Popillii, nobilissimi hominis, adolescentis filii, & multi præterea cognati atque affines deprecati sunt; non ut pro Q. Metello, clarissimo viro, jam spectata ætate filius L. Delmaticus, consularis, summa auctoritate vir, non C. Metellus censorius, non eorum liberi, non Q. Metellus Nepos, qui tum consulatum petebat, non sororum filii Luculli, Servilii, Scipiones. Per multi enim tum Metellorum liberi, pro Q. Metelli reditu vobis ac patribus vestris supplicaverunt. Quod si ipsius summa dignitas maximæque res gestæ non satis valerent, tamen filii pietas, propinquorum preces, adolescentium squalor, majorum natu lacrimæ populum Romanum movere potuerunt. Nam C. Marii, qui post illos veteres clarissimos consulares vestra patrumque memoria tertius ante me consularis, subiit indignissimam fortunam præstantissima sua gloria, dissimilis fuit ratio. Non enim ille deprecatione rediit, sed (s) in discessu civium  
exerci-

---

(s) sed in discessu &c. id est, in seditione Civili.

exercitu se armisque revocavit. Me autem nudum à propinquis, nulla cognatione munitum, nullo armorum ac tumultus metu, C. Pisonis, generi mei, divina quædam & inaudita auctoritas atque virtus, fratrisque mei miserrimi atque optimi quotidianæ lacrymæ, sordesque lugubres à vobis deprecatae sunt. Frater erat unus, qui suo squalore vestros oculos infleceret, qui suo fletu desiderium mei, memoriamque renovaret: qui statuerat, Quirites, si vos me sibi non reddidissetis, eandem subire fortunam, & tanto in me amore existitit, ut negaret fas esse non modo domicilio, sed ne sepulchro quidem se à me esse sejunctum: Pro (6) me præsentem senatus, hominumque præterea viginti millia vestem mutaverunt: pro eodem me absente unius squalorem sordesque vidistis. Unus hic, qui domi, qui in foro possit esse mihi pietate filius, inventus est beneficio parens, amore idem, qui semper fuit frater. Nam conjugis miseræ squalor & luctus, atque optimæ filiae mæror affidus, filiique desiderium mei, lacrymæque pueriles aut itineribus necessariis, aut magna ex parte tenebris ac tenebris continebantur.

IV. QUARE hoc majus est vestrum in nos promeritum, quod non multitudini propinquorum, sed nobismet ipsis nos reddidistis. Sed quemadmodum propinqui, quos ego parare non potui, mihi

(6) pro me præsentem &c. id est, cum Cicero jam damnatus esset in exilium, adhuc tamen Romæ degeret, multi pro eo deprecabantur, & vestem mutarunt in signum doloris.

mihî ad deprecandum calamitatem meam non ad-  
fuerunt, sic illi, quod mea virtus præstare debuit,  
adiutores, auctores, hortatoresque ad me restitu-  
endum ita multi fuerunt, ut longe superiores  
omnes hac dignitate copiaque superarem. Nun-  
quam de P. Popillio, clarissimo atque fortissimo  
viro, nunquam de Q. Metello, nobilissimo & con-  
stantissimo cive, nunquam de C. Mario (7) custo-  
de civitatis atque Imperii vestri, in senatu mentio  
facta est. Tribunitiis superiores illi rogationi-  
bus, nulla auctoritate senatus sunt restituti: Mari-  
us vero non modo non à senatu, sed etiam op-  
presso senatu est restitutus: nec rerum gestarum  
memoria in reditu C. Marii, sed exercitus, atque  
arma valuerunt. At de me ut valeret, semper se-  
natus flagitavit, ut aliquando perficeretur, cum  
primum licuit, frequentia atque auctoritate perfecit.  
Nullus in eorum reditu motus municipio-  
rum & coloniarum factus est, at me in patriam ter-  
suis decretis Italia cuncta revocavit. Illi inimi-  
cis interfecit, magna civium cæde facta redacti  
sunt: ego iis, à quibus ejectus sum, provincias  
obtinentibus, inimico (8) hoc optimo viro & mi-  
tissimo, altero consule referente, redactus sum:

cum

(7) *custode Civitatis &c.* Marius dicitur custos seu conservator Civitatis & Imperii, præcipue propter in-  
numeras Cimbrorum Theutonumque copias ab illo su-  
peratas.

(8) *inimico hoc &c.* Metello scilicet, antea quidem  
inimico & altero Lentulo Consulibus ad Senatum refe-  
rentibus, revocatus est Cicero.

cum (9) is inimicus, qui ad meam perniciem vocem suam communibus hostibus præbuisset, spiritu duntaxat viveret, re quidem intra omnes mortuos amandatus esset.

V. NUNQUAM de P. Popillio L. Opimius, fortissimus consul, nunquam de Q. Metello non modo C. Marius, qui erat inimicus, sed ne is quidem, qui secutus est, M. Antonius, homo eloquentissimus cum A. Albino collega senatum aut populum est cohortatus. (10) At pro me superiores consules semper, ut referrent, efflagitati sunt: sed veriti sunt, ne gratiæ causa facere viderentur, quod alter mihi adfinis erat, alterius causam capitis receperam, qui provinciarum fædere irretiti totum illum annum querelas senatus, luctum bonorum, Italiæ gemitum pertulerunt. Kalendis vero Januar: posteaquam orba resp: consulis fidem tanquam legitimi tutoris imploravit, P. Lentulus consul, parens, Deus, salus nostræ vitæ, fortunæ, memoriæ, nominis, simul ac de solenni religione retulit, nihil humanarum rerum sibi prius, quam de me agendum, iudicavit. Atque eo die confecta res esset, nisi (11) is tribunus pl. quem ego maxi.

(9) cum is inimicus &c. Attilium dicit Tribunum plebis. qui adversabatur Ciceroni.

(10) At pro me superiores Consules &c. Consules Piso & Gabinius ( quorum alterum defenderat olim Cicero ) dicuntur per Ironiam voluisse referre ad Senatum, non tamen retulerunt abstracti commodo Provinciarum, quas obtinebant.

(11) nisi is &c. id est. Attilius Tribunus plebis.

maximis beneficiis quaestorem consul ornaveram, cum & cunctus ordo & multi eum summi viri orarent, & Cn. Oppius focer, optimus vir, ad pedes ejus flens jaceret, noctem sibi ad deliberandum postulasset, quae deliberatio non in redenda quaerendum est, in agenda mercede consumpta est. (12) Postea res acta est in senatu alia nulla, cum variis rationibus, impediretur, & voluntate tamen perfecta senatus causa ad vos mense Jan: deferretur. Hic tantum interfuit inter me, & inimicos meos. (13) Ego, cum homines in tribunali Aurelio palam conscribi centuriarique vidissem. cum intelligerem, veteres ad spem caedis, Catilinae copias esse revocatas: cum viderem, ex ea parte homines, cuius partis nos vel principes numerabamur, partim quod mihi inviderent, partim quod sibi timerent aut proditores esse, aut desertores salutis meae: cum duo consules empti passione provinciarum auctores se inimicis reipubl: tradidissent; cum egestatem, avaritiam, libidines suas viderent expleri non posse, nisi me constrictum domesticis hostibus dedissent: cum senatus, equitesque Romae flere pro me, ac mutata veste vobis supplicare, edictis atque Imperiis vetarentur: cum omnibus fœdera, reconciliationes gratiarum sanguine meo sanc-

(12) *Postea res &c.* nihil scilicet actum est in senatu, priusquam de reditu Ciceronis decretum esset.

(13) *Ego cum homines &c. &c.* refert Cicero: quid & qualiter actum sit, cum jam ageretur de eo in exilium ejiciendo.

fancirentur; cum omnes boni non recusarent, quin vel pro me, vel mecum perirent, armis decertare pro mea salute nolui, quod & vincere, & vinci luctuosum reipubl: fore putavi. At inimici mei mense Jan: cum de me ageretur, (14) corporibus civium trucidatis, flumine sanguinis meum redditum intercludendum putaverunt.

VI. ITAQUE cum ego abfui, eam temp: habuistis, ut æque me, atque illam restituendam putaretis. Ego autem in qua civitate nihil valeret senatus; omnis esset impunitas; nulla judicia: vis & ferrum in foro versarentur; cum privati se parietum præsidio, non legum, tuerentur; tribuni pleb: vobis inspeçantibus vulnerarentur; ad magistratuum domos cum ferro & facibus iretur, consulis fasces frangerentur; deorum immortalium templa incenderentur; Rempublicam esse nullam putavi. Itaque neque reipubl: exterminata mihi locum in hac urbe esse duxi, nec, si illa restitueretur, dubitavi, quin me secum ipsa reduceret. An ego cum mihi esset exploratissimum P. Lentulum proximo anno consulem futurum, qui illis ipsis reipubl: periculofissimis temporibus ædilis curulis, me consule, omnium meorum consiliorum particeps periculorumque socius fuisset; dubitarem, quin me confectum consularibus vulneribus consulari

(14) Corporibus civium &c. ostenditur maxima cædes facta post discessum Ciceronis, qua cæde putabant malevoli posse præpediri reditam ejusdem.

fulari medicina ad salutem reduceret? Hoc duce (15) collega autem ejus, clementissimo atque optimo viro, primo non adversante, post etiam adjuvante, reliqui magistratus pene omnes fuerunt defensores salutis meæ, ex quibus excellenti animo, virtute, auctoritate, præsidio, copiis, T. Annius & P. Sextius, præstanti in me benevolentia, & divino studio extiterunt: eodemque P. Lentulo auctore & pariter referente collega frequentissimus senatus (16) uno dissentiente, nullo intercedente, dignitatem meam, quibus potuit, verbis amplissimis ornavit: salutem vobis, municipiis, coloniisque omnibus commendavit. Ita me nudum à propinquis, nulla cognatione munitum, consules, prætores, tribuni plebis, senatus, Italia cuncta semper vobis deprecata est, denique omnes, qui vestris maximis beneficiis honoribusque sunt ornati, producti ad vos ab eodem non solum ad me conservandum vos cohortati sunt, sed etiam rerum mearum gestarum auctores, testes, laudatoresque fuerunt.

VII. QUORUM princeps ad cohortandos vos, & ad rogandos fuit Cn. Pompejus, vir omnium, qui sunt, fuerunt, erunt, virtute, sapientia ac gloria princeps: qui mihi unus uni privato amico eadem omnia dedit, quæ universæ reip: salutem otium, dignitatem; cujus oratio fuit, quemadmodum accepi tripartita. Primum vos docuit meis  
confi.

(15) Collega autem &c. Metellus cum Lentulo tunc Consules fuerunt.

(16) uno &c. id est: Gabinio Tribuno plebis.

consiliis Rempublicam esse servatam, causamque meam cum communi salute conjunxit, hortatusque est, ut auctoritatem senatus, statum civitatis, fortunas civis bene meriti defenderetis: tum in perorando posuit vos rogari à senatu, rogari ab equitibus Rom: rogari ab Italia cuncta: denique ipse ad extremum pro mea vos salute non rogavit solum, verum etiam obsecravit. Huic ego homini, Quirites, tantum debeo quantum hominem homini debere vix fas est. Hujus consilia, P. Lentuli sententiam, senatus auctoritatem vos secuti in eo me loco, in quo vestris beneficiis fueram iisdem centuriis, quibus collocaretis, reposuistis. Eodem tempore audistis, eodem ex loco, summos viros, ornatissimos atque amplissimos homines, principes civitatis, omnes consulares, omnes pratorios eadem dicere, ut omnium testimonio, per me unum Rempublicam conservatam esse, constaret. Itaque cum P. Servilius, gravissimus vir & ornatissimus civis dixisset, opera mea Rempublicam incolumem magistratibus deinceps traditam, dixerunt in eandem sententiam ceteri. Sed audistis eo tempore clarissimi viri non solum auctoritatem, sed etiam testimonium L. Gellii, qui, quia suam classem attentatam magno cum suo periculo pene sensit, dixit in concione vestra, si ego consul, cum fui, non fuisset, Remp: funditus interituram fuisse.

VIII. EN ego tot testimoniis, Quirites, hac auctoritate senatus, tanta consensione Italiae, tanto studio bonorum omnium, agente P. Lentulo,

Q

consen-

c. insipientibus cæteris magistratibus, deprecante  
 Cn. Pompejo, omnibus hominibus faventibus,  
 diis denique immortalibus fugam ubertate co-  
 pia, utilitate, reditum meum comprobantibus,  
 mihi, meis, Republicæ restitutus, tantum vobis,  
 quantum facere possum, Quirites, pollicebor. Pri-  
 mum qua sanctissimi homines pietate erga deos  
 immortales esse solent, eadem, me erga populum  
 Romanum semper fore, nuncque vestrum aequum  
 mihi grave & sanctum, ac deorum immortalium,  
 in omni vita futurum: deinde, quoniam me in  
 civitatem Respubl: ipsa deduxit, nullo me loco  
 Respubl: defururum. (17) Quod si quis existimat  
 me aut voluntate esse mutata, aut debilitata vir-  
 tute, aut animo fracto vehementer errat. Mihi  
 quod potuit vis & injuria, & sceleratorum ho-  
 minum furor detrahere, eripuit, abstulit, dissipavit;  
 quod viro forti adimi non potest, id manet  
 & permanebit. Vidi ego fortissimum virum (18)  
 municipem meum C. Marium, quoniam nobis quæ-  
 si aliqua fatali necessitate non solum cum his, qui  
 hæc (19) delere voluissent, sed etiam cum fortuna  
 belligerandum fuit: eum tamen vidi, cum efflu-  
 sum a senectute, non modo non infracto animo  
 propter magnitudinem calamitatis, sed confirmato  
 atque renovato. Quem egomet dicere audivi-  
 tum

(17) *Quod si quis &c.* dicit hic Cicero animum suum  
 erga Rempublicam eundem esse post exilium, qui fuerat  
 ante.

(18) *municipem* id est. Conciyem.

(19) *qui hæc.* id est. hanc urbem.

tum se fuisse miserum, cum careret patria, quam obsidione liberavisset; cum sua bona possideri ab inimicis, ac diripi audiret; cum adolescentem filium videret ejusdem socium calamitatis, cum in paludibus demersus concursu ac misericordia Mintornensium corpus ac vitam suam conservasset: cum parva navicula trajectus in Africam, quibus regna ipse dederat, ad eos inops supplexque venisset: recuperata vero sua dignitate, non commissurum, ut cum ea, quæ amiserat, sibi restituta essent, virtutem animi non haberet, quam nunquam perdidisset. Sed hoc inter me atque illum interest, quod ille, qua re plurimum potuit, ea ipsa re inimicos suos ultus est, armis: ego, qua consuevi, utar quoniam illi arti in bello ac seditione locus est, huic in pace atque otio. Quamquam ille animo irato nihil nisi de inimicis ulciscendis agebat; ego de ipsis inimicis tantum, quantum mihi Resp: permittet, cogitabo.

IX. DENIQUE, Quirites, quoniam me quatuor omnino genera hominum violarunt, unum eorum, qui odio Reipubl: quod eam ipsis invitis conservavam, mihi inimicissimi fuerunt: alterum qui per simulationem amicitiae nefarie prodiderunt: tertium, qui cum per inertiam suam eadem adsequi non possent, inviderunt laudi & dignitati nostrae: quartum, qui cum custodes Reipubl: esse debuerunt, salutem meam, statum civitatis, dignitatem ejus Imperii, quod erat penes ipsos, vendiderunt: sic ulciscar facinorum singula, quemadmodum à quibusque sum provocatus; malos cives, Rempubl:

publ: bene gerendo, perfidos amicos, nihil credendo, atque omnia cavendo; invidos, virtuti & gloriæ serviendo; (20) mercatores provinciarum revocando domum, atque ab iis provinciarum rationem repetendo. Quamquam mihi maiori curæ est quemadmodum quidem vobis, qui de me estis optime meriti, gratiam referam, quam quemadmodum inimicorum injurias crudelitatemque persequet. Etenim ulciscendæ injuriæ facilior ratio est, quam beneficii remunerandi: propterea quod superiorem esse contra improbos, minus est negotii, quam bonis exæquari; tum etiam ne tam necessarium quidem est, male meritis, quam optime meritis, referre, quod debeas. Odium vel precibus mitigari potest, vel temporibus Reip: communique utilitate deponi, vel difficultate ulciscendi teneri, vel vetustate sedari: bene meritos quin colas, nec exorari fas est, nec id Reip: repetere utcumque necesse est, neque est excusatio difficultatis, neque æquum est, tempore & die memoriam beneficii definire. Postremo, qui in ulciscendo remissior fuit, mox aperte laudatur: at gravissime vituperatur, qui in tantis beneficiis, quanta vos in me contulistis, remunerandis est tardior: neque solum ingratus, quod ipsum grave est, verum etiam impius appelletur, necesse est. Atque in officio persolvendo dissimilis est ratio, & pecuniæ debitæ, propterea, quod pecuniam qui

reti-

(20) mercatores Provinciarum. Pisonem nempe, & Gabinium Consules, qui Provincias, alter Macedoniam; alter Syriam, nacti sunt per exilium Ciceronis,

retinet, non dissolvit, qui reddidit, non habet: gratiam, & qui retulit, habet: & qui habet, dissolvit.

X QUAPROPTER memoriam vestri beneficij colam benevolentia, non solum dum anima spirabo mea, sed etiam cum mortuo monumenta vestri in me beneficij permanebunt. In referenda autem gratia hoc vobis repromitto, semperque præstabo, mihi neque in consiliis de Republ: capiendis diligentiam, neque in periculis à Republ: repulsandis animum, neque in sententiâ simpliciter referendam fidem, neque in hominum voluntatibus pro republ: sedandis libertatem, nec in perferendo labore industiam, nec in vestris commendis augendis gratiam, animi benevolentiam defuturam. Atque hæc cura, Quirites, erit infixâ animo meo sempiterna, ut cum vobis, (21) qui apud me deorum immortalium vim & numen tenetis tum posteris vestris, cunctisque gentibus, dignissimus ea civitate videar, quæ suam dignitatem non posse tenere se, nisi me recuperasset, cunctis suffragiis judicavit.

(21) qui apud me &c. id est, ego vos tanquam Deos quosdam esse existimo.



## SENTENTIÆ.

**C**ivem bonum decet, fortunas suas pro reip: incolamitate, otio, concordiaque dimittere.

Homini nihil est magis oprandum, quam prospera, aquabilis perpetuaque fortuna, secundo vita sine ulla offensione cursu.

Quid dulcius homini à natura datum est, quam sui cuique liberi?

Ipsa autem patria quid caritatis, quid voluptatis habet?

Bona valetudo jucundior est eis, qui è gravi morbo revocati sunt, quam qui, nunquam ægro corpore fuerunt.

Bonis viris quod potest vis & injuria & sceleratorum hominum furor detrabere, sæpius eripit, aufert, dissipat: quod viro forti adimi non potest, id manet & permanebit.

Ulciscenda injuria facilior ratio est, quam beneficium remunerandi; propterea, quod superiorem esse contra improbos, minus est negotii, quam bonis æquari: cum etiam ne tam necessarium quidem est male meritis, quam optime meritis, referre, quod debeas.

Odiū vel precibus mitigari potest, vel temporibus Reipublicæ communique utilitate deponi, vel difficultate ulciscendi teneri, & vetustate sedari.

Qui in ulciscendo remissior fuit, mox aperte laudatur: at gravissime vituperatur, qui in magnis beneficiis remunerandis est tardior? neque solum ingratus, quod ipsum grave est, verum etiam impius appelletur, necesse est.

ORA.

ORATIO XI.  
quæ est  
**IN SENATU POST  
 REDITUM.**

Argumentum Orationis in Senatu post  
 Reditum.

*Simile argumentum fere hujus Orationis cum antecedente est. Vti enim illa ad populum, ita hæc in Senatu fuit habita; Et eodem quidem tempore: scilicet Nonis Septembris: A.V.C.DCXCVI.*

*Invectitur autem cum primis in duos Consules, quorum à Clodio corruptorum, invidia exul erat factus; tum amicorum, ac nominatim Pompeji beneficia extollit; Et studium denique suum erga Rempublicam liberaliter pollicetur.*

*Invectiva igitur Et Eucharistica est hæc Oratio, Et pertinet proinde ad genus demonstrativum.*

**DISPOSITIO**

Orationis post reditum ad Senatum.

*Partes Orationis hujus, quemadmodum Et superioris in eo potissimum sitæ sunt, quod Cicero primum magnificat beneficium sibi præstitum, Et pro accepto gratias agit, deinde illud prædicat, ac extollit, atque gratum se fore pollicetur; nihilominus hæc omnia Exordio, Propositione, Confirmatione Et Conclusionem continentur.*

In


In Exordio Cap. I. Cicero, quo se gratiorem ostendat Senatui, collatum sibi ab eo beneficium ( quod sit revocatus in Patriam ) amplificat ab effectis per comparationem Deorum, Parentum, populi, Senatusque Romani.

Propositio ( Senatus maximo beneficio ornavit Ciceronem, quando illum revocavit ab exilio ) firmatur hoc argumento: quia Cicero immortalitatem quandam per Senatum adeptus esse videtur, quod argumentum exponitur tali inductione: Consules, Tribuni, Pratores, aliique multi Consulares viri pari consensu, inaudito quadam triumpho reditum Ciceronis postularunt, decreverunt, ornarunt; igitur Cicero immortalitatem quandam per Senatum est adeptus.

In Confirmatione propositio antecedens amplificatur Cap. II. imo studio Nummii & octo Tribunorum pro salute Ciceronis referentium. 2do rebus gestis duorum Consulium Lentuli & Metelli ac etiam Pompeji; Lentuli tamen vel maxime fortitudinem contra inimicos suos Cicero Cap. III. deprædicat; atque Cap. IV. beneficium ejus effert exclamatione, & dictum Metelli commemorat. Tum eadem Cap. IV. sed fuerunt &c. acriter invebitur in Consules, quorum invidia pulsus fuit in exilium. Quorum alterius nempe Gabinii Cap. V. libidinem, Tribunatum, leges latas, Conciones, aliaque facta ipsius contra se, Cicero infestatur. Alterius nempe Pisonis Cap. VI. persequitur tarditatem, mores aggresses, libidinem & Epicuream disciplinam; eundemque Cap. VII. redarguit per apostrophem, ut crudelem ac superbum, qui junctus Gabinio omnia jura Civilitatis, humanitatisque

que violavit. Hâc digressionem ad Consules confecta  
 3tio amplificatur Antecedens propositio Cap. VIII.  
 virtute, animo, fide duorum Tribunorum T. Annii &  
 P. Sextii, ac aliorum per prateritionem Cap. IX  
 commemoratorum, ubi etiam 4to amplificatur officioso  
 animo Prætorum Cæcilii, Septimii, Crassi, Quintilii;  
 Cornuti, quorum beneficii magis se memorem fore pol-  
 licetur, quam injuriarum ab aliis sibi illatarum. At-  
 que rursus Cap. X. Lentulo gratias agit, & gloria-  
 tur pro insigni ejus in se beneficio, idem Metello al-  
 teri Consuli præstat, quam sibi reconciliatum dicit à  
 Servilio, ac iterum Cap. XI. redit ad Lentulum  
 Cap. XII. Pompejo gratias habet & Annio. atque  
 Sextio gratum se testatur. Denique Cap. XIII. sin-  
 gulis & universis agit gratias, eosque tanquam Deos  
 veneratur. Tum demum Cap. XIV. causas affert: cur  
 maluerit in exilium potius ire, quam se vi defende-  
 re, ubi etiam Plancii hospitis sui charitatem com-  
 mendat.

In Conclusionem Cap. XV. promittit se Cicero ma-  
 jore adhuc fide, quam antea, defensurum Rempubli-  
 cam, cui tam gloriose restitutus est: atque hujus re-  
 stitutionis gloriam auget dissimili reditu Popilii, Me-  
 telli, ac Marii. prædicatque summum erga se amo-  
 rem fratris & generis sui Pisonis.



ORA-

## O R A T I O

Ciceronis.

P O S T R E D I T U M  
I N S E N A T U .

I. **S**I, Patres Conscripti, pro vestris immortalibus in me, fratremque meum, liberosque nostros meritis parum vobis cumulate gratias egero, quæso, obtestorque, ne meæ naturæ potius, quam magnitudini vestrorum beneficiorum, id tribuendū puteris. Quæ enim tanta potest existere uberitas ingenii, quæ tanta dicendi copia, quod tã divinum, atque incredibile genus orationis, quo quisquam possit vestra in nos universa promerita, non dicam complecti orando, sed percurrere numerando, qui mihi fratrem optatissimum; me fratri amantissimo, liberis nostris parentes, nobis liberos: qui dignitatem, qui ordinem, qui fortunas, qui amplissimam Rempubl: qui patriam, qua nihil potest esse jucundius, qui denique nosmet ipsos nobis reddidistis. Quod si parentes carissimos habere debemus, quod ab iis nobis vita, patrimonium, libertas, civitas tradita est: si deos immortales, quorum beneficio hæc tenuimus & cæteris rebus aucti sumus: si populum Rom: (1) cujus honoribus in amplissimo consilio, & altissimo gradu digni-

(1) cujus honoribus &c. id est muneribus, nam honores, administrationesque Reipublicæ omnes à populo mandabantur.

dignitatis atque (2) in hac omnium terrarum arce collocati sumus, si hunc ipsum ordinem, à quo sæpe magnificentissimis decretis sumus honestati: immensum quiddam & infinitum est: quod vobis debeamus, qui vestro singulari studio atque consensu, parentum beneficia, deorum immortalium munera, populi Romani honores, vestra de me multa iudicia nobis omnia uno tempore reddidistis: ut, cum multa vobis, magna populo Rom: innumerabilia parentibus, omnia diis immortalibus debeamus, quod hæc antea singula per illos habuerimus, nunc universa per vos recuperavimus.

II. ITAQUE P. C. quod ne optandum quidem est homini, immortalitatem quandam per vos adepti videmur. Quod enim tempus erit unquam, quo vestrorum in nos beneficiorum memoria ac fama moriatur, qui illo ipso tempore, cum vi, ferro, metu, minis obsessi teneremini, non multo post discessum meum, universi me revocavistis, referente (3) L. Mummius, fortissimo, atque optimo viro quem habuit ille pestifer annus & maxime fidelem, & minime timidum, si dimicare placuisset, de sensorem salutis meæ. Postquam vobis potestas decernendi non est permissa per (4) eum tribunum pleb: qui cum per se Rempubl: lacerare non posset

(2) in hac omnium terrarum arce. hoc est, in Urbe valida & amplissima.

(3) L. Mummius. Mummius Senator promovit in senatu causam de revocatione Ciceronis ab exilio.

(4) per eum &c. Clodius fuit, qui impedivit Senatus Consultum de reditu Ciceronis.

posset, sub alieno scelere delevit; nunquam de me filuistis, nunquam meam salutem non ab his consulibus, qui (5) vendiderant, flagitavistis. Itaque vestro studio atque autoritate perfectum est, ut ille ipse annus, quem ego mihi, quam patriæ, malueram esse fatalem, hos tribunos haberet, qui promulgarent de salute mea, & ad vos sæpenumero referent. (6) Nam consules modesti, legumque metuentes, impediabantur lege non ea, quæ de me, sed ea, quæ de ipsis lata erat, cum meus inimicus promulgavit, ut si revixissent ii, qui hæc pene dederunt, tunc ego redirem; quo facto utrumque confessus est, & se illorum vitam desiderare, & magno in periculo reipubl: futuram, si aut hostes atque interfectores reipubl: revixissent, aut ego non revertissem. Itaque illo ipso anno cum ego cessissem (7) princeps autem civitatis, non legum præsidio, sed patriæ vitam suam tueretur, reipubl: sine consulibus esset, neque solum parentibus, perpetuis, verum etiam tutoribus annuis esset orbata; sententias dicere prohiberemini, (8) caput meæ  
pro

(5) *qui vendiderant.* id est Consules superioris anni, qui acceptis à Clodio provinciis ( Piso Macedoniã, Gabinius Syria ) & Ciceronem ejici passi sunt, & Rempubliam ferme vendiderunt à Clodio lacerandam.

(6) *nam Consules modesti &c. &c.* Piso & Gabinius legum observatores per Ironiam dicti, tenebantur siquidem lege à Clodio lata de restituendo nunquam Cicerone, nisi hac conditione, si nempe revixissent Catilinarii à Cicerone interfecti.

(7) *Princeps* id est, Pompejus omnium clarissimus.

(8) *Caput.* id est lex lata de exilio Ciceronis.

proscriptionis recitaretur: nunquam dubitastis  
meam salutem cum communi salute conjungere.  
Postea vero quam singulari, & præstantissima vir-  
tute P. Lentuli consulis, ex superioris anni caligi-  
ne, & tenebris lucem in Republ: Kalendis Janua-  
riis respicere cepistis: Q. Metelli, nobilissimi ho-  
minis atque optimi viri, summa dignitas, cum præ-  
torum, & tribunorum plebis pene omnium virtus  
& fides, reipubl: subvenisset, cum virtute, gloria,  
rebus gestis Cn. Pompejus, omnium gentium,  
omnium sæculorum, omnis memoriæ facile prin-  
ceps tuto se in senatum venire arbitraretur: tantus  
vester consensus de salute mea fuit, ut, licet cor-  
pus, abesset meum, dignitas jam in patriam re-  
vertisset.

III. QUO quidem mense, quid inter me, & me-  
os inimicos interesset existimare potuistis. Ego  
meam salutem deserui, ne propter me civium vul-  
neribus respubl: cruentaretur, (9) illi meum redi-  
tum non populi Roman: suffragiis, sed flumine san-  
guinis intercludendum putaverunt. (10) Itaque  
postea nihil vos civibus, nihil sociis, nihil regibus  
respondistis: nihil iudices sententiis, nihil Popu-  
lus suffragiis, nihil hic ordo auctoritate declaravit,  
mutum forum, elingvem curiam, tacitam & fra-  
ctam

(9) sed flumine sanguinis &c. meminit Cicero sedi-  
tionis, ac internecionis, quæ in foro VIII. Kalends  
Febr: facta est.

(10) Itaque postea nihil &c. dicitur nullum fuisse Se-  
natus Consultum, nullas legationes, nulla iudicia.

tam civitatem videbatis. Quo quidem tempore,  
 cum (11) is excessisset, qui cædi & flammæ vobis  
 auctoribus restiterat: cum ferro & facibus homi-  
 nes tota urbe volitantes Magistratum recta op-  
 pugnatam, deorum templa inflammata, summi viri  
 & clarissimi consulis fasces fractos, fortissimi at-  
 que optimi viri tribuni pl. sanctissimum corpus  
 non solum tactum ac violatum manu, sed vul-  
 neratum ferro, confectumque vidistis. Qua fra-  
 ge nonnulli permoti magistratus, partim metu  
 mortis, partim desperatione Reipubl: paululum  
 à mea causa recesserunt. Reliqui fuerunt, quos  
 neque terror, neque vis, nec spes, nec metus, nec  
 promissa, nec minæ, nec tela, nec faces à vestra au-  
 thoritate: à populi Romani dignitate, à mea salu-  
 re depellerent, Princeps P. Lentulus, parens ac  
 deus nostræ vitæ, fortunæ, memoriæ, nominis, hoc  
 specimen virtutis, hoc indicium animi, hoc lumen  
 consulatus sui fore putavit, si me mihi, si meis,  
 si vobis, si Reipubl: reddidisset. Qui ut est desi-  
 gnatus, nunquam dubitavit sententiam de salute  
 mea, se & Reipubl: dignam dicere. Cum à tribu-  
 no pl. vocaretur, cum (12) præclarum caput re-  
 citaretur, ne quis ad vos referret, ne quis decer-  
 neret, ne disputaret, ne loqueretur, ne pedibus  
 iret, ne scribendo adesset; totam illam, ut ante di-  
 xi, proscriptionem, non legem putavit, qua civis  
 opti-

(11) cum is id est: ego Cicero.

(12) cum præclarum Caput. id est: lex præclara dicitur ironice.

optime de rep: meritis nominatim, sine iudicio una cum senatu, Reip: esset ereptus. Ut vero inquit magistratum, non dicam, quid egerit prius, sed quid omnino egerit aliud, nisi, ut me conservato, vestram in posterum dignitatem, auctoritatemque sanciret?

IV. DII immortales, quantum mihi beneficium dedisse videmini, quod hoc anno P. Lentulus consul fuit? quanto majus dedideris, si superiore anno fuisset? (13) nec enim eguissem medicina consulari, nisi consulari vulnere concidissem. Audieram ex sapientissimo homine atque optimo civis & viro, Q. Catulo, non saepe unum consulem improbum, duos vero nunquam, excepto illo (14) Cinnano tempore, fuisse. Quare meam causam semper fore firmissimam dicere solebat, dum vel unus in Republ: esset consul. Quod vere dixerat (15) si illud de duobus consulibus, quod ante in Republ: non fuerat, perenne ac proprium manere potuisset. Quod si Q. Metellus illo tempore consul fuisset unicus, dubitatis, quo animo fuerit in me conservando futurus, cum in restituendo auctorem fuisse, adscriptoremque videatis? sed fuerunt duo consules, quorum mentes angustæ humiles

---

(13) nec enim eguissem &c. hoc est, non oporteret me à Consule restitui, si me non Consul eiecisset.

(14) Cinnano tempore quo Cinna Consul fuerat, ambo nequam fuerant.

(15) si illud &c. nempe si ex duobus Consulibus, qui fuerant Piso & Gabinius, alteruter esset bonus, non eiecitur Cicero.

humiles; prax, oppletæ tenebris ac fordibus, nomen ipsum consulatus, splendorem illius honoris, magnitudinem tanti Imperii nec intueri nec sustinere nec capere potuerunt: non consules, sed mercatores provinciârum, ac venditores vestræ dignitatis, quorum alter à me Catilinam amatorem suum, multis audientibus, alter Cethegum, consobrinum suum, reposcebat: qui me duo sceleratissimi post hominum memoriam non consules, sed latrones, non modo deseruerunt in causa præsertim publica & consulari, sed prodiderunt, oppugnarunt, omni auxilio non solum suo, sed etiam vestro, cæterorumque ordinum, spoliatum esse voluerunt, (16) quorum alter tamen, neque me, neque quemquam fefellit.

V. QUIS enim ullam ullius boni spem haberet in eo, cuius primum tempus ætatis palam fuisset ad omnes libidines divulgatum? (17) qui ne à sanctissima quidem parte corporis potuisset hominum impuram intemperantiam propulsare? qui cum suam rem non minus strenue, quam postea publicam confecisset egestatē & luxuriam domestico lenocinio sustentavit? qui nisi in aram tribunatus confugisset, neque vim prætoris, nec multitudinem creditorum (18) procriptionem effugere potu-

(16) quorum alter tamen &c. id est, quod Gabinus fuerit sceleratus, omnibus palam est.

(17) qui ne à Sanctissima &c. nimirum Cicero dicit Gabinium passum esse suo capiti illudi ac insultari.

(18) proscriptioem id est: venditionem publicam, quæ sub hasta fieri solebat.

potuisset; qui in magistratu, nisi rogationem de piratico bello tulisset, profecto & egestate & improbitate coactus piraticam ipse fecisset: ac minore quidem cum Reipubl: detrimento, quam quod intra mœnia nefarius hostis prædoque versatus est, quo inspestante ac sedente legem (19) tribunus plebis tulit, ne auspiciis obtemperaretur, ne (20) obnunciare consilio, aut comitiis, ne legi (21) intercedere liceret: ut lex Aelia & Fufia ne valerent: quæ nostri majores certissima subsidia Reipubl: contra tribunitios furores esse voluerunt. (22) Idemque postea, cum innumerabilis multitudo bonorum de Capitolio supplex ad eum sordida venisset, cumque adolescentes nobilissimi, cunctique equites Rom: se ad lenonis impurissimi pedes abjecissent: quo vultu cincinnatus ganeo non solum civium lacrymas, verum etiam patriæ preces repudiavit? Neque contentus fuit, sed etiam in concionem ascendit: eaque dixit, quæ, si ejus vir Carilina revixisset dicere non esset ausus, se nonarum; Decembr: quæ, me consule, fuissent, clivique Capitolini pœnas ab equitibus Rom: esse repetiturum neque solum id dixit, sed quos ei commodum fuit compellavit; L. vero Lamiam, equitem

R R. præ-

(19) *Tribunas plebis.* Clodius.

(20) *obnunciare &c.* interpellare concilia atque Conventum.

(21) *intercedere* ne irritam facere seu impedire legem liceret, quæ de relegando in exilium Ciceronè statuta erat.

(22) *Idemque postea &c.* nimirum Gabinius Consul.

R. præstanti dignitate hominem, & salutem meam pro familiaritate Reip: pro fortunis suis, amicissimum, consul Imperiosus exire urbe iussit, & cum vos vestem mutandam censuissetis, cunctique mutassetis, atque idem omnes boni jam antea fecissent: ille unguentis oblitus cum toga prætexta, quam omnes prætores, ædilesque tum abjecerant, irrigit squalorem vestrum, & luctum gravissimam civitatis: fecitque, quod nemo unquam tyrannus, ut, quo minus occulte vestrum malum gerneretis, nihil diceret, ne aperte incommoda patriæ lugeretur, ediceret.

VI. CUM vero in Circo Flaminio, non à tribuno plebis consul in concionem, sed à latrone, archipirata productus esset, primum processit, qua auctoritate vir? vini, somni, stupri plenus, madenti coma, composito capillo, gravibus oculis, fluentibus buccis, pressa voce, & temulenta: quod in cives indemnatos esset animadversum, id sibi dixit (23) gravis auctor vehementissime displicere. Ubi nobis hæc auctoritas tamdiu tanta latuit? cur in lustris & helluationibus hujus calamistrati saltatoris, tam eximia virtus tamdiu cessavit (24)? nam ille alter Cesonius Calventius, ab adolescentia versatus est in foro, cum eum, præter simulatam versutamque tristitiam, nulla res commenda-

tet?

(23) *gravis auctor &c.* id dicitur per Ironiam de Gabinio Consule, Consules enim in legibus ferendis erant primi, quos aliorum postea sententia sequebatur.

(24) *nam ille alter* hoc est Piso Consul, quem Cesonium appellat à Patria ejus.

tet non consulis studium, non discendi initia rei  
 militaris, non cognoscendorum hominum, non li-  
 beralitas? quem præteriens cum incultum, horri-  
 dum, mæstumque vidisses, etiamsi agrestem & in-  
 humanum existimares, tamen libidinosum, & per-  
 ditum non dubitares? Cum hoc homine, an cum  
 (25) stipite Aethiope, si in foro constitisses, nihil  
 crederes interesse, sine sensu, sine sapore, elingvem  
 tardum, inhumanum neglectum Capadocem modo  
 abreptum de (26) grege venalium diceres. Idem  
 domi quam libidinosus? quam impurus? quam  
 intemperans, non janua receptis, sed pseudothy-  
 ro Pseudothyro, id est, occultâ januâ intromis-  
 sis voluptatibus? cum vero etiâ literas stu-  
 dere incipit, & belluo immanis cum Græculis  
 philosophari, tum est (27) Epicureus, non penitus  
 illi disciplinæ, quæcunque est, deditus, sed captus  
 uno verbo voluptatis. Habet autem magistros  
 non ex istis ineptis, qui dies totos de officio ac  
 de virtute differunt: qui ad laborem, ad industri-  
 am, ad pericula pro patria subeunda adhortantur:  
 sed eos, qui disputant horam nullam vacuum vo-  
 luptate esse debere: in omni parte corporis semper  
 oportere aliquod gaudium, delectationem que ver-  
 sari. His utitur quasi præfectis libidinum sua-  
 rum

R 2

rum

(25) cum stipite Aethiope. est convitium iu hominem  
 bardum, nam turpius nihil est Aethiope, nihil magis  
 ridiculum stipite.

(26) de grege venalium dicitur is, qui se corrumpi  
 pecunia vel muneribus facile patitur, qualem Cicero  
 innuit esse Pisonem.

(27) Epicureus id est voluptuosus.

rum: hi voluptates omnes vestigant atque odorantur, hi sunt conditores instructoresque convivii: iidem expendunt atque estimant voluptates, sententiamque dicunt, & judicant, quantum cuique libidini tribuendum esse videatur. Horum ille artibus eruditus, ita contempsit hanc prudentissimam civitatem, ut omnes suas libidines, omnia flagitia latere posse arbitraretur, si modo vultum importunum in forum detulisset.

VII. IS non me ( nunquam equidem non cognarum eum, propter Pisonum affinitatem, quam longe hunc ab hoc genere cognatio materna Transalpini sanguinis abstulisset ) sed vos, populumque Rom: non consilio, neque eloquentia, quod in multis sæpe accidit, sed rugis supercilioque decipit. L. Piso, tunc ausus es isto oculo, non dicam, isto animo; ista fronte, non vita; tanto supercilio, non enim possum dicere, tantis rebus gestis, cum A. Gabinio consociare consilia pestis meæ? non te illius unguentorum odor, non vini anhelitus, non frons calami stri notata vestigiis, in eam cogitationem adducebat, ut, cum illius re similis fuisses, frontis tibi integumento ad occultanda tanta flagitia diutius uti non licere? cum hoc coire ausus es, ut consularem dignitatem, ut Reipubl: statum, ut senatus auctoritatem, ut Civis optimi fortunas (28) provinciarum fædere addiceres; te consule, tuis edictis & imperiis,

(28) provinciarum fædere addiceres. id est, ut provinciis cum Gabinio acceptis tu Piso patereris à Cladio Ciceronem pro libita vexari.

is, senatui populoque Romano non est licitum, non modo sententiis, neque auctoritate sua, sed ne luctu quidem, ac vestitu Reip: subvenire. Capuæ te putabas, in qua urbe domicilium quondam superbix fuit, consulem esse, sicut eras eo tempore, an Romæ, in qua civitate omnes ante vos consules senatui paruerunt? tu es ausus, in Circo Flaminio productus cum tuo illo pari dicere, te semper misericordem fuisse? quo verbo senatum, atque omnes bonos tum, cum à patria pestem expellerent, crudeles demonstrabas fuisse. Tu misericors, me affinem tuum, quem comitiis prærogativæ primum custodem præferebas, quem Kalendis Jan: tertio loco sententiam rogaras, constrictum inimicis Reip; tradidisti: tu meum generum, propinquum tuum: tu affinem tuam, meam filiam, superbissimis & crudelissimis verbis à genibus tuis repulisti: idemque tu clementia, ac misericordia singulari? cum ego una cum Republ: non tribunatio, sed consulari iû concidissim, tanto scelere, tantaque intemperantia fuisti, (29) ut ne unam quidem horam interesse paterere inter meam pestem & tuam prædam, saltem dum? conticesceret illa lamentatio, & gemitus urbis. Nondum palam factum erat, occidisse Republ: cum tibi (30) arbitria funeris solvebantur; uno eodemque tempore domus mea diripiebatur, arde-

(29) *ut ne unam horam &c.* quia simul ac exivit Cicero in exilium, bona ejus direpta sunt à Consulibus.

(30) *arbitria funeris solvere.* est libitinariis, vespillonibus, & aliis, qui mercede funera juvant, pecuniam vel res dare.

ardebat, bona ad vicinum consulem de Palatio, de Tusculano ad item vicinum alterum consulem deferbantur: cum iisdem operis suffragium ferentibus, eodem gladiatore latore, vacuo non modo à bonis ( sed etiam à liberis ) atque inani foro, ignaro populo Romano, quid ageretur, senatu vero oppresso & afflicto, duobus impiis, nefariisque consulibus ærarium, provinciæ, legiones, Imperia donabantur.

VIII. HORUM consulum ruinas vos consules vestra virtute fulsistis, summa tribunorum plebis prætorumque fide & diligentia sublevastis. Quid ego de præstantissimo viro (31) T. Annio, dicam? aut quis de tali cive satis digne unquam loquetur? qui cum videret, sceleratum civem, aut domesticum potius hostem, si legibus uti liceret, iudicio esse frangendum, sin ipsa iudicia vis impediret ac tolleret, audaciam virtute, furorem fortitudine, temeritatem consilio, manum manu, vim vi esse superandam: primo de vi postulavit, posteaquam ab eodem iudicia sublata esse vidit; ne ille omnia vi posset efficere curavit: qui docuit neque tecta, neque templa, neque forum, neque curiam, sine summa virtute, ac maximis opibus & copiis ab intestino latrocinio posse defendi: qui primus, post meum discessum, metum à bonis, timorem huic ordini, servitutem depulit civitati. *Quam rationem*

(31) T. Annio &c. Annius Milo maxime obstitit Clodio, ac aliis direptoribus bonorum Ciceronis, & Clodium de vi reum fecit ac in iudicium vocavit, quod iudicium postea sublatum fuit.

nem pari virtute, animo, fide, P. Sextius secutus, pro mea salute, pro vestra auctoritate, pro statu civitatis nullas sibi inimicitias, nullam vim, nullos impetus, nullum vitæ discrimen vitandum unquam putavit; qui causam senatus, exagitatam concionibus improborum, sic sua diligentia multitudini commendavit, ut nihil tam omnibus carum aliquando, quam vestra auctoritas videretur: qui me, cum omnibus rebus, quibus tribunus plebis potuit, defendit, tum reliquis officiis, juxta ac si meus frater esset, sustentavit: cujus ego clientibus, liberis, familia, copiis, literis ita sum sustentatus, ut meæ calamitatis non adjutor solum, verum etiam socius videretur,

IX. JAM cæterorum officia, studiaque vidistis: quam cupidus mei C. Sestilius, quam studiosus vestri, quam non varius fuerit in causa. Quid Mosopius? cui ego, ipsi parenti, fratrique ejus, sentio, quantum debeam: qui, cum à me voluntas eorum in privato judicio esset offensa, publici mei beneficii memoria, privatam offensionem oblitteraverant. Iam T. Fadius, qui mihi quæstor fuit. M. Curtius, cujus ego patri quæstor fui, studio, amore, animo huic necessitudini non defuerunt. Multa de me C. Messinus, & amicitia & Reipubl: causa dixit: legem separatim initio de salute mea promulgavit: Q. Fabricinus, si quæ de me agere conatus est, ea contra vim & fertum perficere potuisset, mense Januario nostrum statum recuperavimus, quem ad salutem meam voluntas impulit, vis retardavit, auctoritas vestra revocavit. Iam vero præ-

prætores quo animo in me fuerint, vos existimare potuistis, cum L. Cæcilius privatim me suis omnibus copiis studuerit sustentare, publice promulgarit de salute mea cum collegis pene omnibus, direptoribus autem meorum bonorum in jus adeundi potestatem non feceritis. M. autem Calidus, statim designatus sententia sua, quam esset cara sibi mea salus, declaravit. Omnia officia C. Septimi, Q. Valerij, P. Crassi, Sex, Q. ntilij C. Cornuti summa & in me, & in Rempubl: constituerunt. Quæ cum libenter commemoro, tum non invitus nonnullorum in me nefarie commissæ prætereo. Non est mei temporis injurias meminisse, quas ego etiam si ulcisci possem, tamen oblivisci malle. Alio transferenda mea tota vita est, ut bene de me meritis referam gratiam: cum apertis hostibus bellum geram: timidis amicis ignoscam: proditoribus meis non indicem dolorem profectionis meæ; defensores redditus dignitate consoler.

X. QUOD si mihi nullum aliud esset officium in omni vita reliquum, nisi ut erga duces ipsos & principes, atque auctores salutis meæ satis gratus judicarer, tamen exiguum reliquæ vitæ tempus non modo ad referendam, verum etiam ad ad commemorandam gratiam mihi relictum pararem. Quando enim ego (32) huic homini ac liberis

---

(32) huic homini id est Lentulo.

ris ejus, quando omnes mei gratiam referent? quæ memoria, quæ vis ingenji, quæ magnitudo observantiæ tot, tantisque beneficiis respondere poterit? qui mihi primus afflicto & jacenti consolarem fidem, dexteramque porrexit: qui me à morte ad vitam, à desperatione ad spem, ab exitio ad salutem revocavit? qui tanto amore in me, studio in Rempubl: fuit, ut excogitaret, quemadmodum calamitatem meam non modo levaret, sed etiam honestaret? Quid enim magnificentius, quid præclarius mihi accidere potuit, quam quod, illo petente, vos decrevistis, ut cuncti ex omni Italia, qui Rempubl: salvam vellent, ad me unum, hominem fractum & prope dissipatum restituendum, & defendendum venirent? ut qua voce à te Romule, post Romam conditam, consul usus esset pro universa Republ: apud eos solum, qui ejus vocem exaudire possent: eadē voce senatus omnibus agris, vicis, atque oppidis cives, totamque Italiam, ad unius salutem defendendam excitaret. Quid ego gloriosius meis posteris potui relinquere, quam hoc senatum judicasse, qui civis me non defendisset, eum Rempubl: salvam noluisse? Itaque tantum vestra auctoritas, tantum eximia consulis dignitas valuit ut omne is flagitium se committere putaret, si quis non veniret. Idemque consul, cum illa incredibilis multitudo Romanam, & pene Italia ipsa venisset, vos frequentissimos in Capitolium convocavit: quo tempore quantam vim naturæ bonitas haberet, aut vera

nobi-

nobilitas, intelligere potuistis. (33) Nam Q. Metellus, & inimicus, & frater inimici, perspecta vestra voluntate omnia privata odia deposuit: quem P. Servilius, vir cum clarissimus, tum vero optimus, mihiq; amicissimus, & auctoritatis & orationis suæ divina quadam gravitate ad sui generis communisque sanguinis facta, virtutesque revocavit, ut haberet in consilio & (34) fratrem ab inferis, socium rerum mearum, & omnes Metellos præstantissimos cives. pene ex Acheronte excitatos: in quibus Numidicum illum, cujus quondam de patria discessus, honestus ipsi, omnibus laudatus tandem visus est. Itaque fuit is non modo salutis defensor, qui ante hoc unum beneficium fuerat inimicus, verum etiam adscriptor dignitatis meæ.

XI. QUO quidem die cum CCCCVIII. senatores essetis, magistratusque omnes adessent, (35) dissentit unus is, qui sua lege conjuratos etiam ab inferis excitandos putarat. Atque illo die quo

Rem-

---

(33) *Nam Q. Metellus &c.* Metellus Consul privato odio prosequabatur Ciceronem, nam fuerat Consobrinus Clodii inimicissimi Ciceroni.

(34) *& fratrem &c.* scilicet Metellam Celerem, qui Consule Cicerone Prætor fuerat, Ciceronique in opprimenda Conjuratone socius exiit, antequam verò Cicerone in exilium ireret, mortuus est.

(35) *dissentit unus is &c. &c.* Clodius Senatus Consultum eo die impedivit, quare in alterum diem severe injunctum fuit, ut & eadem de Ciceronis reditu quam primum referrentur, & ut nemo jam relationes impedire auderet.

Rempubl: meis consiliis conservatam gravissimis  
 verbis & plurimis judicassetis, idem consul cura-  
 vit, ut eadem principibus civitatis in concione  
 postero die dicerentur: cum quidem ipse egit or-  
 natissime causam meam, perfecitque, adstante at-  
 que audiente Italia tota, ut nemo cuiusquam con-  
 ducti aut perditæ vocem acerbam atque inimicam  
 bonis, posset audire. Ad hæc non modo adju-  
 menta salutis, sed etiam ornamenta dignitatis  
 meæ reliqua vos item addidistis: decrevistis,  
 ne quis ulla ratione rem impediret: qui id impe-  
 disse, graviter molesteque laturos illum contra  
 Rempubl: salutemque bonorum, concordiamque  
 civium facturum: & ut ad vos ea statim referen-  
 tur: meque etiam si diutius calumniarentur, redire  
 iussistis. Quid? ut agerentur gratiæ, qui è mu-  
 nicipiis venissent? quid? ut ad illam diem, &  
 cum sedissent, rogarentur, ut pari studio conveni-  
 rent? Quid denique illo die quem P. Lentulus  
 mihi, fratrique meo, liberisque nostris natalem  
 constituit, non modo ad nostram, verum etiam ad  
 sempiterni memoriam temporis? quo die nos co-  
 mitiis centuriatis, quæ maxime maiores iusta di-  
 ci haberique voluerunt, arcessivit in patriam: ut  
 eædem centuriæ, quæ me consulem fecerant, con-  
 sulatum meum comprobarent. Quo die quis  
 civis fuit, qui fas esse putaret, quacunque aut æta-  
 te, aut valetudine esset, non se de salute mea sen-  
 tentiam ferre? quando tantam frequentiam in  
 campo, tantum splendorẽ Italiæ totius, ordinum;

que

que omniū: quando illa dignitate rogatores (36) distributores custodesque vidistis? Itaque P. Lentuli beneficio excellenti, atque divino, non solum reduci sumus in patriam, sicut nonnulli clarissimi viri, sed equis insignibus, curtu aurato reportati.

XII. POSSUM ego satis in Cn. Pompejum unquam gratus videri, qui non solum apud vos, qui omnes idem sentiebatis, sed etiam apud universum populum Romanum salutem Reipublicæ & conservatam per me, & conjunctam esse cum mea dixerit? qui causam meam prudentibus commendavit, imperitos edocuerit, eodemque tempore improbos auctoritate sua compresserit, bonos excitarit? qui populum Romanum pro me, tanquam pro fratre, aut pro parente, non solum hortatus sit, verum etiam obsecravit? qui ipse, cum propter metum dimicationis & sanguinis, domo se teneret, etiam à superioribus tribunis petierit, ut de salute mea & promulgarent, & referrent? qui in colonia nuper constituta, cum ipse gereret magistratum, in qua nemo erat emptus intercessorum (37) vim & crudelitatem privilegii, auctoritate honestissimorum hominum, & publicis literis consignavit, princepsque Italix totius præfidi-

(36) rogatores qui sententiam à quoquam exquirent, constituti sunt viri clarissimi.

(37) vim & crudelitatem &c. intelligendum est, quod Campani legem Clodiam violentam & crudelem dixerint, atque decretum fecerint de Cicerone omnibus modis salvando.

fidium ad nostram salutem implorandum putavit? qui cum ipse mihi semper amicissimus, fuisset, etiam, ut suos necessarios mihi amicos redderet, elaboravit? quibus autem officiis T. Annii beneficia remunerabor? cujus omnis actio, ratio, cogitatio, totus denique tribunatus, nihil aliud fuit, nisi constans, perpetua, fortis, invicta defensio salutis meae? quid de P. Sextio loquar? qui suam erga me benevolentiam & fidem non solum animi dolore, sed etiam corporis vulneribus ostendit?

XIII. VOBIS vero, P. C. singulis & egi & agam gratias, universis egi initio, quantum potui: satis ornate agere nullo modo possum. Et quamquam sunt in me praecipua merita multorum, quae sileri nullo modo possunt, tamen hujus temporis ac timoris mei non est conari commemorare beneficia in me singulorum. Nam difficile est non aliquem, nefas quemquam praeterire. Ego vos universos, patres conscripti, Deorum numero colere debeo. Sed, ut in ipsis Dijs immortalibus non semper eosdem, atque alias alios solemus & venerari & precari. Sic in hominibus de me divinitus meritis omnis erit aetas mihi ad eorum erga me merita praedicanda atque recolenda. Hodierno autem die nominatim a me magistratibus statui gratias esse agendas, & de privatis uni qui pro salute mea municipia coloniasque adisset, populum Romanum: supplex obsecrasset, sententiam dixisset eam, quam vos secuti, mihi dignitatem meam reddidistis, vos me florentem semper ornastis: laborantem mutatione vestis, & prope luctu vestro, quoad

quoad licuit, defendistis. Nōstra memoria senatores ne in suis quidem periculis mutare vestem solebant: in meo periculo senatus veste mutata fuit, quoad licuit per eorum edicta, qui mea pericula non modo suo p̄sidio, sed etiam vestra deprecatione nudarunt. Quibus ego rebus objectis cum mihi privato configendum viderem cum eodem exercitu, quem consul non armis, sed vestra auctoritate superaram: multa mecum ipse reputavi. Dixerat in concione consul se clivi Capitolini p̄nas ab equitibus Romanis repetiturum, nominatim alij compellebantur, alij contabuntur, alij relegabantur: (38) aditus templorum erant non solum p̄sidiis & manu, verum etiam demolitione sublatis. Alter consul, ut me & Rempubl: non modo desererent, sed etiam hostibus Reipubl: proderent, passionibus eos suorum p̄miorum obligarat. Erat alius ad portas cum Imperio in multos annos magnæque exercitu: quem ego inimicum mihi fuisse non dico: tacuisse cum diceretur, esse inimicus, scio. Duæ partes esse in Republicum putarentur: altera me deposcere propter inimicitias, altera timide defendere, propter suspicionem cædis putabatur. Qui autem me deposcere videbantur, in hoc auxerunt dimicationis metum, quod nunquam inficiando, suspicionem hominum curamque minuerunt.

## XIV.

(38) *aditus Templorum &c.* id est gradus templi Castoris (postquam illud templum ingressus fuerit) Clodius demolitus est, ut sic legem per vim ferret, nevé ab Equitibus impediretur.

XIV. QUARE cum viderem Senatum ducibus orbatum, me à magistratibus partim oppugnatum, partim proditum, partim derelictum: servos (39) simulatione collegiorum nominatim esse conscriptos, copias omnes Catilinæ pene iisdem ducibus ad spem cædis & incendiorum esse revocatas: Equites Rom: proscriptionis, municipia vastitatis, omneis cædis metu esse permotos: potui, potui, P. C. multis auctoribus fortissimis viris me vi armisque defendere: nec mihi ille ipse animus idem meus, vobis non incognitus defuit. Sed videbam si vicissem præsentem adversarium, nimirum multos mihi alios esse vincendos. Si vicissem, multis bonis & pro me, & mecum, etiam post me esse pereundum: tribunitique sanguinis ultores esse præsentis, meæ mortis pænas iudicio & posteritati reservari. Nolui, cum consul communem salutem sine ferro defendissem, meam privatus armis defendere: bonosque viros lugere malui meas fortunas, quam suis desperare, ac, si solus essem interfectus, nihil turpe, si cum multis, Reip: funestum fore videbatur. Quod si mihi æternam esse propositam ærumnam arbitrarer, mortem me ipse potius, quam sempiterno dolore multassem. Sed cum viderem, me non diutius, quam ipsam Remp: ex hac urbe abfuturum, neque

---

(39) *simulatione Collegiorum.* id est sub prætextu Collegiorum, seu Centuriarum ex omni Urbis face & servitio homines congregavit Clodius, quibuscum adversus Ciceronem egeret.

neque ego, illa exterminata, mihi remanendum putavi: & illa simul atque revocata est, me secum, pariter reportavit. Mecum leges, mecum quaestiones, mecum jura magistratuum, mecum Senatus auctoritas, mecum libertas, mecum etiam frugum ubertas, mecum deorum & hominum sanctitates omnes, & religiones absuerunt. Quae si semper abessent, magis vestras fortunas lugerem, quam desiderarem meas: si aliquando revocarentur, intelligebam, mihi cum illis una esse redeundum. Cujus mei sensus certissimus testis est hic idem, qui custos capitis fuit Cn. Plancius, qui omnibus provincialibus ornamentis commodisque depositis, totam suam quaesturam in me sustentando & conservando collocavit. Qui si mihi quaestor Imperatori fuisset, in filii loco fuisset. Nunc certe erit in parentis, cum fuerit quaestor non Imperii, sed doloris mei.

XV. QUAPROPTER, patres conscripti, quoniam in Republ: sum pariter cum Republ: restitutus, non modo in ea defendenda nihil minuam de libertate mea pristina, sed etiam adaugebo. Etenim si eam tum defendebam, cum aliquid mihi illa debebat: quid nunc me facere oportet, cum ego illi plurimum debeo? nam quid est quod animum meum frangere, aut debilitare possit, cujus ipsam calamitatem non modo nullius delicti, sed etiam divinorum in Rempubl: beneficiorum testem esse videatis: nam & importata est, quia defenderam civitatem: & mea voluntate suscepta est, ne a me defensa Respubl: per eundem me extremum

mum in discrimen vocaretur. Pro me non, ut pro  
 P. Popillio, nobilissimo homine, adolescentes filii,  
 non propinquorum multitudo populum Roma-  
 num est deprecata, non, ut pro Q. Metelli, tum mo-  
 & clarissimo viro, spectata iam adolescentia filius,  
 non L. & C. Metelli, consulares, non eorum li-  
 beri, non Q. Metellus nepos, qui tum consularum  
 petebat, non Luculli, Servilii Scipiones. Metel-  
 lorum filii, flentes ac sordidari, populo Romano  
 supplicaverunt, sed unus frater, qui in me pietate  
 filius, consiliis parens, amore, ( ut erat ) frater in-  
 ventus est: squalore, & lacrymis, & quotidianis  
 precibus, desiderium mei nominis renovari, & re-  
 rum gestarum memoriam usurpari coegit. Qui  
 cum statuisset, nisi per vos me recuperasset, ean-  
 dem subire fortunam atque idem sibi domicilium  
 & vitæ, & mortis deposceret: nunquam nec ma-  
 gnitudinem negotii, nec solitudinem suam, nec  
 vim inimicorum, ac tela pertimuit. Alter fuit  
 propugnator mearum fortunarum, & defensor assiduus,  
 summa virtute & pietate C. Piso, gener, qui  
 minas inimicorum meorum, qui inimicitias affi-  
 nis mei, propinqui sui, consulis, qui Pontum, &  
 Bithyniam quæstor pro mea salute neglexit.  
 Nihil unquam senatus de P. Popillio decrevit,  
 nunquam in hoc ordine Q. Metelli mentio facta  
 est; Tribunitiis sunt illi rogationibus interfectis  
 inimicis, denique nulla auctoritate senatus, resti-  
 tuti, cum alter eorum senatui paruisset, alter  
 vim cædemque fugisset. Nam C. quidem Ma-  
 rius, qui hac hominum memoria tertius ante

me consularis, tempestate civili expulsus est non modo à senatu non est restitutus: sed reditu suo senatum cunctum pene deleuit. Nulla de illis magistratuum consensio, nulla ad Rempubl: defendendam populi Rom: convocatio, nullus Italiae motus, nulla decreta municipiorum exstiterunt. Quare, cum me vestra auctoritas arcefferit, populus Rom: revocarit, Respubl: implorarit, Italia cuncta pene suis humeris reportarit: non committam P.C. ut cum ea mihi sint restituta, quæ in potestate mea non fuerunt, ea non habeam, quæ ipse præstare possim, præsertim cum illa amissa recuperarim, virtutem & fidem nunquam amiserim.

## SENTENTIÆ

*P*arentes carissimos habere debemus, quod ab jis nobis vita, patrimonium, libertas, Civitas tradita est.

*Bonus civis pro statu Civitatis nullas sibi inimicitias, nullam vim, nullos impetus, nullum vultu discrimen vitandum putet.*

*Non esse debet nostri temporis injurias meminisse; quas nos etiam, si ulcisci possemus, tamen obliuisci mallemus, alio transferenda nostra tota vita est, ut bene de nobis meritis gratia referatur,*



ORATIO XII.

quæ est

PRO T. ANNIO MILONE.

Argumentum Orationis XII. pro Milone.

**P.** Clodius jam inde Ciceronis reductione ab exilio una cum Pompejo, bonisque omnibus & svasor & auctor extiterat: quo Cicero restitueretur, omnem dedit operam, ut Miloni noceret, qui quo anno Consulatum Milo, eodem ipse praturam amebat, mirifice studens Plautio Hypseo & L. Metello Scipioni, Milonis competitoribus, eum adducendo in odium & invidiam populi, eo, quod videret, Milone Consule, satis liberam sibi praturam non fore, ad rempubl: bonosque omnes perdendos. Verum quando id jam se effecturum minime speraret, propterea quod certo cognosceret, Milonem jam designandum Consulem, in illius caput & vitam incubuit. Itaque cum statim die non ignoraret Miloni solenne iter & necessarium, legitimumque esse Lanuvium, quippe qui dictator in suo municipio Junoni flaminem proderet, pridie ipse armatus cum XXX. gladiatoribus profectus Ariciam, in via Appia Bovillas, in suo pradio, substiit, adventum Milonis expectans. Qui cum nunciaretur in via esse, obvius fit ei Clodius in rheda sedenti cum uxore & delicato puerorum ancillarumque comitatu. Oritur utrinque inter servos pugna, cui temere se ingerens Clodius, in cervice graviter vulneratur, semivivus in taberna Bovillis relictus extrahitur & confoditur: Ejus cadaver Romam

Romam delatum, primum in ejus domus vestibulo positum, dein in forum & curiam Sexto Clodio scriba duce inibi crematum est, curiaque incensa conflagravit. Quae res Miloni apud populum, id agentibus Tribunis plebis, magnam invidiam attulit, civitatemque commovit, adeo ut S. C. Cneio Pompejo soli Consuli renuntiato mandatum sit, ut videret, ne quid Respublica detrimenti caperet; Milo cedens populi furori diutiuscule foris mansit. Qui tandem praeter expectationem Romam reversus à petendo Consulatu non destitit. Post multas autem cum factione Clodiana dimicationes, ab Appio Claudio Seniore accusatur insidiarum Milo: Ejus itaque causam defendit hac Oratione Cicero, insidiarum contra notans Clodium, & ideo jure casum.

Genus causae est Judiciale; status vero qualitatis.

Factum enim Cicero non negabat, sed jure casum esse Clodium affirmabat, quoniam quidem Milo insidiis Clodii adpetitus, vim vi repulisset, atque hoc queritur in causa.

Conscripta est haec Oratio Anno V. C. 701. Cicero-  
nis aetatis 55. Stylus ac Oratio talis est, ut Quintilianus pulcherrimam & nobilissimam eam appellet.

Eventus fuit talis: Videbantur non ignorasse Judices inscio Milone initio vulneratum esse Clodium: sed compererant, postquam vulneratus esset, jussu Milonis occisum. Fuerunt, qui crederent, M. Catonis sententia eum esse absolutum: Nam & bene cum Republica actum esse morte Clodii non dissimulaverat, & studebat, in petitione Consulatus Miloni, & reo adfuerat. Sed Milonis quoque audaciam vindicare populo Romano

mano utile visum est. Milo itaque damnatus in exilium Massiliam intra paucissimos dies profectus est. Bona ejus propter alieni aeris magnitudinem vendita sunt.

## DISPOSITIO

## Orationis pro T. Annio Milone.

Partes Orationis sunt. *Exordium, Propositio, Confutatio, Narratio, Confirmatio & Peroratio.*

In Exordio Cap. I. Orator insinuans se benevolentia Judicum, ponit adjuncta Judiciorum, qua licet sint iniustata, ea tamen dicit tum sibi, tum Miloni plus afferre fiducia, quam timoris. Timoris quidem duas esse dicit causas, nempe initium dicendi, & novam formam Judicii praesidio militum cindis; sed hunc timorem sublevat, fiduciaque potius offert causas quinque. *nam a Pompeji sapientia ac justitia, nam a frequenti concursu Civium ad hoc Judicium, nam a Curiae, nam a voluntate Judicum erga bonos & fortes Cives, nam a Milonis fortitudine contra improbos Cives.*

Propositio est duarum partium: *Pars prima Cap. II. Quanquam &c. ( Milo jure occidit Clodium ) stabilitur hac ratione; quia Clodius fuit insidiator Milonis. Pars secunda: ( gloriosum est Miloni ac salutare Republica occidisse Clodium ) huic innititur argumento: quia Clodius fuit sceleratus & perniciosus. Republica Civis. Qua argumenta priusquam amplificentur, praemittitur trium praedictorum.*

Confu-

Confutatio. Atque primum præjudicium ( nefas esse eum vivere, qui hominem à se occisum fateatur ) confutat Cicero Cap. III. & IV. imo exemplis plurimum, ut Horatii, Gracchi, Abala, Asia, Opimii, Marrii atque Orestis, qui omnes quanquam non negarunt se interfectores hominum esse, tamen iudicio Senatus, populi ac Dearum absoluti fuerunt. 2do Legibus, quæ permittunt occidere vim nocte vel die inferentem, prout jure interfectum dicit Clusium Tribunum militarem ab adolescente milite, cui vis inferebatur. 3tia Lege mature, quæ vim vi repellere facit potestatem.

Secundum præjudicium ( Milonem jam esse damnatum iudicio Senatus ) confutatur Cap. V. ex eo, quod Senatus testimonio ipsius Munatii, qui Ciceronem criminabatur, quasi eius voluntate omnia in Senatu decernerentur, probavit causam Milonis non esse contra Rempublicam; quodque Senatus novam quæstionem de cæde haberi voluerit, id solummodo factum est tum propter vim, cui hæc, & à quo illata, manifestanda, tam propter intercessionem Munatii Tribuni.

Tertium præjudicium ( Milonem damnatum esse etiam sententia Pompeji ) improbatur Cap. VI. At enim &c. Consilio ipsius Pompeji, qui quæstionem hanc novam tulit non propter controversiam fuit, sed propter disceptationem juris, quo Milo defendi possit, ree occidisse Clodium. Neque porro Cap. VII. eandem instituit quæstionem propter dignitatem occisi Clodii, quia de clarissimorum etiam cæde virorum, uti fuere Africanus & Drusus, nulla nova quæstio instituebatur. Nec denique ea quæstio instituta est propter locum cædis, quia in eadem via appia ipse Clodium

dium

dus interfecerat Papirium Equitem Romanum; quinimo idem Clodius sicuti Ciceroni insidiatus est, ita & ad Pompejum interficiendum collocaverat servum, nova tamen quaestio de factis illius tam perniciosi non fuerat lata. Hanc consutationem concludit Cicero Cap. VIII. per Ironiam, qua probat Pompejum non tulisse quaestione ob necem Clodii, ast ob firmandam suam virtutem perspecta vel maxime fortitudine & equitate selectorum hac in Causa Judicum, atque potissimum Domitii quaestioni huic adversus populares fautores praepositi.

Narratio demonstrat probabiles Clodii insidias contra Milonem 1mo Cap. IX. à fine, quem sibi Clodius proposuerat vexandam scilicet in Pratura sua Rempubliam, quem finem assequi propter tracta eò annò Comititia, atque Consule Milone, qui certissimus esse videbatur, cum etiam in proximum annum se non posse perspicere, statuit occidere Milonem, quod saepe palam professus est. 2do Cap. X. ab itinere, quod nempe Miloni iter erat legitimum ad prodendum Flaminem, ac quod iter illud ingressus est Milo Rbedà, cum Vxorè, liberis & aliis impeasmentis; Clodius verò in equo cum expedito comitatu, relicta Concione, profectus est ad struendas Miloni insidias. 3tio Cap. eodem à loco pugna Clodianis commodore, ubi cum se Milo acriter defendisset inscio Milone Clodius occisus est Denique Cap. XI. concluditur Narratio repetitione superiorum disjunctio eorum, qua ad statum causa minus pertinent, subiecto etiam levi motu ad Judices. His praemissis fit.

Confirmatio propositionis partis primae ( Milo jure

jure occidit Clodium ) *cujus argumentum est. quia Clodius fuit Infidiator Milonis, & deducitur hoc Enthyemate: Antecedens prop: Clodius multas causas habuit infidiandi Miloni, nullam habuit causam Milo. Consequens prop: ergo Clodius fuit infidiator Milonis.*

*Antecedens propositio probatur Cap. XII ubi exponitur prima infidiandi causa, nempe utilitas, quia Clodius interfecit Milone, Prator facile, & nihil non scelerate, permittentibus Consulibus, contra Rempublicam ageret; hic etiam fit Apostrophe ad Sext: Clodium, quod is librum legum domo Clodii extulerit, quod Cap. XIII Curia incendenda Auctor fuerit, & quod cruentum cadaver Clodii noctu crudeliter expositum reliquerit Cont a vero Cap. eodem: P. Clodii Praturam &c Miloni ab infidiis nulla fuit utilitas, quia Milo vivus Clodius fuisset Consul, & Clodii furores cum gloria fregisset, cujus gloria materies morte Clodii sublata est, atque ideo mors Clodii magis obest, quam prodest Miloni*

*Causa secunda Cap. eodem: At valuit &c Odium scilicet, quod Clodius habuit in Milonem. tanquam defensorem Ciceronis, repressoem scelerum, ac suum accusatorem; Milo autem non potuit odisse Clodium segestem gloriae suae, nisi ut è Republica censuit*

*Causa tertia Cap. XIV. consuetudo Clodii violentia, nam Clodius vi ejecit Ciceronem; Hortensium, & Vibienum pene interfecit; Ciceroni item & Pompejo infidias se uxerat; Papirium necavit Milo vero nullam vim unquam intulit, quavis multas (quas enumerat) habuerit occasiones interficiendi Clodium, ubi etiam*

etiam Cap. XV. dicit Cicero potuisse Clodium à Milone occidi opportuno tempore & loco, ac omnium bonorum voto, quando scilicet Clodius impetum fecit in Pompejum, aut quando ab Antonio pene confectus fuerat, aut quando ab ipso Milone in comitiis fugatus est ad Tiberim. Concluditur denique ap. XVI. Milonem non intulisse vim, aut necem Clodio, atque simul confirmatur, ne scilicet cum peteret Consulatum, offendere plebem vi aliqua videretur.

Causa quarta Cap. e dem. Quid quod caput &c. quam habuit Clodius insidiandi Miloni, fuit impunitas sperata, quia Clodius & judicia & leges contempserat. Milo vero impunitatem non sperabat, qui etiam nunc reus est facti, aut praclarum, quod perniciosum Civem sustulerit, aut nec Sarrum, quod se defendere. Spes hæc impunitatis in Clodio ostenditur per praeteritionem & Apostrophen ad iudices, ex confessione ipsius Clodii, quam confessionem Cicero probat veram esse Cap. XVII. effectu rei, quia ipso tertio die quo praedixerat periturum Milonem, Clodius profectus est ex Urbe sine causa, scivitque Milonem habuisse causam eadem die proficiscendi Lanuvium, Milo autem de reditu Clodii nescivit; nam quod Arrius & Cassinus dicant servum fuisse corruptum à Milone, ut scire posset, hoc falsum esse demonstrat testimonio Comitiis Clodii. Quinimo eorundem testimonia Cicero pro se, ac pro Milone interpretatur Cap. XVIII. quia si Clodius die isto in Albano erat mansurus propter Cyri mortem; igitur Miloni (ubi est parva digressio) reditus Clodii fuit ignotus. Atque ideo dicit esse verius, rediisse Romam Clodium non propter mortem

mortem Cyri, sed ad insidiandum Miloni, quem in via esse audierat. Et hoc Cap. XIX. confirmatur ex festinatione Clodii; è contra Milo absolvitur omni suspitione insidiarum à loco, tempore &c. Ac demum concluditur repetitione argumentorum superius dictorum probabiles esse insidias Clodii, non Milonis. Idque Cap. XX. Cicero exornat mirifice per Hypotyposim & comparisonem ab adjunctis pugna, loci, comitatus, temporis, facultatis &c.

Digressio est ex eo, quod Cicero respondeat ad tres prolepses. Et quidem ad primam ( victus est Clodius ) Cap. XXI. Cur igitur &c respondet: quia Clodius vir effeminatus, quia Milo vir non impiger, quia etiam incerti sunt pugnarum eventus. Ad secundum ( Milo servos manumisit ) Cap. eodem & sequi: quia ab illis defensio, quamquam libertas his servis ( uti dixerat Cato ) non est sufficiens premium; deinde quia id factum est non propter metum, ne videlicet servi in quaestionem darentur, quaestione enim opus non est, ubi est confessio facti. Ad tertiam Cap. XXII, ( sed Quaestiones urgent Milonem ) quia non licet contra dominum quæri de servo, multo magis contra domini inimicum; ac simul quaestiones has refellit Cicero Ironia, complexione & Prosopopeja à persona Appii, ejusque modo quaerendi non legitimo.

Post digressionem redit ad Confirmationem Cap. XXIII. atque ex consequentibus & signis exterioribus ( quæ factum demonstrant ) purgat Milonem, pradicatque fiduciam, quâ Milo venit in urbem, atque conscientia ejus vim munit auctoritate Senatûs. Denique effert fortitudinem Milonis, qua rumores de se

de se sparsos contempfit. Tum ex his rumoribus Cap. XXIV. Laudabam &c. recte digreditur ad tollendas Pompeji suspiciones, quas, conciliando Pompejum Miloni, elevat 1mo à Persona Licinii & malesanorum servorum; 2do à falsitate ejusmodi rumorum de Milone; 3tio Cap. XXV. & sequ: à Consilio ipsius Pompeji, qui milites disposuit, non contra insidias Milonis, ast contra vim adversariorum; 4to à probata fide Milonis erga Rempublicam & animo in Pompejum; 5to Cap. XXVI. Quanquam &c. à prejudicio Pompeji, qui cum potuerit semper animadvertere in Milonem; non contra eum collocavit praesidium in foro, sed contra furores Clodianorum, ut eo praesidio secure ac libere hac in causa iudices, quid sentiunt, judicarent.

Confirmatio propositionis partis secunda (gloriosum est Miloni occidisse Clodium) cujus argumentum continetur hoc Syllogismo: Major prop: Gloriosum est Miloni ac salutare Reipublica virum sceleratum &c. occidere. Minor prop: sed Clodius fuit vir sceleratus ac perniciosus Reipublica Civis. Complexio ergo Miloni gloriosum ac Reipublica salutare est occisum esse Clodium.

Propositio Major amplificatur Cap. XXVII. Prosopopeja Milonis, qui gloriatur se exemplo clarorum virorum occidisse perniciosiorem Civem, quam fuerint Melius, aut Gracchus.

In Prop: Minore recensentur frequenti repetitione supra, violationes legum, injuria Civium, ac alia scelera Clodii. Vbi etiam Cap. XXVIII. per Histotyposim pradicatur patientia populi Romani ex his que

qua nefarie facturus fuerit Clodius, si Prator fuisset.  
 Complexio habet iteratam prosopopajam Milonis,  
 qui dicit mortem Clodii, non tantum sibi esse gloriosam,  
 verum etiam Republicæ salutarem, quam solutem  
 Republicæ, & Milonis gloriam auget comparatione  
 futuri Consulatus ejusdem Milonis (quem omnes fore  
 desiderant) cum Pratura Clodii, quem omnes ne-  
 tuebant. Hunc autem metum atque odium amplifi-  
 cat Cap. XXIX. facta prosopopaja, quod etiam si pos-  
 set, nemo tamen vellet ab inferis Clodium revocare.  
 Hinc judices alloquitur Cicero & Milonem bene spe-  
 rare, ac etiam premia more Græcorum expectare ju-  
 bet. Quæ præmia licet si non obtulerint, facti ut non  
 panitent, Milonem hortatur Cap. XXX. quia fortis  
 viri est, propositis morte, invidiâ, panâ nibilo segni-  
 us Republicam defendere. Hicque vel maxime ef-  
 fert Cicero gloriam Milonis & factum ejus dicit esse  
 divinum, quasi Deorum numine interfectus esset Clo-  
 dius ad summam populi Romani felicitatem; caelestem  
 enim vim esse demonstrat Cap. XXXI. quæ in scelera  
 animadvertit; tum testes hujus rei (quia occisus est  
 Clodius) appellat tumulos Montis Albani, ubi lucas  
 exciderat, sacras aras Deorum, quas violaverat &c.  
 Atque vim illam Divinam confirmat Cap. XXXII.  
 à consequentibus, quod negatus fuerit Clodio post mor-  
 tem honor sepultura; confirmat etiam ex misera eò  
 annò fortuna populo Romano futura, si Deorum Con-  
 silio non interficeretur Clodius, quem (ut dicitur Cap.  
 XXXIII.) nec consules (prater Milonem) coerce-  
 rent, nisi Diis placeret eum interficiendum; tum potissi-  
 mum confirmat comparatione hac, quod si mortuus in-  
 cende-

cenderit Curiam, quid faceret, si Prator esset, vivus ?  
 In Peroratione Cap. XXXIV. deprecatur imprimis Cicero iudices, ut forti viro Miloni misericordiam praestent, cui deprecationi subjicit comparationem gladiatorum, quorum timidi odio haberi, sortes servari solent. Deinde per prosopopejam dicit: Milonem nunquam speravisse ingratham fore Rempublicam meritorum erga se atque laborum, quos Milo susceperat, imo eandem Rempublicam probat esse gratam Miloni, cui licet non mercedem, quam ipse nullam sibi proposuerat, in interficiendo Clodio, sed tamen laudem atque gloriam pollicetur immortalem. Tum denique altera prosopopeja Cap. XXXVI. Cicero testatur amorem suum Miloni ex dolore maximo, quem habiturus est, si per eos iudices, quos semper habuit amicissimos, fortis vir Milo à se divellatur; quanquam interea dicit se habiturum solamen ex eo, quod omnia pro Milone egerit, pro quo etiam mortem ipsam subire paratum se declarat. Cap. XXXVII. rursus Orator commendata Milonis fortitudine ( qui nec lachrymis Ciceronis movetur ) obtestatur Milites, atque iudices appellat, ut tam fortem virum servent in Patria. Tum ceinde exclamat, dolet, dubitatque, quid responsurus sit liberis, ac fratri suo, si Milonem, per quem revocatus est in Patriam, in Patria retinere non possit, hunc dolorem suum exaggerat Cicero, dicendo acerbiorum esse nunc suum reditum in Patriam, quam fuerit discessus; optatque Cap. XXXVIII. ut Clodius potius vivat Prator, Consul, Dictator, ac iterum redit ad fortitudinem Milonis, Et illum in Patria conservandum exclamat. postremo lachrymis, ut juste decernant, iudices orat.

ORA-

O R A T I O.  
P R O T. A N N I O M I L O N E.

I. **E**TSI vereor, iudices, ne turpe sit, pro fortissimo viro dicere incipientem, timere, minimeque deceat, cum T. Annio Milo ipse magis de Reipubl: salute, quam de sua perturbetur, me ad eius causam parem animi magnitudinem afferre non posse, tamen hæc (1) novi iudicii forma terret oculos: qui quocunque inciderint, veterem consuetudinem fori, & pristinum morem iudiciorum requirunt. Non enim corona confessus vester cinctus est, ut solebat, non usitata frequentia stipati sumus. Nam illa præsidia, quæ pro templis omnibus cernitis, etsi contra vim collocata sunt, non afferunt tamen oratori aliquid, ut in foro, & in iudicio, quamquam præsidii salutaribus & necessariis septi sumus, tamen ne non timere quidem sine aliquo timore possimus. Quæ si opposita Miloni putarem: cederem tempori, iudices, nec inter tantam vim armorum existimarem oratori locum esse. Sed me recreat & reficit Cn. (2) Pompeji, sapientissimi & iustissimi viri, consilium: qui

(1) hæc novi iudicii forma &c. novam formam iudiciorum dicit, quod secreta plebis multitudine, atque circumstantibus armatis, eadem iudicia peragantur.

(2) Cn. Pompeji &c. dicit Pompejum Consulem sic disposuisse propter maiorem securitatem iudiciorum, ut tumultus, si qui essent, milites arcerent.

qui profecto nec iustitiæ suæ putaret esse, quem reum sententiis iudicum tradidisset, eundem telis militum dedere: nec sapientiæ, temeritatem civitatæ multitudinis auctoritate publicâ armare.

Quamobrem illa arma, centuriones, cohortes, non periculum nobis, sed præsidium denunciant, neque solum, ut quieto, sed etiam ut magno animo simus, hortantur: neque auxilium modo defensionis, verum etiam silentium pollicentur. Reliqua vero multitudo, quæ quidem est civium, tota nostra est: neque eorum quisquam, quos undique intuentes ex hoc ipso loco cernitis, unde aliqua pars fori aspici potest, & huius exitum iudicii expectantes, non, cum virtuti Milonis favet, tum de se, de liberis suis, de patria, de fortunis hodierno die decertari putat.

II. UNUM (3) genus est adversum infestumque nobis eorum, quos P. Clodji furor rapinis, & incendiis, & omnibus exitiis publicis pavit; qui hæc æterna etiam concione incitati sunt, ut vobis voce

(4) præirent, quid iudicaretis, quorum clamor si quis forte fuerit, admonere vos debet, ut eum civem retineatis, qui semper genus illud hominum, clamoresque maximos pro vestra salute neglexit.

Quamobrem adeste animis iudices, & timorem, si quem habetis, deponite. Nam si unquam

(3) unum genus &c. nempe Clodianæ partis clamores, quos Cicero sibi maximè timendos existimat.

(4) voce præirent &c. hoc est, quasi ante iudicium sententiam mortis in Milonem suis clamoribus ferrent.

quam de bonis & fortibus viris, si unquam de bene meritis civibus potestas vobis judicandi fuit: si denique unquam locus amplissimorum ordinum delectis viris datus est, ubi sua studia erga fortes & bonos cives, quæ vultu & verbis sæpe significassent, re & sententiis declararent: hoc profecto tempore eam potestatem omnem vos habetis, ut statuatis utrum nos, qui semper vestræ auctoritati dediti fuimus, semper miseri lugeamus, an diu vexati à perditissimis civibus, aliquando per vos, ac vestram fidem, virtutem, sapientiamque recreemur. / Quid enim nobis duobus, iudices, laboriosius? quid magis sollicitum, magis exercitum dici aut fingi potest? qui spe amplissimorum præmiorum ad Remp. adducti, metu crudelissimorum suppliciorum carere non possumus? Equidem cæteras (5) tempestates & procellas in illis duntaxat fluctibus concionum semper putavi Miloni esse subeundas, quod semper pro bonis contra improbos senserat, in iudicio vero, & in eo consilio, in quo ex cunctis ordinibus amplissimi viri iudicarent, nunquam existimavi ipse ullam esse habituros Milonis inimicos ad ejus non salutem modo extingvendam, sed etiam gloriam per tales viros infringendam. / Quamquam in hac causa, iudices

(5) Equidem cæteras tempestates &c. id est, quia in Comitibus, quæ propter maximas dissensiones, suum non sortiebantur effectum, & Consules eligi non poterant. Milo plurimas asperitates passus est ab improbis adversariis suis, qui in Concionibus seu comitiis illis frequentes aderant.

dices, T. Annij tribunatus, rebusque omnibus pro salute Reip: gestis, ad hujus criminis defensionem non abutemur, nisi oculis videritis insidias Miloni à Clodio factas; nec deprecaturi sumus, ut crimen hoc nobis multa propter præclara in Rem publ: merita condonetis: nec postulaturi, ut, si mors P. Clodii salus vestra fuerit, idcirco eam virtuti Milonis potius, quam populi Rom: felicitati assignetis. Sed si illius insidiæ clariore hae luce fuerint, tum denique obsecrabo obtestabor. que vos, iudices, si cætera amisimus, hoc saltem nobis ut relinquatur, ab inimicorum audacia telisque vitam ut impune liceat defendere.

III. SED, antequam ad eam orationem venio, 7  
 quæ est propria nostræ quæstionis, videntur ea esse refutanda, quæ & in senatu ab inimicis sæpe jactata sunt: & in concione ab improbis, & paulo ante ab accusatoribus: ut omni terrore sublato, rem plane, quæ venit in iudicium, videre possitis. Negant intueri lucem esse fas ei, qui à se hominem occisum esse fateatur. In qua tandem urbe hoc homines stultissimi disputant? nempe in ea quæ primum iudicium de capite vidit M. Horatii fortissimi viri: qui nondum libera (6) civitate, tamen populi Rom: Comitibus liberatus est, cum sua manu sororem interfecit esse fateretur. / An est quisquam, qui hoc ignoret, cum de homine occiso quærat, aut negari solere omnino esse factum

T

tum

(6) qui nondum liber à Civitate: tum, scilicet, cum ad huc urbem Romam Reges habuere.

Æum, aut recte ac jure factum esse defendi? Nisi  
 vero existimatis, deo entem P. Africanum fuisse,  
 qui cum à Carbone, tribuno plebis, in concione  
 seditiose interrogaretur, quid de Ti. Gracchi  
 morte sentiret? respondit, jure cæsum videri. Ne-  
 que enim posset aut Ahala ille Servilius, aut P.  
 Nasica, aut L. Opimius, aut C. Marius, aut me  
 consule senatus non nefarius haberi, si sceleratos  
 cives interfici nefas esset. Itaque hoc iudices, non  
 sine causa etiam fidei fabulis doctissimi homines  
 memoriæ prodiderunt, eum, qui patris ulciscendi  
 causâ matrem necavisset, variatis hominum sen-  
 tentiis, non solum humana, sed etiam divi (7)  
 deæ sapientissimæ sententiâ liberatum. Quod si  
 duodecim tabulæ nocturnum furem quoquo mo-  
 do: diurnum autem, si se telo defenderit, interfi-  
 ci impune voluerunt, quis est, qui, quoquo modo  
 quis interfectus sit, puniendum putet, cum videat  
 aliquando gladium nobis ad occidendum homi-  
 nem ab ipsis porrigi legibus?

IV. ATQUI si tempus est ullum jure hominis  
 necandi, quæ multa sunt certe, illud est non mo-  
 do justum, verum etiam necessarium, cum vi vis  
 illata defenditur. Pudicitiam cum eriperet, mili-  
 ti tribunus militaris in exercitu C. Marii, pro-  
 pinquus eius Imperatoris, interfectus ab eo est,  
 cui vim afferebat. Facere enim probus adole-  
 scens periculose, quam perpeti turpiter maluit,  
 atque

(7) Deæ sapientissima Palladis, nimirum, sententiâ Ore-  
 fices, qui Matrem necaverat (uti videre est apud Pœtâs)  
 absolutus fuit.

atque hunc ille vir summus scelere solutum periculo liberavit. Infidatori vero, & latroni, quæ potest afferri injusta lex? Quid comitatus nostri, quid gladii volunt? quos habere cerre non liceret, si uti illis nullo pacto liceret. Est igitur hæc, judices, non scripta, sed nata lex: quam non didicimus, accepimus, legimus: verum ex natura ipsa arripimus, hausimus, expressimus: ad quam non docti, sed facti, non instituti, sed imbuti sumus: ut, si vita nostra in aliquas insidias, si in vim, si in tela aut latronum, aut inimicorum incidisset: omnis honesta ratio esset expediendæ salutis. (8) Silent enim leges inter arma, nec se expectari jubent, cum ei, qui expectare velit, ante injusta pænna luenda sit, quam justa repetenda. Et si perspicenter, & quodammodo tacite, dat ipsa lex potestatem defendendi: quæ non modo hominem occidi, sed esse cum telo hominis occidendi causa vetat: ut cum causa, non telum quæreretur, qui sui defendendi causa telo esset usus, non hominis occidendi causa habuisse telum judicaretur. Quapropter hoc maneat in causa, judices. Non enim dubito, quin probaturus sim vobis defensionem meam, si id meminertis, quod oblivisci non potestis, infidiatorem jure interfici posse.

V. SE.

T:

(8) *Silent enim leges &c. &c.* id est, ob defensionem sui non vetant leges occidere, præsertim cum accidere possit, ut injuste aliquis occidatur prius, quam occisor trahatur ad iudicium ac pœnam.

12 V/ SEQUITUR illud, quod à Milonis inimicis sæpissime dicitur, *Cædem, in qua P. Clodius occisus est, senatum judicasse, contra Remp: esse factam.* Illam vero senatus non sententiis suis solum, sed etiam studiis comprobavit. Quoties enim est illa causa à nobis acta in senatu? quibus adfensionibus universi ordinis? quam nec tacitis, nec occultis? quando enim frequentissimo senatu quatuor, ad summum quinque sunt inventi, qui Milonis causam non probarent? declarant hujus (9) ambusti tribuni plebis illæ intermortuæ conciones, quibus quotidie meam potentiam invidiose criminabatur, cum diceret, senatum non quod sentiret, sed quod ego vellem, decernere. Quæ quidem, si potentia est appellanda potius, quam propter magna in Remp: merita, mediocris in bonis causis auctoritas, aut propter officiosos labores meos, nonnulla apud bonos gratia, appelleretur ita sane, dummodo ea nos utamur pro salute bonorum contra amentiam perditorum. / Hanc (10) vero quæstionem, etsi non est iniqua, nunquam tamen senatus constituendam putavit. Erant enim leges, erant quæstiones vel de cæde, vel de vi: nec

(9) *hujus ambusti &c.* id est, Munatti Planci Tribuni plebis, qui, ut plebem contra Milonem concitaret, corpus Clodii cremari iussit, cum autem flamma Curiam etiam arriperet, è Concione fugatus est, idcirco dicitur: Ambusti Tribuni plebis.

(10) *hanc vero quæstionem &c.* de cæde nempe Clodii intermittendam quæstionem censuit senatus, nisi esset intercessor Tribunus plebis Munatius.

nec tantum mœrorem ac luctum senatui mors P. Clodii adferebat, ut nova quæstio constitueretur. Cujus (11) enim, senatui, de illo incesto stupro judicium decernendi potestas esset erepta, de ejus interitu quis potest credere senatum judicium novum constituendum putasse? Cur igitur incendium curiæ, oppugnationem ædium M. Lepidi, cædem hanc ipsam, contra Rempubl: senatus factam esse decrevit? quia nulla vis unquam est in libera civitate suscepra inter cives non contra Rempubl:. / Non enim est illa defensio contra vim unquam optanda, sed nonnunquam est necessaria. Nisi vero aut ille dies, in quo Tib: Gracchus est cæsus, aut ille, quo Cajus, aut quo arma Saturnini oppressa sunt, etiamsi (12) e Republica, Rempubl: tamen non vulnerarunt.

VI. JTAQUE ego ipse decrevi, cum cædem in Appia factam esse constaret, non eum, qui se defendisset contra Rempubl: fecisse; sed cum inesset in re vis & insidiæ, crimen iudicio reservavi, rem notavi. Quod si per furiosum illum tribunum senatui, quod sentiebat, perficere licuisset: novam quæstionem nunc nullam haberemus. Decernebat enim, ut veteribus legibus tantummodo extra ordi-

(11) *Cujus enim &c.* à Clodianis dicit Cicero ereptam esse potestatem senatui judicandi de incesto stupro Clodii, ac proinde asserit senatum noluisse de interitu ejus judicium constituere.

(12) *etiamsi à Republica* Gracchus, Cajus & alii approbantè Republica juste interfecti esse dicuntur.

(13) ordinem quæreretur. Divisa (14) sententia  
 est postulante nescio (15) (quo nihil enim necesse  
 est omnium flagitia proferre) se reliqua auctori-  
 15<sup>r</sup> tas senatus, emta intercessione, sublata est. / At  
 enim Cn. Pompejus rogatione sua & de re & de  
 causa judicavit: tulit enim de cæde, quæ in Appia  
 via facta esset, in qua P. Clodius occisus fuit. Quid  
 ego tulit? nempe ut quæreretur. Quid porro  
 quærendum est? factumne sit? at constar; à quo?  
 at patet. Vidit etiam in confessione facti, juris  
 (16) tamen defensionem suscipi posse. Quod nisi  
 vidisset, posse absolvi eum, qui fateretur, cum vi-  
 deret nos fateri: neque quæri unquam iussisset,  
 nec vobis tam salutarem (17) hanc in iudicando  
 literam, quam illam tristem dedisset. Mihi vero  
 Cn. Pompejus non modo nihil gravius contra Mi-  
 lonem iudicasse, sed etiam statuisse videtur, quid  
 16<sup>r</sup> vos in iudicando spectare oporteret. ~~X~~ Nam qui  
 non

(13) *extra orationem. &c.* ut scilicet aliqui tantum suas  
 dicerent sententias.

(14) *divisa sententia est,* id est, alii in senatu quæri  
 voluerunt, alii quætionem impediebant.

(15) *postulante nescio quo &c.* id est, instante quo-  
 dam Tribuno plebis corrupto, senatus inductus est in id,  
 ut suo ordine quætionem fierent in causa Milonis.

(16) *juris tamen defensionem &c.* quod licet verum  
 esset a Milone occisum esse Clodium, id tamen jure fa-  
 ctum defendi posse.

(17) *salutarem hanc in iudicando literam &c.* mos fue-  
 rat Romanis in decreto absolutionis scribere literam A.  
 quæ est salutaris, in Decreto condemnationis literam C.  
 quæ est tristes.

non pœnam confessioni sed defensionem dedit, is causam interitus quærendam non interitum putavit. / Iam (18) illud dicet ipse profecto, quod sua sponte fecit, P. ne Clodio tribuendum putet, an tempori.

VII. DOMI suæ nobilissimus vir, senatus propugnator, atque, illis quidem temporibus, pœne patronus, avunculus huius nostri iudicis, fortissimi viri, M. Catonis, tribunus plebis M. Druſus occisus est. Nihil de ejus morte populus consultus, nulla quæstio decreta à senatu est. Quantum luctum in hac urbe fuisse à nostris patribus accepimus, cum P. Africano domi suæ quiescenti illa nocturna vis esset illata? quis tum non gemit: quis non arsit dolore? quem immortalem, si fieri posset, omnes esse cuperent, ejusne (19) necessariam quidem expectatâ esse mortem? Num igitur ulla quæstio de Africani morte lata est? Certe nulla. Quid ita? Quia non alio facinore clari homines, alio obscuro necantur. Inter sit inter vitæ dignitatem summorum atque infirmorum, mors quidem illata per scelus iisdem & pœnis teneatur, & legibus. Nisi forte magis erit parricida, si quis consularem patrem quem si quis humilem necaverit: aut eo mors atrocior erit P. Clodii

(18) *jam illud &c.* nempe quod Pompejus milites disposuerit, non ut Miloni terror incuteretur, sed quia tempora seditionum id exigere videntur.

(19) *ne necessariam &c.* quia nullum periculum ab Africano timendum erat.

Clodii, quod is in (20) monumentis majorum suorum sit interfectus. Hoc enim sæpe ab istis dicitur? perinde quasi Appius ille cæcus viam munierit, non qua populus uteretur, sed ubi impune sui posteri latrocinarentur. Itaque in eadem ista Appia via cum ornatissimum equitem Rom: P. Clodius M. Papirium occidisset, non fuit illud facinus puniendum. Homo enim nobilis in suis monumentis equitem Rom: occiderat. Nunc ejusdem Appiæ nomen quantas tragædias excitat? quæ cruentata antea cæde honesti atque innocentis viri flebatur, eadem nunc crebro usurpatur, posteaquam latronis & parricidæ sanguine imbuta est. Sed quid ego illa commemoro? Comprehensus est in templo Castoris servus P. Clodii, quem ille ad C. Pompejum interficiendum collocarat. Extorta est consentientia de manibus. Caruit foro postea Pompejus, caruit senatus, caruit publico, janua se ac parietibus, non jure legum judiciorumque texit. Num quæ rogatio lata? num quæ nova quæstio decreta est? Atque, si res, si vir, si tempus ullum dignum fuit, certe hæc in illa causa summa omnia fuerunt. Infidiator erat in foro collocatus, atque in vestibulo ipso senatus, ei viro autem mors parabatur cuius in vita nitebatur salus civitatis: eo porro Reipubl. tempore, quo si unus ille occidisset, non hæc solum civitas, sed gentes omnes concidissent; nisi forte, quia perfecta res non est, non fuit punienda:

perin-

(20) in monumentis &c id est, in via Appii, quam straverat Appius, ab avus istius Clodii a Milone occisi.

perinde quasi exitus rerum, non hominum consilia legibus vindicentur. Minus dolendum fuit re non perfecta, sed puniendum certe nihilominus. *Quoties* 20  
 ipse iudices, ex P. Clodii telis & ex cruentis ejus manibus effugi? ex quibus si me non mea, vel Reipubl: fortuna servasset, quis tandem de interitu meo quæstionem tulisset?

VIII. SED stulti sumus, qui Drusum, qui Africanum, Pompejum, nosmetipsos cum P. Clodio conferre audeamus. Tolerabilia fuerunt illa; P. Clodii mortem æquo animo nemo ferre potest. Luget senatus: moeret equester ordo: tota civitas confecta senio est; squalent municipia, afflictantur coloniz: agri denique ipsi tam beneficium, tam salutarem, tam mansuetum civem desiderant? 21  
 Non fuit ea profecto causa, iudices, non fuit, cur sibi censeret Pompejus quæstionem ferendam: sed homo sapiens, & alta quadam mente præditus, multa vidit, fuisse sibi (21) illum inimicum, familiarem Milonem. In communi omnium lætitia si etiam ipse gauderet: timuit, ne (22) videretur infirmior fides reconciliatæ gratiæ. Multa etiam alia vidit, sed illud maxime: quamvis (23) atrociter ipse tulisset, vos tamen fortiter judicatu-  
 Itaque delegit è florentissimis ordinibus ipsa lumina

(21) illum inimicum, hoc est Clodium.

(22) ne videretur &c. quia Pompejus cum gente Clodiorum, prius sibi inimica, iniverat amicitiam, quam ut fidam ac stabilem esse probaret, iudicium instituit.

(23) atrociter, quod nempe milites adhibuerit.

mina, neque vero, quod nonnulli distant secrevit in iudicibus legendis amicos meos. Neque enim hoc cogitavit vir iustissimus, neque in bonis viris legendis id (24) adsequi potuisset, etiam si cupidisset. Non enim mea gratia familiaritatibus continetur, quæ late patere non possunt, propterea quod consuetudines victus non possunt esse cum multis, sed, si quid possumus, ex eo possumus, quod Respublica nos conjunxit cum bonis: ex quibus ille cum optimos viros legeret, idque maxime ad fidem suam pertinere arbitraretur, non potuit legere non studiosos mei. Quod vero te, L. Domitii, huic quæstioni præesse maxime voluit, nihil quæsit aliud, nisi iustitiam, gravitatem, humanitatem, fidem. Tulit (25) ut consularem necesse esset: credo, quod principum munus esse ducebat resistere & levitati multitudinis, & perditorum temeritati. Et consularibus (26) te creavit potissimum. Dederas enim, quam contemneres populares insanias, jam ab adolescentia documenta maxima.

IX. QUAMOBREM, iudices, ut aliquando ad causam crimenque veniamus: si neque omnis confessio facti est inusitata: neque de causa quidquam nostra

(24) *id adsequi &c.*, ut scilicet amicos meos prætermitteret bonos deligendo.

(25) *Tulit ut Consularem &c.* id est, disposuit milites, quemadmodam facere oportuit Consulem.

(26) *te creavit* dicitur ad Domitium, quem Pompejus præprium iudicem in hac causa constituit.

nostra aliter, ac nos vellemus, à senatu iudicatum est: & lator ipse legis, cum esset controversa nulla facti, juris tamen disceprationem esse voluit; electi iudices, & isti præpositus quæstioni qui hæc iuste, sapienterque disceptet: reliquum est, iudices, ut nihil iam aliud quærere debeatis: nisi, uter utri insidias fecerit: quod quo facilius argumentis perspicere possitis, rem gestam vobis dum breviter expono, quæso diligenter attendite. P. Clodius cum statuisset omni scelere in prætura vexare Rempubl: videretque ita tracta esse comitia anno superiore, ut non multos menses præturam gerere posset: qui non honoris gradum spectaret, ut cæteri, sed & L. Paulum collegam (27) effugere vellet, singulari virtute civem, & annum integrum ad dilacerandam Rempubl: quæreret; subito reliquit annum suum, seque in annum proximum transtulit, non religione aliqua, sed ut haberet, quod ipse dicebat, ad præturam gerendam, hoc est, ad evertendam Rempubl: plenum annum atque integrum. Occurrebat mancama ac debilem præturam suam futuram, consule Milone, eum porro summo consensu populi Rom: consulem fieri videbat. Contulit se ad eius competitores, sed ita, totam ut petitionem ipse solus, etiam invitis illis gubernaret: tota ut comitia suis, ut dictabat, humeris sustineret. Convocabat tribus se interponebat coloniam novam

(27) Collegam effugere, noluit Clodius in prætura Paulum Collegam habere.

vam, delectum perditissimorum conscribent civi-  
um. Quanto ille plura miscebat, tanto hic ma-  
gis indies convalescebat. Ubi vidit homo ad  
omne facinus paratissimus, fortissimum virum  
inimicissimum suum, certissimum consulem, idque  
intellexit non solum sermonibus, sed etiam suf-  
fragiis populi Rom: sæpe esse declaratum: palam  
agere cepit, & aperte dicere, occidendam Milo-  
nem. Servos agrestes & barbaros, quibus silvas  
publicas depopulatus erat, Etruriamque vexa-  
rat, ex Apennino deduxerat, quos videbatis, res  
erat minime obscura. Etenim palam dicitabat,  
consulatum Miloni eripi non posse: vitam posse.  
Significavit hoc sæpe in senatu: dixit in concione  
quin etiam Favonio, fortissimo viro, quærenti ex  
eo, qua spe fureret Milone vivo, respondit; triduo  
illum, ad summum quadriduo periturum: quam  
vocem ejus ad hunc M. Catonem statim Favo-  
nius detulit.

27 X. INTERIM cum sciret Clodius ( neq; enim  
erat difficile scire ) iter solenne, legitimum, neces-  
sarium, ante diem XIII. Kalendas Februar: Milo-  
ni esse Lanuvium ad (28) flaminem prodendum,  
quod erat dictator Lanuvii Milo à Rom: subito  
ipse profectus pridie est, ut ante suum fundum  
(quod re intellectum est) Miloni insidias colloca-  
ret atque ita profectus est, ut concionem turbu-  
lentam, in qua ejus furor desideratus est, quæ illo  
ipso

---

(28) *Flamen prodendum*, ut scilicet Sacerdotem ali-  
quem Iunoni sospiti, cujus Templum erat Lanuvii, Mi-  
lo nominaret.

ipso die habita est, relinqueret: quam, nisi obire  
 facinoris locum tempusque voluisset, nunquam  
 reliquisset. | Milo autem cum in senatu fuisset eo  
 die, quoad senatus dimissus est, domum venit, cal-  
 ceos & vestimenta mutavit: paulisper, dum se  
 uxor ( ut fit ) comparat, commoratus est: deinde  
 profectus est id temporis, cum jam Clodius, si-  
 quidem eo die Romam venturus erat, redire po-  
 tuisset. Obviam fit ei Clodius expeditus in equo,  
 nulla rheda, nullis impedimentis, nullis Græcis  
 comitibus ut solebat; sine uxore: quod nunquam  
 fere; cum hic insidiator, qui iter illud ad eadem  
 faciendam apparasset, cum uxore veheretur in rhe-  
 da, pænulatus, vulgi magno impedimento, ac mu-  
 liebri & delicato, ancillarum puerorumque comi-  
 tatu. ¶ Fit obviam Clodio ante fundum ejus, ho-  
 ta fere undecima, aut non multo secus; statim com-  
 plures cum telis in hunc faciunt de loco superio-  
 re impetum, adversi rhedarium occidunt. Cum  
 autem hic de rheda, rejecta pænula, defiluisset, se-  
 que acri animo defenderet: illi, qui erant cum  
 Clodio, gladiis eductis, partim recurrere ad rhe-  
 dam, ut à tergo Milonem adorirentur: partim,  
 quod hunc jam interfectum putarent, cedere in-  
 ciunt ejus servos, qui post erant: ex quibus, qui  
 animo fideli in dominum erant, & præsentis fue-  
 runt, partim occisi sunt, partim, cum ad rhedam  
 pugnari viderent, & domino succurrere prohibe-  
 rentur, Milonemque occisum etiam ex ipso Clo-  
 dio audirent, & ita esse putarent, fecerunt id ser-  
 vi Milonis ( dicam enim non derivandi criminis  
 causa

causa, sed ut factum est) neque imperante, neque  
 sciente, neque praesente domino, quod suos quis-  
 que servos in tali re facere voluisset.

30 + XI. HÆC sicut exposui ira gesta sunt, iudices:  
 insidiator superatus vi visâ vis, vel potius op-  
 pressa virtute audacia est. Nihil dico, quid Res-  
 publ. consecuta sit, nihil, quid vos, nihil, quid  
 omnes boni: nihil sane id profit Miloni, qui hoc  
 fato natus est, ut ne se quidem servare potuerit,  
 quin una Rempublicam vosque servaret. Si id  
 jure non posset, nihil habeo, quod defendam: sin  
 hoc & ratio doctis, & necessitas barbaris, & mos  
 gentibus, & feris natura ipsa praescipit, ut omnem  
 semper vim; quacunq; ope possent, à corpore, à  
 capite, à vita sua propulsarent; non potestis hoc  
 facinus improbum judicare, quin simul judicetis  
 omnibus, qui in latrones inciderint, aut illorum  
 31 telis, aut vestris sententiis esse pereundum. Quod  
 si ita putasset: certe optabilius Miloni fuit dare  
 jugulum P. Clodio, non semel ab illo, neque tum  
 primum petittum, quam jugulari à vobis, quia se  
 illi non jugulandum tradidisset. Sin hoc nemo  
 vestrum ita sentit, illud jam in iudicium venit:  
 non occisusne sit, quod fatemur: sed jure, an iniu-  
 ria: quod multis antea in causis jam quaesitum est.  
 Infidias factas esse constat, & id est, quod senatus  
 contra Rempubl. factum judicavit: ab utro factas  
 sint, incertum est, de hoc igitur latum est, ut quære-  
 retur. Ita & senatus rem, non hominem notavit  
 & Pompejus de jure, non de facto, quaestionem  
 tulit. Num quid igitur aliud in iudicium venit,  
 nisi

nisi uter utris; ut ne sit impune, si ille huic, tum nos scelere solvamus.

XII. QUONAM igitur pacto probari potest, infidias Miloni fecisse Clodium? satis quidem in illa tam audaci, tam nefaria bellua docere, magnam ei causam, magnam spem in Milonis morte propositam, magnas utilitates fuisse. Itaque illud Cassianum *Cui bono fuerit*, in his personis valeat, & si boni nullo emolumento impellantur in fraudem, improbi sæpe parvo. Atqui Milone interfecto Clodius hoc assequebatur, non modo ut prætor esset non eo consule, quo sceleris nihil facere posset: sed etiam ut his consulibus prætor esset, quibus, si non adjuvantibus, at conniventibus certe, sperasset se posse Rempubl: eludere in illis suis cogitatis furoribus, cuius illi conatus, ut ipse ratiocinabatur nec, si reprimere possent, cuperent, cum tantum beneficium ei se debere arbitrantur: & si vellent, fortasse vix possent frangere hominis sceleratissimi corroboratam jam vetustate audaciam. **X**An vero iudices, vos soli ignoratis, vos hospites in hac urbe versamini? vestra peregrinantur aures, neque in hoc pervagato civitatis sermone versantur quas ille leges ( si leges nominandæ sunt, ac non faces urbis, & pestes Reipubl: ) fuerit impositurus nobis omnibus, atque inustus? Exhibe, quæso, Sexte Clodi, exhibe (29) *librarium* illud legum vestrarum, quod  
te

(29) *librarium* id est, Cistam, aut thecam, in qua leges reconditæ servabantur.

34 te ajunt eripuisse e domo, & ex mediis armis turbaque nocturna, tanquam (30) Palladium sustulisse, ut præclarum inde munus ac instrumentum tribunatus, ad aliquem si nactus esses, qui tuo arbitrio tribunatum gereret, deferre posses. / Et (31) adspexit me illis quidem oculis, quibus tum solebat, cum omnia omnibus minabatur. (32) Mover me quippe lumen curiæ.

35 XIII. QUID? tu me iratum, Sexte, putas tibi, cujus tu inimicissimum multo (33) crudelius etiam punitus es, quam erat humanitatis meæ postulare. Tu P. Clodii cruentum cadaver ejecisti domo: tu in publicum ejecisti: tu spoliatum imaginibus, exequiis, pompa, laudatione, infelicissimis lignis semiofstulatum nocturnis canibus dilaniandum reliquisti. Quam rem etsi necessario fecisti, tamen, quoniam in meo inimico crudelitatem exprompsisti tuam, laudare non possum, irasci certe non debeo. P. Clodii præturam non sine maximo rerum novarum metu proponi, & solutam fore videbatis, nisi esset is consul, qui eam auderet, possitque constringere. Eum Milonem esse cum

(30) *Palladium*, quasi rem sacrosanctam ac Diis dicatam.

(31) *Et adspexit*, nempe cum de iniquis legibus diceret Cicero, torvis eum oculis aspexit Sex: Clodius.

(32) *Mover me &c.* per Ironiam dicit se Cicero terereri auctoritate Clodii.

(33) *multo crudelius &c.* quod cremaverit Corpus Clodii.

cum sentiret universus populus Rom: quis dubitaret suffragio suo, se metu, periculo Rempublicam liberare? at non P. Clodio remoto usitatis jam rebus entendum est Miloni, ut tueatur dignitatem suam. Singularis illa huic uni concessa gloria, quæ quotidie augebatur frangendis furoribus Clodianis, jam morte Clodii cecidit. Vos adepti estis, ne quem civem metueretis: hic exercitationem virtutis, suffragationem consulatus, fontem perennem gloriæ suæ perdidit. Itaque Milonis consulatus, qui, vivo Clodio, labefactari non poterat, mortuo denique tentari caprus est. Non modo igitur nihil prodest, sed obest etiam P. Clodii mors Miloni. 36 At valuit odium, fecit iratus, fecit inimicus, fuit ultor injuriæ, punitor doloris sui. Quid, si hæc, non dico maiora fuerunt in Clodio, quam in Milone? sed in illo maxima, nulla in hoc; quid vultis amplius? quid enim odisset Clodium Milo, segetem ac materiam suæ gloriæ, præter hoc civile odium, quo omnes improbos odimus? Ille erat, ut odisset primum defensorem salutis meæ: deinde vexatorem furoris, domitorem armorum suorum: postremo etiam accusatorem. Reus enim Milonis, lege (34) Plotia, fuit Clodius, quoad vixit. Quo tandem animo hoc tyrannum tulisse creditis? quantum

u odium

(34) lege Plotia, ex eo, quod vim inferret, lex siquidem a Plotio lata fuerat, ut reus haberetur, qui vim intulisset.

odium illius, & in homine injusto, quam etiam  
justum?

37 X XIV. RELIQUUM est, ut iam illum natura  
ipsum consuetudoque defendat: hunc autem hæc  
eadem coarguant? nihil per vim unquam Clo-  
dius, omnia per vim Milo. Quid ergo, iudices?  
cum mærentibus vobis urbe cessi, iudiciumne ti-  
mui? non servos, non arma, non vim? Quæ fu-  
isset igitur causa restituendi mei, nisi fuisset inju-  
sta eijciendi? Diem mihi, credo, dixerat, (35)  
multam irrogarat, actionem perduellionis intende-  
rat, & mihi, iudices, in causa, aut vestra mala, aut  
mea nec præclarissima etiam iudicium timendum  
fuit? Servorum & egentium civium & facino-  
30 sorum armis meos cives, meis consiliis periculisque  
servatos, pro me objici nolui. Vidi enim, vidi  
hunc ipsum Q. Hortensium, lumen & ornamen-  
tum Reipubl. pene interfici servorum manu, cum  
mihi adesset, qua in turba C. Vibienus, senator,  
optimus, cum hoc cum esset una, vita est multatus,  
ut vitam amiserit. Itaque quando illius postea  
sica illa, quam (36) à Catilina acceperat, conque-  
vit? Hæc intentata nobis est huic; ego vos objici  
pro me non sum passus; hæc insidiata Pompejo  
est, hæc istam Appiam viam monumentum sui no-  
minis, nece Papirii crevitavit: hæc eadem longo  
intervallo conversa rursus est in me: nuper qui-  
dem

(35) multam id est, penam pecuniariam.

(36) quam à Catilina acceperat. quia Clodius conju-  
raverat.

dem, ut scitis, me (37) ad regiam pene confecit.  
 X Quid simile Milonis? cujus vis omnis hæc sem-<sup>39</sup>  
 per fuit, ne P. Clodius, cum in iudicium detrahi  
 non posset, vi oppressam civitatem teneret. Quem  
 si interficere voluisset, quantæ quoties occasiones,  
 quam præclaræ fuerunt? Potuitne, cum domum  
 ac deos penates suos, illo oppugnante, defenderet,  
 jure se ulcisci? potuitne cive egregio & viro  
 fortissimo, P. Sextio, collega suo vulnerato? po-  
 tuitne Q. Fabricio, viro optimo, cum de reditu  
 meo legem ferret, pulso, crudelissima in foro cæde  
 facta? potuitne, L. Cæcili, justissimi fortissimi-  
 que prætoris, oppugnata domo? potuitne illo  
 die, cum est lata lex de me? cum totius Italiæ  
 concursus, quem mea salus concitarat, facti illius  
 gloriam libens agnovisset: ut etiam si id Milo fe-  
 cisset, cuncta civitas eam laudem pro sua vindic-  
 caret?

X XV. ATQUI erat id temporis clarissimus con-<sup>40</sup>  
 sul, inimicus Clodio, P. Lentulus, ultor sceleris  
 illius, propugnator senatus, defensor vestræ vo-  
 luntatis, patronus illius publici consensus, resti-  
 tutor salutis meæ: septem prætores, octo tribu-  
 ni plebis, illius adversarii, defensores mei: Cn.  
 Pompejus auctor & dux mei reditus, illius ho-  
 stis: cujus sententiam senatus omnis de salute  
 mea gravissimam & ornatissimam secutus est: qui  
 populum Rom: cohortatus est: qui, cum de me  
 decretum Capuæ fecisset, ipse cunctæ Italiæ cupi-

U z

enti

---

(37) ad regiam, id est, in publica via.

enti & eius fidem imploranti, signum dedit, ut ad me restitueudum Romam concurrerent. Omnia tum denique in illum odia civium ardebant desiderio mei, quem qui tum interemisset, non de impunitate eius, sed de præmiis cogitaretur. <sup>41</sup> Tamen se Milo continuit & P. Clodium ad iudicium bis, ad vim nunquam vocavit. Quid? privato Milone, & reo ad populum, accusante P. Clodio, cum in Cn. Pompejum pro Milone dicentem imperus factus est, quæ tum non modo occasio, sed etiam causa illius opprimendi fuit? Nuper vero cum M. Antonius summam spem salutis bonis omnibus attulisset, <sup>(38)</sup> gravissimamque adolescens nobilissimus Reipublicæ partem fortissime suscepisset, atque illam belluam, iudicii laqueos declinantem, jam irretitam teneret, qui locus, quod tempus illud, dii immortales, fuit? cum se ille fugiens in scalarum tenebras abdidisset, magnum Miloni fuit conficere illam pestem, nulla sua invidia Antonii vero maxima gloria? <sup>42</sup> Quid? comitiis in campo quoties potestas fuit? cum ille vi in septa irruisset, gladios distringendos, lapides jaciendos curasset, deinde subito, vultu Milonis perterritus, fugeret ad Tiberim, vos & omnes boni vota faceretis, ut Miloni uti virtute sua liberet?

XVI. QUEM igitur cum omnium gratia noluit, hunc voluit cum aliquorum querela? quem jure

(38) gravissimamque &c. id est, dum Antonius cum equestri ordine interclusit eum ita, ut facile occidi posset, non occidit eum tamen Milo.

jurē, quem loco, quem tempore, quem impune non est ausus, hunc injuria, iniquo loco, alieno tempore, periculo capitis non dubitavit occidere?

43  
 X præsertim, iudices, cum honoris amplissimi contentio & dies comitiorum subesset? quo quidem tempore ( scio enim, quam timida sit ambitio, quantaque, & quam sollicita cupiditas consularis ) omnia non modo, quæ reprehendi palam, sed etiam quæ obscure cogitari possent, timemus: rumorem, fabulam fictam, falsam perhorrescimus: ora omnium, atque oculos inquamur.

Nihil enim est tam molle, tam tenerum, tam aut fragile, aut flexibile, quam voluntas erga nos, sensusque civium: qui non modo improbitati irascuntur candidatorum, sed etiam in recte factis sæpe fastidiunt.

44  
 X Hunc (39) diem igitur campi speratum, atque exoptatum sibi proponens Milo, cruentis manibus scelus [ & facinus præferens & confitens, ad illa augusta centuriarum auspicia veniebat? quam hoc non credibile in hoc? quam idem in Clodio non dabitandum, quin se, interfecit Milone, regnaturum putaret? Quid? quod caput audaciæ est, iudices: quis ignorat, maximam illecebram esse peccandi, impunitatis spem? In utro, igitur hæc fuit? in Milone? qui etiam nunc reus est facti aut præclari, aut certe necessarii? an in Clodio? qui ita iudicia, pœnamque contempserat, ut eum nihil delesteret, quod aut per naturam fas esset, aut per leges liceret? Sed

45  
 quid

(39) Hunc diem igitur Campi &c. id est, Campi Martii, in quo electio Magistratum fieri solebat.

quid ego argumentor? quid plura disputo? te Q. Petilli, appello optimum & fortissimum civem: te, M. Cato, testor: quos mihi divina quædam fors dedit iudices. Vos ex M. Favonio audistis, Clodium sibi dixisse: & audistis, vivo Clodio, periturum Milonem triduo. Post diem tertium gesta res est, quam dixerat. Cum ille non dubitaret aperire, quid cogitaret: vos potestis dubitare, quid fecerit?

276 XVII. ~~Q~~UEMADMODUM igitur cum dies non sefellit? dixi equidem modo. (40) Dictatoris Lanuvini stata sacrificia nosse, negotii nihil erat, vidit necesse esse Miloni proficisci Lanuvium illo ipso, quo profectus est, die: itaque antevertit. At quo die? quo, ut ante dixi, insanissima concio ab ipsius mercenario tribuno plebis est concitata: quem diem ille, quam concionem, quos clamores, nisi ad cogitatum facinus approperaret nunquam reliquisset. Ergo illi ne causa quidem itineris, etiam causa manendi; Miloni manendi nulla facultas, exeundi non causa solum, sed etiam necessitas fuit. Quid, si, ut ille scivit, Milonem fore eo die in via, sic Clodium Milo ne suspicari quidem potuit? 277 Primum quæro, qui scire potuerit: quod vos idem in Clodio quærere non potestis. Ut enim neminem alium: nisi T. Patinam, familiarissimum suum rogasset, scire potuit illo ipso

---

(40) Dictatoris Lanuvini &c. Lanuvina Civitatis Dictator erat Milo, quo ad sacrificia peregranda in certum diem instituta profecturus erat.

ipso die Lanuvii à dictatore Milone prodi flaminem necesse. Sed erant permulti alii, ex quibus id facillime scire posset: omnes, scilicet, Lanuvini, Milo de Clodii reditu unde quæsit? quæsierit sane. (41) Videte, quid vobis largiar. Servum etiam, ut Arrius, meus amicus, dixit, corruperit. Legite testimonia testium vestrorum, dixit C. Cassinius, cognomento Scola, Interamnis familiarissimus, & idem comes P. Clodii: cujus jam pridem testimonio Clodius eadem hora Interamniæ fuerat & Romæ, P. Clodium, illo die in Albano mansurum fuisse, sed subito ei esse nunciatum, Cyrum architectum esse mortuum: itaque Romam repente constituisse proficisci, dixit hoc comes item P. Clodii, C. Clodius.

40 XVIII. VIDETE judices, quantæ res his testimoniis sint confectæ. Primum certe liberatur Milo, non eo consilio profectus esse: ut in fidiaretur in via Clodio: quippe qui ei obvius futurus omnino non erat: deinde (non enim video, cur non meum quoque agam negotium, scitis judices, fuisse, qui in hac rogatione evadenda dicerent, Milonis manu cædem esse factam, consilio vero majoris alicujus. Videlicet me latronem, ac sicarium abjecti homines, & perditum describebant. Jacent (42) suis testibus ii, qui Clodium negant

co

(41) *Videte quid vobis largiar &c.* per concessionem dicit Cicero, quasi servum etiam corruperit Milo, ut inquireret, quo divertisset Clodius.

(42) *jacent suis testibus*, id est, semetipsi prodiderunt aut perdidierunt.

79
 eo die Romam, nisi de Cyæo audisset, fuisse redi-  
 turum. Respiravi: liberatus sum, non vereor, ne,  
 quod ne suspicari quidem potuerim, videar id  
 cogitasse. Nunc persequar cetera, nam occurrit  
 illud: ne Clodius quidem de insidiis cogitavit,  
 quoniam fuit in Albano mansurus, siquidem exi-  
 turus ad eandem è villa non fuisset. Video enim,  
 illum, qui dicitur de Cyri morte nunciasse, non  
 id nunciasse, sed Milonem appropinquare. Nam  
 quid de Cyro nunciaret, quem Clodius Roma  
 proficiscens reliquerat morientem? Una fui, tes-  
 tamentum simul obsignavi cum Clodio: testa-  
 mentum autem palam fecerat, & illum heredem  
 & me scripserat. Quem pridie hora tertia ani-  
 mam efflantem reliquisset, eum mortuum postri-  
 die hora decima denique ei nunciabatur?

30
 XIX. AGE, sit ita factum, quæ causa, cur Ro-  
 mam properaret? cur in noctem se conjiceret?  
 quid afferebat causa festinationis? quod heres  
 era? primum erat nihil cur properato opus  
 esset: deinde, si quid esset, quid tandem erat, quod  
 ea nocte consequi posset, amitteret autem si po-  
 stridie mane Romam venisset? Atque ut illi no-  
 cturnus ad urbem adventus vitandus potius,  
 quam expetendus fuit: sic Miloni, cum insidia-  
 tor esset, si illum ad urbem noctu accessurum scie-  
 bat, subsistendum atque expectandum fuit. Noctu,  
57
 invidioso & pleno latronum in loco occidisset:  
 nemo ei neganti non credidisset, quem esse omnes  
 saluum, etiam confitentem, volunt. Sustinisset  
 hoc crimen primum ipse ille latronum occultor

& receptor locus, dum neque muta solitudo indicasset Milonem: deinde ubi multi ab illo violari, spoliari, bonis expulsi, multi etiam hæc timentes in suspicionem caderent: tota denique rea citaretur Etruria. 52 Atque illo die certe Aricia rediens divertit Clodius ad Albanum. Quod nisi sciret Milo, illum Ariciæ fuisse, suspicari tamen debuit, eum, etiamsi Romam illo die reverti vellet, ad villam suam, quæ viam tangeret diversurum, cur neque ante occurrit, ne ille in via resideret: nec eo in loco subsedit, quo ille noctu venturus esset? Video adhuc constare omnia, iudices: Miloni etiam utile fuisset Clodium vivere: illi ad ea quæ concupierat, optatissimum interitum Milonis, fuisse odium fuisse illius in hunc acerbissimum, in illum huius nullum, consuetudinem illius perpetuam in vi inferenda, huius tantum in repellenda: 53 mortem ab illo denunciataam Miloni, & prædictam palam, nihil unquam auditum ex Milone: profectiois huius diem illi notum, reditum illius huic ignotum fuisse: huius iter necessarium, illius etiam potius alienum, hunc prætulisse se illo die Roma exiturum, illum eo die se dissimulasse rediturum: hunc nullius rei mutasse consilium, illum causam mutandi consilii finxisse, huic si insidiaretur, noctem prope urbem expedandam: illi, etiam si hunc non timerent, tamen accessum ad urbem nocturnum fuisse metuendum.

~~54~~  
 XX. VIDEAMUS nunc id, quod caput est: locus ad insidias ille ipse, ubi congressi sunt, utri tandem

tandem fuerit aptior. Id vero, iudices, etiam dubitandum, & diutius cogitandum est? Antefundum Clodii: quo in fando, propter (43) insanas illas subtractiones facile mille hominum versabatur valentium. Edito atque excelso loco superiorem se fore putabat Milo, & ob eam rem eum locum ad pugnam potissimum elegerat. An in eo loco est potius expectatus ab eo, qui ipsius loci spe facere impetum cogitavit? Res loquitur, iudices, ipsa: quæ semper valet plurimum. X Si hæc non gesta audiretis, sed picta videretis: tamen appareret, uter esset insidiator, ut nihil cogitaret mali, cum alter veheretur in rheda pænulatus una sederet uxor, quid horum non impediriissimum? vestitus, an vehiculum, an comes? quid minus promptum ad pugnam, cum pænula irretitus, rheda impeditus, uxore pene constrictus esset? Videte nunc illum primum egredientem è villa, subito; cur? vesperi; quid necesse est? tarde: quæ convenit, id præsertim temporis? Divertit in villam Pompeii. Pompejum ut videret? sciebat in (44) Alsiensi esse. Villam ut perspiceret? millies in ea fuerat. Quid ergo erat? mora & tergiversatio, dum hic veniret, locum relinquere noluit.

- XXI.

---

(43) propter insanas illas subtractiones, id est, propter ampla atque ingentia valla & fulcimenta, quibus margines villæ continebantur.

(44) in Alsiensi, Pompejus tunc fuerat in prædio suo ad Alsum oppidum Tusculæ.

XXI. AGE: nunc iter expediti latronis, cum Milonis impedimentis comparate. Semper ille antea cum uxore: tum sine ea, nunquam non in rheda: tum in equo, comites Græculi, quocunque ibat, etiam cum in castra Brufca properabat: tum nugarum in comitatu nihil. Milo, qui nunquam, tum casu pueros symphonicos uxoris ducebat & ancillarum greges, ille qui semper secum scorta, semper exoletos, semper lupas ducebat, tum neminem, nisi ut virum à viro lectum esse diceres. Cur igitur victus est? quia non semper viator à latrone, nonnunquam etiam latro à viatore occiditur: quia, quamquam paratus in imparatos Clodius, tamen mulier inciderat in viros. Nec vero sic erat unquam non paratus Milo contra illum, ut non satis fere esset paratus. Semper ille & quantum interesset P. Clodii se perire, & quanto illi odio esset, & quantum ille aude- ret, cogitabat. Quamobrem vitam suam, quam maximis præmiis propositam, & pene addictam sciebat, nunquam in periculum sine præsidio, & sine custodia projiciebat. Adde casus, adde incertos exitus pugnarum, Martemque communem, qui sæpe spoliantem jam, & exultantem evertit, & perculit ab abjecto. Adde incitiam pransi, poti, oscitantis ducis: qui cum à tergo hostem interclusum reliquisset: nihil de ejus extremis comitibus cogitavit: in quos incensos, ira, vitam- que domini desperantes cum incidisset, hæsit in iis pænis, quas ab eo servi fideles pro domini vita expetiverunt. ~~X~~ Cur igitur eos manumisit? me-  
tuebat

57

50

tuebat scilicet ne indicarent: ne dolorem perferre non possent: ne tormentis cogerentur, occisum esse à servis Milonis in Appia via P. Clodium confiteri. Quid opus est tortore? quid quæris? occideritne? occidit. Jure, an injuria? nihil ad tortorem. Facti enim in equuleo quæstio est, juris in iudicio.

XXII. QUOD igitur in causa quærendum est, id agamus, hoc quod tormentis invenire vis, id fatemur. Manu (45) vero cur miseris, si id potius quæris, quam cur parum amplis affecerit præmiis: nescis inimici factum reprehendere. X Dixit enim hic idem, qui omnia semper constantè & fortiter, M. Cato: dixitque in turbulenta concione, quæ tamen hujus auctoritate placata est: non libertate solum, sed etiam omnibus præmiis dignissimos fuisse, qui domini caput defendissent. Quod enim præmium satis magnum est tam benevolis, tam bonis, tam fidelibus servis, propter quos vivit? et si id quidem non tanti est quam, quod propter eosdem non sanguine & vulneribus suis, crudelissimi inimici mentem oculosque satiavit: quos nisi manumississet, tormentis etiam dedendi fuissent conservatores domini, ultores sceleris, defensores necis. Hic vero nihil habet in his malis, quod minus moleste ferat, quam etiã si quid ipsi accidat, esse tamen illis meritum præmium persolutum. X Sed quæstiones urgent  
Milo-

(45) Manu vero cur miseris? id est, cur Milo servos suos à servitute liberos fecerit.

Milonem, quæ sunt habitæ nunc in atrio libertatis. Quibusnam de servis? rogas? de P. Clodii. Quis eos postulavit? Appius, quis produxit? Appius, unde? ab Appio. Dii boni, quid potest agi severius? De servis nulla quæstio est in dominum, nisi de incestu ut fuit in Clodium. Proxime (46) deos accessit Clodius, propius quam tum, cum ad ipsos penetrarat, cuius de morte, tanquam de cærimoniis violatis, quæritur. Sed tamen majores nostri in dominum de servo quæri noluerunt, non quia non posset verum inveniri, sed quia videbatur indignum & dominis morte ipsa tristius. In reum de servis accusatoris cum quæritur, verum inveniri potest. Age vero, quæ erat, aut qualis quæstio? Heus ubi Ruscio, ubi Casca? Clodius infidias fecit Miloni? Fecit. Certa crux. Nullas fecit, sperata libertas. Quid hac quæstione certius? Subito arrepti in quæstionem, tamen seperantur à cæteris, & in arcas conjiciuntur, ne quis cum iis colloqui possit. Hi centum dies penes accusatorem cum fuissent, ab eo ipso accusatore producti sunt. Quid hac quæstione dici potest integrius? quid incorruptius?

XXIII. QUOD si nondum satis cervitis, cum res ipsa tot, tam claris argumentis signisque luceat, pura mente, atque integra Milonem, nullo scelere imbutum, nullo metu perterritum, nulla conscientia exanimatum, Romam revertisse: recordamini

(46) Proxime Deos accessit Clodius, quod sorotem famam, tanquam alter jupiter, turpiter amaverit.

mini per deos immortales, quæ fuerit celeritas reditus ejus: qui ingressus in forum, ardente curia, quæ magnitudo animi, qui vultus, quæ oratio? Neque vero se populo solum, sed etiam senatui commisit, neque senatui modo, sed etiam publicis præfidiis & armis, neque his tantum, verum etiam (47) ejus potestati, cui senatus totam Rempublicam, omnem Italiæ pubem cuncta populi Romani arma commiserat. Cui nunquam se hic profecto tradidisset, nisi causæ suæ consideret, præsertim omnia audenti, magna metuenti, multa suspicanti, nonnulla credenti. X Magna vis est conscientiæ, judices, & magna in utramque partem: ut neque timeant, qui nihil commiserint, & pœnam semper ante oculos versari putent, qui peccarint. Neque vero sine ratione certa, causa Milonis semper à senatu probata est. Videbant enim sapientissimi homines facti rationem, præsentiam animi, defensionis constantiam. An vero obliti estis, judices, recenti illo nuntio necis Clodianæ, non modo inimicorum Milonis sermones & opiniones, sed nonnullorū etiā imperitorum? qui negabant eum Romam esse rediturum? X Sive enim illud animo irato ac percito fecisset, ut incensus odio trucidaret inimicum; arbitrabantur, eum tanti mortem P. Clodii putasse, ut æquo animo patria careret, eum sanguine inimici expleisset odium suum: sive etiam

(47) ejus potestati id est, Pompeji, qui tunc Interrex fuerat, propterea, quod Comitia dissolverentur, & Consules eligi non possent.

etiam illius morte patriam liberare voluisset, non dubitaturum fortem virum, quin cum suo periculo salutem Reipubl: attulisset, cederet æquo animo legibus secum auferret gloriam sempiternam, nobis hæc fruenda relinqueret, quæ ipse servasset. Multi etiam Catilinam, atque illa portenta loquebantur: erumpet occupabit aliquem locum, bellum patriæ faciet. Miseros interdum cives, optime de Republ: meritos! in quibus homines non modo res præclarissimas obliviscuntur, sed etiam nefarias suspicantur. Ergo illa falsa fuerunt quæ certe vera existissent, si Milo admisisset aliquid, quod non posset honeste vereque defendere.

XXIV. QUID, quæ postea sunt in eum congesta? quæ quemvis etiam mediocri delictorum conscientia perculissent, ut sustinuit, dii immortales, sustinuit? imo vero ut contempsit ac pro nihilo putavit? quæ neq; maximo animo, nocens neq; innocens, nisi fortissimo vir negligere potuisset. Scutorum, gladiatorum, frenorum, (48) sparorum pilorumque etiam multitudo deprehendi posse indicabatur. Nullum in urbe vicum, nullum angiporum esse dicebant, in quo Miloni non esset conducta domus: arma in villam Otricanam deventa Tibeti, domus in clivo Capitolino scutis, referta, plena omnia malleorum ad urbis incendia comparatorum. Hæc non delata solum, sed pene credita: nec ante repudiata sunt, quam quæsitæ. Laudabam

(48) *sparorum*, spara seu sparus est genus, jaculi, & spargendo sic dicti, exigui & recurvi.

dabam equidem incredibilem diligentiam Cn. Pompeii: sed dicam, ut sentio, iudices. Nimis multa audire coguntur, neque aliter facere possunt ii, quibus tota commissa est Respubl. Quin etiam audiendus sit Popa Licinius, nescio quis, de (49) circo maximo servos Milonis apud se ebrios factos, sibi confessos esse, de interficiendo Cn. Pompejo conjurasse, deinde postea se gladio percussum esse ab uno de illis, ne indicaret. Pompejo in horros nunciavit. Arcessor in primis, de amicorum sententia rem defert ad senatum. Non poteram in illius mei patriæque custodis tanta suspicione non metu exanimari: sed mirabar tamen, credi Popæ ebriosorum confessionem servorum audiri, vulnus in latere, quod acu punctum videtur, pro ictu gladiatoris probari. Verum, ut intelligo, cavebat magis Pompejus, quam timebat, non ea solum, quæ timenda erant, sed omnino omnia, ne aliquid vos timeretis. Oppugnata domus C. Cæsaris, clarissimi & fortissimi viri, per multas noctis horas nunciabatur: nemo audierat tam celebri loco, nemo senserat, tamen audiebatur. Non poteram Cn. Pompejum, præstantissima virtute civem, timidum suspicari: diligentiam, tota Respubl: suscepta, nimiam nullam putabam. Frequentissimo senatu nuper in Capitolio senator inventus est, qui Milonem cum telo esse diceret, nudavit se in sanctissimo templo, quoniam vita talis

---

(49) de circo maximo, quia habitabat ad circum Maximum, partem urbis sic dictam.

ialis & civis, & viri, fidem non faciebat, nisi, eo tacente, res ipsa loqueretur. Omnia falsa, atque insidiosè ficta comperta sunt.

XXV. QUOD si tamen metuitur etiam nunc Milo, non hoc iam Clodianum crimen timemus, sed tuas, Cn. Pompei ( te enim iam appello ea voce, ut me audire possis ) tuas; tuas inquam; suspiciones perhorrescimus. Si Milonem times, si hunc de tua vita nefariè, aut nunc cogitare, aut molitum aliquando aliquid tui disitant, si hæc arma, si Capitolianæ cohortes; si excubiæ, si vigiliæ, si delecta inventus, quæ tuum corpus domumque custodit, contra Milonis impetum armata est, atque illa omnia in hunc unum instituta, parata, intenta sunt: magna in hoc certe vis, & credibilis animus; & non unius viri vires atque opes indicantur, liquidem in hunc unum & præstantissimus dux electus, & tota Respubl. armata est: Sed quis non intelligit, omnes tibi Reipubl. partes ægras & labentes, ut ea his armis sanares & confirmares, esse commissas? Quod si Miloni locus datus esset: probasset profecto tibi ipsi, neminem unquam hominem homini cariorem fuisse, quam te sibi, nullum se unquam periculum pro tua dignitate fugisse, cum (50) illa ipsa terribilissima peste sæpissime pro tua gloria contendisse; tribunatum suum ad salutem meam, quæ tibi carissima fuisset,

W

confi-

---

(50) cum illa ipsa &c. tempore turbarum, quas Clodiani excitant.

consiliis tuis gubernatum: se à te postea defensum in periculo capitis, ad iutum in petitione præturæ: duos se habere semper amicissimos sperasse: te tuo beneficio, me suo. Quæ si non probaret, si tibi ita penitus inhæsisset ista suspicio, nullo ut evelli modo posset: si denique Italia à delectu, urbs ab armis, sine Milonis clade nunquam esset conquiescitur: næ iste haud dubitans cessisset patriæ, (51) qui ira natus est, & ita consuevit; te, Magne, tamen contestaretur, quod nunc etiam facit.

XXVI. VIDE quam sit varia vitæ, commutabilisque ratio, quam vaga volubilisque fortuna, quantæ infidelitates in amicis, quam ad tempus aptæ simulationes, quantæ in periculis fugæ proximorum, quantæ timiditates. Erit, erit illud profecto tempus, & illucescet aliquando ille dies, cum tu, salutaribus, ut spero, rebus tuis, sed fortasse motu aliquo communium temporum immutatis, qui quæm crebro accidat, experti debemus scire: & amicissimi benevolentiam, & gravissimi hominis fidem, & unius post homines natos fortissimi viri magnitudinē animi desideres. Quamquam quis hoc credat, Cn. Pompejum, juris publici, moris majorum, rei denique publicæ peritissimum, cum senatus ei commiserit, ut videret: *Ne quid Respublica detrimenti caperet;* quo uno versicu-

(51) qui ita natus est, & ita consuevit &c. qui scilicet solitus est semper salutem Patriæ anteponeere salutis suæ, iret sponte in exilium, sed tamen prius te testem (Pompejum) suæ innocentis appellaret.

versiculo fatis armati semper consules fuerunt, etiam nullis armis datis; hunc exercitu, hunc delectu dato, iudicium expectaturum fuisse in eius consiliis vindicandis, qui vel iudicia ipsa tolleret? Satis iudicatum est à Pompejo, falso ista conferri in Milonem, qui legem tulit, qua, ut ego sentio, Milonem absolvi à vobis oporteret, ut omnes contententur, liceret. Quod vero in illo loco, atque in illis publicorum praesidiorum copiis circumfusus sedet; satis declarat, se non terrorem inferre vobis (quid enim illo minus dignum, quam cogere, ut vos eum condemnetis, in quem animadvertere ipse & more maiorum & suo iure posset?) sed praesidio esse: ut intelligatis, contra hesternam concionem illam licere vobis, quod sentiatis, libere iudicare.

XXVII. NEC vero me, iudices, Clodianum crimen movet: nec tam sum demens, tamque vestri sensus ignarus, atque expertus, ut nesciam, quid de morte Clodii sentiatis, de qua si iam nollem ita diluere crimen, ut dilui, tamen impune Miloni palam clamare, atque mentiri gloriose liceret: Occidi, occidi! non Sp: Melium, qui annona levanda, iacturisque rei familiaris, quia nimis amplecti plebem putabatur, in suspicionem incidit regni appetendi; non Ti: Gracchum, qui collegæ magistratum per seditionem abrogavit: quorum interfectores implerunt orbem terrarum nominis sui gloria, sed eum (auderet enim dicere, cum patriam periculo suo liberasset) cuius nefandum adulterium in pulvinaribus sanctissimis nobilissi-

mæ faminæ comprehenderunt, eum cuius supplicio senatus solemnes religiones expiandas sæpe censuit; eum, quem cum sorore germana nefarium stuprum fecisse L. Lucullus juratus se, quaestionibus habitis, dixit comperisse: eum, qui civem, quem senatus, quem populus, quem omnes gentes, urbis ac vitæ civium conservatorem iudicabant, fervorum armis exterminavit, eum, qui regna dedit, ademit: orbem terrarum, quibuscum voluit, partitus est, eum, qui plurimis cædibus in foro factis, singulari virtute & gloria civem domum vi & armis compulit: eum, cui nihil unquam nefas fuit, nec in facinore, nec in libidine: eum, qui ædem Nympharum incendit, ut memoriam publicæ recensionis tabulis publicis impressam, extingveret: eum denique, cui jam nulla lex erat, nullum civile jus, nulli possessionum termini, qui non calumnia litium, non injustis (52) vindiciis, ac sacramentis alienos fundos, sed castris exercitu, signis inferendis, petebat, qui non solum Etruscos, ( eos enim penitus contempserat ) sed hunc Cn. Pompejum, virum fortissimum, atque optimum civem, iudicem nostrum, pellere possessionibus, armis, castrisque conatus est: qui cum architectis & decempedis villas multorum, hortosque peragrabat, qui (53) Ianiculo Alpius  
spem

(52) non injustis vindiciis &c. id est, dum ea petebat, quæ ipsius non erant.

(53) qui Ianiculo, qui ab extremo colle urbis inque ad Alpes terminos possessionum tuarum protendebat.

spem possessionum terminabat suarum: qui cum ab equite Romano, splendidissimo & forti viro, T. Pacavio non impetrasset, ut insulam in lacu pretio venderet, repente lintribus in eam insulam materiam, calcem, cæmenta, atque arma convexit: dominoque trans ripam inspeçante, non dubiavit ædificium exstruere in alieno, qui huic T. Furfanio, cui viro, dii immortales! (quid enim de mulercula Sanctia? quid de adölescente Apronio dicam? quorum utrique mortem est minatus, nisi sibi hortorum possessione cessisset) sed ausus est Furfanio dicere, si sibi pecuniam, quantam poposceret, non dedisset, mortuum se in domum ejus illaturum, qua invidia huic esset, tali viro conflagrandum? qui Appium fratrem, hominẽ mihi conjunctum fidelissima gratia, absentem de possessione fundi dejecit: qui parietem sic per vestibulum sororis instituit ducere, sic agere fundamenta, ut sororem non modo vestibulo privaret, sed omni aditu & limine.

XXVIII. QUAMQUAM hæc quidem jam tolerabilia videbantur: etsi æquabiliter in Rempubl: in privatos, in longinquos, in propinquos, in alienos, in suos irruebat: sed nescio, quomodo jam usu obduruerat & percalluerat civitatis incredibilis patientia. Quæ vero aderant jam & impendebant, quonam modo ea aut depellere potuissetis, aut ferre Imperium, si ille nactus esset? Omitto socios, exterarum nationes, reges, tetrarchas, vota enim feceratis, ut in eos se potius mitteret, quam in vestras possessiones, vestra tecta, vestras pecunias, pecunias dico? à liberis à liberis, medius fi-  
dus

dius, & conjugibus vestris nunquam ille effrenatas suas libidines cohibuisset. Fingi hæc putatis, quæ patent? hæc, quæ nota sunt omnibus? quæ tenentur? servorum exercitus illum in urbe conscripturum fuisse, per quos totam Rempubl: resque privatas omnium possideret? Quamobrem, si cruentum gladium tenens clamaret T. Annius, adeste, quæso, atque audite cives: P. Clodium interfeci: ejus furores, quos nullis jam legibus, nullis judiciis frenare poteramus, hoc ferro, & hac dextera à cervicibus vestris repuli; per me ut unum, jus, æquitas, leges, libertas, pudor, pudicitia in civitate manerent: esset vero timendum, quonam modo id factum ferret civitas. Nunc enim quis est, qui non probeat? qui non laudet? qui non unum post hominum memoriam T. Annum plurimum Reipubl: profuisse maxima lætitia populum Rom: cunctam Italiam, nationes omnes adfecisse, & dicat, & sentiat? Nequeo vetera illa populi Rom: quanta fuerint gaudia, judicare: multas tamen jam summorum imperatorum clarissimas victorias ætas nostra vidit, quarum nulla neque tam diuturnam attulit, lætitiā, nec tantam. Mandate hoc memoriæ, iudices; spero multa vos, liberosque vestros, in Rep: bona esse vituros. In his singulis ita semper existimabitis, vivo P. Clodio, nihil eorum vos visuros fuisse. In spem maximam, & quemadmodum confido, verissimam adducti sumus, hunc ipsum annum, hoc ipso summo viro consule compressa hominum licentia, cupiditatibus fractis, legibus

gibus & iudiciis constitutis, salutarem civitati fore. Num quis igitur est tam demens, qui hoc P. Clodio vivo, contingere potuisse arbitretur? Quid? ea, quæ tenetis, privata atque vestra, dominante homine furioso, quod ius perpetuæ possessionis habere potuissent?

XXIX. NON timeo, iudices, ne odio inimicitiarum mearum inflammatus, hæc in illum evomere videar, quam verius: etenim etsi præcipuum esse debebat tamen ita communis erat omnium ille hostis, ut in communi odio pene æqualiter versaretur odium meum. Non potest dici satis, ne cogitari quidem, quantum in illo sceleris, quantum exitii fuerit. Quin sic attendite, iudices: nempe hæc est quæstio de interitu P. Clodii, fingite animis; libere enim sunt cogitationes nostræ, & quæ volunt, sic intuentur, ut ea cernimus, quæ videmus. Fingite igitur cogitatione imaginem hujus conditionis meæ: si possem efficere, ut Milonem absolvatis, sed ita si P. Clodius revixerit. Quid vultu extimuisistis? quonam modo ille vos vivus adficeret, qui mortuus inani cogitatione percussit? Quid si ipse Cn. Pompejus, qui ea virtute ac fortuna est, ut ea potuerit semper, quæ nemo præter illum, si is, inquam, potuisset, ut quæstionem de morte P. Clodii ferre, sic ipsum ab inferis excitare: utrum putatis potius facturum fuisse? etiamsi propter amicitiam vellet illum ab inferis revocare, propter Rempubl: non fecisset. Ejus igitur mortis sedetis ultores, cujus vitam, si putetis per vos restitui posse, nolitis

ris: & de ejus nece lata quæstio est, qui si eadem lege reviviscere posset, lata lex nunquam esset. Huius ergo interfector, si esset in confitendo, ab iis: ne pœnam timeret, quos liberavisset? Græci homines deorum honores tribuunt iis viris, qui tyrannos necaverunt. Quæ ego vidi Athenis? quæ aliis in urbibus Græciæ? quas res divinas talibus institutas viris? quos cantus? quæ carmina? prope ad immortalitatis & religionem & memoriam consecrantur. Vos tanti conservatorem populi, tanti sceleris ultorem non modo honoribus nullis adficietis, sed ad supplicium rapi etiam patiemini? Confiteretur, inquam, si fecisset, & magno animo & libenter se fecisse, libertatis omnium causa, quod ei certe non confitendum modo, verum etiam prædicandum.

XXX. ETENIM, si id non negat, ex quo nihil petit nisi ut ignoscatur: dubitaret id fateri, ex quo etiam præmia laudis essent petenda? nisi vero gratus putat esse vobis, sui se capitis, quam vestri ordinis defensores fuisse: cum præsertim in ea confessione, si gratus esse velletis, honores adferretur amplissimos. Si factum vobis non probaretur (quamquam qui poterat salus sua cuique non probari?) sed tamen, si minus fortissimi viri virtus civibus grata cecidisset, magno animo constantique cederet ex ingrata civitate. Nam quid esset ingratus, quam lætari cæteros, lugere eum solum, propter quem cæteri lætarentur? Quamquam hoc animo semper fuimus omnes in patriæ proditoribus opprimendis, ut quoniam nostra fu-

tura

tura esset gloria, periculum quoque, & invidiam nostram putaremus. Nam quæ mihi ipsi tribuenda laus esset, cum tantum in consulatu meo pro vobis ac liberis vestris ausus essem, si id, quod conabar, sine maximis dimicationibus meis me esse ausurum arbitrarer? quæ mulier sceleratum ac perniciosum civem occidere non auderet, si periculum non timeret? Proposita invidia, morte, pœna, qui nihilo segnius Rempubl. defendit, is uir vere putandus est. Populi grati est, præmiis afficere benemeritos de Rempubl. cives: viri fortis ne suppliciiis quidem moveri, ut fortiter fecisse pœniteat. Quamobrem uteretur eadem confessione T. Annius, quæ Ahala, quæ Nasica, quæ Opimius, quæ Marius, quæ nosmet ipsi: & si grata Resp. esset, lætaretur: si ingrata, tamen in gravi fortuna conscientia sua niteretur. Sed huius beneficii gratiam iudices, fortuna populi Rom: & vestra felicitas, & dii immortales sibi deberi putant. Nec vero quisquam aliter arbitrari potest, nisi qui nullam vim cælestem esse ducit numenve divinum: quæ neque Imperii vestri magnitudo, neq; sol ille, nec cæli, signorumque motus, nec vicissitudines rerum atque ordines movent, neque id, quod maximum est, majorum nostrorum sapientia: qui sacra, qui cærimonias, qui auspicia, & ipsi sanctissime coluerunt, & nobis, suis posteris prodiderunt.

XXX. EST, est, profecto illa vis, neque in his corporibus, atque in hac imbecillitate nostra inest quiddam, quod vigeat, & sentiat, & non inest in hoc tanto naturæ, tam præclaro motu, nisi forte

forte idcirco esse non putant, quia non apparet, nec cernitur: proinde quasi nostram ipsam mentem, qua sapimus, qua providemus, qua ipsa hæc agimus ac dicimus, videre, aut plane, qualis aut ubi sit, sentire possimus. Ea vis, ea igitur ipsa, quæ sæpe incredibiles huic urbi felicitates, atque opes attulit: quæ illam perniciem extinxit ac sustulit: cui primum mentem iniecit, ut vi irritare, ferroque laceffere fortissimum virum auderet, vincereturque ab eo, quem si vicisset, habiturus esset impunitatem & licentiam sempiternam. Non est humano consilio, ne mediocri quidem, iudices, deorum immortalium cura res illa perfecta. Religiones me hercule ipsæ, quæ illam belluam cadere viderunt, commovisse se videntur, & jus in illo suum retinuisse. Vos enim, Albani tumuli atque luci vos, inquam, imploro atque obtestor, vosque Albanorum obrutæ aræ, sacrorum populi Romæ sociæ & æquales, quas ille præceps amentia cæsis (54) prostratisque sanctissimis lucis substitutionum insanis molibus oppresserat: vestræ tum aræ, vestræ religiones viguerunt, vestra vis valuit, quam ille omni scelere polluerat tuque ex tuo edito monte, Latialis sancte Jupiter, cujus ille lacus, nemora, finesque sæpe omni nefario stupro & scelere macularat, aliquando ad eum puniendum oculos aperuisti, vobis illæ, vobis, vestro in conspectu feræ, sed iustæ tamen, & debitæ pænæ

---

(54) *Cæsis prostratisque &c.* Clodius Lucos sacros exciderat ad substitutiones ædificiis suis faciendas.

pænæ solutæ sunt. Nisi forte hoc etiam casu factum esse dicemus, ut ante ipsum sacrarium Bonæ deæ, quod est in fundo T. Sexti Galli, in primis honesti & ornati adolescentis, ante ipsam, inquã, Bonã deam, cum præliũ cõmississet, primum illud vulnus acceperit, quo teterrimã mortem videret: ut non absolutus iudicio illo nefario videretur, sed ad hanc insignem pænã reservatus.

XXXII. NEC vero non eadem ira deorum hanc ejus satellitibus iniecit amentiam, ut sine imaginibus, sine cantu, sine ludis, sine exequiis, sine lamentis, sine laudationibus, sine funere, oblitus cruore & luto, spoliatus illius supremi diei celebritate, quam concedere etiam inimici solent, abuteretur abjectus. Non fuisse credo fas clarissimorum virorum formas illi teterrimo parricidæ aliquid decoris afferre, neque ullo in loco potius mortem ejus lacerari, quam in quo vita esset damnata. Dura mihi, medius fidius, jam fortuna populi Rom: & crudelis videbatur quæ tot annos illum in hanc Rempubl: insultare videret, & pateretur. Polluerat stupro sanctissimas religiones, senatus gravissima decreta perfregerat, pecunia? se palam à iudicibus redemerat, vexarat in tribunatu senatum, omnium ordinum consensu pro salute Reip: gesta resciderat, me patria expulerat: bona diripuerat: domum incenderat: liberos, conjugem meam, vexaverat: Cn. Pompejo nefarium bellum indixerat: magistratum, privatorum; cædes effecerat: domum mei fratris incenderat: vastarat Etruriam, multos sedibus ac fortunis eiecerat.

cerat: instabat, urgebat: capere ejus amentiam civitas, Italia, provinciæ, regna non poterant. (55) Incidebantur jam domi leges, quæ nos nostris servis addicerent: nihil erat cuiusquam, quod quidem ille adamasset quod non hoc anno suum fore putaret: obstabat ejus cogitationibus nemo præter Milonem ipsum illum, qui poterat obstare: Cn. Pompejum novo reditu in gratiam quasi devinctum arbitrabatur; Cæsaris potentiam, suam potentiam esse dicebat: bonorum animos etiam in meo casu contemserat: Milo unus urgebat.

XXXIII. HIC dji immortales, ut supra dixi, mentem dederunt illi perditio ac furioso, ut huic faceret insidias. Aliter perire pestis illa non potuit: nunquam illum Resp: suo jure esset ulta. Senatus, credo prætorem eum circumscriptisset, ne cum solebat quidem id facere, in privato eodem hoe, aliquid profecerat. An consules in prætore coercendo fortes fuissent? Primum, Milone occiso, habuisset suos consules: deinde quis in eo prætore consul fortis esset, per quem tribunum, virtutem consularem crudelissime vexatum esse neminisset? oppressisset omnia, teneret, possideret, lege nova, quæ est inventa apud eum, cum reliquis legibus Clodianis, servos nostros, liberos suos fecisset. Postremo, nisi eum dji immortales in eam mentem impulissent, ut homo effæminatus fortissimum virum conaretur occidere, hodie

---

(55) *incidebantur jam Domi leges, Clodius privatim scripserat leges perniciosas Reipublicæ.*

die Rempubl: nullam haberetis. An ille prætor ille vero consul, si modo hæc templa, atque ipsa mœnia stare eo vivo tamdiu, & consulatum ejus expectare potuissent, ille denique vivus, mali nihil fecisset, qui mortuus, uno ex suis satellitibus Sex: Clodio duce curiam incenderit? Quo quid miserius, quid acerbius, quid luctuosius vidimus? Templum sanctitatis, amplitudinis, mentis, consilii publici, caput urbis, aram sociorum, portum omnium gentium, sedem ab universo populo Rō: concessam, uni ordini inflammari, excindi, funestari? neque id fieri à multitudine imperita, quāquam esset miserum id ipsum, sed ab uno: qui cum tantum ausus sit ustor pro mortuo, quid signifer pro vivo non esset ausus? In curiam potissimum abjecit, ut eam mortuus incenderet, quam vivus everterat. Et sunt, qui de via Appia querantur taceant de curia? Et qui ab eo spirante forum putent potuisse defendi, cujus non restiterit cadaveri curia? Excitate, excitate cum, si potestis, ab inferis, frangetis impetum vivi, cujus vix sustinetis furias insepulti, nisi vero sustinuitis eos, qui cum facibus ad curiam cucurrerunt, cum falcibus ad Castoris, cum gladiis toto foro volitarunt. Cædi vidistis populum Rom: concionem gladiis disturbari, cum audiretur silentio M. Cælius, tribunus plebis, vir & in Rep: fortissimus, & in suscepta causa firmissimus, & bonorum voluntati, & auctoritati senatus deditus, & in hac Milonis sive invidia, sive fortuna singulari, divina, & incredibili fide.

VXXIV. SED jã fatis multa de causa extra causam etiã nimis fortasse multa. Quid restat, nisi ut orem, obtesterque vos, judices, ut eam misericordiam tribuatis fortissimo viro, quam ipse non implorat, ego autem, repugnante hoc, & imploro, & exposco? Nolite si in nostro omnium fetu nullam (56) lacrymam aspexistis Milonis: si vultum semper eundem, si vocem, si orationem stabilem, ac non mutatam videtis, hoc minus ei parcere: atque haud scio, an multo etiam sit adjuvandus magis. Etenim si in gladiatoris pugnis, & in infirmi generis hominum conditione, atque fortuna, timidos & supplices, & ut vivere liceat obsecrantes, etiam odisse solemus: fortes & animosos, & se acriter ipsos morti offerentes, servare cupimus: eorumque nos magis miseret: qui nostram misericordiam non requirunt, quam qui illam efflagitant: quanto hoc magis in fortissimis civibus facere debemus? Me quidem, judices, exanimant, & interimunt hæ voces Milonis, quas audio assidue, & quibus intersum quotidie. Valeant, valeant, inquit, cives mei, valeant; sint incolumes, sint florentes, sint beati, stet hæc urbs præclara, mihi que patria carissima, quoquo modo merita de me erit, tranquilla Republ: cives mei ( quoniam mihi cum illis non licet ) sine me ipsi, sed per me tamen, perfruantur; ego cedam atque abibo

(56) nullam lacrymam aspexistis Milonis &c. &c. quia Milo occiso Clodio vocatus in judicium, neque vestem mutavit, neque Judices deprecatus est, neque ullum signum timoris aut perturbationis monstravit.

abibo. Si mihi Republ: bona frui non licuerit, at carebo mala, & quam primum tetigero bene moratam & liberam civitatem, in ea conquiescam. O frustra, inquit suscepti mei labores! o spes fallaces! o cogitationes inanes meæ! Ego, cum tribunus plebis, Republ: oppressa me senatui dedissem, quem extinctum acceperam: equitibus Romanis, quorum vires erant debiles: bonis viris, qui omnem auctoritatem Clodianis armis abjecerant; mihi unquam bonorum præsidium defuturum putarem? Ego, cum te (mecum sæpissime loquitur) patriæ redidissem, mihi futurum, in patria non putarem locum? Ubi nunc senatus est, quem securi sumus? ubi equites Rom: illi, inquit, tui, ubi studia municipiorum? ubi Italiæ voces? ubi denique tua, M. Tulli, quæ plurimis fuit auxilio, vox & defensio? mihinc ea soli, qui pro te toties morti me obtuli, nihil potest opitulari?

XXXV. NEC vero hæc, iudices, ut ego nunc, fens, sed hoc eodem loquitur vultu, quo videtis. Negat enim se, negat ingratis civibus fecisse, quæ fecerit (57) timidis & omnia circumspicientibus pericula, non negat plebem & infirmam multitudinem, quæ P. Clodio duce, fortunis vestris imminebat, eam, quo tutior esset vita nostra, se fecisse commemorat, ut non modo virtute flecteret, sed etiam tribus suis patrimoniis deliniret: nec timet, ne cum plebem muneribus placarit,

vos

(57) *timidis & omnia circumspicientibus non negat, hic dicit Cicero laudari à Milone circumspersionem Civium in facto suo.*

vos non conciliarit meritis in Rempubl; singularibus. Senatus erga se benevolentiam temporibus his ipsis sæpe esse perpetuam: vestras vero, & vestrorum ordinum (58) occurfationes, studia, sermones, quemcunque cursum fortuna dederit, secum se ablatum esse dicit. Meminit etiam, sibi vocem præconis modo defuisse, quam minime desiderarit: populi vero cunctis suffragiis, quod unum cupierit, se consulem declaratum. Nunc denique, si hæc arma contra se sint futura, tibi facinoris suspicionem, non facti crimen obitare. Ad lit hæc, quæ certe vera sunt, fortes & sapientes viros non tam præmia sequi solere recte factorum, quam ipsa recte facta: se nihil in vita, nisi præclarissime fecisse, siquidem nihil sit præstabilius viro, quam periculis patriam liberare: beatos esse, quibus ea res honori fuerit à suis civibus: nec tamen eos miseros, qui beneficio cives suos vicerint, sed tamen ex omnibus præmiis virtutis, si esset habenda ratio præmiorum, amplissimum esse præmium gloriam: esse hanc unam, quæ brevitatem vitæ posteritatis memoria consolaretur: quæ efficeret, ut absentes adessemus, mortui viveremus: hanc denique esse, cujus gradibus etiam homines in cælum videantur ascendere. De me, inquit, semper populus Rom: semper omnes gentes loquentur, nulla unquam obmutescet vetustas, quin hoc

---

(58) occurfationes, id est, gratulationes benevolentiaque significationes Civium, quæ sunt Miloni ob interfectum ab eo Clodium.

hoc tempore ipso, cum omnes à meis inimicis faces meæ invidiæ subijciantur tamen omni in hominum cætu, gratiis agendis, & gratulationibus habendis & omni sermone celebramur. Omitto Etruriæ festos, & aëros, & institutos dies. Centesima lux est hæc ab interitu P. Clodii & ut opinior ultra quam fines Imperii populi Romæ sunt; eanon solum fama jam de illo, sed etiam lætitia peragravit. Quamobrem, ubi corpus hoc sit, non, inquit, laboro; quoniam omnibus in terris & jam versatur, & semper habitabit nominis mei gloria.

XXXVI. HÆC tu mecum sæpe, his absentibus; sed iisdem audientibus, hæc ego tecum Milo. Te quidem quod isto animo es, satis laudare non possum: sed, quo est ista magis divina virtus, eo majore à te dolore divellor. Nec vero, si mihi eriperis, reliquæ est illa saltem ad consolandum querela, ut his irasci possim; à quibus tantum vulnus accepero. Non enim inimici mei te mihi eripient, sed amicissimi: non male aliquando de me meriti; sed semper optime. Nullum unquam, judices, mihi tantum dolorem inuretis (etsi quis potest esse tantus) sed ne hunc quidem ipsum, ut obliviscar, quanti me semper feceritis. Quæ si vos cepit oblivio; aut si in me aliquid offendistis, cur non id meo capite potius luitur, quam Milonis? Præclare enim vixero, si quid mihi acciderit prius, quam hoc tantum mali videro. Nunc me una consolatio sustentat, quod tibi, T. Anni, nullum à me amoris, nullum studii, nullum pietatis officii.

officium defuit. Ego inimicitias potentium pro te appetivi, ego meum sæpe corpus & vitam objeci armis inimicorum tuorum: ego me plurimis pro te supplicem abjeci: bona, fortunas meas, ac liberorum meorum, in communionem tuorum temporum contuli: hoc denique ipso die, si qua vis est parata, si qua (59) diminutio capitis futura, (60) depono. Quid jam restat? quid habeo quod dicam? quod faciam pro tuis in me meritis, nisi, ut eam fortunam, quæcunque erit tua, ducam meam? Non recuso, non abnuo: vosque obsecro, iudices, ut vestra beneficia, quæ in me contulistis, aut in hujus salute augeatis, aut in ejusdem exitio occasura esse videatis.

XXXVII. HIS lacrymis non movetur Milo, est quodam incredibile robore animi septus: exiliū ibi esse putat, ubi virtuti non sit locus, mortem, naturæ finem esse, non pœnam. Sic hic ea mente, qua natus est: quid vos, iudices? quo tandem animo eritis? memoriam Milonis retinebitis: ipsum ejicietis? & erit dignior locus in terris ullis, qui hanc virtutem excipiat, quam hic, qui procreavit? Vos, vos appello, fortissimi viri, qui multum pro Republ. sanguinem effudistis: vos in viri, & in civis invicti appello periculo. centuriones, vosque milites: vobis non modo inspectantibus, hæc tanta virtus ex hac urbe expelletur?

exte.

(59) si quis diminutio &c. id est, si id contingat, ut in exiliū pellaris &c.

(60) depono, tuam malam fortunam, meam esse volo.

exterminabitur? projicietur? O me miserum, o infelicem! revocare tu me in patriam, Milo, potuisti per hos: ego te in patria per eosdem retinere non potero? quid respondebo liberis meis, qui te parentem alterum putant? quid tibi, Q. frater, qui nunc abes, consorti mecum temporum illorum? me non potuisse Milonis salutem tueri per eosdem, per quos nostram ille servasset? At in qua causa non potuisse? quæ est grata gentibus; à quibus non potuisse? ab iis, qui maxime P. Clodii morte acquieverunt; quo deprecante? me. Quodnam concepit tantum scelus? aut quod in me tantum facinus admisi, iudices, cum illa indicia communis exitii indicavi, patefeci, protuli, extinxi? omnes in me meosque redundant ex fonte illo dolores. Quid me reducem esse voluistis? an ut, inspeçtante me, expellerentur ii, per quos effem restitutus? Nolite, obsecro vos, pati mihi acerbiozem reditum esse, quam fuerit ille ipse discessus. Nam qui possum putare me restitutum esse, si, distrahor ab iis, per quos restitutus sum?

XXXVIII. UTINAM dii immortales fecissent (pace tua patria, dixerim: metuo enim, ne scelerate dicam in te, quod pro Milone dicam pie) utinam P. Clodius non modo viveret, sed etiam prætor, consul, dictator esset, antequam hoc spectaculum viderem. O dii immortales, fortem & à vobis, iudices, conservandum virum! Minime, minime, inquit, imo vero pœnas ille debitas luerit: nos subeamus, si ita necesse est, non debitas. Hic cine vir patriæ natus, usquam, nisi in patria, morietur

rietur? aut si forte pro patria: hujus vos animi monumenta retinebitis: corporis in Italia nullum sepulcrum esse patiemini? hunc sua quisquam sententia ex hac urbe expellet, quem omnes urbes expulsam a vobis ad se vocabunt? o terram illam beatam, quæ hunc virum exceperit! hanc ingratham, si ejecerit! miseram, si amiserit! Sed finis sit: neque enim præ lacrymis jam loqui possum: & hic se lacrymis defendi vetat. Vos oro obtestorque, iudices, ut in sententiis ferendis, quod sentietis, id audeatis. Vestram virtutem, justitiam, fidem, mihi credite, is maxime probabit, qui in iudiciis legendis, optimum & sapientissimum & fortissimum quemque legit.

## S E N T E N T I Æ

*Uirpe est pro forti viro dicentem timere.  
Vir fortis de Reipubl: magis salute, quam de sua perturbatur.*

*Novitas terret oculos.*

*Cedendum tempori.*

*Inter vim armorum non est orationi locus.*

*Iustitia non est, quem reum sententiis iudicum tradiderit, eundem militum telis dedere:*

*Sapientia non est, temeritatem concitatae multitudinis auctoritate publica armare.*

*Nonnunquam unius privati iudicio de salute Reipubl: disceptatur*

*Miserum est, eos, qui spe amplissimorum præmiorum adausi sunt ad Rempubl: metu crudelissimorum exitiorum carere non posse.*

*Qui*

*Qui pro bonis contra improbos sentiunt, sis subeunda sunt tempestates & procella in fluctibus concionum.*

*Rebus ante præclare gestis ad criminis defensionem abuti non oportet.*

*Ab inimicorum audacia telisque vitam impune licet defendere.*

*Cum de occiso homine queritur, aut negari solet omnino esse factum, aut jure factum esse defenditur. Non sine causa fingitur, qui patris ulciscendi causa matrem necaverit, Dea sapientissima judicio fuisse liberatus.*

*Nocturnum furem quoquo modo, diurnum, si se telo defenderit, licet occidere.*

*Gladius aliquando nobis ad occidendum hominem ab ipsis legibus porrigitur.*

*Non modo justum tempus est hominis occidendi, verum etiam necessarium, cum vis vis defenditur.*

*Præstat periculose facere, quam turpiter perpeti.*

*Scelere soluti periculo sunt liberandi.*

*Gladios habere non liceret, si uti illis nullo pacto liceret.*

*Est hæc non scripta, sed nata lex, ut si vita nostra in aliquas infidias, aut latronum, aut inimicorum inciderit, omnis sit honesta ratio expedienda salutis.*

*Silent leges inter arma.*

*Non hominem occidi, sed esse cum telo hominis occidendi causa vetatur.*

*Qui sui defendendi causa telo est usus, non hominis occidendi causa telum habuisse, est judicandus.*

*Invidiosum est quemquam tantum habere potentia,*

*ut dicatur Senatus, non quod ipse sentiat, sed quod ille velit, decernere.*

*Propter magna in Rempubl: merita, debetur saltem mediocri in bonis causis auctoritas, Et propter officiosos labores nonnulla apud bonos grata.*

*Non est fugienda invidiosa potentia appellatio, dummodo ea nos utamur pro salute bonorum contra amentiam perditorum.*

*Quando sunt leges vel questiones de cade, vel de vi; opus non est instituere novam questionem.*

*Nulla vis unquam est in libera civitate suscepta inter cives, non contra Rempublicam.*

*Non est ulla defensio contra vim unquam optanda, sed nonnunquam est necessaria.*

*Multa fiunt à Republica quæ Rempubl: tamen vulnerant.*

*Nihil necesse est omnium flagitia proferre.*

*In confessione facti, juris tamen suscipi potest defensio.*

*Nonnunquam potest absolvi is, qui fatetur.*

*Qui non penam confessioni, sed defensionem dedit, is causam interitus quarendam, non interitum putavit.*

*Sæpe multa non personis ipsis tribuuntur, sed temporis.*

*Luctuosum est, quem immortalem, si fieri posset, omnes cuperent, ejus necessariam quidem mortem non expectari.*

*Non alio facinore clari homines, alio obscuri necantur.*

*Interst inter vita dignitatem summorum atque infirmorum*

morum: mors quidem illata per scelus iisdem & pa-  
nis teneatur, & legibus.

Non magis erit parricida, si quis consularem pa-  
trem, quam si quis humilem necaverit.

Summa est Reipublicæ perturbatio, si janua nos &  
parietibus, non jure legum & judiciorum tegamus.

Non exitus rerum, sed hominum consilia legibus  
vindicanur.

Minus dolendum est re non perfecta, sed punien-  
dum certe nihilominus.

Præstantes cives vel sua cujusque, vel Reipubl:  
fortuna saepe conservat.

Quamvis Princeps atrociter ferat, iudices debent  
fortiter judicare.

Non debet nostra gratia familiaritatibus contineri,  
qua late patere non possunt.

Consuetudines vitiosæ non possunt esse cum multis.

Illius potentia & gratia invidiosa est, qui, si quid  
potest, ex eo potest, quod ipsum Resp: conjunxerit cum  
multis.

In iudice nil querendum aliud, nisi justitia, gravi-  
tas, humanitas, fides.

Principum munus est resistere, & lenitati multitu-  
dinis & perditorum temeritati.

Si iudices eligendi sunt, eos, qui, quam contemnant  
populares insanias, dederint ab adolescentia sua do-  
cumentum, eligere decet.

Præficiendus est quæstionibus, qui lites juste, sapi-  
enterque disceptet.

Vi vincitur vis, virtute opprimitur audacia.

Hoc & ratio doctis, & necessitas barbaris præ-  
scri-

*Scripsit, ut omnem semper vim, quacunq; ope possent,  
à corpore, à capite, à vita sua propulsarent.*

*Boni nullo emolumento impelluntur in fraudem,  
improbi saepe parvo,*

*Leges injusta, & iniusta per vim, leges nominan-  
da non sunt, sed faces urbis, & pestes Reipubl:*

*Optandum est, ut eos habeat Resp: magistratus, qui  
audaciam improborum audeant, possintque confrin-  
gere*

*Inimici sunt fontes perennes gloriae bonorum &  
fortium virorum.*

*Augetur bonorum gloria frangendis furoribus  
improborum.*

*Nemo odit segetem ac materiam gloriae.*

*Civile est odium, improbos odisse.*

*Cuius domus oppugnatur, iure se potest ulcisci.*

*Solus virorum fortium cultus perterret inimicos.*

*Quod omnium gratia facere nolimus, velle non  
debemus cum aliquorum querela.*

*Timida & sollicita est ambitio.*

*Ambitiosi omnia, non modo qua reprehendi palam,  
sed etiam qua obscure cogitare possunt, timent, rumo-  
rem fictum, fabulam levem, perhorrescunt, omnium  
ora atque oculos intuentur.*

*Nihil est tam molle, tam tenerum, tam fragile, tam  
flexibile, quam hominum voluntas, qui non modo im-  
probitati irascuntur, sed etiam in recte factis saepe fa-  
si diunt.*

*Impunitatis spes caput audaciae est, & maxima pec-  
candi illecebra.*

*Improbissimus est, quem nihil deleat, quod aut per  
naturam fas sit, aut per leges liceat. Non*

*Non semper viator à latrone, nonnunquam etiam latro à viatore occiditur.*

*Incerti sunt exitus panarum, Marsque communis, qui saepe spoliantem jam & exultantem evertit, & perculit ab objecto.*

*Facti in equuleo questio est, juris in iudicio.*

*Servi sunt omni premio digni, qui domini caput defenderint.*

*Nullum premium satis magnum est benevolis, bonis, fidelibus servis.*

*Non tanti est vivere, quam non sanguine & vulneribus suis inimicorum mentem oculosque satiare.*

*De servis nulla questio est in dominum, nisi de incestu.*

*De servis in dominum quari indignum est, & morte ipsa tristius.*

*Magna vis est conscientia, & magna in utramque partem &c.*

*Cum de facto vel jure quaritur, sapiens iudex considerat facti rationem, presentia animi, defensionis constantia.*

*Non solum inimici male de fortibus viris loquuntur, & existimant, sed etiam imperiti.*

*Nonnulli aquo animo patria carent, cum sanguine inimici expleverint odium suum.*

*Vel cum aequitatis periculo salus Reipubl: est adferenda.*

*Cedendum aquo animo legibus.*

*In civibus optime de Reipubl: meritis, homines interdum non modo res praclarissimas obliviscuntur, sed etiam nefarias suspicantur.*

Vir

*Vir fortis cavet magis, quam timet.*

*Diligentiam, tota Republ: suscepta, nimiam nullam putare debemus.*

*Varia vite commutabilisque ratio, vaga volubilisque fortuna.*

*Vite inconstantiam qui non prævident, saltem experti debent cognoscere,*

*Judicium non est expectandum in ejus consiliis vindicandis, qui vel judicium ipsa tollit.* (solvere.

*Qui instituit questionem, ostendit licere reum Magistratus providere debent, ut judices intelligant, sibi licere contra populares insanias, quod sentiunt, libere judicare.*

*In statu populari, qui nimis amplecti plebem putantur, in suspicionem incidunt regni appetendi.*

*Nefas est collegæ Magistratum per seditionem abrogare.*

*Cupidis & avaris nulla lex, nullum civile jus, nulli possessionum termini.*

*Grave est & indignum, quemquam, domino inspeccante, extruere in alieno.*

*Frequenter ipso malorum usu obdurescit & percallet patientia.*

*Vota faciendâ sunt, ut se potius in externos, quam, in nostras possessiones sceleratorum furor immittat.*

*Sceleratorum furores quos nullis legibus, nullis judiciis frenare possumus, ferro sunt à Republ: cervicibus repellendi.*

*Compressa hominum licentia, cupiditatibus fractis, legibus & judiciis constitutis, salus adfertur Republ:*

*Dominante homine furioso cives jus perpetuæ possessionis habere non possunt.* Libe-

*Liberæ sunt cogitationes nostræ, & quæ volunt, sic intuentur, ut ea cernimus, quæ videmus.*

*In magno timore animos vivos afficeret, qui mortuus inani cogitatione percellit.*

*Qui id non negat, ex quo nihil petit, nisi ut ignoscatur, non dubitat id fateri, ex quo etiam præmia laudis sunt petenda*

*Non potest salus sua cuique probari.*

*Nihil est ingratius, quam letari ceteros, lugere cum solum, propter quem ceteri letantur,*

*Quorum futura est gloria, periculum quoque & invidiam suam esse putent*

*Nulla ei contribuenda laus est, qui id, quod conatur, sine maximis suis dimicationibus, se esse ausurum arbitratur.*

*Proposita invidia, morte, pœna, qui nibilo segnius rem defendit, is vir vere putandus est.*

*Populi grati est, præmiis officere bene meritos de Republ: cives: viri fortis, ne suppliciis quidem moveri, ut fortiter fecisse pœniteat. ( tuntur.*

*In gravi fortuna boni conscientia recte factorum nihil, Sol, cali, signorumque motus, & vicissitudines rerum, Deum esse testantur.*

*Nam in his corporibus, atque in hac imbecillitate nostrâ inest quiddam, quod vigeat & sentiat, & non inest in hoc tanto naturæ & tam præclaro motu.*

*Id circo Deum rogare non debemus, quia non apparet nec cernitur? perinde quasi nostram mentem, qua sapimus, qua providemus, videre possimus.*

*Deus aliquando aperit oculos ad scelera puniendâ.*

*Etsi sera, justæ tamen à sceleratis pœnæ exiguntur.*

*Qui*

*Qui corruptis iudicibus absolvitur, non absolutus videtur, sed ad insignem penam reservatur.*

*Exequias & supremi diei celebritatem concedere etiam inimici solent.*

*Nulla alio in loco mors sceleratorum lacerari debet, quam ubi vita damnata est.*

*Sape, qui misericordiam non implorat, multo adiuvandus est magis.*

*Timidos & supplices: & ut vivere liceat obsecrantes, etiã odisse solemus: fortes & animos os & se acriter mortis offerentes servare cupimus, eorumque nos magis miseret, qui nostram misericordiam non requirunt, quam qui illam efflagitant.*

*Charam debemus habere patriam, quoquo modo merita de nobis erit.* (malã careamus.)

*Si Republ: bona frui non licuerit, optandum, ut Fortes & sapientes viri non tam premia sequi solent recte-factorum, quam ipsa recte facta.*

*Nihil est prestabilius viro; quam periculis patriam liberare.* (num.)

*Gloria ex omnibus premiis, virtutis est amplissima. Magna est consolatio, amicis non defuisse.*

*Quaecunque amicorum fortuna fuerit, nostram ducere debemus,*

*Exilium ibi est, ubi virtuti non est locus.*

*Mors natura finis est, non pena.*

*Fortes viri sunt conservandi Reipubl:*

*Vir patriæ natus non debet à patria expelli.*

*Non est expellendus, quem omnes urbes expulsam ad se vocabunt.*



atus

dere

de-

dju.

ran-

cri-

nos

qui-

nodo

mus.

n, ut

i so-

atri-


num.


liffi-


du-


lsum

mtt















Wzrost 26 1/2 12

Waga 26 3/4

---

Summa = nie

Biblioteka Jagiellońska



stdr0026133

